


## Ils protocols da vischnaunca

### Ils protocols da vischnaunca dil 19avel tschentaner

Ils suandonts protocols da vischnaunca ein avon maun pil 19avel tschentaner:

matg 1838 – 1848  
1851 – 1856  
1860 – 1900



cun ils da **Rueras a Sedrun** e leu duei vegnir exponiu il Sontgissim, detg rusari e fatg messa solemma ed entochen che quella devoziun ei vargada, duei ei esser fira en tutta vischnaunca. Las sondas duei ei buca vegnir fatg la sontga messa avon las nov e las dumengias las diesch tochen ch'igl ei buca cargau ad alp.

Sin supplica da signur mistral Gieriet eis ei concludiu da schar per l'amur da Diu la pasculaziun per ina s.v. vacca al Geli Sievi.

Il medem di ei era concludiu da, sin venderdis proxim, vender quella lenna ch'ei menada giu dalla lavina enagiu igl **Uaul Surrein**.

### 1838, ils 4 da fenadur

Ei concludiu sin publica vischnaunca da cargar ad alp ils s.v. tiers, ton tiers d'armal sco nuorsas e cavals sin ils 16 dil meins present.

Igl ei schau per l'amur da Diu, sin dumandar da Joseph Maria Degonda, igl arvè d'ina s. *salva noria*, sco era alla Tina Monn, |Hoha|, il medem.

### 1838, ils 8 d'october

Eis ei sin vischnaunca, ariguard ils abscheids, cura che quels ein stai legi giu, sco era il pareri digl ludeivel obercheit. Igl abscheid dils 9 d'uost 1838 cuntegn nov pugns da recapitulaziun: Igl emprem pugn refusaus, 2., 6. e 7. medemamein; approbau ils pugns 3, 4, 5, 8 e 9. Davart la circulara dils 18 da settember 1838, denter il retg da **Sardinia** e cert cantuns, era approbau.

Il medem di eis ei era concediu in lenn a statalter Gion Antoni Curschellas, daus entuorn ora si igl **Uaul Niregl**, per far tetg suren in sontget, *Sontget dils Gedius a Sedrun*.

Era eis ei concludiu ch'ina cumissiun d'in per vischinadi, duei vegnir ensemble ton pli gleiti ariguard las fatschentas dalla questiun fatga, sco era per mirar co ins savess rugalar en ina megliera scola.

### Igl onn 1839

#### 1839, ils 7 da fevrer

Eis ei vegniu concludiu dil ludeivel obercheit davart ils clegers *tgisaders* dils mats, da schar sura a mintgin digl obercheit dil vitg, oreifer ei vegniu scharfamein scumandau da tener tschelau, sut castigt digl obercheit. Il cleger duei ver salari per mintga tgisa 30 x.

Nota da quels ch'ein vegni clamai ed admoni e censurai pervia da giugs ed ira entuorn la notg, 1839, ils 9 da fevrer: Josef Maria Monn, Deragisch, Paul Schmit, Hans Jacob Deflorin, vegl, siu fegl, Giachen Antoni Berther, signur sechelmeister Venzin, assistent regent, Gion Antoni Hetz, assistent Riedi, Vigeli Jacumet, Vigeli Soliva, Lorenz Schmid, Duri Biart, signur Mistral Venzin, signur sur Vigeli Venzin, signur sur Camenisch, Lucas Caveng, signur mistral Beer, signur mistral Gieriet, Giachen Martin Muggli, Sep Antoni Muggli, Sep Antoni Giacomet, Giachen Martin Giacomet, *tuts castigiai cun 1 fl.*

#### 1839, ils 9 da zercladur

Eis ei vegniu fatg ed approbau dalla ludeivla vischnaunca entras il pli da schar ira signur landrehter Aluis de Latour sin Cussegl Grond enstagl da signur mistral Venzin.

Era il medem di eis ei vegniu concediu al statalter da prender si dus cavals la stad.

Era il medem di eis ei vegniu schau al Deragisch per l'amur da Diu 3 fl. ch'el haveva brattau in s.v. cavagl. Il medem di eis ei vegniu concludiu e fatg che mintgin, che las classenas che vegnien fatgas da mir, duei vegnir pagau 30 x. *rizzers* la tschuncheisma, aber far urentar ch'ei seigi sufficient, e sch'ei fuss buca sufficient, duei mintgin esser sut castigt d'in ludeivel obercheit.

Era il medem di ei vegniu approbau da far fira sin il di da s. Antoni, *13 da zercladur*, entochen miezdi sco vidavon.

#### 1839, ils 25 da zercladur

Eis ei rut ora la malsogna dalla s.v. biestga. Perquei eis ei dau vischnaunca. Il medem di ei vegniu fatg scharfamein, che mintgin duei restar en siu liug, oreifer quels dil **Tgom** dueien puder vegnir giu **Pardatsch** per spuentar dalla malsogna, ils da **Pardatsch** ch'ein sauns dueien

puder ira si **Stavel Secs**. Las cauras da **Sedrun** e **Rueras** dueien vegin visitadas, anflond sanadad, dueien quellas restar da **Maun Sura**. Quei duei survir per otg dis ni entochen ch'ei vegin dau vischnaunca.

Il medem di eis ei vegin concediu la jarva per duas s. vaccas, ina a Rest Giusep Riedi, l'autra Muggli, muliner da **Gonda**.

Il medem di eis ei vegin concediu a Vigeli Giacomet da ruchegiar ina zona encunter pastira el vitg **Sedrun**.

### 1839, ils 31 da zercladur

Ha ina ludeivla vischnaunca fatg, che mintgin duei restar aunc otg dis en siu liug cun sia biestga nua ch'el ei. Las nuorsas dueien vegin pertgiradas enasi **Mut**. Quellas da **Maun Sut**; avon cargar dueien ellas vegin visitadas.

Il medem di ei vegin schau la jarva per l'amur da Diu a Franz Loretz.

### 1839, ils 8 da fenadur

Ha ina ludeivla vischnaunca concludiu, che mintgin ch'ei da **Maun Sut**, duei restar da **Maun Sut**.

Sin il venderdis da questa jamna duei vegin cargau, resalvond, tgi che ha da midar plaz duei far urentar ils tiers. Las nuorsas da **Maun Sura** dueien vegin urentadas ils 9 da fenadur. Ein elllas veginidas urentadas ed anflond malsogna, dueien elllas buca vegin cargadas. Las otras nuorsas dueien vegin cargadas ils 13 da fenadur.

Igl ei era il medem di vegini concediu che sche negin garegia, duei buca vegin dau vischnaunca da quellas varts pli.

Il medem di ei vegin concediu la jarva d'ina s. vacca al Gion Ludivic ed era a Menia Monn il medem.

### 1839, ils 25 d'uost

Eis ei vegini dau vischnaunca suenter il solit e concludiu da schar far fein a pastg ils 29 d'uost.

Il medem di eis ei fatg d'ina ludeivla vischnaunca da star cun las nuorsas mintgin nua ch'ellas ein.

Il medem di eis ei vegini fatg e concludiu da schar via l'alp da **Maighels** e **Surpalits** cun cundiziun da far pagar otg flurins dapli e quei per dus onns.

Il medem di ei concludiu e schau in lenn daus entuorn vid il tetg dil sontget *Sontget dils Gedius a Sedrun*, fatg mussar statalter Flurin Monn.

Il medem di eis ei vegini concludiu che statalter Flurin Monn duei ir enta **Nalps** e **Curnera** ad encuir nuorsas. Anflond duei el menar elllas en mauns al pastur, las spesas dueien ira sur il pastur.

Era il medem di eis ei vegini clamau ora duas scussiuns, ina da scarvon Gion da Breil e l'autra d'in dalla Lumnezia.

Il medem di eis ei vegini admoniu dils signurs geraus, tgi che spatli temps da notg, seigi da cazzola ni buca, vegin strufegiaus; igl ira cun fiug il medem.

### 1839, ils 24 da settember

Ei dau vischnaunca e vegini publicau, che mintga marcadont duei ver attestat da sanadad dils geraus.

Il medem di eis ei vegini mess substitut pil signur mistral Venzin, signur mistral Geriet.

Il medem di eis ei vegini fatg e dau lartg ils 4 d'october, resalvond ils tiers casa e las nuorsas e cauras. Quei ei manegiau mo ils tiers d'armal, cun la cundiziun ch'ei sto esser ina bialaura la dumengia. Suenter duei vegini dau vischnaunca cura schar ir ils auters tiers.

Il medem di eis ei vegini fatg, che mintga vischinadi duei vegin perina, nua schar magliar ils tiers da fiera, quei ei entelgiu mo quels che van a **Ligiaun**, ils auters dueien buca ver ils dretgs da magliar.

Era il medem di eis ei vegini publicau ch'ei seigi aviert encunter **Ursera** da mintga maun, oreifer che mintgin duei ver attestat da sanadad d'otg dis naven.

### **1839, ils 6 d'october**

Eis ei stau vischnaunca. Sin il di suenter eis ei dau lartg tuts tiers.

Il medem di ha la vischnaunca concludiu, che mintga vischinadi duei ver in um suenter siu plascher, che viseti ils tiers casa pervia dalla malsogna e per puder survegnir in attestat da sanadad.

### **1839, ils 27 d'october**

Ei vegniu legiu giu ils abscheids, ed ein buca vegni approbai.

Sin il medem di eis ei era concludiu da dar ora la lenna dada entuorn e ch'ei stoppi vegnir fatg rots da quater e quater. Cura ch'ils rots ein visai, duei vegnir notificau al signur mistral Venzin. Quel, cun aunc in per vischinadi, sco ei plai a mintgin da tarmetter, van lu en ils uauls, fan leu ils muns aschi ulivamein sco ei san e silsuenter vegn tratg ora cun la sort. L'entschatta da quei duei vegnir dada oradem ed en, suenter mintgamai aber duei vegnir dau il pli maneivel ch'ils vischins ein cunfinonts e per nuot. Silsuenter eis ei concludiu da prender ora intonta dalla pli biala denter tutta per il general, per punts ed aunc outras nizeivlas generalas caussas. Quella che vonza resta en bien dalla vischnaunca.

Sin il medem di eis ei concludiu d'ira giu il di suenter e cavar ora la via nova e quei exactamein.

### **1839, ils 10 november**

Eis ei dau vischnaunca e vegniu concludiu da trer la sort dalla lenna numerada.

Il medem di eis ei vegniu fatg, che mintga vischinadi duei puder prender era vid punts, numnadamein mintga punt siat lenns per punt ed era outras caussas generalas e quei metter a guvern.

Il medem di eis vegniu fatg d'ina ludeivla vischnaunca da turnar a dar in lenn per fiug gratis, sco vidavon, quei ei bein entelegiu, da dar la pli biala lenna d'aissas e slondas. Per numerar duei esser in gerau u il statalter cun in per vischinadi vitier, entochen gl'ei ventschiu, il Venzin ha rasau.

Il medem di eis ei vegniu fatg e schar orda maun, da dar als vischins da **Selva e Tschamut** quella lenna ch'ei vanzada egl uaul da **Selva** per baghegiar la tegia si **Surpalits**, ni auters particulars.

Il medem di eis ei vegniu dau in lenn da slondas al Gion Antoni Beer ed in al Giachen Andriu Hendri gratis. La lenna ch'ei vanzada ni che vonza duei restar leu.

### **1839, ils 24 da november**

Eis ei dau vischnaunca e signur mistral Venzin ha pretendiu da reparter quella lenna numerada suenter baghetgs cun aunc auters vitier, numnadamein signur scarvon Monn, signur Gion Andriu Berther, Sep Maria Monn ed aunc auters vitier e cetera, per quella fin. Sch'enatzagi duess pretender aunc ina gada suenter fiug, sche ha signur mistral Venzin protestau. Statalter Toni Berther ha pretendiu da far parter suenter fiugs cun aunc auters. Statalter Hans Giachen Deflorin, Giachen Andriu Schmet, Vigeli Giacomet e cetera ed aunc auters pretendan da far il pli. Igl ei vegniu fatg treis tscharnas, ina ei quella da signur mistral da parter suenter baghetgs, l'autra ei quella da statalter Toni Berther da parter suenter fiugs e la tiarza da signur Vigeli Monn da vender e prender ora vid scolas e fatg las tscharnas e pigliau il pli da dar in lenn per fiug. Signur mistral Venzin sedeclara, sin mardis che vegn, vegni el a pretender dil mistral ina scumandada. Sin quei sedeclaran signur Vigeli Monn, statalter Paul Venzin, statalter Beer e Flurin Venzin, ch'els mondien en neginas spesas.

Il medem di eis ei vegniu fatg d'ina ludeivla vischnaunca da vender la lenna ch'ei vanzada sin primavera.

### **1839, ils 8 da december**

Eis ei vegniu dau vischnaunca e fatg da saver che negin pauper duei suenter Daniev ir ord vischnaunca a rugar ni betlegiar.

Davart il mantener eis ei vegniu concludiu da trer ora ina cumissiun, quei entelgiu in per vischinadi cun il segnerfarrer.

## Igl onn 1840

### 1840, ils 9 da fevrer

Eis ei vegniu dau vischnaunca davart il pauperesser ed ei vegniu approbau il pareri dalla cumissiun, numnadamein ch'ils paupers dueien puder ira ina ga per jamma per casa e quei il venderdis e sonda, quei ei fatg mo ch'ils paupers veginen naven (*atras*). Davart dar la spenda, eis ei vegniu schau sura al segnerfarrer cun ils geraus ed ugaus, da dar suenter basegns. Il medem di eis ei vegniu concediu in lenn al muliner da signur scarvon Lucas.

### 1840, l'emprema dumengia d'avrel

Eis ei vegniu dau pleiv e vegniu priu si farrer e caplons per dus onns, suenter ils uordens fatgs igl onn 1838 da prender si mintga dus onns e confirmau tut, confirmau cun las *cundiziuns* che sur Vigeli Venzin dueigi pagar quellas spesas fatgas vid la casa, l'autra dar si tut giugs ed ustrias, malnizeivels ed autres caschuns scandalusas.

Il medem di eis ei vegniu mess calusters suenter igl uorden e mess Giachen Fidel Beer igl emprem, il secund caluster Rest Schmidt.

### 1840, ils 2 d'avrel

Eis ei vegniu legiu giu la bula dil papa, tarmess tier davart ils firaus ed ei vegniu repassau tals e qual, oreifer eis ei vegniu concludiu davart las sondas da far ils uffecis sco vidavon, aber sut negina responsabilitad.

Il medem di eis ei fatg davart il cargar ad alp, per uonn duei mintgin puder ira cun la sia biestga nua ch'el vegli, cul temps trer ora ina cumissiun, co serugalar da far ir odentuorn. Las nuorsas dueien veginir cargadas la mesada si la **Puzza**, l'autra part si **Nual e Mut**.

Il medem di eis ei vegniu pladiu il muser Gion Muser da pigliar talpas ed ei vegniu marcadau 3 bazs per talpa, quei ei bein entelgiu, el po pigliar en pastiras e praus, el duei esser obligaus, schi baul sco enzatgi cloma, duei el ira beinprest.

Il medem di eis ei vegniu purtau avon in pareri dil ludeivel obercheit da **Mustér** davart las femnas purtonzas illegitimas, senza bab, quellas dueien veginir castigadas, quei ei vegniu approbau.

### 1840, ils 10 da matg

Eis ei vegniu dau vischnaunca davart cu far ir ord ils praus las cauras ed ei vegniu il pli da far ira ils 11 da matg.

Il medem di eis ei vegniu concediu a statalter Vigeli Venzin da ruchegiar si encunter il siu baghetg la seiv vi **Surrein/Selva** cun la *cundiziun*, da schar ira sut prau entadem ton sco quei ch'ei ruchegiau pastira, senza donn e pregiudezi dils da **Selva**. Quei ei vegniu schau sura als signurs geraus ni il statalter.

Il medem di eis ei vegniu concediu la jarva per ina vacca al Bistgaun Sievi.

### 1840, ils 9 da zercladur

Eis ei vegniu dau vischnaunca suenter il solit, quei era Mardis Tschuncheismas, ed ei vegniu legiu ora igl obercheit da vischnaunca. Gl'emprem ei per salter vegniu confirmau Sep Maria Peder. Gl'emprem gerau ei confirmau signur mistral Venzin, il secund gerau ei vegnius mess Hans Giachen Beer, il tierz ei confirmau statalter Gion Bistgaun Monn. Ils cussegliers, gl'emprem ei vegniu confirmau statalter Hans Giachen Decurtins, il secund Martin Schmid, il tierz Vigeli Beer, il quart ei vegnius legius ora Hans Giachen Deflorin, il quint ei vegniu legiu ora Duri Monn. Cura ch'igl obercheit ei staus legius entras inspiraziun dil sogn spért, sch'ei il sogn spért restaus denter ina ludeivla vischnaunca, quei sto mintgin confessar, pertgei igl emprem gerau, quei ei signur mistral Venzin, porta avon, co ei veglien far cun quella lenna ch'era en questiun. Cheu ei vegniu dumandau entuorn ils meinis, entschiet tier signur mistral Venzin. Il meini da quel ei staus sco adina, in ton duei la lenna veginir pagada, il bia ni pauc remetti el alla vischnaunca senza pregiudicont negins dretgs, sco quei era stau adina siu meini. L'auter meini ei curdaus tier signur mistral Geriet e suenter detg il cuntrari adina da quei meini, d'era il siu meini, meini tier la pasch, da metter si 2 fl. per sort pregiudicont era negins dretgs. Ed aschia vinavon cun ils meinis ed igl ei vegniu perinamein concludiu da parter la lenna, dar

ina sort mintga quater fiug, pagond 2 fl. per sort e quei a tuts. Igl ei era vegniu s'entelgiu da far ira in ni dus digl obercheit e far numerar ella, en cass ch'ins enconuschess buca ils numers vegls, l'autra lenna che vonza, duei veginir vendida, era quella d'auters uauls duei veginir vendida.

Il medem di eis ei vegniu puspei disfatg il reparter en dus loghens las nuorsas e vegniu fatg d'ira silla **Puzza** cun tut las nuorsas e quei perinamein.

Schenghegiau la jarva per ina vacca per in a Degonda e Sep Antoni Deragisch per l'amur da Diu.

Il medem di eis ei vegniu concludiu d'ir a laver cumina vid il santeri in di per fiug.

Il medem di eis ei concediu als mats da prender en dus ni treis cavals silla jarva la stad.

#### 1840, ils 14 da zercladur

Eis ei vegniu dau vischnaunca, schinavon sco ei era la davosa vischnaunca concludiu da trer ora ina cumissiun davart sereular la stad ni far ir ora entuorn cun ils tiers. La cumissiun ei vegnida ensemens, ils signurs geraus cun in ni dus per vischinadi ed han projectau treis projects. In era quel da parter il **Nual**, era il pli, l'auter era da far ils uordens d'onn, tierz era da far mundar tut las pastiras da casa per in temps. Quels treis projects ein vegni purtai sin vischnaunca. Ord quels ha ei plaschiu ad ina ludeivla vischnaunca da parter sco avon dus onns ed il tener a casa eis ei schau sura alla vischnaunca. Il pli ei curdau da tener ina vacca per fiug. Igl otgavel Sontgilcrest ha mintgin saviu prender alp ed ei vegniu tratg la sort entras igl ulivar.

Il medem di eis ei vegniu fatg d'ina ludeivla vischnaunca, che enstagl puder prender en tiers, sco ils dus onns vargai, la primavera entochen s. Pierer e s. Paul, pagond 1 fl. per tier d'armaul, sch'eis ei fatg che mintga fiug duei puder pascular cun dus tiers per fiug entochen s. Pierer e s. Paul, 29 da zercladur, pagond 1 fl. per tier, aber bein entelgiu, negin dueigi puder prender in per l'auter. Ils auters tiers manedels duei veginir stau sco vidavon.

Il medem di, sin garegiar dil segnerfarrer, ha signur mistral Venzin purtau avon davart il schar en bara ils morts, ch'ei duessen buca schar en bara schiditg en quella combra nua che la glieud di paternos. Sin quei ha ina ludeivla vischnaunca sedeliberau e fatg, che dacheudenvi, schi baul sco il moribund ei spartius, sche duei mintgin esser obligaus da far urentar e lu metter en ina combra dapersei ni dar plaz, che la glieud sappien veginir a dir paternos, senza esser en quei liug ni combra, nua che la bara ei.

#### Quest ein las vischnauncas fatgas igl onn 1839

Il di da Sontgilcrest a **Rueras** entschiet e ventschiu igl onn 1840 il Sontgilcrest da **Rueras**. Meien atras las vischnauncas, sche vesa mintgin, sch'ellas ein buca persecuitadas dalla pasch ed aschia dundel jeu anavos a vus statalter ni statalters, che vus dueies buca mirar en fatscha, sonder rughei Diu, ch'el ditgi da far quei che dretg seigi, fagei lura suenter la vossa cunsenzia, sche vegenan ils persecuitaders buca far donn. Martin Schmidt, statalter da quei onn.

#### 1840, ils 28 da zercladur

Schinavon sco la davosa vischnaunca veva fretg d'ulivar sin igl otgavel da Sontgilcrest, sch'eis ei vegniu puspei dispetas denter la vischnaunca, schizun ch'ei han bess igl ulivar e turnau tals e quals a garegiar vischnaunca. Ils 28 da zercladur han ils signurs geraus dau vischnaunca ed ha plaschiu ad ina ludeivla vischnaunca da schar far per quei onn mintgin tgei ch'el vul. Sin quei patratga ina ludeivla vischnaunca, che quei possi buca valer e sin quei tuorna ina ludeivla vischnaunca a far in uorden. Quei uorden consista aschia:

Per uonn duei mintgin puder cargar nua ch'el vul, aber bein entelgiu, nua ch'el carga e stat pli che quater dis, dueiel stuer star tutta stad. Mintga alp ei schon stagiau con lunsch, quei ei d'anflar en ina brev egl archiv da vischnaunca. Cargau eis ei vegniu fatg da cargar ils 9 da fenadur. A casa duei mintgin puder tener ton sco ei plai, aber mintga vischinadi stoppi ira mo sut in pastur.

## Igl onn 1841

### 1841, ils 2 da matg

Eis ei vegniu fatg sin vischnaunca il pli da prender si il mustregia per quater onns, sch'el fetschi bien e pagaglia 3 bazs per liufa ed ei il Gion Balzart.

Eis ei era priu si per pigliar las talpas per dus onns e pagaglia 60 risculdis per onn.

Ei era schenghegiau gl'arvè per ina vacca al Sep Maria Hendry.

### 1841, ils 6 da fenadur

Ei concediu per l'amur da Diu gl'arvè d'ina vacca al Giachen Martin Schmet.

Al Balzer Curschellas eis ei concediu in sulom per in nuegl sin pastira pregiudicont negins dretgs ed ei era fatg da trer ora ina cumissiun per ils paupers.

Davart las alps eis ei fatg sco igl onn vargau.

### 1841, ils 24 da zercladur

Ei sin publica vischnaunca concludiu da far in auter uorden ariguard igl arvè, sco era ariguard las vaccas, che vegnan hanliadas las fieras da primavera, sco era ariguard il fein jester, che vegn paschentau ord vischnaunca.

Plinavon eis ei era fatg da far pagar il sur Vigeli quei ch'el ha cun dretg e raschun empermess ed ei obligaus alla vischnaunca. Paga el da bunaveglia ei bien, en cass cuntrari eis ei fatg da tener giu ni trer en da quei dalla caplania, quei vul dir, far scumandar a certs debiturs da quella, per sefar pagada la vischnaunca. Duess lura sur Vigeli cun tals metter en incaps, ei lura la vischnaunca responsabla persuenter.

Ei era concediu da schar carschentar empau ina truaisch sin pastira a Gion Antoni Curschellas, quei vul dir dador siu clavau tochen giu tier la punt da quel.

Ei peggiau il pli da buca schar vi l'alp.

### 1841, il november

Project ariguard igl arvè; tochen ils 13 da november eis ei schau liber e lartg senza pagar negin arvè. Da leu, dils 13 da november tochen ils 12 da december, mo quater tiers per fiug, pagond en quei interval 1 fl. per tgau. Da leu naven ei concludiu da schar vegin mo dus tgaus d'armentivs per fiug, pagond 2 fl. 30 x per tgau, bein entelgiu buca puder prender in per l'auter e ston esser agens cumpurai, auter sut negin pretext. Quels che han tochen s. Andriu tuts quater ni mo dus, pon tals lura suenter buca vegin en cun plirs. E tgi che counterfa a quei uorden, ei curdaus en igl arvè dubel ed aunc sut castitg d'in ludeivel obercheit.

Il medem di eis ei vegniu decidiu perinamein da far firau ils firaus cumandai entochen gl'ei vargau ils uffecis e quei ei la sontga messa.

Il medem di eis ei vegniu purtau avon davart fixar las uras. Quels firaus duei vegin fatg, cheu ei buca perinamein fatg, sonder il pli ei stau da far la sontga messa igl unviern las diesch, la stad las nov.

## Igl onn 1842

...  
4. Damai che certs particulars ein schon serugalai e schau tiers ad unviern, sch'en quei cass eis ei anflau per bien da schar letgas, pagar per tals igl arvè vegl, cun ver ils dretgs da prender en sco ils auters ni sch'ei vulan quintar tals en il diember da quels ch'ins po prender si, eis ei pigl onn d'uonn schau tier, sco era quels ch'ein cumpurai avon.

5. Ils vadials ch'han vargau las treis jamnas pagan igl arvè entir, 2 fl.

6. In che piarda in tier po en termin da treis jamnas substituir in auter dalla medema qualitat e buca in per l'auter.

7. Ils tiers manedels e vadials ei sco tier la partiziun dils sis onns, resalvond ils vadials, tgi che vul cargar, duei puder cargar.

8. Cavals duei negin puder prender en sut negin pretext, oreifer il cumprar per siu diever ei schau tier, numnadamein in cavagl e quels pagan arvè avon Daniev 3 fl. e suenter 8 fl. Mettend il cass che zatgi perdess in cavagl, sch'eis ei schau sura als geraus da fixar il temps pli liung da cumprar in auter.

9. Fein jester paga per uonn 1 fl. la tschuncheisma e sin Tschuncheismas proxima duei quei uorden vegin renovaus.
  10. Ei schau tier da schar hanliar ni cumprar duas vaccas per fiug, nunsebratond ni in per l'auter tochen la fiera d'Ursera e quellas pagan 1 fl. ina e da leu naven negin dretg dalla jarva.
  11. Tiers armentivs che veginan vendi da marcadonts jasters dueien buca esser privai digl arvè.
  12. Vaccas schetgas, ni genetschas pagan igl arvè entir, 3 fl.
- Las sura preposiziuns ni project ein d'ina ludeivla vischnaunca vegnidias approbadas.

### **1842, ils 3 d'avrel**

Eis ei teniu pleiv ed "einhelig" turnau a confirmar nies reverendissim signur sur decan *Giusep Antoni Hetz da Tschanut*, sco nies farrer e quei per dus onns. Segner sur Vigeli Venzin sco caplon a **Rueras** sco sura. Il medem di, essend la caplania da **Sedrun** vacanta, sche ha la vischnaunca priu si in pader dalla venerabla claustra da **Mustér** ed ordinau da tarmetter ora tier sia grazia in gerau cun il statalter ni in auter commember.

### **1842, il mars**

Ei sin vischnaunca entras il pli fatg e stabiliu ch'ils milissers dueien, da 1842 entschavend, stuer survir sis onns, e mettend il cass ch'en otg onns stuessen ils milissers fa igl "ausrücken" ed ei tuccass ils dus davos onns, sche per ils dus davos onns ei la vischnaunca obligada da far ina raschuneivla gratificaziun, suenter ch'ils otg onns ein spirai ei lura quella indemnisiuz calada si.

### **1842, ils 20 da zercladur**

Eis ei concludiu cul pli d'ulivar las alps.

Plinavon concediu la jarva da treis vaccas, ina per Gion Gieri Decurtins, l'autra per Martin Durschei e la tiarza per Crest Schmet.

Plinavon ha signur mistral Gieriet instanziau, sco "Schützemeister", la vischnaunca per in cert "Reisgeld". Ei aber cul pli refretg ad interim e mirar co otras vischnauncas secuntegnan, quei ei manegiau per ira a **Cuera** sin la "Freischieissa".

Plinavon concediu in sulom da casa giun **Cavorgia Sura**, senza pregiudezi d'in auter vischin, a signur statalter Sigisbert Monn.

### **1842, ils 3 da fenadur**

Ils 3 da fenadur eisi concludiu da cargar las alps ils 7 dil present.

Dapli eisi legiu giu ils uordens da vischnaunca ed ein vegni approbai tenor sco els ein screts. Oreifer davart il pinar lenna da fiug, eisi concludiu da schar pinar nuot ad interim, entochen la vischnaunca ha buca ordinau, co e tgei, quei vul dir, giud pei. Oreifer sch'ei fuss entgins che vessen per quei onn buca pinau, sch'ein tals obligai da cumparer avon igl obercheit cun lur sufficientas raschuns. Vegr ei lura concediu ed enconuschiu per raschuneivel, sche san ei lura pinar tenor sco ei vegn ad els lubiu.

### **1842, ils 21 d'uost**

Sin la ordinaria vischnaunca da s. Barclamiu, *24 d'uost*, eis ei cun il pli concludiu da schar segar ils cuolms damaneivel sin ils 25 dil present e fixau sin las 5 uras dalla damaun d'entscheiver.

Plinavon eis ei unitamein concediu in lenn d'aissas per pinar ora e reparar la casa a Giachen Antoni Berther per amur da Diu. Gl'ei fixau da schar mussar statalter Vigeli Beer ora sigl **Uaul Niregl** in daus entuorn, senza pregiudezi.

### **1842, ils 4 da settember**

Eis ei sin publica vischnaunca legiu giu la tarifa dils daners ch'ei vegnida remediada dil ludeivel Cussegli Grond igl onn present tenor sco la tabella tschontscha.

Plinavon eis ei concludiu cun il pli da far segar in ton las pastiras da vaccas tenor sco la cumissiun ha mess giu ed ei vegniu legiu giu sin vischnaunca publicamein.

## 1842, ils 25 da settember

Eis ei sin publica vischnaunca concediu da schar dar ina magliada la biestga dalla fiera da **Ligiaun** grad avon trer naven ed ei fixau da schar dar mintga vischinadi nua ch'el anfla per bien sin siu territori, per ils ses, aber adina manegiau senza donn dil particular. Plinavon eis ei era cun il pli refretg l'usitada vischnaunca da s. Michel, 29 da settember, entochen sin la proxima dumengia.

## 1842, ils 2 d'october

Eis ei sin publica vischnaunca fatg da schar lartg tut ils tiers dallas pastiras. Ils tiers casa dueien esser sufficientamein enferrai e mess en nuegl la notg entochen ch'ils truffels ein cavai ora e per quella caschun po mintgin pindrar quels tiers per 16 xr. la gada. Il di da lartg ei fixaus sin ils 4 dil present.

Dapli eis ei concludiu cun il pli da buca schar ira naven cun nuorsas entochen ch'ellas ein buca zavradas e ligiadas ed entochen ch'ils geraus e statalter dattan buca lubientscha. Allura dueien ils emprems puder vegrir, quels che vegrnan neu dallas punts, suenter quels che van digl **Uaul Surrein** ora e suenter quels che van da **Plaun Miez** en, mintgamai in suenter l'auter.

Dapli eis ei legiu giu las cunternodas da nov nuorsas ch'ein stadas enta **Nalps** ed ein vanzadas a **Mustér**.

## 1842, ils 4 da november

Eis ei sin publica vischnaunca legiu avon ils abscheids dil Cussegl Grond ed ein vegni approbai tenor pareri d'in ludeivel obercheit grond.

Dapli eis ei schau lartg da vegrir ord schetgas frias cun lenna ch'era vendida vidavon, cun la precisa cundiziun da far da saver al signur Gion Andriu Berther, avon il co e tgei e nua.

Sin il medem di eis ei era sedeliberau ariguard igl arvè digl onn present, numnadamein, che tgi che vegr en cun tiers suenter la fiera da S. Martin, 11 da november, sto pagar 20 xr. il tgau per meins. Gl'ei manegiau tochen calonda matg, da leu naven eis ei manegiau da serrar, sch'ins vesess che las pastiras vegrissen memia fetg engraviadas, dasperas eis ei aunc fatg, che tgi che va ord vischnaunca a cumprar fein e passenta ora quel, ei era obligaus da pagar 20 xr. il tgau per meins suenter temps.

## Igl onn 1843

### 1843, ils 19 da fevrer

Eis ei concludiu cun il pli sin vischnaunca da trer ora ina cumissiun entras ils signurs geraus, ariguard ils decrets da cumin, per mirar atras e considerar quels suenter il beinmanegiar da quella e quei ei daventau sin ils 20 dil present.

### 1843, ils 2 d'avrel

Eis ei stau vischnaunca davart il pauperesser ed ei sin publica vischnaunca concludiu da star tier quei ch'ei schon stau fatg vidavon e da rispunder als da **Cuera**, che nus seigien buca tals sco ei han manegiau, d'haver fatg nuot davart il pauperesser.

Davart il mustregiar ils tiers casa ei schau sura al signur mistral Venzin da tarmetter a **Domat** per in tal ch'era serecumandaus per quei uffeci.

Dapli davart il muser, da salvar il Gion Balzart per quest onn sin l'emprova e ch'el duess praticar pli «flissi» il lur mistregn che quei ch'el ha praticau quels onns vargai.

### 1843, ils 23 d'avrel

Eis ei fatg d'ira ord ils praus cun ils tiers casa sin ils 24 dil present. Las nuorsas eis ei schau sura als signurs geraus da schar fixar cura ir ord praus.

Davart igl arvè eis ei fixau igl arvè vegl da calonda matg envi, numnadamein da 3 fl. 50 xr. il tgau.

Plinavon eis ei fatg per quest onn da schar pinar giud pei neginas plontas da pegn per barschar. Mintgin duei sesurvire da ragada, *plontas sederschidas*, e cun schubergiar ils uauls; quei ei adina manegiau ils uauls cumins. Sch'in ni l'auter duess resgiar ni far ora ragada dapli che quei ch'el pudess trer en quest onn a casa ni schar autra lenna per las vias ni uauls entuorn, sche duei

esser cumin, che mintgin duei puder cargar e trer a casa e duvrar per agen.  
Dapli eisi concediu da ruchegiar in sulom d'in nuegliest a statalter Gion Antoni Casperin sin  
**Cavorgia Sura** senza pregiudezi d'in auter particular ni vischin.

1843. ils 23 de aorel Eysci faitg de via ord ils praus ils tiers casa  
fin ils 24. dil present las nuorsas eysci <sup>can</sup> schan pura agli Singri  
Giraus de schar piccar cura ora dils praus, Dapli davart il orve  
eysci sicceau il arve veily de cabon da magia en vi nonn nadameing  
de f. 3. x. 50. il tgi au; Plinavon eysci faitg per quest on de schar  
pidaer giut poi naganas plontas de peing per bishar. mintgin deigi  
sejuni de rians e con fabergian ils nauis quei ei adina menegian  
ils nauis cumins sche in ner lauter daef regiari ner far ora  
riada Dapli che quei del poder ferer en quest on acasa ner schar  
autera lena per las vias ner nauis en suorn sche deigi eysci  
Cumin che mintgin deigi poder Cargar e ferer a Casa e Inocvar per  
agien, Dapli sei confidiu de recigiar in sulom de in nuegliest  
agli <sup>He</sup> Gion Antoni Casperin sin Cavorgia pura senza proguada  
de in auter particular ne vaspin

#### 1843, ils 5 da matg

Signur statalter Vigeli Beer ha rendiu giu il quen menaus ed han unitamein approbau cun engraziament.

Suenter legiu giu ils uordens da vischnaunca ei vegniu midau, che spelar fein dueien mo ils paupers puder spelar e tgi che vul spelar duei dumandar e salidar els, per schar enconuscher sch'in tal audi ella classa dils paupers. Aber ei duei vegnir entschiet a spelar buca avon la fiasta da Nossadunna d'uost e quei tenor igl uorden en ils loghens fixai.

Dapli eis ei schau tier da prender en dus s.v. per la cumpignia da mats.

Dapli eis ei concediu la jarva per ina s. vacca a statalter Jacob Martin Bearth, ina a Pieder Giger, ina a Cresenzia Monn; dapli ina a Hans Jacob Berther e quei per l'amur da Diu.

Dapli eis ei concludiu da sin ils 6 da quest meins, far ina lavur cumina da schubergiar las vias e zuar en l'entira vischnaunca.

Sin proposizion u lamentaschun, ch'ils da **Tschamut** prendien si tiers avon che dretg e pasculeschien sin pastira da vischnaunca sco quels che gaudan lur fein da **Tschamut** leu enasi e maglien lur pastiras dalla vischnaunca sco davart las nuorsas dalla stad. Eis ei concludiu gl'emprem ed ordavon dumandar giu la brev dils da **Tschamut** e cura ch'igl obercheit da vischnaunca vegn ensem cun aunc trer tgi che quel vegli e da leu anora refar ina proposizion alla vischnaunca.

Dapli concludiu da metter tiarms en **Val Giuv** denter pastira da vaccas e da cauras per amur dil segar fein a pastg.

Dapli eis ei vegniu mess en tiarms da **Scharinas** en ed ora denter prau e pastira, il medem era oragiu **Tschuppina** encunter **Sudada**, sco era aunc en auters loghens, nua ch'ei vegness garegiau e quei ei schau sura als geraus da numnar leutier tgi ch'els anflan per ad els adequat. Concludiu plinavon che negin possi pli pinar lennas ord schetgas per seivs generalas, seigi per

scolas ni spirituals.

Ariguard ina questiun davart tiers ch'ils pursanavels da **Maighels** havevan priu en enta **Maighels** la stad, ils quals havevan dalla vischnaunca buca jarva per la stad, eis ei concludiu che quei eri fatg senza dretg. Tonaton, per il vargau eis ei mirau tras la detta. Dacheudenvi possi negin pli far semegliont.

Dapli concludiu da ruchiar ni carschentar empau in sulom enta **Plaun Miez** encunter pastira a Gion Flurin Riedi.

Dapli concediu in sulom, zuar sin prau giul **Busch**, a statalter Joseph Antoni Muggli. Finalmein concludiu da tschintschar cun signur sur Camenisch per mirar sch'el vegnessi sco caplon a **Sedrun**, sch'el vuless absolut buca far scola e pagar 30 fl. e tegni buca ora outras essenzialas cundiziuns, sche dueien ils geraus allura sin dumengia proxima e ton pli gleiti dar pleiv per formalmein prender si quel.

### 1843, ils 11 da zercladur

Eis ei stau vischnaunca ariguard in mess dil Cussegl Grond, il signur landrehter de Latour, vegl, hagi detg giu ed ei da nossa vischnaunca vegniu nominau il signur landrehter de Latour, giuven, per quest onn.

Dapli concediu la jarva d'ina vacca a Gion Gieri Decurtins.

### 1843, ils 15 d'uost

Eis ei sedeliberau cura schar segar fein a pastg el **Cuolm Ault** ed era el **Cuolm Bass**, ed ei entras il pli concludiu da schar segar egl **Cuolm Ault** ils 21 d'uost, ed el cuolm damaneivel diesch dis suenter s. Barclamiu, 24 d'uost.

Dapli eis ei entras mistral Venzin purtau avon ina ludeivla vischnaunca, co ins vegli far cun ils "abersacs" dalla milissa per puder rabbitschar aunc inagada ensemens.

Ei concludiu che tgi che hagi "abersacs" dalla milissa, dueigi purtar en termin dad otg dis en casa da Gion Andriu Berther, il giuven. Tgi che porti aber en quei fixau termin ed in survegni, stoppi pagar 5 fl. ed ils milissers dueien mai salvar tier sesez, auter ch'ils dis, ni di ch'ei ston sepresentar sut inspecziun.

### 1843, igl 1. d'october

Per la dumengia dil sogn Rusari ei stau radunau la ludeivla vischnaunca per sedelibarar cura dar lartg ils s.v. tiers ed ei concludiu da refierer entochen la perdananza da **Rueras** 2. dumengia d'october.

### 1843, ils 8 d'october

Per la perdananza da **Rueras**, suenter esser stau radunau la ludeivla vischnaunca, ha signur mistral Geriet purtau avon cura che la vischnaunca anfli per bien da dar lartg ni schar ira ils tiers per ils praus. Ei concludiu entras il pli da dar lartg tut ils tiers per ils praus ils 9 d'october, cun quella clara cundiziun, che tuts tiers da casa, dueien esser enferrai sufficientamein. Anflond tals tiers nunenferrai, possi mintgin pindrar ed hagi treis bazs pindrada per mintga tier il di e la notg aber sis bazs per mintgin.

Dapli eis ei vegniu legiu giu ch'il signur Caprez, giuven, seigi ugadaus ed hagi per ugau signur Cristian de Latour,

Dapli seigien pliras scussiuns, las qualas vegnan fermadas vid la preit sin **Cadruvi**, per raschun ch'ellas seigien dalunsch da nus e cun quei ei stau finiu.

### 1843, ils 29 d'october

Suenter esser stada radunada la vischnaunca ei vegniu purtau avon, ch'ei seigi da sedelibarar sur dils abscheids e pugns da recapitulaziun, ils quals eran vegni screts ora 1843 entras il Cussegl Grond ed ei scret ora tschun pugns. Suenter esser stau legiu empau ils abscheids eis ei vegniu garegiau da leger avon il pareri d'in ludeivel obercheit, il qual ei era daventau. Legiu avon punct per punct ed ei vegniu approbau il pareri d'in ludeivel obercheit, resalvond igl emprem pugn ei disapprobaus.

Sin il medem di eis ei sedeliberau co schar vegnir en cun s.v. tiers, cons e tgei far pagar igl arvè

ed ei entras il pli dalla ludeivla vischnaunca concludiu sco suonda e zuar per dus onns, che scadin possi libramein, entochen il di suenter la fiera da s. Martin *11 da november*, hanliar e veginir en cun s.v. tiers suenter plascher e zuar senza arvè, naven dalla fiera s. Martin duei scadin fiug puder veginir en cun dus tiers armentivs ni in cavagl en combi da quels dus tiers e sto pagar per scadin igl arvè alla vischnaunca 2 fl. per tgau, seigi ch'el vegni en baul ni tard cun quels. Ultra dil sura fixau, duei ei esser totalmein serrau e nunlubiu da puder veginir en cun pli grond diember che sco sura si detg per pascular las pastiras dalla vischnaunca. Era duei negin puder prender en in per l'auter ni sebrattar, mobein agen cumprau e quei sut neginas modas. Era eis ei entras il pli dalla vischnaunca stabiliu che sch'ei füssi entgins che vessen schon schau ord vischnaunca s.v. tiers ad unviern, possi scadin veginir en cun quels e pascular nossas pastiras en combi da quels dus tiers, ch'ei schau tier da comprar, pagond il sura fixau arvè, aschia era in cavagl en combi da dus tiers armentivs. Duess ei esser da quels che havessen schau ora ad unviern pli che dus, sch'eis ei era dau tier, che tals hagien la pasculazion, pagond igl arvè vegl ch'ei 3 fl. 50 xr. per tgau.

### Igl onn 1844

#### 1844, il schaner

Ha il signur mistral Venzin purtau avon ch'ei seigi cheu in cert che hagi da vender sprezzas ed el cun aunc ils signurs geraus e statalter regent cun auters vischins, hagien anflau per bien da dar vischnaunca per mirar, sche quella anflassi buca per bien da comprar in per grondas ni silmeinsenza contas pintgas. Duas pintgas veva el cun el e quellas vein nus salbau cheu, sche la vischnaunca vul comprar ni salvar. Suenter ver dumandau entuorn ils meinis, eis ei entras il pli concludiu da salvar quellas duas pintgas e da dar ordamaun als signurs geraus d'accordar per ina gronda e lura igl accord purtar sin vischnaunca e sappi quella lura quella prender ni buca, sco ella anfli per bien.

#### 1844, ils 31 da mars

Suenter esser radunada la vischnaunca, ha mistral Venzin purtau avon, ch'ei segi vegniu tarmess tier als signurs geraus ina brev pervia dil pauperesser. Suenter ditg sedispitar eis ei entras il pli scumandau d'ira a betlegiar als paupers per l'escha suenter calonda matg ed enteifer quei temps duei veginir dau in'auter uorden co trer via ils nos paupers.

Il medem di sco grad avon, ha signur assistent proponiu co la ludeivla vischnaunca duessi trer vi ils nos paupers e manegiassi da trer ora in um per vischinadi, quel duei ira entuorn casa per casa e dumandar mintgin, con el possi dar per gidar a trer vi ils nos paupers, prender quei per notizia e quei sin Gievgia sontga, ch'ei ils 4 d'avrel, rapportar ad ina cumissiun, la quala duei lura mirar e considerar, sch'ei seigi avunda per mantener nos paupers. Tier quella cumissiun ein numnai in per vischinadi, numnadamein per

Sedrun e Bugnei,	signur scarvon Monn
Gonda,	statalter Vigeli Beer
Camischolas,	statalter Thomas Beer
Rueras,	assistant Schmidt
Selva e Tschamut,	statalter Vigeli Venzin
Surrein,	statalter Lezi Mucli
Cavorgia,	statalter Joseph Antoni Mucli.

Era quels ston ni dueien ir casa per casa e prender per notizia tgei mintgin dat.

Il medem di han ils vischins da **Cavorgia** dumandau la vischnaunca, sch'ei concedessen ad els da schar pinar lenna per baghegiar ina casa da scola. Igl ei concludiu, ch'ei seigi ussa buca il temps da pinar lenna ed ei dueien spitgar entochen primavera, pertgei ils vischins sezs eran buca perina.

#### 1844, ils 5 da matg

Suenter esser stada radunada la ludeivla vischnaunca, han ils signurs geraus purtau avon cura la vischnaunca anfli per bien da mundar ils praus e far ir ora pastur. Ei pigliau il pli da far ir ils tiers casa ils 6 da matg, las nuorsas ils 7 e las cauras en otg dis suenter.

Il medem di ei il pegliatalpas, fegl da Gion Balzart, sepresentaus avon la ludeivla vischnaunca e dumandau, sch'ei veglien schar pigliar las talpas vinavon ni buc. Ei concludiu da schar pigliar aunc per in onn cun cundiziun ch'el seigi „flissis“ e pegli ora stediamein e schiglioc vegratgiu dil pagament sin d'atun.

Il medem di eis ei concludiu da far ina lavur cumina vid il **Drun** ed emplenir en la val e spargnar ina punt.

Il medem di eis ei concediu a statalter Paul Venzin da metter il siu baghetg si **Mulinatsch** sin in auter sulom, essend ius cun la lavina senza donn e pregiudezi d'in auter.

#### 1844, ils 28 d'avrel

Suenter esser stada radunada la ludeivla vischnaunca, ha statalter Paul Venzin mess avon, sco ugau dalla caplania da **S. Giachen**, co el hagi da far cun la cassa dalla caplania. Ella seigi en schliet uorden e sco ella seigi, sappi ins buca metter en caplon ed era digl iert seigi la seiv tut en tocca e stoppi dumandar la vischnaunca, co el hagi da far. Suenter esser stau dumandau entuorn, eis ei concludiu da schar ordamaun ad el e far rugalar. Quei ch'ils vischins sappien far, dueien ei far sco lavur cumina e spargnar las spesas e quei ch'ei stoppien duvrar meisters, duei vegratgiu pagau dalla vischnaunca anora.

Cun la medema tscherna eis ei dau ordamaun al signur gerau Lucas ed al gerau Gion Andriu Berther da far rugalar la stiva dil caplon da **Sedrun**, ton ch'el sappi star raschuneivlamein, spargnar las spesas quei ch'ei pusseivel, dil rest duei vegratgiu pagau ord il quen da vischnaunca.

#### 1844, ils 28 da matg

Suenter esser stada radunada ina ludeivla vischnaunca eis ei legiu giu il quen da statalter regent ed ei approbaus cun engraziament. Suenter eis ei legiu ora in ludeivel obercheit.

Cura che quel ei staus legius, sche ha signur assistent Schmedt, sco president dalla cumissiun pauperila, declarau quei che la cumissiun dils paupers hagi decretau per ils paupers, numnadamein da schar spelar fein, da buca schar betlegiar las perdanonzas, scumandau il cattar biemaun per Daniev, ed entras ina tscherna approbabau.

Suenter eis ei sin supplica da particulars concediu suloms per ils sequents baghetgs senza donn e pregiudezi dils vischins, Gion Antoni Hetz per far ina truasch, Vigeli Beer per ruchiar e puder reparar sia casa, il Gion Crest Monn enta **Pardatsch** per far inuegl ed ina tegia suren. Signur gerau Lucas concediu da schar ruchegiar per far si siu baghetg si **Milez** empau pli gronds.

#### 1844, ils 2 da zercladur

Ei sin vischnaunca concludiu da far tener ils bos entirs gronds e bials, quei ei ils geraus ed il statalter regent ed ei mess si premi in baz per vacca e las genetschas da tut la vischnaunca ed il premi duei vegratgiu repartius sin tuts quater bos entirs, sch'ei han la mesira. Sch'ei han buca la mesira, duei vegratgiu en bien dalla vischnaunca. Ils stiarls ston esser da mesira 7 quartas, ils mutgs  $7 \frac{1}{2}$  quartas, ils bos dua bratscha.

Il medem di eis ei concludiu da schar pinar in lenn per fiug per far slondas ni aissas per igl onn 1844. Dil rest eis ei scumandau da pinar lenna da pegr per barschar.

Il medem di eis ei scumandau da vegratgiu la primavera ni stad oragiu dils praus cun ils muvels, ni caschadas, sch'ei dess neiv, entochen ch'ein buca stai 24 uras ella neiv.

Il medem di eis ei lubiu d'encurir si miscalgias era en ils uauls da **Maun Sura**.

Il medem di eis ei concediu a Gion Antoni Balzart da ruchegiar in sulom per far ina zona. A Giachen Martin Schmedt ei era concediu da carschentiar in sulom per baghetg si **Liez**. Sep Antoni Deragisch ei era concediu da metter si in baghetg ora si la **Val Bugnei** sin in auter sulom per amur dalla lavina.

#### 1844, ils 18 da zercladur

Ei sin publica vischnaunca pegliau il pli da far far treis sprezzas grondas e las duas pintgas tenor igl accord fatgs cun il meister da quellas entras ils signurs geraus per il pagament da 750 fl. ed il pagament dallas pintgas remess alla vischnaunca.

Il medem di eis ei concludiu da pigl onn d'uonn, schar tener sin las pastiras da casa dus tiers ni in cavagl.

### **1844, ils 7 da fenadur**

Eis ei concludiu da cargar ad alp las s.v. vaccas e cavals ils 9 da fenadur, las nuorsas ils 10. Dapli eis ei concediu la jarva per l'amur da Diu e schenghegiau igl arvè per quellas a Sep Maria Degonda ina e l'autra a statalter Giachen Martin Bearth. Dapli eis ei concludiu co secuntener per beneventar il signur uestg, ed ei concludiu da tarmetter igl entir obercheit tier il gentar il di ch'ei vegn cresmau. Dapli ils signurs spirituals da nossa vischnaunca, ils signurs geraus, aber era igl emprem di tier la tscheina ed il di da retuorn era a gentar e pagau duei vegnir 2 fl. 30 x per persuna a quels ch'han il dretg da seser e quei per mintga past, ch'ei treis, dapli per il solver 30 xr. per persuna. Per il stallaz dils cavals 40 x. per cavagl, senza l'aveina ni dumiec, sch'ei vegn dau, e duei vegnir teniu in exact quen, ton sco pusseivel spargnar las spesas.

### **1844, ils 4 d'uost**

Eis ei perinamein vegniu concludiu da far ir il Walker en termin da 15 dis.

### **1844, ils 25 d'uost**

Eis ei entras il pli dalla ludeivla vischnaunca decidiu da refierer da schar ir el cuolm entochen ils 29 d'uost e quei cura ch'igl ei tuccau da stizzar las tschun.

Era eis ei vegniu dau ils dretgs a signur Lucas *Caveng* da schar cavar in puoz vil **Drun** senza donn e pregiudezi.

Sin quei medem di eis ei vegniu, entras il pli dalla ludeivla vischnaunca, concediu in sulom al fegl da Gion Balzart sil prau si **Mises Grond**.

### **1844, ils 10 da november**

Ein ils abscheids vegni legi avon ed ei vegniu il pli tenor pareri d'in ludeivel obercheit.

### **1844, ils 17 da november**

Entras esser stau pleiv sch'eis ei vegniu priu si signur caplon da **Rueras** signur pader Martin Andreoli, OSB Mustèr ed entras supplica dils vischins da **Rueras**, sch'eis ei vegniu concediu per dus onns il gentar da sogn Martin.

## **Igl onn 1845**

### **1845, ils 5 da schaner**

Ei vegniu radunau la vischnaunca e sedeliberau sur il project e lescha ariguard ils registers daus ora a **Cuera** igl emprem da december 1844, il qual ei vegnius refusaus suenter ditg ver sedispitau.

Il medem di ed onn eis ei vegniu mess en enconuschientscha alla ludeivla vischnaunca, tgei premis ei vegni ed era con ei vegni dau ord la cassa cantunala per augmentar fondos da scolas ruralas, ni per baghegiar casas da scola.

Plinavon eis ei il medem di ed onn vegniu legiu giu ina circulara tarmessa tier a nus dil president da nossa ligia, ch'ei Aluis de Latour pervia da dus "hinderves", che levan cumprar en da burgheis dalla ligia. Suenter haver dumandau entuorn, ei concludiu da refusar la supplica cun dir ch'ei hagi glieud avunda.

### **1845, ils 9 da mars**

Suenter esser clamau vischnaunca eis ei entras il pli fatg da far pagar 30 xr. per fiug per pagar las sprezzas ed obligau ils cauvitgs da trer en.

Sin quei medem di eis ei vegniu concludiu davart ils paupers da star da quei digl onn 1844.

### **1845, ils 24 da mars**

Ei concludiu dalla cumissiun pauperila, alla quala ei era schau sura da fixar tgei stir dar als da **Felsberg**, als d'**Igis** ed era zatgei a **Fürstenau**. Da dar als da **Felsberg** 50 fl., als da **Igis** 20 fl. u 4 talers, agl institut da **Fürstenau** 30 fl. Per pagar quei, vegn ei proponiu alla vischnaunca, essend che nus hagien in grond deivet, sche duess ei vegnir dau ora sin d'atun proxim sin mintga dus

fiugs in lenn ord schetga fria, ils pli gross e maltschecs ed allura duei mintga fiug che vul prender il lenn pagar 1 fl. e tgi che vul buca prender sto buca pagar e tgi che salva buca per sesez po era buca vender.

Dapli vegn ei proponiu da schar vegnir en sin la jarva cun 30 tiers per pagar las sprezzas e quei ei repartiu sin ils vischinadis sco suonda: **Cavorgia 2, Surrein 2, Bugnei 1, Sedrun 5, Gonda 3, Camischolas e Zarcuns 4, Rueras 7, Selva 2 e Tschamut 4.**

### 1845, il mars

Ha signur mistral Venzin legiu giu in pareri d'in ludeivel obercheit ariguard il salari per scriver en brevs da marcau e da pègn ed il pareri d'in ludeivel obercheit ei vegnius approbaus unanimamein.

### 1845, il matg

Ha statalter Sigisbert Monn dumandau ch'el vegli baghegiar casa sin territori dils da **Mustér, Cavorgia Sura**, e sch'el vegni ad esser vischin da **Tujetsch**.

### 1845, ils 18 da matg

Ha Giachen Andriu Hendry dumandau sulom niev sin siu prau ed igl ei concediu senza donn e pregiudezi.

Sin quei medem di eis ei era purtau avon davart far mundi nuorsas e cauras ed igl ei schau sura als geraus.

Sin quei medem di eis ei priu sil il Gion Balzart *pegliatalpas* sco igl onn vargau per 60 fl., aber far bien.

Sin quei medem di ei concediu al capitani dils mats jarva per dus cavals. Era concediu sis talers als da **Lucerna**.

Sin quei medem di eis ei davart lenna da fiug concludiu igl uorden d'onn 1844, in lenn per fiug.

Sin quei medem di ei era legiu il quen da statalter Giachen Venzin e cun approbaziun ed engraziament

### 1845, ils 22 da settember

Ei sin publica vischnaunca concludiu da schar via l'**Alp Maighels** persula, sch'ins sappi aber buca saver schar mo il **Maighels**, sche era schar il **Surpalits**.

Per il medem di ei concludiu da schar hanliar mintgin sco el per bien, cun schar vegnir en cun tiers entochen ils 12 da november.

### 1845, ils 5 d'october

Ei concludiu da dar lartg per ils 8 d'october e zuar tut ils s.v. tiers. Ils tiers casa dueien aber esser sufficientamein enferrai e la notg metter en nuegl, en munconza da quei po mintgin pindrar e la pindrada ei 20 x. per gada senza esser ... *buca legibel*.

### Conclusiun ariguard il dar ora lenna ord schetga fria anno 1845

Ei concludiu davart d'ina ludeivla vischnaunca da dar mintga dus fiugs in lenn ord las schetgas frias per il pagament da 2 fl. per lenn a tgi che retscheiva e zuar sin la sequenta moda: A **Selva** e **Tschamut** in tons a **Carmihut**, o la **Gonda** ed in tons si dadens **Clavau Sura**. Als da **Rueras** vi las **Paluttas** 10, sigl **Uaul Flurin** 10 e 4 sigl **Uaul Malamusa**. **Zarcuns** e **Camischolas** sigl **Uaul Camischolas** sut il prau e dadens da quels dai entuorn. **Gonda**, **Sedrun** e **Bugnei** egl **Uaul Surrein** 10, **Uaul Niregl** 8 e **Uaul Bugnei** 15. Als da **Surrein** vegn dau egl uaul dalla **Rieda** e **Val da Claus**

### 1845, ils 19 d'october

Eis ei vegniu concludiu sin publica vischnaunca da schar hanlegiar s.v. tiers suenter lur plascher entochen suenter il marcau da Numnasontga e la dumengia suenter dar vischnaunca. Il medem di ein ils signurs geraus e statalter seddeclarai ch'ei tegnien buca s.v. bov entir, sut tetel da gerau ni per obligaziun.

Plinavon eis ei vegniu concludiu il medem di da far tener ils da **Maun Sut** ed ils da **Selva e Tschamut** in s.v. bov entir per liug e la vischnaunca ha sededclarau da pagar 6 fl. 44 xr. per liug.

### 1845, ils 8 da novembre

1. Ei vegniu legiu giu ils abscheids sin publica vischnaunca ed ei pigliau il pli d'approbar il pareri d'in ludeivel obercheit.
2. Dapli ariguard ils arvès. Ei concludiu che dad oz naven duei schar vegnir en cun dus s.v. tiers per fiug e buca puder prender en in per l'auter e per quels pagar arvè alla vischnaunca 30 x. per meins il tgau ed in cavagl per dus tiers e pagar arvè 8 fl. Aber adina mo suenter temps.  
NB. Dad oz naven tochen gl'emprem da schaner 1846 vegr quintau mo per in meins ed aschia pagar tochen lura mo 30 x. Igl ei era el medem temps concludiu che tut stoppi quels tiers, ils quals el catscha en vischnaunca, dar en als cauvitgs e zuar il medem di, el cass cuntrari croda il surpassader en castitg d'in ludeivel obercheit e duei pagar igl arvè dubel. In s.v. vadi paga mo 20 xr. per meins.
2. Per fein jester ei concludiu, che tgi che cumpri quel ord vischnaunca, stoppi a quella pagar 1 fl. per scadina tschuncheisma, era il medem quels ch'han praus per tscheins ord vischnaunca, tgi ch'aber ha siu agen funs paga mo 30 x. per tschuncheisma.
4. Ei concludiu che tuts s.v. tiers da marcanzia, che vegr hanlegiai digl emprem da fevrer 1846 naven, dueien restar amauns dil vendider u a quel che ha quels tochen leu envernau quels primavera e stad.  
NB: Ina s.v. vacca u mugia per diever, dueien buca stuer vegnir suenter alla sura conclusiun, ni ina vacca.

### Igl onn 1846

#### 1846, ils 8 da fevrer

Suenter esser clamau vischnaunca eis ei vegniu proponiu da tarmetter a **Mustér** tiel cussegli pervia da secusseglar co tener cumin; tier ils signurs geraus aunc signur mistral Gieriet, signur Stiafen Schmet e signur gerau Hans Giachen Beer.

#### 1846, ils 5 d'avrel

Suenter esser vegniu clamau pleiv eis ei cun il pli vegniu priu si il segnerfarrer per dus onn per nies farrer. Il medem di eis ei vegniu priu si il segner sur Vigeli Venzin per caplon da **Sedrun** per dus onns cun la cundiziun, ch'el miri che la scola vegni fatga a **Sedrun**.

Il medem di eis ei era sin vischnaunca vegni legiu giu ils abscheids pervia dallas viasfier ed ei pigliau il pli da star vida quels.

Il medem di eis ei era vegniu concludiu da vegnir ensem en cumissiun pervia dallas alps sin Gliendisdis Pastgas.

#### 1846, ils 19 d'avrel

Suenter esser clamau vischnaunca eis ei concludiu cun il pli, che sch'ei vegni rebassau il sal, da schar per treis onns quei rebass vid las vias.

Dapli eis ei concediu in sulom al Vigeli Beer sin siu prau.

#### 1846, ils 3 da matg

1. Suenter esser clamau vischnaunca eis ei vegniu fatg cun il pli, dalla stad sparter ils schetgs dallas vaccas e silsuenter ha ei dau grondas murmuraziuns pervia dallas tschnaras.
2. Plinavon eis ei surdau als dus frars Balzart da schar pigliar las talpas per il prezi dils onns vargai, cun la cundiziun ch'ei fetschien meglier, che quei che han fatg entochen ussa.
3. Eis ei schau sura als signurs geraus da schar accordar per plirs onns cul spazzatgamin.

#### 1846, ils 7 da zercladur

Suenter esser clamau pleiv eis ei cun tutta perinadad vegniu priu si per nies pastur ni farrer il segnerfarrer da **Schlans**, sur Giusep Antoni Durgiai, Mompe-Tujetsch, ussa presents e quei cun tutta perinadad.

2. Eis ei legiu giu il quen da statalter Giusep Maria Monn ed ei vegnius approbaus cun engraziament e sinquei legius ora per tierz gerau.
3. Eis ei vegniu renovau igl obercheit, per gl'emprem gerau signur mistral *Gion Cristian Venzin*, Lucas Caveng e statalter Sep Maria Monn. Ils auters ils medems, resalvond Paul Giusep Schmid.
4. Eis ei vegniu proponiu alla ludeivla vischnaunca davart barschar caltschina. Fatg accord cun Paul Schmid, Sep Antoni Muggli, Gion Antoni Curschellas e Thomas Monn, da mantener caltschina per treis onns cun auters vitier che vulan esser en societad ed ein s'obligai da dar als vischins dalla vischnaunca ed alla vischnaunca per in taler il salmè, in salmè ei otg mesas brel. Dapli ei la vischnaunca s'obligada da baghegiar il fuorn e dar in lenn ord schetga fria per mintga fuorn als soziai. Quella caltschina che mass buca si, ei la vischnaunca s'obligada da prender.
5. Eis ei vegniu concediu da dar als mats 30 fl. e lura buca prender en cavals.
6. Eis ei vegniu concediu da schar ruchegiar in sulom a signur mistral Gieriet si **Milez** ed al Gion Antoni Curschellas da schar ruchegiar era il medem ni in sulom ora si la **Val Bugnei**, era da schar ruchegiar in sulom si **Milez**, signur Hans Giachen Beer.
7. Ei surdau a statalter Hasper Beer ed a statalter Vigeli Beer, ch'els dettien uorden vid la lavur dil **Drun**.

### **1846, ils 21 da zerladur**

1. Eis ei sin publica vischnaunca vegniu concludiu cun tutta perinadad d'ira ils 23 da quest cun processiun a **Mustér** tier la Mumma dalla misericordia.
2. Eis ei concludiu cun il pli d'ir a vender lenna che seigi senzanua dau entuorn e quei sin ils 27 da quest meins.
3. Eis ei concludiu da mirar ch'il resti dil signur farrer vegni rabbitschaus si e quei sin quen dalla vischnaunca, aber adina spargnar la spesa, quei ch'ei pusseivel.
4. Eis ei concediu in sulom a statalter Toni Berther, sin siu prau leu sper casa, cun la cundiziu ch'el fetschi il nuegl da crap.

### **1846, ils 12 da fenadur**

Suenter esser stau clamau vischnaunca eis ei sin publica vischnaunca vegniu concludiu da metter en tiarms giun **Caschatschas** denter il prau e la pastira.

### **1846, ils 23 d'uost**

Suenter esser clamau vischnaunca eis ei vegniu concludiu da schar ir el cuolm damaneivel ils 31 da quest meins ed entscheiver a segar las tschun dalla damaun. Eis ei vegniu concludiu da tarmetter signur mistral Gieriet tier signur mistral regent pervia da far arver il pass encunter ils d'Uri.

### **1846, ils 8 da settember**

Eis ei sin publica vischnaunca vegniu concludiu da schar segar ils cuolms, quei ei sco ora sil la **Val Bugnei**, **Pala Gronda**, **Cuolm da Vi**, **Sut Tscheinghels**, **Crappa Grossa**, la pastira da **Camischolas**, las **Caglias**, **Culmatsch**, **Bruis**, las **Vals da Surrein**, era si sur **Plaun Miez**, la **Val Ruinatsch**, giu **Tscheimun**, las **Palius da Cavorgia**, las **Palas**, las **Palas dil Tgom** e la spunda dalla **Val dil Drun**. Quei duei aber vegnir stagiau ora da treis u quater umens numnai sin vischnaunca, ch'ein statalter Josef Maria Monn, statalter Hasper Beer e statalter Hans Jacob Decurtins ed in da **Maun Sut** leugiu ed in da **Selva** leuen e tuts quels fiugs che pon segar, duei vegnir repartiu aschi uliv sco pusseivel. Mintga vischinadi duei puder segar mo quei sco ei vegn stagiau e partiu. El medem temps eis ei era fixau, che mintga fiug che seprofitescha da segar, sto pagar 30 xr. en buorsa da vischnaunca. Ariguard la **Riva da Surpalits** eis ei era concludiu da schar segar sco ei vegn stagiau ora. Quei duei aber vegnir mess en ingant e schau a quels che dattan il bia ed era schar segar, sch'ei cunvegness per primavera ni vid stad che vegn.

Ariguard igl accord dalla caltschina staus fatgs cun particulars. Havend quels declarau, ch'ei seigi strusch pusseivel da puder star en da lur empermischun fatga, concludiu da schar liber

quels. Bein aber ha la vischnaunca concludiu, da dar in'entschatta cun far la via enta **Pardatsch** e quei sin quella moda: L'entschatta duei vegnir dada sin gliendisdis che vegn, ch'ei ils 14 da settember, nua che Jacob Martin Berther ha seddeclarau d'interpreter da mover, direger e cumandar e tener quen ils umens e fixar las uras con ditg ei stoppien luvrar. Quei vegn entschiet ella punt **Pardatsch** e fatg anora encunter **Nacla**, nua che mintga fiug ei obligaus da luvrar in di lavur cumina ed ira cura ch'ei vegn cumandau e star las uras ch'ei vegn fixau. Restis (*? ristials*), puorla ed auter vegn pagau dalla vischnaunca. Suenter duei allura vegnir rapportau sin vischnaunca, sch'ins vegli cunituar ella, ni buc.

#### 1846, ils 27 da settember

1. Ei vegniu tractau sin vischnaunca ariguard la serrada dils s.v. tiers pervia dalla malsogna encunter **Mustér** e **Medel** ed anflau per bien da schar serrau aunc per otg dis e lura mirar il resultat da quella.
2. Ariguard la via da **Pardatsch** ei concludiu da far ella tochen ora en vischnaunca e quei cun aunc entscheiver ina roda nova, aschilunsch sco quella tonscha ni fa basegns e quels che vonzan da quella roda, dueien esser obligai da ventscher ora ella vid la via nova da sut **S. Antoni** e quei sut direcziun digl inschignier Berther.
3. L'alp da **Maighels** duei vegnir laschada vi, sch'ei sa esser mo il **Maighels** persuls e nunsavend far quei era cun il **Surpalits** vitier, ed aschia duei vegnir dau cumissiun als da fiera, ch'ei vegni contractau sch'ei schabegi e quei sin approbaziun dalla vischnaunca.

#### 1846, ils 11 d'october

1. Ei vegniu tractau sin vischnaunca ariguard la serrada dils s.v. tiers, la quala ei stada fatga ils 27 dil meins vargau e zuar encunter las vischnauncas a nus confinontas pervia dalla malsogna dils tiers, il qual ei oz sin publica vischnaunca laschau liber, essend negins indecis da quellas varts avon maun, cun la cundiziun aber, che scadin che vegni en cun tiers, duei esser obligaus d'esser provedius cun in formal attestat da sandad dil liug, nua ch'il tier ei vegnius cumpraus.
2. Ariguard ils s.v. bos entirs. Nunvulend ils signurs geraus, sin neginas modas e maniera, seschar en da tener bos entirs, secartend tals, ch'auters fussen prostitui, sche ha la vischnaunca pigl onn d'uonn slargau, ton els sco il statalter da quellas grevezias e schau sura a mintga vischinadi da tener in per vischinadi, en tut la vischnaunca tschun bos, **Dadens gl'Uaul** in, **Rueras** in, **Camischolas** in, **Sedrun** in, da **Maun Sut** in, ils qualz dueien esser obligai da tener era per la stad, nua che pil temps da stad indemnisescha la vischnaunca per scadin ina dubla. Perencunter vegn il gentar da Tschuncheismas era ruts giu da maniera, che tgi che vul gentar duei pagar sez.

#### 1846, ils 25 d'october

1. Ei vegniu teniu publica vischnaunca ed ei vegniu tractau ariguard ils abscheids. Ei unanimamein concludiu d'approbar il pareri d'in ludeivel obercheit.
2. Ariguard ils arvès ei schau liber da vegnir en suenter plascher tochen il marcau da Numnasontga, inclusiv, e da leu naven pon ins vegnir en mo cun dus s.v. tiers per fiug, aber buc in per l'auter, cun pagar suenter temps 30 xr. per meins. Il fein jester paga 1 flurin la tschuncheisma, ei aber adina resalvau, sch'enzagti duess aber vuler cumprar fein e tiers ord vischnaunca, sch'eis ei surschau ad in ludeivel obercheit, a quels suenter temps e circumstanzias far pagar ni trer en censura.
3. Ha signur mistral Venzin purtau avon, ch'ei seigi ina societad, che vegli prender si per tscheins il crap, ni la gruoba da crap scalegl sil **Calmut** per sis onns, ei surdau ad el da cun quels corrispunder, ei aber adina entelgiu cun rapportar avon che serrar accord, alla ludeivla vischnaunca.
4. Ariguard ils uauls, ni la lenna ch'ei dada entuorn en las schetgas, ei concludiu che quella lenna, sco era quella che particulars han giu cumprau questa primavera, dueien restar eri, sco era il rabbitschar romas, seigi pauc ni bia, duei tochen l'emprema radunanza dalla vischnaunca restar nuntaccau.

## **1846, igl 1. da november**

1. Eis ei sin publica vischnaunca concludiu da buca vender la lenna dada entuorn, sonder quella duei sin primavera vegnir partida ora per nuot e spargnar da pinar autra.
2. Ariguard la processiun da s. Martin, eis ei sin vischnaunca concludiu, da schar sura al segnerfarrer cun ils geraus da far sco els anflien per bien, d'ira a **Mustér**, ni far tscheuen enzatgei bien, essend quei stau da vegl enneu ina processiun da devoziun d'engraziament a Diu per il bien retschiert.
3. Eis ei era concludiu da puder dar a Barclamiu Berther treis ni quater quaders dai entuorn per pagar.

## **1846, ils 8 da november**

1. Ei vegniu, sin garegiar dils vischins da **Rueras**, teniu pleiv ariguard il caplon da **Rueras**, pader Martin *Andreoli*, il qual ei per ils dus sequents onns unanimamein vegnius prius si. Ariguard ils 80 fl. ad el avon dus onns stai carschentai, ei schau sura al segnerfarrer, signurs geraus, cun trer tier ina cumissiun d'in ni dus per vischinadi, nua quels 80 fl. recavar, ni sch'ins vegli quels carschentar, u pli pauc u pli bia, sco las circumstanzias damondan, ni dattan tier, sco era en cass da basegns, co augmentar la caplania a **Sedrun**, tut quei aber, che quella cumissiun lavura ora, sto vegnir pertau sin vischnaunca, la quala ei patruna, ed approbar, ni disapprobar, sco ella anfla per bien. - Ei era concludiu da tarmetter tier sia grazia ina deputaziun.
2. Ei vegniu legiu giu il regulativ ariguard la duana a **Tavanasa** che appartegn il sal.

## **Igl onn 1847**

### **1847, ils 28 da fevrer**

1. Suenter esser stau clamau vischnaunca, eis ei vegniu plidau sur dils abscheids, quel dils „Fraischarers“ ei vegnius approbaus, l'auter davart schar serrar al Cussegl Grond, davart la sentenzia, ei disapprobaus.
2. Eis ei dau cumissiun als signurs geraus da sin l'emprema radunanza a **Mustér** dar part davart quella publicaziun dil "landver" disfar sch'ei sapo:
3. Eis ei vegniu concediu in lenn al Gion Benedetg da **Bugnei**.

### **1847, ils 14 da mars**

1. Suenter esser vegniu clamau vischnaunca, ei cun il pli concludiu pervia dallas alps, da turnar a star digl uorden digl onn vargau, resalvond far enqual remadura.
2. Eis ei vegniu legiu giu pervia dalla via da fier ed ei vegniu approbau.

### **1847, ils 2 da matg**

1. Suenter esser stau clamau vischnaunca eis ei concludiu da schar ira per barba entochen ch'ei vegn fatg vischnaunca da far mundi.
2. Eis ei concediu in sulom da baghegiar ina casa a Gion Hasper Jacomet giun **Cavorgia**.
3. Eis ei concludiu da far empristar 600 fl. sin quen dalla vischnaunca, per far vegnir graun per paupra glieud, aber mo per da quels che han da pagar, ni ch'ei ston metter ina segironza. Quels che vulan seprofitar da quei graun, dueien era dar en al signur mistral Venzin ni al signur Lucas Caveng en termin da dus dis. Quei graun duei aber era vegnir daus ora senza profit. Quels che vulan da quei graun ed han buca da dar ils daners ussa, ston era pagar il tscheins suenter temps per il capital ch'el drova.
4. Eis ei concludiu che las cauras ch'ein schadas ad unviern ord vischnaunca, possien ei schar pascular ils praus, ei aber fatg mo per uonn.

### **1847, ils 13 da matg**

Ei stau vischnaunca ed ei vegniu fatg mundi ils s.v. tiers casa e nuorsas sin ils 19 dil present. Ei era concediu la jarva ad ina vacca a Vigeli Beer, fravi, e Sep Antoni Quinter era ad ina e quei sin rugar per l'amur da Diu.

Era laschau vinavon per in onn il benefeci da pigliar talpas al Talianer vegl.

### 1847, ils 30 da matg

Eis ei vegniu legiu ora in niev salter, damai ch'il vegl Giusep Maria Beer, ei passaus tier la veta perpetna, e l'elecziun ei curdada sin statalter Casper Antoni Beer da **Sedrun** per in onn.

Plinavon ei il pareri proponius davart l'augmentaziun dallas scolas, sco el plaida, era vegnius approbaus.

Il medem di ha il statalter Vigeli Giusep Jacomet rendiu giu siu quen, menaus d'in onn ed ei dalla vischnaunca vegnius approbaus cun cuntentientscha.

Ariguard la biara lenna dada entuorn quest atun, ei ordinau da seprofitar da quella per baghegiar casas da scola, ni vid baghetgs dalla pervenda ed ei vegniu legiu ora in cussegli da scola consistent ord otg commembers: segnerfarrer ei president, statalter Vigeli Venzin da **Selva**, assistent Schmedt, ni signur mistral Gieriet, assistent Gion Rest Muggli, statalter Gion Andriu Berther, fegl, Hans Giachen Beer, signur scarvon Monn, statalter Lezi Antoni Muggli e quels ein obligai da secumparer aschi savens sco il signur president anfla per bien da radunar els e per lur fadiglia duei la pagaglia da Diu survir, quei ei gratis. Lur obligaziuns consistan, ch'els ston dar uorden, che las casas da scola, sco auters fatgs nunprovedi, che succedan ordlunder, tenor ordinaziun dalla vischnaunca, vegnien mess en effect.

Ei ordinau che enasi **Tschuppina** duei dacheudenvi buca puder vegnir pinau draussa per menar anoragi, mobein duei survir per quels dils mises, ni dallas alps e quei ei manegiau entochen oragiudem **Plaun Grond**.

Davart pinar lenna da fiug, duei star tiegl uorden digl onn vargau.

Conclidiu da conceder per l'amur da Diu la jarva per treis vaccas a 1. Gion Gieri Decurtins, 2. Catrina Schmedt e 3. Onna Maria Giossi, omisduas viewas da **Surrein**.

Davart ils bos entirs ei ordinau ch'ils vischinadis stoppien tener era la stad quels e che la vischnaunca contribueschi nuot leutier.

### 1847, ils 4 da fenadur

1. Eis ei sin publica vischnaunca vegniu conclidiu davart las lennas dadas entuorn, da per gl'emprem ira naven cun las lennas dallas casas da scola e per suenter serugalar cun quella che resta.

2. Eis ei era schau liber ils nursers da far maner si sper las nuorsas per uonn, mobein schar sco gl'ei stau usitau entochen ussa.

### 1847, ils 29 d'uost

1. Conclidiu sin publica vischnaunca da schar segar el cuolm entochen s. Mihel, 29 da settember.

2. Eis ei era conclidiu da metter en tiarms era si las **Gondas da Cuolm da Vi** ed il signur Hans Giachen Beer cun il salter dueien metter en quels.

3. Eis ei conclidiu da mirar da carschentiar la caplania da **Rueras** ton sco per la zavrada ed ei schau sura alla cumissiun da scola ni alla cumissiun pauperila nua recavar, aber adina cun approbaziun dalla vischnaunca.

### 1847, ils 6 da settember

Eis ei vegniu conclidiu dalla vischnaunca da far ir enasil **Krüzli** dus umens, statalter Hasper Beer e Vigeli Beer, per mirar, sch'ei fuzzi pusseivel da saver far via d'ir ora cun s.v. biestga, duess quei esser pusseivel, sche vegn ins suenter a far ir enasi umens, ton sco ei manegian ch'ei fetschi da basegns per runcar ora la via e per compensaziun da quei, che quels che van enasi in di a luvrar, vegni schenghegiau dus dis tscheu oragiу dalla lavour cumina.

Plinavon eis ei era proponiu dalla vischnaunca da tarmetter silmeins duas ni treis femnas per schar emprender da spindreras, cun seporscher da dar 20 fl. per ina, sch'ellas vulan ir, cun la cundiziun aber ch'ellas ston star en nossa vischnaunca e survir silmeins nov ni diesch onns.

Plinavon eis ei era conclidiu dalla vischnaunca da sacrificiar 50 fl. als pupratschs da **Fürstenu**, cun la cundiziun aber, che la vischnaunca prendi si neginas collectas auter, perquei che nossa vischnaunca ha schon siu quantum da pupratschs.

## 1847, ils 26 da settember

Eis ei vegniu teniu pleiv sur dil signur sur Lurenz Riedi ed ei vegnius unanimamein prius si dalla vischnaunca anora sco caplon da **Rueras**, sco era caplon da vischnaunca sut las cundiziuns sco quei ch'il sur pader Martin *Andreoli* veva, sco era cun la cundiziun, che la vischnaunca vegni a schar vegnir tier ad el, quei che savess purtar en duront che la caplania da **Rueras** ei stada vacanta, sco era eis el sedeclaraus, che sco quei ch'il pader Martin ha giu, vegnien ei era a schar vegnir tier a sur Lurenz Riedi.

Igl ei vegniu proponiu dalla vischnaunca anora, da vart dil „Schuolrath“ per augmentazion dalla pervenda da **Rueras**, ord motiv, ch'ella era vegnida deminuida entras l'aua, cun prender naven il prau dalla zavrada, da vender e metter en ingant, il **Trutg Lartg**, che cunfinescha cun il prau da **Craps**, sco era il rest dalla pastira, che schai dil maun da **Giuv**, entochen oragiu encunter il **Prau dils Clavaus** sut **Giuv** e zuar sut las sequentas cundiziuns.

1<sup>mo</sup>: Eis ei numnau dus, numnadamein signur assistent Schmet e statalter Gion Andriu Berther, il giuven, ils quals dueien prender en „Augenschein“ la sura numnada pastira e quella schazegiar sin il minimum e lura suenter lur bein manegiar metter en sorts u muns ed en gliez cass era terminar. Plinavon dueien quels dus medems signurs esser autorisai dil medem temps terminar cun ils proprietaris, che han il funs encunter quella pastira ed allura, suenter da quei esser fatg, cun l'emprema caschun rapportar alla vischnaunca, alla quala ei stat allura da fixar il temps cura metter en ingant, sco era con ditg schar en igl ingant. El medem temps eis ei era vegniu concludiu, che per meins prezi che sco la sura cumissiun hagi schazegiau quella pastira, buca dar ni vender.

Gion Antoni Monn, statalter en uffeci

## 1847, ils 21 da november

Eis ei vegniu teniu vischnaunca e concludiu dalla vischnaunca anora ariguard il schar vegnir en dus tiers per fiug e buca dapli, sco quei ch'igl ei stau il prezi gl'onn vargau e quei entscheiva il meins d'october 1847.

Plinavon eis ei vegniu mess si dalla vischnaunca anora 1 fl. 30 xr. la tschuncheisma per il fein jester che vegn cumpraus ord vischnaunca.

Davart la lenna eis ei vegniu concludiu, che negin particular possi comprar pli che per 10 fl. lenna, num ch'ei fussi negins auters compraders e quei ei vegniu fatg ord quei motiv, che tuts survegnien empau perin.

## Igl onn 1848

### 1848, ils 30 da schaner

Eis ei vegniu teniu vischnaunca e concludiu dalla vischnaunca.

1. Pervia dils abscheids, ha la vischnaunca concludiu da star vid il pareri digl obercheit.
2. Ariguard ils sventireivels dall'uiara, ha la vischnaunca concludiu da pagar 20 fl.
3. Eis ei vegniu concludiu dalla vischnaunca anora, d'aschigleiti ch'igl ei terrein, da metter en ingant e vender la **Rufna**.
4. Eis ei vegniu concludiu dalla vischnaunca da pagar pil baghetg dalla pervenda da **Rueras** 50 fl. ed en quel havess la calustaria da ver dretgs per miez il clavau, l'auter miez cun ils nuegls, s'auda al caplon.
5. Eis ei vegniu concediu dalla vischnaunca d'engrondir la resgia cun aunc baghegiar in mulin cun fallun, aber adina s'entelgiu senza donn ni pregiudezi dil tierz. Duess ei aber schabegiar ch'il **Drun** prendess in auter vau e ch'ils proprietaris della resgia stuessen ceder cun lur baghetg e sche la vischnaunca stuess dar in auter vau al **Drun**, sche hagien ils proprietaris della resgia ni mulin, negin dretg da far encunter il beinmanegiar dalla vischnaunca, nua puder menar il **Drun**.

Igl ei era sin la medema vischnaunca vegniu concludiu d'intercurir, tgi hagi dau la cumissiun da far giu il baghetg dalla pervenda da **Rueras** e quel scharfamein trer en censura.

## 1848, ils 12 da mars

Eis ei vegniu teniu vischnaunca ed approbau il pareri, numnadamein da schar sura alla vischnaunca da **Sumvitg**, qual schar leger ora en siu stagl da signur mistral regent. - Il medem

di eis ei era vegniu concediu a signur Lucas Caveng da schar baghegiar il mulin e resgia via encunter il rieven dil **Dulezi**. - Plinavon eis ei era decretau, che tgi che vess buis dil „Landtwehr“, metter amauns als signurs geraus.

Il medem di eis ei vegniu legiu ora per entochen Tschuncheismas signur mistral Gieriet sco emprem gerau. *Ils 8 da mars ei mistral Gion Cristian Venzin, emprem gerau, morts sin viadi sur Trun ella vegliadetgna da 55 onns..*

### 1848, ils 2 d'avrel

1. Eis ei teniu vischnaunca e concludiu dalla vischnaunca da schar il signur mistral Gieriet sco emprem gerau registratur.
2. Il medem di eis ei era schau sura als signurs geraus da marcadar cun in, il qual stoppi ir a **Mustér** per las brevs silmeins ina gada per jamna ed ei vegniu mess si in bluzcher per brev anen sco era anora.
3. Ariguard il substitut da gerau, eis ei concludiu dalla vischnaunca, da schar star da metter entochen Tschuncheismas 1848.
4. Ariguard la casa da scola, eis ei vegniu cumprau la casa da statalter Valentin Caveng per il prezi da 255 fl. cun la cundiziun da pagar la mesedad sin d'atun proxim 1848 senza tscheins, l'autra mesedad sin igl onn suenter; la mesedad paga la vischnaunca, l'autra mesedad paga la cassa da scola.

### 1848, ils 4 da matg

1. Ei vegniu concludiu dalla vischnaunca da serrar tuttas schetgas, resolvond quei che drovan da clauder.
2. Eis ei vegniu mess cautegia Paul Schmet enta **Maighels**, enta **Mila** Gion Antoni Berther, enta **Strem** statalter Hasper Beer.
3. Eis ei vegniu concludiu dalla vischnaunca da schar baghegiar tegias sin pastira nua ch'ins vul.
4. Concediu la jarva a Clau Albin per ina vacca.
5. Ei concludiu da schar pinar in lenn per fiug.
6. Ei proponiu dalla vischnaunca da dar al nurser ils daners quei di che vegr zavrau las nuorsas.
7. Ei era approbau dalla vischnaunca da star vid igl accord che fuva vegnius fatgs cun nies pot da **Tujetsch**.
8. Ei era vegniu serrau giu igl **Uaul da Claus** da pinar neginas lennas, nuot. Ei vegniu concediu la jarva ad ina vacca a Felici Beer da **Gonda**, sco era aunc ad in ni dus, ils quals hai buca memoria.  
Ei era concludiu dalla vischnaunca, che tgi che peini lenna ord ils uauls cumins, sco per exempl post, canals, lenns da punt, dueien salidar igl obercheit, aber buca stuer pagar.  
El medem temps eis ei era concludiu dalla vischnaunca anora, da schar pigliar il muser las talpas per igl onn dad uonn per 60 fl. cun la cundiziun aber, ch'il muser stoppi sededclarar igl emprem ch'igl obercheit vegr ensem, sch'el vul pigliar igl onn suenter ni buc.

### 1848, ils 11 da zercladur

Ha la vischnaunca schenghegiau igl arvè da treis tiers a Clau Andriu. Dapli ha la vischnaunca concludiu da dar in lenn a signur litinent Venzin per la casa sin **Gonda**, pagond.

### Igl onn 1851

#### 1851, ils 21 d'avrel

Ei gl'emprem legiu giu il protocol dils 23 da fevrer, il qual ei vegnius approbaus e suenter sedeliberau.

1. Davart il far cumin eis ei anflau per pli adequat da far cumin, cun resalva, sch'autras vischnauncas vegnissen neunavon cun mieds adatteivels, da maniera ch'ins savess far quellas elecziuns senza dar cumin, en gliez cass vegness nossa vischnaunca a seconferir cun lezzas.
2. Davart co serugalar cun la lenna dils uauls pigl onn 1851 ei concludiu da vegr ensem ina cumissiun, cun in ni plirs per vischinadi e cun ils signurs geraus e far in regulativ, ni metter in

project e lura purtar quel sin la vischnaunca. La medema cumissiu ei era incumbensada da metter in project sur dallas vias, co ins sappi evitare il donn che vegn fatgs atun e primavera entras ira pils praus en ed ora.

3. Davart las alps dils schetgs ei concludiu, da gl'emprem prender si ina nota dils schetgs e lura mirar co igl ei da far cun las stiarlas, sch'ins duei far sin tuttas ensemes mo in pastur e resalvar ina val per l'autra per in auter diever ni buc.

### 1851, ils 18 da mars

Protocol dils 21 d'avrel, il qual ei vegnius approbaus e lura sedeliberau sco suonda.

1. Da mundar ils tiers casa ord ils praus ils 19 dil present e davart las nuorsas ei surschau als signurs geraus, zuar refretg tochen dumengia proxima chiei ils 25.

2. Concediu a Lorens Schmedt da schar trer alla grada in mir sin la **Rufna da Valtgeva**, tratg ora signur Gion Andriu Berther da mirar, il fatg prender in "Augenschein" e quei chiei dueivel, schar pagar alla vischnaunca.

3. Concediu al hafner da clauder ora in iert dadens sia casa a **Bugnei**.

4. Concediu a statalter Hasper Beer e scarvon Mucli da ruchegiar ensi in baghetg si **Valtgeva** senza donn e pregiudezi dalla **Gassa**.

### 1851, ils 25 da mars

Legiu il protocol dils 18 da mars, il qual ei vegnius approbaus, e suenter sedeliberau sco suonda.

1. Davart la lenna da baghegiar da star vid igl uorden stabilius. Bein ei igl obercheit incumbensa da strentgamein observerar chiei vegni urentau ordavon e lura tenor basegns e circumstanrias vegnir dau lenna ed absolut uardar chiei vegni davontier mess en effect. Duess in u l'auter buca ver fatg urentar ordavon, sche duei a quel per quei onn vegnir dau negina lenna e quei sut negina stgisa.

2. Tutta lenna chiei relaschada e restada en ils uauls pli che dus unviarns, po scadin ira cun tut.

3. Tuttas lennas che restan per las vias entuorn, pli che dus unviarns, crodan era a disposiziun dalla vischnaunca.

4. Tuttas lennas els vitgs dueien, avon chiei seigi vargau il meins da zercladur, vegnir messas a bien guvern ni sut tetg. Vargau che quei temps ei, ein ils signurs geraus e cussegliers obligai da schar saver ils proprietaris e fixar in termin e lura suenter quei termin disposer sur da quella lenna, seigi cun vender, bein entelgiu en favur dalla vischnaunca.

5. Davart las vias da sur **Gassa** en ed ora ei concludiu ch'cls proprietaris da suren ed ora dueien aschigleiti sco ei vegn clamau, better tiara siu toc, per ch'ins sappi aschigleiti sco pusseivel ira per **Gassa** atun e primavera e negin duei, cura ch'in sa ira per **Gassa**, puder ira sur en ed ora, ni a pei ni cun bos e quei sut responsabilitad, sco era quels che fussen negligents cun better tiara, ein era responsabels pil donn ch'cls auters piteschan entras sia negligentscha. Las purteglis dueien esser libras cura ch'igl ei dau lartg.

6. Schau tier da prender silla jarva senza arvè als vischins da **Cavorgia** sis vadials, dueien aber tener sin sia pastira da casa. Quei ei schau tier per igl onn d'uonn per diever da sia scola.

7. Ei concludiu da schar pigliar las talpas Lezi Balzart per in onn per la medema pagaglia, entschavend 1851 da Tschuncheismas tochen 1852 da Tschuncheismas. Bein aber ch'el fetschi siu duer, nunfagend siu duer, chiei vegn lamentau, sco „leider“ ei daventau tochen ussa, ein ils signurs geraus incumbensai dad ad uras ed en temps mirar da dar uorden, che la vischnaunca vegni en quei risguard survida. En cass da negligentscha davart dil menziunau Balzart, vegn ei a norma da quella tratg giu dalla pagaglia.

### 1851, ils 24 da zercladur

Ei gl'emprem legiu il protocol, il qual ei vegnius approbaus. Suenter ei tratg ora ina cumissiu per envidar en ils signurs spirituals da prender part tier nossa elecziun ed ein destinai Hans Giachen Beer e signur statalter Thomas Monn. Denton ei il quen dil statalter menaus 1850 e 1851 legius giu, il qual ei dalla vischnaunca vegnius approbaus cun engraziament ed ei resultau che la vischnaunca ha dabien 363 frs.

Cumpari ch'ein stai ils signurs spirituals, ha il president, signur assistent, teniu in

commensurau plaid, sco era nies revendissim segnerfarrer e lura passau tier las elecziuns e sco geraus da vischnaunca ein confirmai ils vegls e sco cussegliers, statalter Giachen Antoni Berther, Stiafen Monn, Gion Antoni Gieriet, statalter, Gion Antoni Peder e Lezi Antoni Mucli. Finida ch'ei stada l'elecziun ein ils signurs spirituals passai giu e suenter concludiu il sequent.

1. Da dar in lenn mintga dus fiugs ord schetgas frias e zuar sco suonda. Als da Selva e Tschamut egl Uaul Carmihut entadem la mesadad e l'autra mesadad egl Uaul Nual. Als da Rueras, entscheiver sisum il Cugn digl Uaul la Punt e da leu anen sin ils auters cugns duas tiarzas ed ina tiarza en las Paluttas, nua ch'ei survegnan lenna da barschar. Als da Camischolas la mesadad egl Uaul Camischolas sut il prau da mises e l'autra mesadad dadens il crest dalla Val Caltgera. Als da Sedrun, Gonda e Bugnei, ina tiarza giu egl Uaul la Punt Baselgia sco la via dalla fontauna da Surrein engiu sut quella, ina tiarza sin igl Uaul Bugnei sut igl Udatsch, ston aber far dadens giu la lenna ed ina tiarza en la Val Bugnei giufuns, dadens e dadora. Als da Surrein, en la Punt Pardatsch la mesadad e l'autra mesadad en Plauns. Als da Cavorgia la mesadad els Faluns e l'autra mesadad egl Uaul da Claus.

Da stagiar ora quella ein destinai, e zuar per ina honesta pagaglia, statalter Hans Giachen Decurtins, Vigeli Berther e Stiafen Fidel Monn. Quels umens ein icumbensai da uardar ch'ei vegni dau sulet mo lenna da fiug ton sco pusseivel ei e da uardar sin l'ulivada pusseivla. Ei era da remarcar che negin duei puder vender, mobein tgi che ha buca basegns per sesez, duei buca pinar e quei sut negin pretext.

2. Eis ei aunc schau tier da pinar in lenn per fiug ord ils uauls cumins, aber era buca in per l'auter.
3. Era eis ei schau tier da resgiar ora lenna dada entuorn ord ils uauls cumins. Ei po vegnir entschiet ils 4 da fenadur allas otg dalla damaun, nua ch'ei vegn tuccau il zenn grond e zuar mo in per fiug.
4. A casa po vegnir teniu pigl onn d'uonn duas vaccas per fiug e buca ina vacca ed in schetg.
5. Ei concludiu da dar en sin s. Vigeli, 26 da zercladur, mo ils tiers che vegnan cargai e lura sinquei duei vegnir ulivau las alps.
6. Concediu da carschentar in baghetg si Malamusa el prau a ... buca nudau.
7. Concediu igl entir arvè d'ina vacca a Gion Fidel Macolin.
8. Concediu igl entir arvè d'ina vacca a Tumaisch Riedi.
9. Destinau da vender la lenna dada entuorn sin ina sonda ch'ei ils 5 da fenadur e leutier ei destinau signur gerau Paul Schmedt.
10. Davart las partiziuns dalla punts ei refretg.
11. Concediu da prender en dus tiers en campi d'in cavagl a Giusep Maria Monn.

## 1851, ils 13 da fenadur

Ei gl'emprem vegniu legiu il protocol dils 24 da zercladur il qual ei vegnius approbaus e suenter sedeliberau sco suonda.

1. Ei concludiu da metter tiarms denter praus e pastiras e zuar nua ch'ei po vegnir fatg ver si entras personas da fidonza. Eisi stau inagada pastira, sche en gliez cass tschessentar cun quella caschun e duei vegnir mess tiarms sco igl ei gudiu tochen da cheu. Per spargnar spesas duei vegnir entschiet enasi **Tschamut** ed suenter anoragi. Mesjamna proxima vegn entschiet enasi **Tschamut** tochen oragiu l'aua da **Val Giuv** ed ein destinai naven da **Tschamut** tochen las **Foppettas** tier ils praus da **Scharinas** statalter Clau Sievi e da leu naven tochen l'aua **Val Giuv** statalter Gion Andriu Berther, Martin Beer e statalter Hasper Beer. Gievgia dall'aua **Val Giuv** tochen l'aua da **Strem** ed ein destinai da **Liez** tochen l'aua da **Mila**, Tschimun Decurtins e statalter Giachen Martin Schmedt e da leu naven tochen l'aua da **Strem** signur Giusep Maria Monn e Rest Antoni Gieriet. Venderdis da l'aua da **Strem** tochen **Bugnei** ed ein destinai statalter Gion Antoni Curschellas e signur scarvon Monn. Sonda da **Maun Sut** ed ein destinai statalter Lezi Antoni Mucli e Sep Mathias Giacomet.

Tut quels umens cheu leutier destinai, dueien figurar la vischnaunca, ils quals cun ils proprietaris dils praus dueien metter ils tiarms suenter siu meglier saver e puder e senza partischontedad.

2. Concludiu da cargar ils schetgs sin mardis ch'ei ils 22, las vaccas la mesjamna ch'ei ils 23 da fenadur.

3. Concediu in sulom per baghegiar ina fravia en **Tgamaura** sil prau a Thomas Joseph Schmedt.
4. Concediu als Berthers da carschentar in baghetg sil **Giondus**.
5. Concediu in lenn da slondas enta **Pardatsch** ord la schetga viagiu davos sia tegia a statalter Lezi Mucli, duei aber far mussar in digl obercheit.
6. Da stagiar ora las pastiras da schar segar per la scola e per las vias ein destinai Hans Giachen Beer, signur Paul Schmedt e statalter Gion Andriu Berther.

### 1851

Eis ei vegniu tarmess tier digl uffeci ni da certs particulars ina scartira ariguard il cumin fatgs 1851, la quala ei veginida legida giu e lura concludiu da dar risposta agl uffeci en sequenta moda.

En risposta sin la damonda dils 16 dil present, dat la vischnaunca agl uffeci categoricamein: Ella seigi stada fetg surprida da talas cunvenziuns da maniera ch'ins ord quella, en negin cass, hagi saviu sedecider, essend la cunvenziun buca cumpleina ed en nies senn buca entelgeivla avunda. Aschia decidiu da nuot entrar en.

Gion Antoni Berther, statalter en uffeci.

### 1851, igl uost

Eis ei sedeliberau davart las punts e fatg ina nova partiziu e zuar sco suonda:

1. Ils **Dadens gl'Uaul** fan e mantegnan las treis sias, la punt che va vils **Plauns Selva**, quellas duas da **Tschamut** ch'ein quasi ina sper l'autra.
2. Ils da **Rueras** fan e mantegnan la punt da **Surrein**, la punt da **Rueras** e quella da **Casti**.
3. Ils da **Sedrun**, **Camischolas**, **Zarcuns**, **Gonda** e **Bugnei** la punt **Baselgia**, la punt dil **Drin a Sedrun**, la punt **Tgamaura** e quella da **Pardatsch**. Duei aber vid quella da **Pardatsch** dalla vischnaunca anora veginir fatg in pei da crap tenor conclusiun prida dalla vischnaunca. Ei aber d'entelgir ch'ils sura menziunai vischins ein obligai da luvrar ensemes cura ch'igl ei da far ni baghegiar elllas, seigi da niev ni cura ch'ellas massen dall'aua ni dil **Drin**. Fatgas ni baghegiadas ch'ellas ein, sche mantener dueien ils da **Camischolas** e **Zarcuns** la punt **Tgamaura** e quella da **Pardatsch**, ils auters vischinadis **Sedrun**, **Gonda** e **Bugnei** dueien mantener la punt **Baselgia** e quella dil **Drin**.
4. Ils da **Maun Sut** dueigien far e mantener duas punts, quella dalla **Val da Claus** e quella da **Cavorgia Sura**.
5. Quella partiziu duei cuzzar per diesch onns. Duess ei schabegiar cass extraordinaris ch'ei schabegia ch'in rot ni l'auter veggess privaus en ina gada da sia punt, sch'en gliez cass ha el il dretg da dumandar agid dalla vischnaunca, la quala vegin lura a norma dils basegns a dar agid, sco era sch'ils fiugs en in liug ni l'auter prendan tier ni sminueschan memia fetg, sche stat ei era, ni ei era schau tier da reclamar e da far revisiun.

### 1851, ils 18 da settember

Protocol davart la casa da statalter Sigisbert Monn orasi **Cavorgia Sura**, il qual ei vegniu tarmess tier al "Vorstand" sut il medem datum sco sura e zuar sco suonda.

Ei vegin mess en enconuschiantscha il conclus prius da nossa vischnaunca, ils 14 dil present ariguard la casa da statalter Sigisbert Monn baghegiada orasi **Cavorgia Sura** sin il territori da **Mustér**.

La vischnaunca da **Tujetsch** vegin a renconuscher ils habitonts dalla detga casa sco vischins da **Tujetsch**, aschiditg sco quella vegin habitada da vischins da nies cumin, cun la cundiziun aber che la ludeivla vischnaunca da **Mustér** detti giu ina declaranza en secret alla vischnaunca da **Tujetsch**, ch'ella, la vischnaunca da **Mustér**, vegli ceder la casa ed il sulom da quella alla vischnaunca da **Tujetsch** e risguarda ella, schegie ch'ella ei sin intschess da **Mustér** e che la vischnaunca da **Mustér** hagi ni possi far neginas pretensiuns vid quella ni vid ils habitonts da quella, seigi cun lavurs cuminas, taglias etc.

**Tujetsch**, ils 18 da settember 1851

Hans Giachen Beer, dil temps gerau.

## 1851, ils 26 d'octobre

Eis ei gl'emprem sedeliberau sur dils abscheids. Igl I. pugn approbaus, II. e III. pugn refusaus il IV. pugn refusaus, il V. approbaus, il VI. approbaus ed il VII. refusaus.

Davart la taglia cantunala da quels 300 fl. ei concludiu dalla vischnaunca da dumandar e garegiar gl'uffeci chiei vegni tagliau pustretsch. Suenter ei vegniu legiu ora il cusseglier naziunal da nies "Kreis" e suonda il protocol.

Sin oz, ils 26 d'october ei stada radunada la vischnaunca el liug solit tier l'elecziun dil cusseglier naziunal per nies "Kreis". Il diember dils votants era 122. Sco cusseglier naziunal ei vegnius proponius signur landrehter L. Vieli, il qual ei era da tut ils votants vegnius eligius ora unanimamein da nossa vischnaunca cun 122 vuschs.

**Tujetsch**, ils 26 d'october 1851

Thomas Schmedt, president

Lucas Caveing, scarvon

Hans Giachen Beer e Paul Schmedt, dumbravuschs.

## 1851, ils 9 d'octobre

Ei sedeliberau ariguard igl arvè pigl onn 1852 ed ei restau igl uorden digl onn vargau talis e qualis, resalvond l'emprema rata entscheiva, enstagl naven dalla fiera da s. Martin sco igl ei stau gl'onn vargau, per suenter la fiera ni marcau Numnasontga. Ils tiers che vegnan catschai en lezza fiera han negin arvè.

J. J. Beer, gerau

## Igl onn 1852

### 1852, ils 21 da mars

Ei gl'emprem mess ils suandonts cautegias:

1. da cavals	statalter Hans Giachen Decurtins
2. stiarlas da <b>Strem</b>	statalter Gion Andriu Berther
3. stiarlas da <b>Mila</b>	signur assistent Beer
4. stiarls da <b>Maighels</b>	statalter Sep Maria Monn
5. stiarls dil <b>Tgom</b>	Vigeli Beer dil Gion Antoni

Suenter eis ei lura sediscussionau sur dils tiers casa ariguard igl enferrar. Concludiu che tuts tiers casa dueien sur tut onn, cura chiei sa vegnir fatg donn, seigi bia ni pauc, esser sufficientamein enferrai, senza ch'il pindrer stoppi far entginas avisadas da quellas varts. Il pindrer ei strengamein obligaus d'esser attents e flissis da pindrar, aschigleiti sco quels san far donn. Duess il pindrer buca enconuscher ils tiers, duei el metter a ferm e tener tier el tochen ch'il patrun vegn per els e quei sin donn e cuost dil proprietari e lura far pagar immediat, ton la pindrada, sco era il cuost ch'e vess stuiu metter per els.

Plinavon, cura chiei vegn cargau ad alp, duei ei vegnir priu en l'alp negins tiers casa che seigien buca sufficientamein enferrai ed el medem temps dueien quels che vegnan teni a casa, era esser sufficientamein enferrai. Cass contrari duei il pastur ed il pindrer far per senn ed obligar ils proprietaris chiei vegnien suenter agl uorden.

Ariguard il tener aviert las vias temps d'unviern, sco era il mundar quellas tenor uorden da vischnaunca ei repartiu sco suonda:

ils da **Selva** tochen **S.Brida**

ils da **Rueras** da **S.Brida** tochen **Dutg Grond**

ils da **Camischolas** naven **Dutg Grond** tochen **Sontget** e da leu engiu tochen la **Punt Baselgia**

ils da **Gonda, Sedrun** e **Bugnei** naven dil **Sontget** tochen oradem nos cunfins

ils da **Surrein** naven la **Punt Baselgia** tochen la **Val da Claus**

ils da **Cavorgia**, la **Val da Claus** anora tochen il **Plaun las Cavorgias**.

Davart co serugalar cun ils paupers pigl onn ch'ha da vegnir, sco era davart las nuorsas vegnend neiv, che la vischnaunca stuess dar agid al nurser, ei refretg da schar luvrar ora ina cumissiun e lura rapportar sin la vischnaunca.

## 1852, ils 18 d'avrel

Ei gl'emprem vegniu legiu giu il quen da signur statalter Giachen Antoni Berther, vulend el

scassentar, il qual ei d'ina ludeivla vischnaunca vegnius renconuschius ed acceptaus cun engraziament. Ord il quen eis ei resultau, ch'ei resta alla vischnaunca in deivet, suenter esser tratg giu il d'haver dil statalter veder Thomas Monn, 59 fl. 5 xr.

Il medem di, sin rugar da Fidel Gamboni sco attenent da **Tujetsch**, ha la vischnaunca schenghegiau il "Hindersässgeld" tochen sil di dad oz.

Plinavon ei era concludiu ch'ei duei vegnir barschau in fuorn caltschina avon ch'ei seigi spirau il matg. Tgi che ha basegns da quella duei dar en dadens **Dutg Grond** a signur assistent Beer; dador **Dutg Grond** a Thomas Schmedt.

### 1852, ils 16 da matg

Concludiu sin vischnaunca da tarmetter signur assistent Schmedt, cun trer tier aunc in um, sin la conferenza a **Sumvitg**, ils 18 da quest, adina aber reservau ch'ils conclus leu fatgs vegnien rapportai sin vischnaunca en approbaziun ni disapprobaziun da quella.

Ei era concediu alla pervenda da **Sedrun** la streglia pastira denter la casa dalla pervenda ed igl iert da statalter Vigeli Beer.

Concediu igl arvè d'ina vacca a Giachen Giusep de Crusch en compi da treis vadials ch'el ha piars.

### 1852, ils 29 da matg

Ei gl'emprem sedeliberau sur dil puder pinar la lenna da barschar, lenna da slondas e per far aissas per gl'onn 1852 sco suonda:

Concludiu da schar pinar mintga dus fiugs in lenn ord schetga fria e ton sco pusseivel da **Maun Sut** per schanegiar las schetgas da **Maun Sura**, sco era aunc dus lenns per fiug en ils uauls cumins e lura duei negin puder dumandar lenna da slondas ed aissas per quest onn.

Ei duei era buca puder vegnir pinau in per l'auter e negin duei puder vender la lenna, mobein duvrar per siu diever e buca vender ni brattar.

Destinai da stagiar ora la lenna dalla schetga ein Lezi Mucli e Vigeli Berther.

Da vender las lennas dadas entuorn en las schetgas frias ein destinai signur Paul Schmedt e statalter Giachen Martin Schmedt. Ei era concludiu, barschond la secunda caltgera caltschina, da dar zatgei salmès als pursanavels da **Nalps**. Davart il vender e schar ruchegiar si la seiv dalla **Gassa** da **Dutg Grond** en ed ora, ei refretg.

### 1852, ils 6 da zercladur

Davart la scola e pladir il "Schulmeister" vinavon. Essend ora igl accord fatg cun el, ei ad interim refretg ed el medem temps concludiu da vegnir ensemble aunc ina gada la cumissiun da scola, la quala duei ponderar la caussa madiramein, ir atras ils quens, mirar co ei stat cun la bilanza, sco era con lunsch las resursas, ni il fondo da scola tonscha e lura metter in ni plirs projects e quei lura purtar sin la vischnaunca.

2. Il medem di ei era vegniu serrau in ton digl uaul enta **Pardatsch** per diever dalla caltschina, ultra da quei ch'era schon vivon serrau e las determinaziuns duei Lezi Mucli dar, sinaquei ch'ei sappi vegnir protocollau el cudisch dallas schetgas.

3. Ei era concludiu da dar en per il secund fuorn dalla caltschina sin ils 8 dil present. Essend igl accord dalla caltschina spiraus eis ei surdau d'accordar vinavon, seigi cun ils medems ni auters, da maniera che la vischnaunca vegni era dacheunaven a norma dils basegns cun caltschina; ei pia surdau als Berthers e statalter Sep Antoni Mugli.

4. Davart il trer la caltschina als da **Selva** eis ei surschau a mintga vischinadi.

5. Ei era concludiu da dar als pursanavels da **Nalps** zatgei salmès caltschina, sch'ei sappi esser e quei dalla secunda furnada.

6. Ei era schau tier da prender en in tier per fiug, vul dir cumprar, buc aber puder brattar e prender en in per l'auter e quei pagond igl arvè entir.

7. La fiera da **Tujetsch** ei fixada sin ils 15 dil present. Ils dretgs da vegnir en cun tiers ei schau tier mo tochen ulivar las alps e suenter ei lura serrau.

8. Concediu la jarva a Vigeli Wallier per dus vadials en compi da dus stiarls.

9. Concediu in sulom a Giachen Fidel Caveing da bagheggiar ina zona enasi **Scharinas**.

10. Ils geraus federals ein confirmai ils veders.

11. Ei era concludiu da schar ruchegiar si la seiv da **Sur Gassa** en ed ora, savend vegrin perina cul pagament ed essend tuts d'accord da cumprar e pagar raschuneivlamein.  
Finalmein eis ei vegniu substituiu sco cusseglier en compi da statalter Berther, siu frar Duri Berther ed en compi da Gion Antoni Gieriet, il qual, essend s'absentaus e renunziau la plazza da cusseglier, ei en campi da quel vegniu mess Stoffel Riedi.

### 1852, ils 21 d'uost

Eis ei sedeliberau da schar ir el cuolm ils 31 d'uost e schar segar aschiditg sco zatgi vul ed il medem di ei serrau in pastget el **Pass Nausch**, sut via nua ch'ins va en **Pardatsch da Stiarls**. Plinavon eis ei dalla cumissiun da caltschina vegniu rapportau, ch'ei hagien contractau cun Steger, aschia che Steger s'obligheschi da furnir la caltschina alla vischnaunca per 2 fl. 8 x. e tenor ulteriura declaronza ha la vischnaunca approbau cun cundiziun ch'igl accord vegni mess per secret e lura aunc rapportaus sin la vischnaunca.

Ariguard il far tschespets eis ei ad interim refretg.

### 1852, ils 7 da november

Eis ei sedeliberau davart il schar vegnir en cun ils tiers ed ils arvès da quels ed ei concludiu da star tier igl uorden da 1850 cun l'annexa da 1852, che numnadamein il marcau Numnasontga ha negin arvè, bein aber suenter entscheiva ei l'emprema ratta d'arvè.

Per ton pli tgunsch vegnir sissu il quantum dils tiers che vegnan catschai en, ei concludiu da prender las sequentas novas mesiras:

1. Mintga vischinadi duei aschigleiti sco igl arvè entscheiva, prender si il quantum dils tiers da mintga pur e nudar sin ina gliesta.
2. Il medem cura ch'ins sa entscheiver a schar ora sin la pastira.
3. Cura ni grad avon cargar ad alp.

Dil rest duei tonaton stuer vegnir dau en mintga vischinadi a siu cauvitg sco igl ei stau quels dus onns vargai.

Ariguard ils paupers ei era concludiu da prender si ina collecta voluntaria, classificar ils paupers, dar als veramein paupers. A quels aber che han sauna membra snegar l'almosna, vul dir, quels che ein el stan da fadigar siu paun. Vesa la cumissiun lura che la collecta voluntaria ei sufficiente da vegnir en agid als paupers, ei tier quella caschun pér lura il temps da mirar sin tgei niev pei prender. La collecta duei vegnir tratga si questa jamna e sin sonda proxima vegnir dada en, nua che la cumissiun pauperila sin quei di ei danovamein cun ils collectonts vegnida clamada en.

Il medem di eis ei vegniu insinuau che negin duei far lenna digl uaul dil **Bostg** e digl **Uaul Surrein** giu.

### Igl onn 1853

#### 1853, ils 30 da schaner

Ei il pugn da recapitulaziun ariguard la concessiun dalla via da fier naven dil **Bodensee** e da **Walenstadt** a **Cuera** vegnius approbaus, sco era da prender aczias per nies cantun per 2 milliuns francs ed el medem ch'ei vegni impundiu 120'000 frs. per las vias da communicaziun. Il medem di eis ei concediu da dar 30 lenns ordador **Bugnei** pil baghetg da fontauna a **Sedrun** ch'ei barschaus giu, laschond mussar ni stagiar in um digl obercheit, il qual duei dar lenna, la quala seigi il pli niceivla ed adequata per menar si quei baghetg. Ils proprietaris ein aber secumentai cun quei e veglien buca pretender autra lenna dalla vischnaunca vid quei baghetg, resalvond sch'ei duess buca tonscher cun quei, resalvassen aunc da dumandar per far en igl irl. El medem temps ein ils proprietaris dil baghetg sedeclearai da far il baghetg da crap, tuts quater cantuns, sco era da mintga maun entamiez e da maun sut enamiez tut da crap tochen trer giebel. Sin quella purschida ei la vischnaunca seschada en da dar quella ordador **Bugnei**, schiglioc havessen ei era stuiu ver la pazienza d'ir en la **Val Gierm** sco ils auters.

#### 1853, ils 12 da mars

Eis ei concludiu d'aunc schar vegnir en cun dus tiers per fiug, vul dir cumprar, aber buc in per l'auter, pagond il stipulau arvè suenter rata sco ils auters, da maniera che il total dretg da

vegnir en cun tiers gl'onn 1853 ei quater tiers per fiug. Duess ei lura resultar che la vischnaunca vesess ch'ei pudess aunc purtar dapli, eis ella autorisada d'aunc conceder ni buca conceder la jarva a quels che havessen en dapli ch'il diember da quater tiers ed aschia suenter quei conclus ei vegniu mess ils cautegias e zuar sco suonda:

per <b>Maighels</b>	statalter Gion Andriu Berther
per <b>Tgom</b>	statalter Sep Anton Mugli, giuven
per <b>Strem</b>	signur Paul Schmedt
per <b>Mila</b>	Vigeli Schmedt
per cavals	Giachen Antoni Beer
2. Eis ei concludiu da pagar al „Caminfeger“ 6 bluzchers per tgamin e quei en daner.	
3. Ei era concludiu da dar ora zatgei pastiras per schar cultivar e runcar ora als paupers, buc aber sco proprietad, sonder mo per guder.	
4. Concludiu da tarmetter a <b>Glion</b> dus umens tier ina conferenza davart las vias da fier sul <b>Lucmagn</b> ed a quels dau ina bonificaziun d'in rensch per um e quels ein: signur Paul Schmedt e statalter Sep Antoni Mugli, giuven.	

### 1853, igl 1. da matg

A **Rueras** eis ei dalla vischnaunca entras il pli da quella, ariguard ils da **Schlans**, concludiu sco suonda:

1. Dueien ils da **Schlans** dar e sedar neu en scret, ch'els renconuschien, ch'ei hagien giu falliu ariguard il stuer far cumin 1853 pervia dils mess; en gliez cass vegli la vischnaunca da **Tujetsch** schar scher la caussa sin sesezza e perdunar.
2. Eis ei vegniu discussionau ditg e liung ariguard il dar ora pastira als paupers e suenter ina liunga discussun concludiu da mirar e spetgar tochen suenter Tschuncheismas, lura duei la caussa sin ina moda ni l'autra vegnir messa en moviment.
3. Concediu sulom per ina zona el prau a Martin Beer sin **Gonda**, fagend aber il nuegl da crap.
4. A Toni Schmedt sin **Cavorgia Sura** il medem sco sura.

### 1853, ils 16 da matg

Eis ei gl'emprem sedeliberau da far mundi. Ils tiers casa ils 17 dil present e las nuorsas ils 21.

2. Ei vegniu passau tier las elecziuns digl obercheit, il qual ei dalla vischnaunca vegnius legius ora e confirmaus il vegl, priu ora Stiafen Monn, il qual nunvulend absolutamein buca seschar en da star, ei en campi da quel legius ora Giachen Antoni Beer. Il niev eligiu obercheit ei obligaus d'administrar per nuot sco ils onns vargai, sco aunc ultra da quei dils onns vargai, l'administratzun dils uauls, che stattan en relaziun cul „Waldforstamt“.
3. Ei vegnida legida ora la cumissiun pauperila enten ils sequents personals: Tumaisch Berther, Stiafen Schmedt, Giachen Fidel Cavegn, statalter Gion Andriu Berther, signur scarvon Monn e statalter Leci Mugli. Quels personals dueien denter els leger ora in president. Era segnerfarrer ed ils auters spirituals, cun ils signurs geraus ein supplicai d'esser leutier.
4. Ei vegnida legida ora la cumissiun da scola culs suandonts subjects: 1. signur Lucas Caveing, 2. statalter Duri Monn, 3. statalter Vigeli Beer, 4. Gion Antoni Berther, 5. statalter Gion Rest Monn e 6. statalter Giachen Wenzin. Ord ils sura menziunai duei denter els vegnir legiu ora in president. Era ils signurs spirituals e geraus duein esser leutier ed il segnerfarrer duei era esser eligibels sco president.
5. Ei dalla vischnaunca concludiu da dar per la scola dalla stad 20 fl. al „Schulmeister“ che fa quella cun l'obligaziun ch'el stoppi sunar las orglas e dacheunaven dueien quels 20 fl. per sunar las orglas vegnir mess vid las scolas e la cumissiun da scola che pladescha „Schulmeister“ duei il medem temps cumpigliar en l'obligaziun da sunar las orglas sur tut onn.
6. Ei era tratg ora signur Paul Schmedt e statalter Gion Andriu Berther da schar saver ils proprietaris ch'han prau si encunter la **Gassa da Dutg Grond** e fixar in di e lura mirar sch'ei savess vegnir vendiu entras schar ruchegiar si las seivs.
7. Concediu igl arvè a statalter Sep Antoni Mugli a dus schetgs en compi dil cavagl ch'el ha piars.
8. Concediu igl arvè per sis tiers da 3 fl. arvè entir al schiender da statalter Hans Giachen Deflorin, cun condiziun ch'el metti quels en ina dallas vals, nua ch'igl ei pli paucs tiers.

9. Ei era concludiu da dar en tgi che vul caltschina e quei en termin dad 8 – 10 dis. Per dadens il **Dutg Grond** a Duri Berther e per dador il **Dutg Grond** a Hans Giachen Beer.

### 1853, ils 29 da matg

Eis ei enta **Rueras** dalla vischnaunca mess in comite, consistent ord treis commembers, numnademain segnerfarrer, signurs Lucas Caveing e Giachen Martin Berther, ils quals dueien corrispunder cun il comite seformaus a **Cuera** per prender si collectas per ils vischins da **Selva**, sco era da prender enta maun las collectas, menar ina exacta e gesta contabilitad dil retschiert en e dau ora, da maniera ch'ei seigien mintga mument el cass da dar giu in specificau quen cura ch'ei vegn mintgamai garegiau in tal.

Il medem di eis ei vegniu decretau ch'ei duei vegnir dau uorden ch'ei vegni claus ora sigl **Uaul Camischolas** la cultura ch'il forster ha semnau, nua che signur Paul Schmedt ha surpriu da mirar ch'ei vegni fatg e quei da maniera ch'ei po vegnir quintau per in di lavour cumina. Davart la cumissiun dils paupers, ni dils commembers che vulan buca esser tier quella, ei refretg.

### 1853, ils 12 da zercladur

Eis ei sedeliberau ariguard la via da fier, concernent la cunvenziun denter las valladas dil **Rein Anteriur**, concernent la cessiun dil sulom en favur ed en direcziun dil **Lucmagn**, concludiu ad interim ni approbau ni disapprobau, essend nossa vischnaunca en la medema categoria sco ils da **Lumnezia**, nua che nossa vischnaunca ei sin in maun e sa mai trer ils avantatgs ch'autras vischnauncas tilan nua che tala via duess trapassar e per quella fin ei la caussa ad interim laschada in statusquo e mirau co **Lumnezia** ni auters loghens semeglionts a nus secuntegnan.  
2. Eis ei concludiu da dar in lenn per fiug da barschar e quei nua ch'il forster anfla per bien da dar e che negin astgi pinar tochen ch'ei vegn buca publicau.

### 1853, ils 19 da zercladur

Eis ei gl'emprem sedeliberau sur dalla lenna e zuar sco suonda. Ch'il lenn ch'era daus dalla vischnaunca vargada, duei survir pigl onn d'uonn sco per lenn da slondas u aissas. Per barschar eis ei schau tier da schubergiar era las lennas dadas entuorn en uauls cumins, far ora cuschas e pinar draussa. Il di, cura ch'ins po entscheiver, vegn clamau en baselgia e duei buca puder vegnir entschiet avon dis e mo in per fiug.

2. Concludiu da dar negina lenna da baghegiar sil **Bostg** als da **Mustér** per baghetgs ch'ein sin nies intschess.

3. Davart la pretensiun da cert particualrs da **Cavorgia**, partenent in mises che duess pli da vegl esser staus prau. Concludiu ch'ei dueien vegnir neunavon cun scartiras e mussaments per far ver lur pretensiun. Cun quella caschun eis ei da regurdar ch'ei seigi dalla vischnaunca.

4. Ils tiers da mintga vischinadi dueien da mintga vischinadi vegnir pri quen sin s. Gion e quei dapersei da mintga fiug.

5. Sco president dalla cumissiun pauperila ei vegnius legius ora signur statalter Gion Rest Monn, il qual era schiglioc ella cumissiun da scola ed en compi ei substituius en la cumissiun da scola entras assistent Schmedt da **Gonda**.

6. Ei scumandau da tagliar si tschespets da barschar sin pastira.

7. Concediu gl'arvè per sis vadials als da **Cavorgia** per la scola.

8. Concediu a Gion Battesta Beer igl arvè d'ina vacca en compi d'in stierl ch'el ha piars, pagond alla vischnaunca aunc 1 fl.

9. Concediu a Duri Hendry da far si ina talina a **Cavorgia** sper sia casa, il sulom sin siu prau e dus lenns per diever da baghegiar si quella.

### 1853, ils 10 da fenadur

Eis ei fatg cura cargar. Las nuorsas ils 14, ils schetgs il gliendisdis suenter e las vaccas il mardis.

2. Plinavon concediu da ruchegiar il sulom d'in nuegl a **Sedrun** a Giachen Mudest Deragisch, aber senza donn e pregiudezi d'in tierz.

3. Ei era concludiu da schar suttascriver ils geraus en num dalla vischnaunca ina petiziun pils da **Friburg**, la quala duei vegnir tarmessa alla radunanza federala.

## 1853, ils 18 da settember

Ei gl'emprem vegniu mess salter e zuar culla sort. Eran stai proponi tschun, dus da **Sedrun**, in da **Camischolas** e dus da **Rueras** ed ei stau la sort a statalter Gion Antoni Decurtins.

2. Eis ei sedeliberau sur dallas scolas. Gl'emprem legiu ils quens ed administraziun dalla scolas tochen sil di dad oz, ed ei il resultat che la bilanza ei curdada ora ualti uliva, da maniera che la scola ha ussa dabien ni s'avanzadas las casas ch'ein dapresent baghegiadas si. Plinavon ha la vischnaunca incumbensau la cumissiun dalla scola da mirar da procurar per „Schulmeisters“ pigl onn d'uonn e quei aschi bein sco gl'ei pusseivel e quei pil cuors d'unviern; adina aber cun approbaziun ni per disapprobaziun dalla vischnaunca.

## 1853, ils 25 da settember

Eis ei sin vischnaunca sedeliberau sur dils „Schulmeisters“. Gl'ei stau secret ora la concurrenza per quater scolasts, nua ch'igl ei stau dus ch'han fatg il „melden“ e quels ein 1<sup>o</sup> Plazi Biscuolm per in salari da 200 fl., quartier e lenna „frei“ ed aunc il premi cantunal. 2<sup>o</sup> Soliva per in salari da per **Sedrun** 160 fl. e 20 fl. remetter ed endisch vaultas lenna e per **Rueras** 140 fl. e 20 remess e lenna per siu diever da cuschinlar. 3<sup>o</sup> Biscuolm da **Sumvitg** per in salari da 100 fl. ed il premi cantunal e lenna per diever da cuschinlar. 4<sup>o</sup> in cert Deplazes da **Surrein/Sumvitg**, il qual dueva sin oz ver dau en il tgei e co, survegniu aber neginas notizias ed aschia ei la vischnaunca passada tier las elecziuns sco suonda.

1<sup>o</sup> Ha la vischnaunca schau semegliar las pretensiuns memia enormas ed aschinavon sco ils petents han giu dau giu siu ultimatum, ha la vischnaunca buca saviu vegrir suenter a lur pretensiuns ed han aschia concordau gl'emprem per **Sedrun** cun il scolast Soliva, il qual ei s'obligaus da far la scola il cuors d'unviern cun era vitier sunar orgla igl entir onn, sco gl'ei stau ils cheu davos onns e quei entschavend da Numnasontga, tochen ch'ei vegr ch'ins sa generalmein luvrar sil funs e quei per in salari da 100 fl. cun aunc schar vegrir tier il premi ad el, che vegr dil cantun e zatgei lenna, la quala lenna duei puder vegrir dada, ultra quella che vegr tratga per la scola, sch'ei duess tier quella muncar lenna, fagend la scola cun cuntentientscha dalla vischnaunca, eis ei da far ina remessa.

2<sup>o</sup> Al scolast Biscuolm da **Sumvitg** eis ei fatg si tscharna e contratscharna, schebein ins vegli dar, ni vegrir suenter a sia damonda, nua ch'igl ei lura pigliau il pli da buca dar ton.

Suenter ein lura il medem sura numnau Biscuolm mess en preposiziun, cun aunc in nies vischin Michel Simonet, sco per scolasts a **Rueras** e zuar per Biscuolm per 70 fl. e schau ad el il premi cantunal e lenna per diever da cuschinlar, per Simonet per 70 fl. e lenna per siu diever da cuschinlar. Ei lura vegrniu fatg il pli sur da quels dus subjects ed ei curdau ora per Michel Simonet, il qual ha las medemas obligaziuns sco Soliva, priu ora il sunar las orglas.

Per **Dadens gl'Uaul** e da **Maun Sut** ha la vischnaunca era concludiu da dar aschi a proporziun, seigi dalla vischnaunca ni ord il fondo; bein entelgiu aber, ch'ei vegrni era pladiu subjects, ils quals seigien adattai per far ina scola suenter siu meglier saver e puder. Ei da remarcar che ton ils **Dadens gl'Uaul** sco quels da **Maun Sut** hagien ils dretgs da puder tarmetter ses affons tier las adina visitadas scolas, en gliez cass aber vegrissen ei a survegnir negina bonificaziun per quellas.

## 1853, ils 20 d'october

Ils 20 d'october eis ei vegrniu tractau sur ils pugns da recapitulaziun e zuar sco suonda suenter sco els ein numerai el pareri d'in ludeivel obercheit.

- |                           |               |
|---------------------------|---------------|
| 1. approbaus              | 6. refusaus   |
| 2. refusaus               | 7. refusaus   |
| 3. buc anflaus el cudisch | 8. approbaus  |
| 4. refusaus               | 9. approbaus  |
| 5. approbaus              | 10. approbaus |

## 1853, ils 6 da november

Eis ei sin publica vischnaunca concludiu da schar vegrir en cun quater tiers per fiug sillar jarva suenter la basis dils cheu davos onns, numnadamein en treis ulivas ratas. L'emprema entscheiva suenter il marcau Numnasontga tochen il marcau Daniev, l'autra naven dil marcau

Daniev tochen il marcau mars inclusiv, la tiarza naven dil marcau mars croda gl'avrè entir, ch'ei per ina vacca ni genetscha 4 fl., stiarls e stiarlas e vadials 3 fl. e cavals 8 fl.

### 1853, ils 2 da decembre

Ei gl'emprem legiu giu il quen dil statalter Stoffel Riedi, il qual ei cun engraziament vegnius approbaus unanimamein dalla vischnaunca.

2. Ariguard pagar la taglia al cantun eis ei concludiu da pagar cun il dabien dalla vischnaunca e schau sura als geraus da rugalar, da maniera ch'ei vegni cuvretg per quella gada, seigi ch'ei tonschi ni buc, ed el secund cass far empristar, bein aber entelgiu, fagend empristar la scola e che la vischnaunca resti alla scola debitura quei ch'ella fa empristar. Plinavon eis ei era s'entelgiu da mirar co ins sappi sigl avegnir far ina certa taglia, seigi cun metter si zatgei sils emoluments generals etc. per che cura ch'ei vegn taglias cantunalas, ins hagi zatgei davostier da pagar quellas.

3. Davart il petiziun per las vias ei concludiu da nuota ver marveglia, cun excepciuon da Hans Giachen Beer, il qual fuss staus per la petiziun da quella tochen **Rueras** ni sil pli lunsch tochen **Selva**.

4. Sco president da scola ei legius ora signur assistent Schmedt da **Gonda**.

5. Concludiu da dar stir als Deragischs pil barschament da siu clavau a **Sedrun**, 34 frs., trentaquier francs.

6. Davart la „hebama“ Giacomet ei surschau a Hans Giachen Beer da tschintschar cun ella e lura cun caschun dall'emprema vischnaunca rapportar a quella il tgei ed il co.

### Igl onn 1854

#### 1854, ils 22 da schaner

Eis ei gl'emprem da far in'unfrenda per la biestga dils Deragischs ch'han pitiu donn entras il barschament da siu clavau a **Sedrun**.

2. Eis ei tractau sur dils pugns da recapitulaziun ariguard las taglias. Ei stau 123 votants e tut quels han refusau gl'emprem ed il secund sut littera B era refusau cun 120 vuschs e mo treis ch'han approbau.

3. Ei Giusep Deplaz vegnius prius en per „burger“ da nossa vischnaunca cun sia famiglia, vul dir dunna ed affons cun remetter ad el igl „Einkaufsgeld“.

4. Concludiu da trer si danovamein la collecta pils paupers ed en mintga liug nua ch'igl ei commembers dalla cumissiun pauperila, dueien quels trer si en siu vischinadi e nua ch'igl ei negin da quels, il cauvitg e purtar las gliestas sin dumengia proxima e remetter quellas al president pauperil. Lura ton pli gleiti dar uorden da prender si cadaster dalla facultad da mintgin. Il co prender si quel ei schau sura agl obercheit e che quel hagi l'autoritat da trer tier plirs per quella consultaziun als quals gl'ei obligatori da cumparer leutier.

5. Davart la „Hebama“ Giacomet ha la vischnaunca concludiu da dar ad ella sco recumpensa ch'ella stetti en **Tujetsch** e surveschi alla vischnaunca e s'absenti buc ord la vischnaunca, cura ch'ins vesess ch'ei fuss basegns da star en vischnaunca, senza lubientscha d'in gerau ni il segnerfarrer, per en tutta cass ins savess nua ella fuss ida. Sut quellas cundiziuns dat la vischnaunca ina dubla per in onn e lenna per siu diever, aschi maneivel sco pusseivel, quei vul dir els uauls, il pinar e trer e metter a „hof“ sto ella dar uorden sin sias spesas.

#### 1854, ils 26 da mars

Eis ei ad interim refretg da prender si il cadaster en vischnaunca e da mirar ora empau co ei vegn fatg en auters loghens etc. Ei lura mess ils suandonts cautegias pils schetgs e cavals:

**Maighels** Gion Battesta Berther

**Tgom** statalter Gion Antoni Monn

**Mila** Duri Berther

**Strem** Duri Deflorin

**Cavals** Giachen Martin Berther

Plinavon concludiu da vender ils 27 dil present duas treis buccadas lenns dai entuorn orasi las **Plauncas Niregl** e destinau entuorn miezdi.

## 1854, ils 23 d'avrel

Eis ei gl'emprem concludiu da cuntinuar cun la laver dallas vias e impunder dus dis la primavera e dus dis gl'atun laver cumina per fiug e la cumissiun stradala duei a norma dils basegns dar uorden ch'ei vegni fatg. Ariguard ils uors dallas punts duei gl'emprem ed ordavon vegnir finius quel dalla punt **Pardatsch**.

2. Concludiu da mundar ils tiers casa damaun ils 24 e las nuorsas fagend l'aura sonda proxima e schiglioc gliendisdis che vegn.
3. Concludiu da schar pigliar las talpas pigl onn d'uonn Lezi Balzart, cun cundizjun ch'el fetschi sias obligaziuns. Cun caschun ch'ei vegn lamentau cun raschun sufficienta, ch'ei vegni a norma da sia negligentscha tratg giu dalla usitada pagaglia.

## 1854, ils 7 da matg

Eis ei gl'emprem da signur statalter Gion Andriu Berther vegniu dau giu il quen dallas vias, il qual ei dalla vischnaunca vegnius approbaus. Il resultat da quel ei staus ch'igl ei aunc restau da pagar il prau dalla **Tscheppa** ed el medem temps reduciu la cumissiun dallas vias sin in commember e numnadamein sin Giachen Martin Berther. Quel duei survigilar e dar uorden ch'ei vegni fatg e luvrau vinavon mintgamai nua ch'ei fa il basegns cun seporscher da dar ad el ina adequata pagaglia schurnaliera.

2. Eis ei concludiu da mirar per caplon a **Sedrun** ed il giavisch fuss da survegnir in che fagess scola ed aschia dau cumissiun als geraus da seconsultar cul segnerfarrer e lura schigleiti sco pusseivel far pleiv.
3. Eis ei sedeliberau schebein ins vegli schar cumpleina libertad alla cumissiun da scola da schar pladir ils „schulmeisters“ e da manischar las caussas scolasticas senza intervegnir dalla vischnaunca, ni sch'ins vegli che la cumissiun possi dad ella anora senza dumandar la vischnaunca far nuot ed aschia entras in grond pli, concludiu che las deliberaziuns dalla cumissiun da scola seigien obligatorias da vegnir sancziunadas dalla vischnaunca. Da l'autra vart, da surschar la plenipotenza illimitada alla cumissiun, ei staus quasi persuls Hans Giachen Beer.
4. Concediu ina buccada lenn da far in begl da barschar vinars ad Augustin Riedi e dau cumissiun a signur Paul Schmedt da mussar el mender donn e pregiudezi.
5. Concediu gl'arvè da duas cauras a Vigeli Zanetti per l'amur da Diu.
6. Concludiu da far mundi las cauras, fagend l'aura ils 15 da quest e quella caschun surschar als signurs geraus e las nuorsas ils 8.
7. La petiziun da statalter Walentin Caveing, davart ils tiers ch'el ha envernau ora a **Tujetsch**, schebein la vischnaunca vegli conceder la jarva pagond, ei vegniu protestau e buca vegniu mess en pli.

## 1854, ils 28 da matg

Ei nossa vischnaunca seradunada per tenor tschentament cantunal, leger ora ils electurs per dessignar il tribunal districtual pils onns 1855 – 1857. Els ein unanimamein vegni eligi sco suonda:

1. signur Lucas Caveing
2. Hans Giachen Beer
3. Stiafen Schmedt
4. Duri Wenzin
5. Hans Giachen Caduff
6. Gion Battesta Berther
7. Duri Deflorin
8. statalter Giachen Antoni Beer
9. Gion Antoni Soliva
10. Lorens Schmedt
11. Luis Giacumet

Davart la lenna da Giachen Antoni Beer eis ei per sia breigia fatg dalla vischnaunca ad el 49 fl. e la pluna lenna sin **Gonda** e messas las aissas en disposizion d'in ludeivel obercheit. Hans Giachen Beer, gerau, Giachen Antoni Beer, statalter en uffeci.

## 1854, ils 11 d'avrel

Eis ei gl'emprem sin vischnaunca legiu giu il quen menaus da statalter Giachen Antoni Beer, nua ch'igl ei resultau che la vischnaunca ha aunc deivets da capital da pagar ed aschia approbau il quen cun engraziament, cun dasperas recumandau ch'el fetschi vinavon aunc per in onn.

2. Eisi dil president da scola vegniu legiu il quen da quella dils onns 1853 e 1854, nua ch'igl ei resultau che la scola ha aunc da pagar, ni resta deivet u capitals ni current 194 frs. e zatgei raps, senza esser quintau ils 100 renschs che la vischnaunca dueva pagar la scola 1853 ed aschia approbau il quen.

Plinavon eis ei davart la scola dacheudenvi stabiliu sco suonda: La vischnaunca ei s'obligada da prender il deivet restont tier ella ed ultra da quei pagar ord cassa da vischnaunca alla scola 120 flurins annual cun aunc schar alla scola il schon fixau dallas baselgias.

Dapli duei dacheudenvi esser dau l'autoritat independenta alla cumissiun dalla scola da pladir ils „schulmeisters“ suenter lur bein manegiar a norma dalla sura menziunada summa. Las otras resursas ch'eran schiglioc per la scola, dueien curdar en cassa da vischnaunca.

3. Davart pagar la taglia cantunala eis ei concludiu dad ad interim far empristar, cun la cundiziun aber, ch'ei vegni sespraua, ch'ei vegni dau uorden che quei vegni pagau e buca schau scher la caussa ed aschia concludiu da vender lenna, cavrida, e quei schon ussa, da maniera ch'il pagamento seigi pagabels sin d'atun proxim; e lura era aunc vegnir dau uorden sigl avegnir co ins savess far certas taglias indirectas sin emoluments generals etc.

4. Eis ei concludiu e schau tier da tener dus tiers a casa per fiug da tgei natira ch'ins vul, oreifer caval.

5. Sin s. Gions duei mintgin ver dau en ils tiers che vegnien cargai, mintgin a ses cautegias e sin quei di vegn ei ulivau las alps.

6. Eis ei concediu in sulom en **Pardatsch** per ina zona a statalter Lezi Mugli, aber concludiu da dar negina lenna.

7. Davart la lenna da barschar ei concludiu da dar ord las schetgas in lenn per fiug cun schar pagar 1.70 frs. e dasperas aunc in per fiug ord uauls cumins. Da stagiar e nudar ora la lenna dalla schetga ei destinau signur assistent Schmedt Thomas, il qual po aunc trer tier in auter um cun el tenor siu plascher. Ei duei vegnir dau aschi uliv sco pusseivel e nuota vegnir annunziau, ch'ei seigi en quel ni en tschei uaul, per quels ni per tschels, aschia da maniera ch'ei sappi vegnir tratg la sort en general.

## 1854, ils 17 da settember

Eis ei sin vischnaunca sedeliberau sur ils pugns da recapitulaziun.

1. pugn disapprobaus da 116 votants

2. pugn approbaus da 116 votants

3. pugn disapprobaus da 86 votants viers 7 votants

4. pugn disapprobaus da 101 votant

Plinavon eis ei concludiu da schar collectar en nossa vischnaunca in da **Medel** che ha pitiu donn entras in barschament d'ina casa e clavau e tiers.

## 1854, ils 29 d'october

Ei stada radunada la vischnaunca el solit liug per leger ora il cusseglier naziunal per nies "Kreis". Il diember dils votants era 128. Sco cussegliers naziunals ein proponi signur landrehter Luis Latour e signur "Regierungsrath" Toggenburg.

Latour ha giu 124 vuschs

Toggenburg 4 vuschs

Plinavon ein eligi ils geraus tier il "Bundesgericht". Ils votants eran 128 ed han aschia tut ils votants unanimamein eligiu ils sequents:

1. signur Lucas Caveing da **Tujetsch**

2. gerau Bundi da **Medel**

3. Thomas Condrau da **Mustér**

4. captani Ferari da **Trun**

5. gerau Loreing Pfister, il giuven, da **Schlans**

## 6. Gion Mathias Capaul da **Breil**

Thomas Schmedt, president

J. J. Beer, scarvon

statalter Gion Rest Monn e Gion Antoni Decurtins, dumbravuschs.

Plinavon eis ei concludiu, che tgi che ha entras pinar la lenna dallas sorts bess entuorn autras plontas, da schar quella anavos, per ch'ei sappi vegrir vendiu en bonis dalla vischnaunca e cun quella caschun vegrnan tals e quals tratgs en censura digl obercheit.

### 1854, ils 21 da november

Eis ei fatg pleiv ariguard il prender caplon per **Sedrun** ed unanimamein vegrni legius sco caplon da **Sedrun** igl ault reveriu signur sur Vigeli Wenzin. Suenter ei vegrni fatg vischnaunca e gl'emprem vegrni mess statalter en la persuna da Vigeli Beer da **Camischolas**.

Plinavon eis ei concludiu ariguard la taglia cantunala, la mesadad da quella far empristar e l'autra mesadad far ina taglia e quella duei vegrir fatga la mesadad sils tiers d'armaul e cavals ch'ein envernai ed han gudiu las pastiras 1854, exceptuai da quei ein quels tiers ch'han pagau igl arvè entir, quels pagan negina taglia. Ils tiers vegrnan quintai: ils schetgs, stiarls e stiarlas e vadials, dus per ina vacca ed in cavagl per duas vaccas. Las olmas pagan l'autra mesadad adualmein, resalvond ils veramein paupers ein exceptuai dalla taglia per quella gada.

Ei era concludiu ch'ei vegrni priu si in exact quen e gliesta da mintga vischinadi, ton dallas olmas, sco era dils tiers, las qualas dueien sil pli tard vegrir dadas en ad in commember digl obercheit.

Plinavon eis ei sedeliberau sur dils arvès pils tiers che vegrnan catschai en naven dil marcau s. Martin. Mintgin po vegrir en cura ch'el vul, vul dir tochen il temps ch'ei vegrni serrau diltut e quei cun quater tiers per fiug, aber buca in per l'auter e zuar sin sequenta moda:

in cavagl paga	6 fl.
ina vacca paga	3 fl.
ina mugia	2.30 fl.
stiarls, stiarlas e vadials ch'ein sis jamnas pagan	2 fl.
ils vadials giuvens sut sis jamas pagan tutt adualmein	30 xr.

In che piarda in tier po, sch'el vul igl emprem marcau suenter la perdita da quel, recaltgar in auter dalla medema qualitat senz'arvè.

### Igl onn 1855

#### 1855

Suenter esser radunada la vischnaunca ei vegrni legiu avon il quen da signur statalter Vigeli Beer menaus duront igl onn 1854/55, il qual ei resultau ch'ei seigi igl importo da 2781 frs. e 53 raps, pagau ora 2735 frs. 85 raps ed aschia fatg la bilanza, cumpriu en deivet da capital sco era tut auter u da dar, resta ei aunc alla ludeivla vischnaunca dabien 23.32 frs., cun dasperas vegrnius da quella cun grond engraziament approbaus.

### 1855, ils 28 da matg

Ei sin vischnaunca vegrni passau tier las elecziuns digl obercheit e vegrni legiu da quella sco suonda:

1. Ha quella turnau a confirmar il salter vegl e signur assistent Schmedt sco gl'emprem gerau, ils auters dus aber absolutamein nunvulend far pli, sche ha la ludeivla vischnaunca elegiu Stiafen Monn e statalter Vigeli Beer en compi da quels sco geraus.

2. Ha la ludeivla vischnaunca legiu ils suandonts tier il "Zusatz", *cussegliers*:

per **Sedrun** statalter Giachen Antoni Beer, aunc il vegl,

per **Camischolas** Lurens Giacumet

per **Rueras** Duri Vigeli Wenzin

per **Surrein** Gion Antoni Degonda, era vegl

per **Dadens gl'Uaul** Stiafen Schmidt

3. Ei vegrnida legida ora la cumissiun pauperila enten ils sequents personals:

signur Hans Giachen Beer

Duri Berther

statalter Gion Andriu Berther

statalter Gion Rest Monn

signur assistent Schmidt da **Gonda**

Gion Antoni Peder

4. Ei vegniu legiu la cumissiun da scola enten ils suandonts personals:

signur Paul Schmidt

statalter Gion Antoni Monn

Gion Antoni Berther

Giachen Martin Berther

Fidel Peder

5. Ei vegniu concediu a signur Paul Schmidt il sulom sin **Scharinas** da far si in nuegl encunter il baghetg, medemamein era a statalter Vigeli Wenzin a **Selva** il sulom da baghegiar ina casa en **Sut Crestas**.

6. Ei aunc dalla ludeivla vischnaunca concludiu da tgi che hagi basegns da caltschina duei tochen sin dumengia proxima dar en dador **Dutg Grond** a Stiaffen Monn e dadens a Duri Venzin sinaquei ch'ei sappi vegnir dau uorden da quellas varts.

### 1855, ils 3 da zercladur

Stada radunada la vischnaunca ei vegnius legius avon il protocol, il qual vegn dalla ludeivla vischnaunca approbaus, oreifer che Paul Schmidt ei desistius da prender part tier la cumissiun da scola ed en siu stagl proponius e confirmaus Vigeli Berther per commember dalla cumissiun da scola.

2. Ei dalla ludeivla vischnaunca unanimamein concludiu da far mundi las s.v. nuorsas sin damaun ed otg dis suenter las cauras.

3. Ei vegnida proponida e legida ora la cumissiun appartenent entgins regulativs da vischnaunca, sco per exempl dallas alps, sco lennas da baghegiar, barschar etc. Tier quella cumissiun ein pia numnai ils sequents personals: statalter Sep Antoni Mucli, giuven, statalter Giacumet, signur Paul Schmidt, statalter Paul Venzin, Gion Antoni Berther, statalter Giachen Venzin, statalter Tomas Monn e Stiafen Schmidt, cun ils treis geraus leutier. Quels umens han pia l'incumbensa da luvrar ora buns pareris appartenent ils sura numnai artechels e lura rapportar quels alla ludeivla vischnaunca, sinaquei ch'ella detti era siu consentiment leutier. Plinavon ei sin vischnaunca concludiu da procurar e far ora lenna al signur caplon, silmeins tochen sin d'atun proxim e lura schar u far cun el quei ch'ei gest e dueivel e tenor sco la ludeivla vischnaunca ei obligada da secuntener cun nies signur caplon cun la lenna.

NB. Che la lenna vegni fatga ad el tochen sin igl atun mo per carezia e buca per obligaziun, entochen outras cunvenziuns.

Era ei puspei accordau cun il pegliatalpas e zuar sco igl onn vargau, bein aber cun far el fetg attents ch'el vegni a far tut siu pusseivel per quellas pigliar, sinaquei ch'ei vegni schurmegiau il donn dil general sco dil particular, seigi lura en praus u sin pastiras.

Davart la casa dil caplon ei concludiu da quella metter en bien uorden e sco il basegns damonda, e leutier ei destinau igl obercheit cun igl ugau dalla caplania, il qual ha ton pli gleiti da vegnir numnaus.

Aunc ei da metter a nota ch'ei seigi concediu il sulom da far ina talina a signur statalter Paul Venzin enagiu **Rueras** e zuar vid siu baghetg ed era sin siu prau.

### 1855, ils 17 da zercladur

Ei vegniu fatg vischnaunca e sedeliberau sur dils uordens dallas alps, lennas etc.

Ei confirmau ils treis pareris proponi dalla cumissiun, il qual secloma aschia.

1. Ils stiarls dueien vegnir separai dallas vaccas e vegnir cargai en l'alp da **Maighels** e **Surpalits**, sco era en las duas vals **Strem**, **Mila** e **CaschIè**. En quellas alps duei vegnir fixau in cert quantum per mintga alp. Suenter ha mintgin il dretg da prender alp per ses stiarls nua ch'el vul, duess ei aber vegnir en ina u l'autra da quellas alps buca vegnir completau, sche en gliez cass duei vegnir completau cun la sort, era vadials pon vegnir cargai en las sura alps, sch'ei duess

aunc ver plaz tenor stagiau.

2. Las autras alps dueien puder vegrir cargadas cun vaccas e stiarlas in denter l'auter, era quellas dueien vegrir determinadas cun in cert quantum per mintga alp e lura ha mintgin il dretg sco sura da prender nua ch'el vul e suenter ulivar cun la sort sch'ei duess vegrir en ina u l'autra memia bia u memia pauc, davart ils vadials ei schau tier da prender en ni buc.

3. Vadials ha mintgin il dretg da metter sin las pastiras da casa nua ch'el vul, pastur aber po vegrir fatg mo da mintga vischinadi sin la sia.

4. Tuts cavals dueien vegrir cargai en l'alp da **Pardatsch**, bein aber ei schau tier da 15 dis suenter cargar puder duvrar quels da trer fein e zuar quei in suenter l'auter e spirai ils 15 dis fixai, ha negin il dretg da tener quels sin la pastira da casa. In che ha vacca a casa, ha era buca il dretg da tener in cavagl ils sura fixai dis.

Quei uorden cheu sura menziunau davart las alps duei cuzzar per sis onns. Era eis ei schau tier da brattar alp in vischin cun l'auter, bein entelgiu aber mo cun il medem diember da tiers.

5. Davart ils uauls u lennas da baghegiar ei concludiu da dar tut ord schetga fria da mintga vischinadi aschi maneivel sco pusseivel. Per quei sco survigiladers dils uauls u «Waldzäumers» ein destinai signur Gion Andriu Berther e signur Paul Schmidt. A quels dus umens ha la ludeivla vischnaunca surschau da numerar ora tut la lenna, ton dad aissas, quaders, lattas, areisens. Suenter ver numerau tut la lenna, vegr ei denter ils vischins tratg la sort, aber mo dalla medema qualitat da lenna, per exempl quels d'aissas in cun l'auter ed aschia vinavon. A quels dus umens duei vegrir dau in commensurau salari. Da barschar ei surschau a quels umens da stagiar ora caglias a mintga vischinadi, aschi damaneivel e cumadeivel sco ei sa esser e sco quels umens anflan per bien. Quei uorden duei survir per treis onns.

Plinavon ei concediu da schar baghegiar il Walier a **Milez Sut** sin in sulom niev, cun aber schar ira sut dus auters suloms. Semegliontamein ei concediu a Flurin Wenzin en **Sut Crestas** in sulom da far in nuegl encounter il siu. A segnerfarrer ei era concediu in sulom per ina zona si la **Val Bugnei** encounter siu baghetg.

### 1855, ils 24 da zercladur

Vegniu teniu vischnaunca e sedeliberau sin quella moda.

1. Ei da quella unitamein concludiu da far bien per la bialaura e zuar sin quella moda sco il segnerfarrer cun ils geraus vegrnan ad ordinar.

2. Ei concludiu da sin ils 2 da fenadur vender la lenna dils uauls ch'ei dada entuorn e quei cun entscheiver oradem dador **Bugnei** allas 8 uras ed ira vinavon entochen la fin.

3. Ha mintga vischin il dretg da tener mo in tier a casa la stad e suenter ulivar mo cun quellas che vegrnan cargadas.

4. Sin ils 7 da fenadur duei vegrir ulivau las alps da vaccas, stiarls e quei per cuntegn da mintga vischin.

### 1855, ils 15 da fenadur

Ei concludiu sin vischnaunca da schar schubergiar ora lenna ord ils uauls cumins ed entscheiver allas 7 uras dalla damaun ils 16 da fenadur.

2. Ei concludiu da schar stagiar ora entras in um caglias per mintga vischinadi, in cert toc, e lura schar ulivar quels cun la sort, da maniera ch'ei vegrni fatg aschi uliv sco pusseivel.

### 1855, ils 16 da settember

Ei dalla ludeivla vischnaunca sedeliberau davart ils sventirai da **Schlans**, ils quals han petiziunau per nies agid en lur grond donn pitius entras la devastonta bova.

Finalmein ei da quella cun il pli concludiu, da s'informar tiel signur gerau dil circuit, co quei seigi digl obercheit circuital s'entelgiu apparenent ils da **Sursassiala** u **Sutsassiala** e lura vegrir suenter a nossas forzas, sco la fraterna carezia camonda u cun schar ir entuorn u cun dar ord la vischnaunca enzatgei.

Plinavon ei da quella concludiu da far in fondo, cun quel segirar ord il capital, ch'ei vegnius stabilius entras las pastiras vendidas e lura sch'il grond basegns damonda, duvrar il tscheins dil sura detg capital vid manteniment dils paupers, ed en cass ch'ils paupers savessen senza quei tscheins raschunevlamein vegnir manteni, sch'en gliez cass duei il tscheins uonn e mintg'onn vegnir mess tiel capital e quei capital duei vegnir tenius separaus da tuts auters quens da vischnaunca, aschiditg sco quella vegn a disposer plinavon sur da quei.

### 1855, ils 4 da november

Eis ei vegniu teniu vischnaunca, nua ch'igl emprem ei vegniu legiu avon ils abscheids e mess avon dil signur president en tgei quels consistan e lura dumandau sch'ina ludeivla vischnaunca vegli quels approbar ni buc. La ludeivla vischnaunca ha ils dus emprems artechels cun in absolut pli refusau cun aunc recumandar al signur president che duessi en sia risposta schar entellir ils legislalturs, ch'ins hagi da lur lavurs saventas gadas pintga fidonza ord motivs, ch'ei vegni tratg via il temps ed engrondiu las spesas senza basegns u nez dil pievel.

Plinavon ei dalla ludeivla vischnaunca cun in absolut pli concludiu da refierer aunc 8 dis suenter s. Martin co rugalar en ils arvès per igl onn futur; quei ei d'entelgir che tochen lura po scadin vegnir en cun biestga senza pagar arvè. Era eis ei fatg attents in e scadin da buca schar cumprar tiers sin la fiera da **Glion** u ord nies cantun, quei vul dir, mo tiers che duessen vegnir en vischnaunca per leu restar sur unviern; duessen entgins surpassar quei uorden sura numnaus, sche crodan tals en castigt tenor sco els sesanflan culpeivels.

Ils 4 dil meins november digl onn present, cumpara sin vischnaunca als signurs geraus ina brev dil reverendissim segnerpader Adelgot, beneficiat a **Rueras**, la quala el garegia ch'ella duei vegnir legida avon ad ina ludeivla vischnaunca senza petradad u faulsas interpretaziuns, nua ch'il bein meriteivel segnerpader fa encunter ina ludeivla vischnaunca las treis sequentas damondas.

1. Che la ludeivla vischnaunca detti uorden e formalmein survigileschi che tetgs e baghetgs e tut quei che appartetgn tier al benefeci da **Rueras** vegni renovau e mantenui en tut quei ch'ei sa esser u necessari.
2. Che la ludeivla vischnaunca legi ora in um che tili en annualmein ils tscheins al respectiv caplon.
3. Che la ludeivla vischnaunca prendi giu ad el ils cuosts dalla fiasta dil Sontgilcrest da **Rueras**.

Stada legida avon la brev dil reverendissim segnerpader alla ludeivla vischnaunca, sch'ei quella stada empau surprida e nunsavend capir pertgei fin nies bien segnerpader fetschi talas damondas encunter ella.

Nuotatonmeins eis ei suenter il solit vegniu dumandau ils meinis da quels signurs, ils quals han tenor lur sauna perschuasiun, saviu far nuot auter da schar entellir, ch'ins vegni a vegnir sinceramein suenter a tuttas obligaziuns, tenor sco igl urbari da quei benefeci plaudi e pli lunsch possi ei en negin cass vegnir mess si grevezias novas alla ludeivla vischnaunca. Aschia eis ei alla fin, cun in absolut pli, vegniu concludiu dils presents cun metter vitier, ch'ins sappi buca far auter che schar las vias aviartas ed ils signurs geraus dettien giu la declaranza dalla ludeivla vischnaunca en secret agl ugau pervenda, il qual duei en otg dis metter amauns quella al respectiv segnerpader e quei per lur regla.

### 1855, ils 18 da november

Ei vegniu teniu vischnaunca e sedeliberau ariguard ils arvès da 1856, il qual ei s'entelgiu sco suonda.

1. Ei schau tut il medem sco gl'onn vargau, numnadamerin ina vacca 5.10 frs., ina mugia 4.25 frs., il stierl u stiarla e vadials naven da sis jamnas 3.40 frs., in s.v. cavagl 10.40 frs., ina caura cura ch'ei varga treis per fiug 85 raps l'ina, in s.v. tier casa sur treis jamnas 1.70 frs. Ei aber d'entellir ch'ins possi vegnir en mo cun dus tiers per fiug, oreifer vadials giuvens ed ils vadials giuvens tochen 6 jamnas pagan 1.70 frs., naven da treis entochen sis jamnas pagan nuot. Tiers ch'ins piarda, po il proprietari recalgar el termin da quater jamnas, aber mo dalla medema qualitat d'arvè per nuot. Tuts tiers che vegnan en vischnaunca dueien vegnir en otg dis dai en agl obercheit. Igl arvè entscheiva suenter marcau Numnasontga digl onn ed ei digl emprem di naven entochen ch'igl ei ulivau las alps.

2. Tuts tiers da mintga vischinadi dueien vegin pri quen da mintga pur, l'emprema gada cura ch'ei entscheiva igl arvè, la secunda cura ch'ei vegin schau ora e la tiarza cura ch'igl arvè finescha.

Plinavon ha la ludeivla vischnaunca priu si il Walcker per „Caminfeger“, il qual ei obligaus da schubergiar quels duas gadas ad onn e quei atun e primavera. Era eis el obligaus da mirar che tuts tgamins seigien en bien uorden. Fuss ei entgins che sesanflassen en prighel u en schliet uorden, eis el immediat obligaus digl emprem schar saver il proprietari da quei tal e suenter far da saver agl obercheit, sinaquei ch'ei vegin survigilau e teniu maun ch'ei vegin mess en uorden. Plinavon ei dalla vischnaunca concludiu da prender si in cadaster da facultad, sinaquei ch'ei sappi vegin pagau la taglia da mintgin suenter ordinaziun dalla cumissiun, la quala duei da mintga vischinadi vegin dau ora in u dus umens, ils quals dueien sin ils 24 da november allas 10 uras avonmiezdi passar ensemes a **Sedrun** en casa da scola per leu suenter siu meglier saver e puder e cunsienziusamein luvrar ora quei cadaster. Ils signurs geraus dueien era esser leutier.

Mintgin che vegin cun tiers jasters en vischnaunca duei ver in attestat da sanadad. Duess in tal quei munchentars, eis el curdaus en in castitg da 10 frs. Quels attestats duein vegin dai giu al „forstand“ aschi baul sco ei entran en vischnaunca cun lur biestga e quei duei cuzzar entochen ch'ei vegin ordinau autor.

Il sura artechel ei ussa vegnius annullaus e mintgin ha il dretg da cumprar nua ch'ei plai senza difficultad d'attestats u tema da castitgs.

### 1855, ils 16 da december

Suenter messa ein tuts vischins seradunai sur baselgia ed han cun il pli decretau sco suonda.

1. Ariguard il signur caplon da **Sedrun**, il qual pretenda ch'ins stoppi far ora la lenna cura ch'ella seigi avon casa e quei per obligaziun digl urbari, il qual ei ad el buca vegniu empermess. Tonaton ha ina ludeivla vischnaunca numnau dus umens, numnadamein, mei cun signur Hans Giachen Beer e dau l'incumbensa da seconsultar cun el, sch'ins savessi vegin tier ina entelgentscha ariguard far ora la lenna, senza metter si in' obligaziun nova alla vischnaunca. Il resultat da quella deputaziun vegin ad esser a mintgin enconuschenta.

Plinavon ei concludiu da dar als sventirai da **Schlans** ord cassa da vischnaunca 20 frs. per sucuorer a siu donn pitiu entras la bova.

Ariguard il pagar fein jester digl unviern vargau, ei alla fin schau sura agl obercheit da classificar quels tals ch'han cumprau, sch'ei seigi tier tuts stau il sfurzau basegns d'ira ord vischnaunca ed allura era co u tgei mintgin duei pagar en quellas circumstanzias.

### 1855, ils 30 da december

Ei teniu vischnaunca ed ei gl'emprem sedeliberau ariguard trer si ina collecta sin 1856 per manteniment dils paupers e finalmein da quella cumpleinamein approbau e mess en „craft“ il pareri totalmein sco la cumissiun veva prescret, da numnadamein dar en almosna tut rauba e zuar suenter la clamada destinada dalla cumissiun. Plinavon ei concludiu che tuts vadials entochen sis jamnas, paghien negin arvè per gl'onn futur 1856. Era ha la vischnaunca dau l'incumbensa als signurs geraus, cun aunc retrer enqual bein patertgau vischin leutier, da mirar da saver completar la caplania da **Sedrun** u endrizzar en, ch'ei vegin cun carschentar quella u sin outras manieras, fatg ch'ils respectivs caplons, che gaudan u vegin a guder quella, possien semantener senza metter si novas obligaziuns a vischins particulars, seigi cun lennas ni auters grevs fatgs. Plinavon ei stau l'idea da quella da saver unir u ligiar il benefeci dalla caplania, sco tuttas otras da nossa vischnaunca, vid ils salaris dils scolasts cun l'obligaziun precisa ch'ils respectivs caplons fetschien sez la scola cun tut quitau e premura per l'educaziun dalla giuventetgna ed affons.

Appartenet la taglia da representanza cantunala u co pagar quella dacheudenvi, ei dalla ludeivla vischnaunca concludiu, da restar vid il pareri dalla cumissiun e zuar grad tut il medem sco quella veva ordinatu.

NB. Aber en la schazegiada dil funs dueien tuts proprietaris da quels buca puder validitar lur funs da meins che quei sco quella cumissiun veva destinau u schazegiau en mintga liug, bein

aber ha mintgin la sontga obligaziun da dar en lur facultad sinceramein tenor buna cunscienzia sco el sa seperschuader. Per prender si e tener per nota las facultads da mintgin ein dalla vischnaunca ordinai sco suonda:

per <b>Selva</b>	statalter Vigeli Venzin
per <b>Tschamut</b>	Stiafen Schmidt
per <b>Rueras</b>	signur assistent Schmidt
per <b>Camischolas</b>	statalter Gion Andriu Berther
per <b>Sedrun</b>	signur Hans Giachen Beer
per <b>Gonda</b>	signur assistent Schmidt, giuven
per <b>Surrein</b>	statalter Gion Rest Monn
per <b>Cavorgia</b>	Lezi Balzart
per <b>Bugnei</b>	Sep Antoni Deragisch, hafner

Quella sura numnada ordinaziun, da dar en e prender si las facultads, duei vegnir ademplida sin igl emprem da fevrer 1856, nua ch'ils retscheviders da facultad dueien lura purtar lur gliestas ad in ludeivel obercheit.

### Igl onn 1856

#### 1856, ils 20 da schaner

Ei vegniu teniu vischnaunca e cun il pli concludiu ariguard il pauperesser da star vid igl uorden vegl cun schar trer si entars plirs collectaders la collecta voluntaria e lura duei ei vegnir distribuiu las almosnas dalla cumissiun pauperila sco ils onns vargai.

Ariguard las sondas ei vegniu concludiu da quellas observar dacheudenvi pli bein che tochen dacheu. Numnadamein dad oz naven entscheiver il firaу allas 12 uras entochen igl emprem da mars, lura duei il firaу entscheiver allas duas suentermiezd. Bein entochen s. Placi aber dueien quellas sondas vegnir observadas bein ed endretg cun sanctificar quellas sco ei stau avon vegl temps. El cass contrari ch'enzatgi surfagess quei temerariamein senza sufficients privilegis, dueien quels tals vegnir digl obercheit censurai tenor merets e circumstanзias.

Igl uorden dallas radunonzas e saltems ei sin vegniu rut.

#### 1856, ils 2 da mars

Vegniu teniu vischnaunca ed igl emprem da quella unitamein concludiu da dar igl „Auftrag“ als signurs geraus d'intercurir co ei stetti ariguard igl uaul da **Medel** u ils cunfins da quel ed era tgi hagi nudau nossa proprietad.

2. Tuts tiers che vegnien cumprai sin **Tschamut** suenter il temps ch'igl arvè ha tier nus entschiet, dueien vegnir considerai sco tiers jasters, resalvond ina vacca da guder ha mintgin il dretg da tut temps da prender tier sesez senza negin arvè.

3. Suondan ils cautegias da 1856 per las alps cuminas.

per <b>Maighels</b>	Vigeli Josef Walier
per <b>Strem</b>	Gion Battesta Berther
per <b>Mila</b>	Giachen Martin Berther
per ils cavals	Gion Antoni Beer, Camischolas

4. Duei igl obercheit procurar per in meister che mustergia las s.v. hutschas.

5. Ei dalla ludeivla vischnaunca proponiu e confirmau il Giachen Antoni Giossi per salter da nossa ludeivla vischnaunca.

Sin publica vischnaunca ei il davos vegniu concediu da ruchegiar sulom a **Valtgeva** a signur assistent Schmidt.

Medemamein ein era a meister Beer concediu da ruchegiar il sulom d'ina talina a **Sedrun**. Era eis ei vegniu priu si il meister mustregia tenor accord fatgs cun el e legius avon alla vischnaunca. Era eis ei concediu da schar trer grad il mir da statalter Lurens Jacumet en **Tgamaura**.

### Igl onn 1860

#### 1860, ils 28 d'october

Sut il sura datum ei suenter il solit vegniu clamaу vischnaunca e teniu quella el solit liug;

Suenter ver sin vischnaunca numnau dus dumbravuschs, eis ei per la nomina dil futur cusseglier naziunal votau sco suonda:

Votants presents eis ei	137
per la nomina da signur Casper Latuor	15
per la nomina da signur Toggenburg	122

Suenter, ch'il sura protocol ei staus legius avon alla vischnaunca, ei quel da quella vegnius approbaus.

Il president da vischnaunca  
J.J. Beer  
Igl actuar  
Ulrich Venzin  
Ils dumbravuschs  
J. A. Berther  
P. Giossi

### Extract dil protocol da Tujetsch dils 28 d'october 1860.

Suenter la nomina dil cusseglier naziunal, ei la vischnaunca passada tier la nomina dils geraus federais. Sco tals ein vegni proponi:

signur docter Condrau  
signur Lucas Cavegn  
signur professer Condrau  
signur mistral Arpagaus  
signur assistant Caduff  
signur docter Decurtins  
signur gerau Berther

Plinavon ha la vischnaunca milsanavon icumbensau Duri Berther e Lezi roder ch'in ni l'auter dueien permanentamein esser sil plaz enagiu **Surrein** vid ils peis dalla punt ed era trer neutier miradurs sch'ei fetschi basegns. Plinavon dueien era quels dus umens fixar, cura ch'els anflan per bien, d'aunc schar ir ina roda lavur cumina vid quels peis.

Essend vegniu fatg attents igl obercheit, ch'ei seigi dumbrau ina vusch per cusseglier naziunal Casper Latuor, che vevi buca cumpleniu vegn onns ed igl obercheit, essend s'informaus tras il scret dil batten, ha lura tratg anavos e lura tarmess tier mo 14 enstagl 15 vuschs pil sura Latuor. Era ha ella concludiu da sin ils 3 da november vender quellas romas e lenna pils uauls entuorn, priu ora lenna da diever. Era dueien quels particulars che hagien zappuns dalla vischnaunca enta maun, metter els amauns a signur statalter Duri Venzin, en cass cuntrari vegnan quels a stuer pagar dus talers in.

### 1860, ils 18 da november

Ei la ludeivla vischnaunca stada radunada el solit liug ed ei igl emprem vegniu legiu giu il protocol e da quella approbaus.

Silsuenter eis ei dil signur president vegniu fatg enconuschent, ch'il caplon, signur Sigisbert Monn, hagi detg giu ad el la caplania ed aschia eis ei lura concludiu da schar sura al segnerfarrer ed als geraus da procurar per in auter caplon, sch'ei fussi pusseivel.

Silsuenter eis ei vegniu fatg attents, ch'ei stoppi vegnir dumbrau tuttas classas da s.h. tiers casa, e mintga vischinadi duei ruglar giu quei denter ils vischins e quei sin ils emprems 15 dis dil meins december.

Era eis ei vegniu sedeliberau pervia digl arvè ed ei concludiu da schar vegnir en cun .... (*buca nudau*) tiers per fiug, la taxa digl arvè ei sco gl'onn passau.

Milsanavon eis ei era vegniu da signur gerau Lucas Cavegn sclariu si manedel e bein il pugn da recapitulaziun pervia dalla viafier e dallas vias da communicaziun.

### 1860, ils 8 da decembre

Ei la ludeivla vischnaunca stada radunada el solit liug pervia da sedeliberau sur dil pugn da recapitulaziun appartenent las vias da communicaziun e la via ferratta.

Suenter liunga declaronza ed explicaziun, ha nies signur president legiu giu ses sentiments, ils quals el haveva mess per scret, ils quals ein per part sco suonda:

Suenter ditg e madiramein haver ponderau la caussa ariguard quei pugn da recapitulaziun, il qual dueva tenor nies manegiar esser secrets ora en dus, la via ferratta in e las vias da communicazion er'in. Considerond da l'autra vart ils citats ella revedida lescha cantunala, ord ils quals ei suonda, che nus stuessen dar il sulom ed il material gratis, sco era il manteniment cura ch'ella fuss baghegiada ed era ord quella consideraziun, che nies territori ei constituius cun bia punts ed essan encunter in grond cuolm ed aschia per buca seschar cumpigliar en quels fatgs, essan nus necessitai da refusar il pugn da recapitulaziun cun 96 vuschs.

Il medem temps ha la vischnaunca era dau giu la declaronza, ch'ella en cass ch'ei vegnessi en il pli per quei pugn da recapitulaziun, vegni mai a seschar en da dar il sulom ni mantener la via sin sias costas.

### Igl onn 1861

#### 1861, ils 17 da fevrer

Ei la vischnaunca stada radunada el solit liug per sedeliberar sin tgei moda e maniera ins vegli guder las alps egl avegnir.

Igl emprem eis ei dil signur president vegniu declarau ils pareris che la cumissiun dalla sonda vargada haveva projectau. E quels eran numnadamein:

- Da parter las alps sin quella moda sco ei stau ina partizun dad otg onns vidavon, da parter las alps e separar la biestga schetga dallas vaccas, quei ei stiarls e stiarlas.
- Da schar far mintgin tgei ch'el vegli cun entgina modificaziun.
- Da parter las alps, aber buca separar la biestga dallas vaccas.

Silsuenter eis ei vegniu passau tier la dumbraziun dallas tscharnas ed il project sut letra a) ha pigliau il pli, cun la cundiziun, ch'ei duei vegnir teniu a casa buca pli ch'in tier per fiug ed ils cavals dueien era vegnir cargai il medem di cun las vaccas e restar adina ell'alp, quei ei tochen ch'ei descarga las vaccas.

Silsuenter ha la vischnaunca concludiu, da sin sonda proxima ed otg dis, vegnir ensem ena cumissiun per luvrar ora ina adattada partizun dallas alps.

Silsuenter ha il signur president legiu giu in project, mess avon dalla cumissiun da scola, co ins savessi arver fontaunas per cuvierer ton pli tgunsch las spesas, ton da vischnaunca sco da scola, ei aber sedeliberau sur da quei punct nuot, sulet mo per dar enta maun da patertgar co ins savessi far.

Lura ha il signur president augurau bien appetit alla radunada e sligiau si quella.

#### 1861, ils 10 da mars

Ei la ludeivla vischnaunca stada radunada el solit liug ed ei igl emprem legiu giu il protocol ch'ei da quella vegnius approbaus.

Silsuenter eis ella passada tiell'elecziun dil cusseglier naziunal. Votants presents 149.

per landrehter Latuor 51

per cusseglier guvernativ Toggenburg 98

Silsuenter ha il signur president declarau sur da tgei materia la vischnaunca hagi aunc da sedelibera e supplicau signur Duri Venzin da leger giu il project pervia dallas alps ch'era projectaus dalla cumissiun. Il davos eis ei sulettamein concludiu ch'ils stiarls dueien vegnir cargai ell'**Alp Maighels e Tgom**, igl auter tut ei vegniu refretg.

Era eis ei vegniu concediu in lenn da fiug alla vieua Fausta Venzin, laschond pagar persuenter.

#### 1861, igl emprem d'avrel

Ei la ludeivla vischnaunca stada radunada el solit liug ed ei igl emprem vegniu legiu giu il protocol e da quella vegnius approbaus.

Silsuenter eis ei vegniu publicau, ch'ei circuleschi marenghins d'anno 1858 da Napoleon III, ils quals han buca la peisa ch'ei duessen ver ed ein aschia sclamai.

Lura ha il signur president mess avon e da signur Duri Venzin vegniu legiu giu la cunvenziun fatga culla claustra da **Mustér** appartenent il pagar giu igl arvè da quella. La vischnaunca ha concludiu d'acceptar la cunvenziun, sulettamein ha ella resalvau il gentar che la claustra dat

annualmein agl obercheit da **Tujetsch**, quei ei a tut quels ch'ein stai enzacu ni vegnan denter igl obercheit.

Silsuenter ei il pareri pervia dallas alps vegnius legius giu e declaraus ed igl ei vegniu fatg il pli ed il meins sch'ins vegli quel acceptar ni buc. Ei ha pigliau il pli d'acceptar il pareri talis e qualis, sco el ei secrets e quei uorden duei vegnir observaus per nov onns, sulettamein eis ei da far quella remarka, numnadamein: che las stiarlas da **Mila** possien suenter miez settember vegnir o dador ils **Runs**, quei aber mo dil maun da **Mila**.

Era eis ei dalla vischnaunca anora vegniu tarmess il signur gerau Lucas Cavegn tiella conferenza a **Glion** appartenent las vias da comunicaziun e la via ferratta, ei aber vegniu dau negina plenipotenza.

Dapli ein vegni numnai ils cautegias dalla biestga schetga e cavals:

Sep Antoni Venzin	cautegia cavals
signur Paul Schmed	cautegia <b>Strem</b>
Hans Giachen Caduff,	cautegia <b>Mila</b>
statalter Vigeli Giacomet	cautegia <b>Maighels</b>
capitani Muggli	cautegia <b>Tgom</b>

### 1861, ils 20 da matg

Ei la ludeivla vischnaunca stada radunada el solit liug ed ei vegniu sedeliberau sco suonda:

1. Eis ei vegniu sedeliberau cura far mundi dallas nuorsas, il qual ei vegniu concludiu da sin ils 21 da quest far ira.
2. Eis ei fixau che las cauras dueien, sco oz en otg dis, era vegnir messas sut pastur, pia era fatg mundi.
3. Eis ei concludiu da schar prender si in taur per las stiarlas ed ei schau sura als cautegias da quellas, numnadamein signur Paul Schmed e Hans Giachen Caduff.
4. Eis ei vegniu tratg ora ina cumissiun per sedeliberar pervia dalla lenna da baghegiar e barschar sigl onn futur.

Ils commembers ein: statalter Gion Paul Riedi, Duri Berther, statalter Giachen Decurtins, statalter Sep Maria Monn, Vigeli Joseph Berther, statalter Gion Antoni Degonda, statalter Sep Antoni Muggli, assistant Schmed e Gion Antoni Curschellas.

5. Eis ei concludiu e schau sura als geraus da dar en ina petiziun al proxim Cussegli Grond pervia dils uauls e schar flessiar en quella petiziun, ch'ins duessi dismetter tuts bostgers culla cumissiun forestala ensemblamein.
  6. Eis ei concludiu ch'il nurser dalla stad duei puder, cura ch'el vesi che las nuorsas hagien buca da magliar pli, vegnir giu sill'alp da **Mut** e **Nual** u era ellas **Vals**, quei ei aber pér suenter miez settember ed era mo per in onn sill'emprova, sche la vischnaunca anfla per bien cura ch'il nurser dat is dalla maglia.
  7. Eis ei concludiu da sin gievgia proxima entscheiver culla lavur dil santeri e quei che vegn fatg tras lavur cumina entscheivan ils da **Maun Sut**; lura eis ei schau sura a signur Lucas Cavegn, tgi ch'el vul e tons sco el vul suenter siu bein manegiar.
  8. Era eis ei concludiu da schar vegnir tier a nos disgraziai vischins glarunès ina almosna da 100 frs. Igl emprem duei vegnir fatg ina unfrenda, ton a **Selva** sco a **Rueras**, sco era a **Sedrun**, quei che maunca lura dils 100 frs. duei vegnir mess vitier ord cassa da vischnaunca.
  9. Ei la ludeivla vischnaunca passada tiellas elecziuns communalas. Suenter ch'il signur president ha giu salidau il segnerfarrer culs signurs caplons e teniu in commensurau plaid, aschia era il secund e tierz gerau, aschia era ils cussegliers e giu remess lur uffecis cun engraziament en mauns dalla ludeivla vischnaunca, eis ella passada tiellas novas elecziuns. Sco geraus ein ils treis veders vegni confirmai, numnadamein sco president signur gerau Hans Giachen Beer, sco secund Gion Andriu Berther e sco tierz signur statalter Duri Venzin. Ils cussegliers: Fidel Venzin, Giachen Adalgott Monn, Giachen Antoni Berther, Vigeli Monn e Gion Antoni Schmed.
- Salter ei era vegnius confirmaus il veder. Aschia era la cumissiun da scola e la pauperila.

## 1861, ils 26 da matg

- Ei la ludeivla vischnaunca stada radunada el solit liug ed ei vegniu sedeliberau sco suonda.
1. Eis ei vegniu legiu giu il pareri dalla cumissiun pervia dallas lennas da baghegiar e da barschar – vide il project.
  2. Ha la vischnaunca concludiu da tarmetter tier ina petiziun al ludeivel Cussegli Pign e tras quel al ludeivel Cussegli Grond pervia dils bostgers.
  3. Eis ei vegniu concediu da ruchegiar sulom ad Onna Maria Beer.
  4. Ha la vischnaunca, cun gronda majoritad, refusau la proposiziun pervia dalla reit da vias e dalla via ferratta, proponida dalla radunanza stada radunada a **Glion** pervia da quei.
  5. Ein Giachen Antoni Decurtins cun siu camerat vegni pladi dalla vischnaunca sco nursers della stad.
  6. Eis ei concludiu da sin igl 8avel Sontgilcrest ulivar las alps e sin l'ina dueien tuts tiers esser dai en.
  7. Eis ei concediu lenna da slondas per pinar si ils tetgs dallas casas da scola.
  8. Eis ei concludiu da schar metter ensemes las romas pils uauls cumins, mintgin cura ch'el vegli e nua ch'el vegli.
  9. Eis ei da mia vart vegniu proponiu alla vischnaunca, che quels signurs che hagien da dar meini sin vischnaunca, duessien star tuts en retscha endadens il rin e schiditg sco quels che han da dar meini han buca ventschiu da tschintschar, duei negin dar enzatgei denteren. Aschigleiti sco tuts quels han dau siu meini, sche san ils auters era tschintschar, sch'ei plai ed igl ei sin quei fatg tscharcha e pigliau il pli.

## 1861, ils 23 da zercladur

Ei la ludeivla vischnaunca stada radunada el solit liug ei sedeliberau pervia dils s.h. bos entirs sco suonda:

Ils bos entirs dueien esser communabels cura ch'ei van a mises e tochen ch'ei descarga d'alp e quei mintg'onn tochen ch'ei vegn buca dalla vischnaunca anora concludiu enzatgei auter.

## 1861, ils 7 da fenadur

Ei la ludeivla vischnaunca stada radunada el solit liug e vegniu sedeliberau sco suonda.

1. Eis ei concludiu da cargar ad alp las nuorsas sonda proxima, la biestga schetga mesjamna proxima e las vaccas gievgia proxima.
2. Eis ei concediu da schar segar statalter Felici Schmed la sort enasi **Surpalits** ch'el ha buca giu pudiu segar igl onn vargau, pagond 8 frs. El duei aber puder segar pér cura che las otras pastiras vegnan segadas.
3. Eis ei era concediu da schar segar ina sort enasi sur **Tschinglatsch**, pagond 5 frs., la quala ei han era buca giu saviu segar onn e quei era pér cura che las otras pastiras vegnan segadas.
4. Ha la ludeivla vischnaunca, encunter igl uorden ch'exista, schenghegiau a Marti Valier ed a Tomas Riedi igl arvè d'ina vacca per in.
5. Eis ei concludiu da schar sura agl obercheit d'aunc dar enzatgei lenna a statalter Sep Antoni Muggli per sia casa ch'el baghegia da present, quei ei laschond pagar.
6. Era eis ei schau sura agl obercheit da dar in lenn ni dus, sco quel anfla per bien, al miradur Geronimi, laschond pagar persuenter.
7. La lenna da fiug po mintga vischinadi trer la sort denter els da quella ch'ei il pli damaneivel.
8. Eis ei vegniu lamentau ch'il pastur dils cavals dalla stad peini giu mintg'onn treis, quater plontas da far in piogn enta **Pardatsch** ed igl ei sur da quei concludiu, ch'il cautegia da cavals miri ch'il piogn vegni alzaus da maniera, che l'aua possi buca scarpar naven e cura ch'ei descargan, duei il piogn vegnir tratgs neu, sinaquei che la lenna seigi era aunc leu sigl avegnir.

## 1861, ils 4 d'uost

Ei la ludeivla vischnaunca stada radunada a **Camischolas** per deliberar, sch'ins vegli schar segar pastiras ni buc ed ei vegniu concludiu sco suonda:

1. Da schar segar pastiras.
2. Da schar stagiar ora las sorts signur Giachen Antoni Berther e statalter Giachen Decurtins.
3. Dueien quels signurs leger giu las sorts stagiadas ora ils 17 d'uost a **Zarcuns**, „quod factum est“.

## 1861, ils 18 d'uost

Ei la ludeivla vischnaunca stada radunada el solit liug e sedeliberau sco suonda.

1. Eis ei concludiu da schar segar el **Cuolm Ault** ils 20 d'uost.
2. Duei mintga vischinadi trer ora in vischin ni plirs sco ei vulan tier ina cumissiun per sedeliberal co e con ei vulan metter si ils s.h. tiers, sco era con schar per far fein a pastg per cuvierer ils deivets ed expensas dalla vischnaunca.

## 1861, ils 25 d'uost

Ei la vischnaunca stada radunada el solit liug ed ei vegniu sedeliberau sco suonda.

1. Eis ei concludiu da schar segar otg dis il **Cuolm Bass**, quei ei otg luverdis e schar entscheiver gievgia proxima ils 29 d'uost allas siat uras dalla damaun, nua ch'ei duei vegnir tuccau il zenn grond.
2. Eis ei concludiu da schar segar el **Cuolm Ault** tochen s.Michel, 29 *da settember*.
3. Ei il pareri ch'ei dalla cumissiun vegnius luvraus ora, co e con schar pagar quels che segan fein a pastg, vegnius approbaus talis e qualis sco el ei secrets, il qual plaida sco suonda:

Igl ei vegniu mess si 15 raps per di per quels che segan, seigi lu umens ni femnas e quei mo in per fiug. Umens ni femnas, che mo sulettamein raschlan, pagan mo 10 raps. Quels che segan pli ch'in per fiug, seigi lu umens ni femnas, aschia dus ni treis per fiug, pagan 2/3 dapli che quels che segan mo in per fiug. El medem temps vegn ei fatg attents, che quest vali ton per quels che fan fein el **Cuolm Ault**, sco per quels che fan fein el **Cuolm Bass**.

## 1861, ils 10 da november

Ei la ludeivla vischnaunca stada radunada el solit liug ed ei vegniu sedeliberau sco suonda.

1. Eis ei concludiu da schar vegnir en cun quater tiers per fiug. Igl arvè ei puspei fixaus sco gl'onn vargau; plinavon dueien tuts tiers d'arvè vegnir dai en en termin da 15 dis mintgamai al cauvitg, el cass cuntrari ei igl arvè dubel e sut castitg dil ludeivel obercheit.
2. Eis ei concludiu da schar la mesedad da quels tiers che vegnan pri si sin la pastira da casa da **Cavorgia** als vischins da **Cavorgia**, l'autra mesedad aber ella cassa da scola communabla.

## 1861, ils 29 da december

Eis ei vegniu teniu pleiv pervia da prender si il signur pader Augustin Schuoler sco caplon a **Sedrun**.

Signur pader Augustin Schuoler ha dau plaid da vegnir sco caplon provisoricamein sut las suandontas cundiziuns:

1. La vischnaunca stoppi far giu ils 30 fl. ni 51 frs. per la scola.
2. Stoppi ella aunc schar vegnir tier ad el 50 frs. per sch'el mondi el cuost, drovi el negina lenna.
3. Stoppi la vischnaunca schar trer l'entira entrada, quei ei da s. Martin naven.
4. La vischnaunca ha unitamein concludiu:
  - a) Da prender si el sco caplon provisoricamein, sch'el vegli ni plagi ad el da star, sco era sch'ei plagi alla vischnaunca da salvar el.
  - b) Partenent il schar trer l'entrada entira, eis ei era concludiu da, sch'el stat in entir onn, da schar trer l'entira, sch'el stat mo in temps, schar trer mo suenter temps.
  - c) Ariguard ils 51 frs. per la scola, duei buca la caussa da quella engaldir, sunder quels 51 frs. dueien vegnir pagai ord cassa da vischnaunca alla scola.
  - d) Ariguard ils 50 frs. concedi al caplon ord consideraziun da buca duvrar lenna, quels dueien era vegnir pagai ord cassa da vischnaunca.
  - e) Ed ariguard il far la lenna a signur sur Vigeli Venzin per aschiditg sco quel resta a **Rueras**, dueien tals vischins stuer gidar a mantener quei, sco ei po tuccar per fiug e zuar tut ils vischins dador gl'uaul.
  - f) Cura ch'ei fuss negin caplon a **Sedrun**, sche dueien quels 51 frs. per la scola, vegnir pri ord il tscheins dalla caplania.

## Igl onn 1862

### 1862, ils 2 da mars

Ei la ludeivla vischnaunca stada radunada el solit liug e legiu ora ils cautegias, ils quals ein:  
per **Maighels** signur Hans Giachen Beer,  
per **Strem** signur Giachen Antoni Berther,  
per **Mila** signur Duri Berther,  
per **Tgom** signur Gion Rest Monn,  
per cavals signur Gion Antoni Berther.

Eis ei vegniu concludiu, che dacheudenvi dueien mintgamai ils pursanavels dall'alp leger ora ils cautegias, cura ch'ei taglian pustretschi.

Dapli eis ei vegniu concediu in sulom a Hasper Berther si **Pardatsch** da far si ina talina encunter siu baghetg.

Silsuenter eis ei vegniu concludiu che mintga vischinadi duei trer ora in ni dus umens tier ina cumissiun per seconsultar ariguard las vias e quei sin ils 14 da mars.

### 1862, ils 13 d'avrel

Ei la ludeivla vischnaunca stada radunada el solit liug e sedeliberau sco suonda:

1. Eis ei concludiu d'ira mardis proxim ils 15 dil current e far ir ord ils praus ils tiers casa.
2. Eis ei vegniu pladiu il nurser dalla stad ellas persunas da Gion Antoni Giacumet e fegl da Rest Antoni Werth.
3. Il project bess dalla cumissiun da vias ei vegnius refretgs tochen ch'igl ei pli madir.

### 1862, ils 11 da matg

Ei la ludeivla vischnaunca stada radunada el solit liug per sedeliberaar sur dalla direcziun dil stradun naven da **Zarcuns** entochen **Rueras** ed ei vegniu concludiu sco suonda:

Ils da **Rueras** surprandan tuttas spesas dil transport da quels treis baghetgs che la tiarza lingia dil stradun pren naven. La vischnaunca dat las lennas e caltschina sco era il sulom per quels treis baghetgs, ils suloms veders crodan tier alla vischnaunca. Sut las sura cundiziuns conceda la vischnaunca da schar baghegiar il stradun tenor la tiarza lingia tratga.

NB. Ils da **Rueras** ein era s'offer, da sch'il stradun vegness baghegiaus tenor la tiarza lingia, da schar ira sut tuttas gassas vedras.

Dapli ha la vischnaunca concludiu da schar vegrin en cun 60 tgaus biestga, pagond igl arvè. Quels ston aber ulivar las alps ni era schar prender si tiers jasters. Dapli eis ei serrau da pinar lennas ella **Rufna** dadens la val dils **Tgafruts**.

### 1862, ils 18 da matg

Ei la ludeivla vischnaunca stada radunada el solit liug e vegniu sedeliberau sco suonda.

1. Ariguard las lennas da baghegiar eis ei concludiu da star vid la basa dils onns vargai. La lenna da barschar schar dar ora ord las schetgas o gl'uaul **Bugnei**, **Flurin**, **Londadusa**, enagiu ils **Diratschs** ed enasi gl'uaul dil **Bostg** e quei pressapauc sis vaultas lenna per fiug.
2. Eis ei mess si 25 raps il salmè per la lenna che vegrin duvrada da barschar la caltschina.
3. Eis ei mess si 25 raps la plonta per lenna che vegrin pinada da far bischels.
4. Eis ei concludiu da schar ira mo in cun il bostger e dar ora lenna.
5. Da supplicar il bostger da leu vuler numnar [*rut*] las lennas che vegrin dadas ord uauls cumins [*rut*] la lenna d'aissas e slondas.
6. Schar pagar 5 raps per slusel e quei duei vegrin dau entras il cauvitg da mintga vischinadi.
7. Dueien las lennas che sederschan pils uauls entuorn vegrin vendidas temps da primavera.
8. Schar entscheiver a resgiar ora ragada, *lenna derschida*, ils 2 da zercladur dil current entochen igl 1. da fenadur.
9. Eis ei concludiu da prender si tschun cavals jasters sill'alp da cavals, laschond pagar 20 frs., sco era tuttas outras spesas da pustretschi che pon tuccar.
10. Concediu als vischins da **Cavorgia** da schar prender si treis vadials sin lur pastira da casa. Als auters vischinadis aber, eis ei lura vegniu scumandau, schegie ch'igl ei vegniu petiziunau persuenter. – Ina biala consequenza!

## 1862, ils 9 da zercladur

Ei la ludeivla vischnaunca stada radunada el solit liug ed ei vegniu sedeliberau sco suonda. Primarimein ha il statalter da vischnaunca dau giu siu quen menaus 1861 / 62 entochen il sura di, il qual ei dalla ludeivla vischnaunca talis e qualis, sco el ei leu vegnius legius, approbaus cun engraziament.

Secundariamein eis ei ariguard la malsogna vegniu concludiu che mintgin duei star cun siu muvel nua ch'el seigi dapresent entochen ch'ei vegni lura dau outras ordras.

3. Ariguard il far bien per implorar igl Altissim per la remadura dalla malsogna dils peis e dalla bucca eis ei schau sura al segnerfarrer culs geraus.

[*rut*] Lucas Cavegn dumandau da schar tener duas vaccas [*rut*] vegniu concludiu da schar tener tgi che vegli [*rut*] a casa per in, aber schar pagar 5 frs. alla vischnaunca [*rut*] dall'alp culs da **Tschamut** eis ei schau sura ad in ludeivel obercheit da secunvegnir giu cun els ed era metter en tiarms.

## 1862, ils 15 da zercladur

Ei la vischnaunca stada radunada el solit liug ed ei ariguard la malsogna dils tiers danovamein concludiu che mintgin duei star cun ses tiers, seigien els sauns ni malsauns, nua ch'el seigi e quei tochen s. Gion, *ils 24 da zercladur*.

Las cauras da **Sedrun** dueien dad oz naven ira ensi e buca pli engiu.

Sco cumissiun vid las vias ein dessignai signur Lucas Cavegn, signur gerau Venzin e statalter Lurenz Giacomet. Quels treis umens dueien tenor dictar da lur cunscienzia valetar ils donns e gudogns che mintga particular ha vid ses funs duront che la via vegr fatga, sco era mesirar e valetar il prau che la via drova.

## 1862, ils 24 da zercladur

Ei la ludeivla vischnaunca stada radunada el solit liug ed ei igl emprem vegniu legiu giu il protocol ed approbaus e milsanavon eis ei concludiu:

1. Ariguard il cargar ad alp po mintgin far tgei ch'el vul ed ira nua ch'el vul. Sulettamein enta **Maighels** e **Surpalits** duei vegrnir cargau stiarls, il stagiau, che han lur territori tenor igl uorden ch'ei gl'onn vargau vegnius stabilius. Las vaccas dueien star ord ils mises entochen che la vischnaunca concluda enzatgei auter.

2. Ariguard las nuorsas duei il signur statalter pladir in nurser per quellas sillia **Pizza** ed in per quellas giu da **Maun Sut**. La pagaglia dueien quels dus haver ensemble.

3. Las cauras sa mintgin era tener nua ch'el vul, sulettamein mirar da tener quellas ord ils praus, sco era auters tiers.

4. Eis ei schau sura als signurs geraus da turnar a metter mustregia.

5. Eis ei concludiu che la lenna da fiug duei mintga [*rut*] prender quella numera ch'ei il pli damaneivel e [*rut*] vischinadi per vischinadi.

## 1862, ils 17 d'uost

Ei la ludeivla vischnaunca stada radunada el solit liug ed ei vegniu concludiu sco suonda: Ariguard il schar far fein a pastg eis ei fixau da schar entscheiver ils 19 d'uost entochen s. Michel, 29 da settember, quei ei el **Cuolm Ault**.

El **Cuolm Bass** vegr ei schau entscheiver ils 26 d'uost. Il rest ei sco gl'onn vargau, vide protocol dils 18 d'uost 1861. Per segar el cuolm vegr ei da pagar nuot.

## 1862, ils 21 da settember.

Ei la ludeivla vischnaunca stada radunada el solit liug e concludiu, ch'ei sappien vegrnir culs tiers sillas pastiras da casa e nua che mintgin vul, sulettamein dueien quellas caschadas ch'ein enasi **Val** e **Val Giuv** vegrnir schenghegiadas ch'ein ira enasi cun tiers ed han in ton giu la malsogna.

## 1862, ils 28 da settember

Ei la ludeivla vischnaunca stada radunada el solit liug e concludiu da descargar igl 1. d'october ils tiers gronds, ils tiers casa eis ei concludiu da buca schar ira pils praus tochen sonda proxima,

ch'ei ils 4 d'october. Las nuorsas eis ei concludiu da schar vegnir ils 6 d'october, las da **Maun Sut** zavrar avon miezdi e las dalla **Pizza** suenter.

Plinavon ha la vischnaunca, sin la damonda da signur Depuo, concludiu ch'il stradun naven da **S. Brida** duei vegnir baghegiaus nua che las stagias seigien cavegliadas en dapresent ni pli ensi ni pli engiu.

### 1862, Tujetsch, ils 26 d'october

Ei la ludeivla vischnaunca stada radunada el solit liug e sedeliberau sco suonda.

Concernent co entscheiver a pagar ils deivets ch'il stradun ha caschunau, eis ei d'ina cumissiun vegniu tschentau si in pareri e la vischnaunca ha acceptau quel talis e qualis sco el ei da quella vegnius tschentaus si.

Tuts burgheis da vischnaunca pagan, seigien presents ni absents, tenor lur facultad netta sco il cadaster muoss'ora 70 raps per 1000 frs., medemamein paga mintga fiug 50 raps.

Dapli paga mintg'olma 20 raps l'ina, tuts burgheis da vischnaunca seigien presents ni absents. Per pagar igl arvè dalla claustra ed auters deivets da quella, che appartegnan lura tier als da **Tschamut**, eis ei mess si ch'ei vegni pagau per cavagl 40 raps, vacca 20 raps, per in stierl, stiarla e pulein 13 raps, vadi 6 raps, cauras e nuorsas 2 raps, tiers casa 4 raps ed ansiel 1 rap.

### 1862, ils 9 da november

Ei la ludeivla vischnaunca stada radunada el solit liug ed ei vegniu concludiu ch'ils da **Tschamut** dueien dacheudenvi tener sias nuorsas temps da stad sin sia alp, essend ch'ei era schiglioc d'els vegniu concludiu da schar ir ellas silla **Pizza** cun las dalla vischnaunca. Uss aber ei quei ad els buca lubiu pli. Ariguard igl arvè eis ei concludiu da star dil medem pei sco gl'onn vargau.

### Igl onn 1863

#### 1863, ils 3 da matg

Ei la ludeivla vischnaunca stada radunada el liug e sedeliberau sco suonda:

1. Eis ei concludiu da far mundi cun ils tiers casa ils 5 dil current.
2. Eis ei concludiu, che tgi che hagi Talianers en quatier, duei era mirar che quels hagien lenna da cuschinari, sinaquei ch'els mondien buca ad engular nua ch'ei pon tier.
3. Eis ei concludiu ch'ils Talianers dueien allas 10 uras dalla sera esser mintgin en siu quatier ed ils „Quartiergebers“ dueien constrenscher quels leutier e sch'enatzgi fa memia grondas caneras, sche vegnan ei castigai 1 fr. e duess ei serepeter mintga gada il dubel, quei dueien ils accordants far da saver a lur luvrers.
4. Eis ei concludiu ch'ei duei vegnir fatg il stradun nua ch'ei va viadis, da maniera ch'ins sappi vegnir sil stradun, senza far ni stuer cumprar ora viadis novs.

#### 1863, Tujetsch, ils 25 da matg

Ei la ludeivla vischnaunca serimnada el solit liug per leger ora sias autoritads, numnadamein il ludeivel obercheit, la cumissiun da scola, la cumissiun pauperila ed ina cumissiun viala e zuar quei pil bienni da dus onns.

1. Eis ei vegniu legiu giu il quen da vischnaunca menaus da statalter Gion Fidel Venzin, ton dil dau ora, sco dil tratg en, il qual ei era vegnius approbaus da quella cun engraziament. El medem temps eis ei era vegniu tarmess ina deputaziun tiels signurs spirituals per quels envidar en suenter il solit tier quellas impurtontas elecziuns, ils quals ein era tier quellas cumpari.
2. Suenter ch'ils signurs geraus e cussegliers han remess lur uffecis ed administraziuns els mauns dalla ludeivla vischnaunca, ei quella passada tier las elecziuns sura menziunadas e legiu ora sco suonda:
  - a) sco president da vischnaunca signur gerau Duri Venzin
  - b) sco secund gerau statalter Sep Antoni Muggli
  - c) tierz gerau statalter Lurens Jacomet
  - d) sco cussegliers Stiafen Beer, Tomas Huonder, Lorenz Venzin, Duri Deflorin, Tomas Schmet, Giusep Deragisch; da quels signurs sura menziunai ha la ludeivla vischnaunca surschau da

leger ora libramein in da quels cussegliers sco salter e sco tal ei lura Giusep Antoni Deragisch vegnius dessignaus.

3. La cumissiun viala representan ils treis geraus cun aunc arver il dretg da trer tier libramein dus umens.

4. La cumissiun da scola representan ils commembers veders cun excepziun da statalter Gion Andriu Berther e statalter Gion Antoni Peder enstagl dils quals Vigeli Berther e Giachen Antoni Deflorin ein vegni legi ora.

5. Sco cumissiun pauperila ei la vedra vegnida approbada cun excepziun da Duri Berther, enstagl dil qual statalter Stoffel Riedi ei vegnius legius ora.

6. Eis ei concludiu ch'igl obercheit, cun dus ni plirs umens per vischinadi, dueien sonda proxima serender el solit liug per seconferir sur dallas lennas, ton da fiug, sco da baghegiar e lura rapportar il conclus alla ludeivla vischnaunca.

7. Eis ei concludiu da prender si diesch cavals e schar pagar quels 20 frs. per in e las spesas da pustretsch e mascal extra.

8. Eis ei concediu a Stiafen Monn in sulom sillla pastira a **Valtgeva** senza donn e pregiudezi d'in tierz.

9. Medemamein concediu in sulom al Duri Deflorin da baghegiar ina talina da lenna sper siu baghetg a **Camischolas**.

10. Ha la vischnaunca surschau als geraus da rugalar si la tegia da **Surpalits**.

11. Eis ei concludiu da rugalar la via da **Gonda** cun tschentar quella en sil prau senza bonificaziun dil proprietari da quel aschilunsch sco ils basegns damondan.

12. Duei mintga particular clauder ses beins els vischinadis suenter la via nova cun ina seiv provisoria cun schar trer giu tals e quals per las breigias giud las uras cuminas.

### 1863, Tujetsch, ils 31 da matg

Ei la ludeivla vischnaunca stada radunada el solit liug e sedeliberau sco suonda.

Concernent ils uauls ed uorden da lennas, taglia sin olmas fiugs e rauba, ei d'ina cumissiun tschentau si in pareri e quel ei vegnius legius giu e la vischnaunca ha quel acceptau, resalvond sin ils tiers, quels dueien pagar la mesedad dapli ch'igl onn vargau.

1. Tuttas lennas, ton da baghegiar sco da fiug, duei vegrin dau ord las schetgas, resalvond lenns d'aissas e slondas che vegrnan dumandai per basegns. Quels dueien vegrin dai ord ils uauls cumins e pagar per mintgin 1.70 frs. Sch'eis pon pinar sez, vegrnan ei numerai ora, sch'eis ei mo 1 fr.

2. Pils mises suren ed ora, entschavend il **Bostg** entochen **Scharinas**, duei vegrin dau lenna da **Maun Su** il pli damaneivel che po da siu mises e quels dueien pagar las spesas da signar ora quella.

3. In lenna da punt duei survir per dus, ils da **Maun Sut** survegnan leugiu els uauls cumins e pagan per in lenn 1.50 frs., pon aber era vegrin ellas schetgas, tgi che plai, lenna da clavau il medem e pagan per in lenn 1 fr.

4. Lenna da fiug duei vegrin dau en circa otg vaultas per fiug e pagar 3.40 frs. per sort, fravis e hafner il dubel ed era pagar il dubel.

5. Taxa dallas lennas:

in lenn d'aissas paga	5 frs.
in quader e lenns da punt pagan	3 frs.
in lenn da clavau ed areisens	1 fr.
ina latta paga	60 raps

6. Taglia sils tiers, quels dueien pagar la mesedad dapli ch'igl onn vargau ed aschia

in cavagl	80 raps
ina vacca	40 raps
in stierl e pulein	26 raps
in vadi	12 raps
cauras e nuorsas	4 raps
tiers casa	8 raps
in ansiel	2 raps

8. Fiugs ed olmas e rauba sco suonda. Tuts burgheis da vischnaunca pagan, seigien presents ni absents, tenor lur facultad netta, sco il cudisch muossa ora 30 raps per 1000 frs., medemamein paga mintga fiug 75 raps. Dapli paga mintga olma 30 raps, seigien presents ni absents.
9. Duei vegin vendiu circa 40 plontas lenna, mintgamai nua ch'ei vegen pagau il bia e cumprau il pli bugen, quei s'entelli plontas veglias.
10. Era duei vegin vendiu tuttas lennas e ragadas dadas entuorn els uauls cumins.
11. Eis ei concludiu da schar vender Tomas Huonder lennas dadas entuorn egl uaul da **Rosas**.
12. Eis ei concludiu da pagar als umens che vegen tratgs ora d'ira a **Trun** per leger ora ils commembers digl appellaz 2.50 frs. per in e lura schau sura als vischinadis da trer ora quels e dalla vischnaunca approbar ils 4 da zercladur.
13. Pervia da numerar ora las lennas ein confirmai ils veders sco „forsters“, statalter Giachen e Vigeli Berther.
14. Eis ei concediu in sulom al Vigeli Wert ora sil **Clavau Sura**.
15. Eis ei concediu al Battesta Berther da brattar in sulom.
16. Eis ei concludiu da schar vegin en cun 50 tiers sin nossas pastiras pagond igl arvè.
17. La caltschina duei vegin tratga la sort ed aschia duei mintgin ira suenter il numer, numer sco el vegen ora ad in ed in suenter l'auter.
18. La roma dalla lenna dalla caltschina duei vegin duvrada da barschar avon che pinar autra lenna.

### **1863, ils 4 da zercladur**

Ei dalla vischnaunca concludiu da star cun ils tiers malsauns mintgin en siu liug e buca ira vidaneu.

### **1863, ils 21 da zercladur**

Ei la ludeivla vischnaunca da **Tujetsch** stada radunada el solit liug e concludiu sco suonda.

1. Ei vegniu concludiu da vender lenna ellas schetgas, circa 40 plontas, il qual era avon schon stipulau e quei duei daventar ils 25 dil present meins.
2. Eis ei vegniu concediu in sulom per in chischner da treis posts si per siu baghetg a **Camischolas** al statalter Gion Andriu Berther.

### **1863, ils 5 da fenadur**

Ei la ludeivla vischnaunca stada radunada el solit liug e concludiu sco suonda.

1. **Maighels** duei vegin cargau en il stagiau, igl emprem stiarls e suenter vadialas.
2. Ei concludiu da reparter las alps suenter stagiau dalla cumissiun.
3. Ei concludiu da schar far ora 500 petgas da crap e quei tgi che fa il bienmarcau.
4. Ei concludiu da frietar las alps otg dis avon cargar, tenor igl uorden digl onn vargau.
5. Ei concludiu da cargar las nuorsas ils 8 da quest, ils tiers gronds il gliendissdis suenter s. Placi, ch'ei ils 13 da quest, a casa duei vegin teniu mo in tier per fiug.

### **1863, ils 26 da fenadur**

Ei la ludeivla vischnaunca stada radunada el solit liug e concludiu sco suonda.

1. Ei concludiu pervia dil barschament da **Sevgein** da far ina unfrenda en baselgia e recumandau che mintgin duei duvrar carezia fraterna e quei che vegen en, tarmitter immediat tier ad els. E lura sin d'atun duei aunc vegin fatg ina collecta e quei tier mintga particular e schau sura a mintgin sia carezia fraterna da misericordia.
3. Ei concludiu da schar ira Giachen Decurtins e Giachen Antoni Berther a stigiar ora pastiras en sorts e lura metter quellas egl ingant e vender quei tonpli gleiti.
4. Ei concludiu pervia dalla fatschenta cun ils da **Tschamut**, d'ira sin il plaz enzacons umens ed empruar da s'entelgir denter nus ed ils vischins da **Tschamut**, s'entelli aber cun approbaziun dalla vischnaunca. Ils umens ein tratgs ora ils sequents:

ils treis geraus

Tomas Huonder

Felici Schmet, ei buca staus  
statalter Giachen Decurtins

Hans Giachen Beer  
Soliva Gion Antoni  
Hasper Beer, ei buca staus  
statalter Sep Maria Monn  
Ils sura numnai pon trer giu per sia paga in di e miez laver cumina per in.

### 1863, ils 2 d'uost

Ei la ludeivla vischnaunca stada radunada el solit liug e concludiu sco suonda.  
1. Ei legiu giu ina citaziun dada ora dil president digl appellaz, il qual lai avisar che la ludeivla vischnaunca duei cumparer sin ils 11 da quest a **Trun** per corrispunder pervia dalla dispeta dil **Mun Traviers** davart dil vischinadi da **Tschamut**.  
2. Ei dalla ludeivla vischnaunca concludiu e tratg ora ils sequents umens che dueien ir a corrispunder e numau ils sequents:  
signur Venzin, gerau  
signur „punsstatalter“ Condrau  
Muggli, gerau  
signur Hans Giachen Beer  
Ils quals dueien far suenter lur bein manegiar e sco procuratur ei igl Oswald dumandaus.  
3. Las pastiras stagiadas ora dueien vegr messas en ingant ils 16 da quest.

### 1863, ils 16 d'uost

Ei la ludeivla vischnaunca stada radunada el solit liug e concludiu sco suonda.  
1. Ei concludiu da schar segar el **Cuolm Ault** ils 18 da quest, ch'ei il mardis e mintga um che sega en quel, duei pagar en cassa da vischnaunca 50 raps e sa segar en quels entochen ch'ei vegr schau ira el **Cuolm Bass**.  
2. Ei concludiu da dar en ina petiziun al Cussegl Pign pervia da **Putnengia**, ch'ei priu giu entras il stradun ina communicaziun d'ira giu tier ils baghetgs ed aschia manegia la vischnaunca ch'il cantun seigi obligaus da pagar il cuost da quellas varts.  
3. Ei mess avon alla ludeivla vischnaunca, sch'il cantun fagess far ora petgas da crappa, enstagl da lenn, schebein la vischnaunca less surprender da trer quellas sil plaz, nua ch'ellas vegr duvradas e lura ei concludiu cun il pli dalla vischnaunca da seschar en nuot da quellas varts.  
4. Ei schenghegiau igl arvè d'ina vacca al Sep Antoni Deplaz, che ha dumandau, per l'amur da Diu.

### 1863, ils 23 d'uost

Ei la ludeivla vischnaunca stada radunada el solit liug e concludiu sco suonda.  
1. Ei concludiu da schar ir el **Cuolm Bass** a segar ils 31 da quest e po vegr segau otg dis en quels. Mintga um che seprofitescha, duei pagar alla vischnaunca 20 raps a di quels dis ch'el va, ina femna 10 raps a di. Quels che van pli che in per fiug, dueien pagar il dubel ed aschia pagan quels 40 raps a di.

### 1863, ils 4 d'october

Ei la ludeivla vischnaunca stada radunada el solit liug e concludiu sco suonda.  
1. Ariguard il descargar ei concludiu da dar lartg, las vaccas e cauras ils 5 da quest meins, las nuorsas e pors aber per ils 8.  
2. Ei concludiu da numnar ina cumissiun, in um per vischinadi, la quala duei seconsultar cun igl inschignier Deplaz ariguard las petgas da crap.  
3. Ei vegniu purtau avon ch'ils da **Sedrun** secumentien uonn mo cun in scolast ed els vevan il dretg da retrer la rendita dil fondo da scola per dus, sch'ei dalla vischnaunca vegniu concludiu da schar vegr tier ad els per igl onn d'uonn mo per  $1\frac{1}{2}$ , bein aber duei quei nuota pregiudicar ils da **Sedrun** sin in autra gada, sch'els vegr puspei sil patratg da tener dus scolasts, aschia ch'els hagien puspei ils medems dretgs sco vidavon.  
4. Ei concludiu da far en la pegna ella casa da scola a **Rueras**.  
5. Ei schenghegiau in lenn al Marti Valier, il qual el veva stuiu pinar per derscher in siu.

6. Ei concludiu da schar segar il Fidel Gamboni igl onn 1864 in toc pastira si **Caschlè** ch'el ha cumprau e buca segau, cun aber aunc metter vitier la quarta dil pagament ch'el sto pagar uonn, bein aber duei el buc astgar segar avon las otras pastiras, las qualas vegnan puspei vendidas.

### 1863, ils 18 d'october

Ei la ludeivla vischnaunca stada radunada el solit liug e concludiu sco suonda.

1. Ei vegniu mess avon schebein ins vegli buca gleiti entscheiver a mundar ils praus devastai entras la via nova ed ei concludiu dad ad interim ira dus dis, ils 19 e 20 da quest meins e zuar l'entira vischnaunca, bein aber dueien ins ira la mesadad dils fiugs da mintga vischinadi in di e l'autra mesadad il secund di e duei vegnir entschiet las lavurs o tier ils cunfins da **Mustér**.
2. Per tener uorden, dar enta maun las lavurs e tener quen ils umens da lavur, ei dalla vischnaunca anora vegniu dessignau: Vigeli Berther da **Camischolas**, bein aber duei aunc vegnir in um per vischinadi che gidi il sura.
3. Ei schau tier da, sch'igl ei ad in buca cumadeivel d'ira a lavur cumina quei di ch'el duess ira, schar brattar cun in auter, il qual sa cheutras era ver pli cumadeivel.
4. Nua ch'ei exista umens dueien quels vegnir e buca femnas.
5. A quels che duessen buca cumparer tier quallas lavurs ei mess si in castitg da 2 frs., ils quals crodan tier alla cassa da vischnaunca.
6. Essend, ed en cass ch'ils geraus ein forsa absents per motiv dalla fatschenta cun ils da **Tschamut**, cura che la cumissiun da collaudaziun vegn per collaudar la via nova, sche ha la vischnaunca dessignau signur Lucas Cavegn e Tomas Huonder, per ira cun quella cumissiun ed a quella dar en e comunicar las remarcas che la vischnaunca ha aunc da far. Cheu ei aber da remarcar che signur Lucas Cavegn ha buca surpriu da far quei per la vischnaunca, sche eis ei da vart dils geraus vegniu dessignau Duri Deflorin en siu stagl
7. Eis ei vegniu concludiu d'aunc rumper ora e far en ina finiastra nova ella casa da scola da **Sedrun**.

### 1863, ils 25 d'october

Sut il sura datum ei suenter il solit vegniu clamau vischnaunca e teniu quella el solit liug; suenter vein sin vischnaunca numnau dus dumbravuschs ed ei per la nomina dils futurs cussegliers naziunals votau sco suonda.

votants presents ein stai 136

per la nomina da signur Aluis Latour 136

per la nomina da signur Toggenburg 136

Suenter la nomina dils cussegliers naziunals ei la vischnaunca passada tier la nomina dils geraus federrals, sco tals ein mominai

signur mistral G. Joseph Condrau

signur mistral Arpagaus

signur docter Berther

signur mistral Winzens

signur assistent Palli

signur gerau Gion Andriu Berther

Plinavon ha la vischnaunca aunc concludiu il sequent:

1. Sco protocollist dil cudisch da hipotecas ei signur gerau Duri Wenzin nominaus sin nundeterminau temps.
2. Gerau militar signur Lorenz Jacomet per 4 onns
3. Ei concludiu da schar via las **Vals** al pigrer aschi bein sco ins sa.
4. Ei concludiu da puspei ira vinavon cun las lavurs cuminas e schubergiar ils praus ed entscheiver ils 3 da november e quei la mesadad dils fiugs per di.
5. Ariguard il pugn da recapitulaziun pervia da dismetter la pasculaziun dalla primavera, eis ei stau 2 pro e 121 contra.

### 1863, Tujetsch, ils 15 da november

Sut il sura datum ei suenter il solit vegniu clamau vischnaunca e teniu quella el solit liug; suenter vein sin vischnaunca numnau dus dumbravuschs ed ei per la nomina dils futurs

cussegliers naziunals votau sco suonda.

votants presents ein stai 129

per la nomina da signur Toggenburg 128

per la nomina da signur Bavier 1

plinavon ha la vischnaunca aunc concludiu il suandont.

1. Ariguard il schar vegnir en cun tiers d'arvè, duei restar tiegl uorden vegl.

2. Ei concludiu da dar en ina petiziun per survegnir in depot da sal en nossa vischnaunca.

### 1863, ils 20 da december

Ei la ludeivla vischnaunca stada radunada el solit liug e concludiu il sequent.

Igl ei vegniu purtau avon dil president ch'el hagi petiziunau per la posta entochen **Sedrun**, e sch'ei seigi buc endretg, sche vegli el turnar a retrer sia petiziun. La vischnaunca ei da quei buca stada cuntenza.

Plinavon ha il president era fatg enconuschent, ch'ei seigi buca vegniu concediu il depot da sal, sco quei che la vischnaunca veva petiziunau per quel.

### Igl onn 1864

#### 1864, ils 20 da schaner

Ei la ludeivla vischnaunca stada radunada el solit liug e concludiu il sequent.

Sin garegiar dil cussegli d'educaziun eis ei vegniu purtau avon, schebein ins vegli turnar u retrer la protesta dada en pervia dallas pagas dils scolasts ed ei unanimamein vegniu concludiu da buca retrer quella.

#### 1864, ils 6 da mars

Ei la ludeivla vischnaunca stada radunada el solit liug e concludiu sco suonda.

1. Sco cautegia dil **Tgom** ei vegniu mess il Giachen Martin Curschellas da **Surrein**.

2. Eis ei concludiu d'aunc tarmetter tier als disgraziai da **Seewis** ord cassa da vischnaunca 20 frs.

#### 1864, ils 13 da mars

Ei la ludeivla vischnaunca stada radunada el solit liug e concludiu sco suonda.

1. Ei purtau avon dil president dil grond barschament da **Reams** a **Sursaissa Romontscha** ed ei s'entelgiu da trer si ina collecta per ils disgraziai.

2. Ei purtau avon pervia dils zenns da **Maria Helf**, il qual ei concludiu che **Selva e Tschamut** dueien metter in ton, circa la quarta part, il rest duei ei lura cun cunsentiment dil segnerfarrer e dil monsignur uestg vegnir priu ora dallas capluttas da s. Leci e la caplutta da Nossadunna, capitals e lura far dus zenns ordinaris, sch'ei vegn concediu sco sura detg.

3. Ei vegniu legiu giu il pareri davart il clauder suenter il stradun ed ei vegniu cun il pli acceptaus, resalvond la lenna. Vid quella duei vegnir dau il pli lunsch giu digl **Uaul Surrein**, quei ei ellas schetgas e buca pli lunsch. (*Quella tractanda ei strihada.*)

3. Ei concludiu dus lenns als affons da Gion Ludivic Palli per miert per basegns da rugalar casa e baghetg.

#### 1864, ils 13 da mars

Sut il sura datum ei la ludeivla vischnaunca stada radunada el solit liug e concludiu sco suonda.

Ei vegniu legiu ils dus pareris dalla cumissiun stada radunada ils 11 da mars 1864, in pareri co clauder suenter la via nova, l'auter co pagar il deivet dalla via nova. Il pareri dil clauder ei vegnius cun pintga excepziun dils presents approbaus e plaida sco suonda.

1. Nua ch'ei vegn da far classena nova suenter la via nova en praus grass, duei la vischnaunca pagar als particulars da talas classenas 1.60 frs. per fest, quella che vegn sin praus maghers duei vegnir pagau 1.20 frs. per fest ed aschia duei mintga particular che ha praus sper la via nova, s'obligar da clauder per il sura fixau prezi, sco era mantener quellas vinavon. La lenna per quellas classenas duei vegnir dau gratis per adina.

2. Nua ch'igl ei scarpa e vegn claus sigl ur dalla via, vegn ei pagau 1.80 frs., s'entelli cun petgas e lattas. Nua ch'ei va giu classenas vedras, dueien quels che han talas, stuer pagar alla cassa da

vischnaunca 1 fr. il fest. Nua ch'ei vegn si geinas novas, duei a tals vegrni pagau 3.20 frs., a quels che mass giu talas, dueien pagar 2 frs., mirs buns che van giu, che han buca retschiert il pagament dalla vischnaunca, pagan 30 raps il fest, ils schliats dueien pagar 50 raps il fest.

NB. La lenna per far la sura classena ei entelgiu da dar elllas schetgas.

3. Silsuenter ei ditg vegrni discussionau e dispitau ariguard il pareri co pagar in ton dil deivet dalla via nova. Finalmein ei quel era vegrnius approbaus talis e qualis e plaida sco suonda.

1. Duei vegrni mess sin la rauba 4 frs. per melli; 5 frs. per fiug, dapli sin ils tiers, ina vacca 1 fr., in cavagl 2 frs., in pulein 25 raps., stiarls e stiarlas 50 rps., vadials 25 rps., cauras e nuorsas e tiers casa 12 rps. Plinavon duei vegrni recavau ord ils beins communals ton sco igl ei pusseivel, sco vender pézs pastiras, pastiras da segar, aschia sco ei cunvegn e pagar giu aschi lunsch sco ei tonscha giu il capital. Sin rauba dueien tuts stuer pagar, ils quals han 100 frs. e dapli. Quels ch'ein el register da taglia, duei vegrni priu suenter il capital da rauba leu existenta. Quels ils quals aber han buca 1000 frs. ed ein aschia buca en tal register, duei mintga vischinadi prender si la rauba da tuts. Als quals igl ei schau sura da dar en sez sia facultad, bein dueien tals aber dar en cunscienziusamein tgei rauba netta ch'els possedan. Quei duei aber esser fatg tut mo per in onn.

2. Duei pigl onn d'uonn vegrni vendiu il fein a pastg.

Ei da remarcar ch'il sura pareri seigi vegrnius approbaus cun la clara cundiziun, ch'ei vegrni teniu in exact quen, tgei mintga particular ha pagau quels onns vargai e tgei ch'el paga dacheudenvia, ton sin rauba, sco era sin tiers etc. e quei duei survir per era saver far pagar ils jasters che vegrnan en vischnaunca a proporziun sco quei che quels ch'ein en han schon pagau. Era ei cheu la clara cundiziun, ch'ils beins communals dueien esser e restar sco ch'ein stai entochen uss e vegrni gudi sco tochen dacheu, il restont capital duei vegrni prius si daners dalla cassa da respargn e pagau giu 1 %.

## 1864, ils 27 da mars

Ei la ludeivla vischnaunca stada radunada el solit liug e concludiu sco suonda.

1. Ei vegrni purtau avon dil president ch'ei fuss cunvegnent da segirar la baselgia gronda dil fiug e cametg ed ei lura dalla vischnaunca concludiu da schar sura agl ugau da quella da segirar sut favoreivlas cundiziuns. Il tscheins duei aber vegrni pagaus ord l'entrada da s.Vigeli ed era cun agid dallas capluttas. Ord cassa da vischnaunca vegr ei pagau nuot da quellas varts.

2. Ei al statalter Sep Antoni Muggli concediu in sulom sur siu baghetg el vitg per far si ina talina, aber vegrn dau negina lenna. Il medem al Gion Antoni Deragisch, era senza lenna.

## 1864, ils 3 d'avrel

Ei la ludeivla vischnaunca stada radunada el solit liug e concludiu sco suonda.

1. Ei purtau avon, sch'ins vegli aunc metter vitier enzatgei ord cassa da vischnaunca als da **Reams**, pertgei che la collecta seigi buca grad gronda ed ei lura concludiu da metter vitier aunc 30 frs.

2. Ei concludiu da tschenttar il baghetg dalla farria dador casa da statalter Gion Antoni Monn ed ils puozs dueien vegrni empleni en tuts, quei d'entellir quels enamiez il vitg.

3. Ei purtau avon ch'ei seigi schliet uorden cun ils pègns dallas raubas pias e da capluttas e caplanias e tenor il conclus digl obercheit, stoppi ei vegrni rugalau en meglier tier ils biars. Ed ei allura dalla vischnaunca concludiu da surschar ad ina cumissiun senza rapportar pli sin vischnaunca. Aber quei duei vegrni scret e rugalau senza spesa digl obercheit. La cumissiun duei vegrni ensemen ils 9 d'uost ed ei la sequenta: ils treis geraus, tut ils uagus da raubas pias, baselgias e caplanias e farria cun aunc in ni dus per vischinadi. (*Cudisch egl archiv communal: 6.24 Pfrundunterpfandschuldner 1864*)

4. Ei tractau davart las plattas ch'ein fatgas ora sin quen dalla vischnaunca, co ins vegli reparter quellas ed ei vegrni dalla vischnaunca concludiu da vender quellas, ed ei fixau il sequent prezzi, las bunas 1.70 frs. per platta., las mesaunas 1.45 frs. Tgi che vul talas, duei dar en als geraus e quei en termin d'otg dis. Vegr ei dau en paucas, sche dueien quellas era buca vegrni dadas.

5. Ei als Gion Flurins concediu da schar carschenttar in baghetg en **Plaun Miez** e quei mo sco la (schna) ei stada. Dapli ei era concediu als Endris (*Hendry's*) da **Surrein** da far si ina talina sper siu baghetg ol **Plaun s.Leci**.

## 1864, ils 24 d'avrel

Ei la ludeivla vischnaunca stada radunada el solit liug e concludiu sco suonda.

1. Ei concludiu da vender las gassas vedras ch'ein schadas anavos digl onn vargau e quei mesjamna, ch'ei ils 4 da matg, entschavend a **Sumsassi**.
2. Ei concludiu d'entscheiver las lavurs cuminas venderdis, ch'ei ils 6 da matg, igl emprem schubergiar ils praus suenter il stradun.
3. Ei concludiu da far rugalar la pegna e la platta da fiug dalla caplania da **Rueras** e quei sco ils geraus anflan per bien.
4. Ei concludiu da dar las petgas crap ch'ein fatgas ora sin quen dalla vischnaunca a mintga fiug sco ei po tuccar ulivamein e per mintgina da quellas duei vegnir pagau 80 rps. en cassa da vischnaunca, entschavend sonda a dar ora ellas.

## 1864, igl 1. da matg

Ei la ludeivla vischnaunca stada radunada a **Rueras** e concludiu sco suonda.

1. Ei concludiu da far mundi ils tiers casa mesjamna ch'ei ils 4 da quest. Las nuorsas ei refretg entochen dumengia e lura duei ei esser vischnaunca.
2. Ei legiu giu ils uordens dalla primavera e lura concludiu da star vid igl uorden pervia dils carrs enferrai, cun da quels dallas rodas graschlas duei negin ira per ils praus entuorn temps da ch'ei vegn fatg donn.

## 1864, ils 8 da matg

Ei la ludeivla vischnaunca stada radunada el solit liug e concludiu sco suonda.

1. Ei concludiu da far ir ord ils praus las nuorsas ils 13 da quest, las cauras otg dis suenter.
2. Ei concludiu da dar en ina petiziun al Cussegl Pign, ch'ei duessi dil cantun vegnir fatg per **Selva** ina via da vegnir orasi el stradun, sco era a **Bugnei**, aber quei senza pregiudezi dalla vischnaunca, la quala ha adina ses dretgs da far enzatgei da quellas varts, ni buc.
3. Ei concludiu d'ira vid lavurs cuminas in per dis quest jamna, il qual ei surschau a mintga vischinadi, tgi ira e nua e mintga vischinadi duei tener quen, tgi che va vid quellas.
4. Ei concediu in sulom al Vigeli Monn dadens sia casa per ina talina.
5. Ei priu si Lezi Balzart per pigliar las talpas ed il pagar ei sco igl onn vargau.

## 1864, ils 16 da matg

Ei la ludeivla vischnaunca stada radunada el solit liug e concludiu sco suonda.

1. Ei vegniu legiu giu il quen da vischnaunca, ton il tratg en sco il dau ora, menaus da signur statalter Giusep Lurens Venzin, il qual ei approbaus cun engraziamenti.
2. Ei concludiu da prender si nov cavals silla jarva, ils quals pagan alla vischnaunca il sequent, in cun pulein 20 frs., in senza pulein 17 frs., las spesas da pasturs aunc vitier. Temps da primavera dueien ei vegnir treis a **Sedrun** e **Gonda**, treis a **Camischolas** e treis a **Rueras** sin pastira. Plinavon ei concludiu da schar vegnir en cun 40 tiers d'armaul, pagond il stipulau arvè, sco era la taglia sco ils auters. Ils stiarls che vegnan pri si en quei numer, dueien stuer ir ell'alp, nua ch'ei maunca.
3. Ei concediu suloms a statalter Stoffel Riedi in, Gion Antoni Schmet da **Cavorgia** da brattar giu in sulom ora si **Mises Grond**, Gion Bistgaun Hetz da far in chischner si **Plaun Sutè** si per il baghetg niev.
4. Ei concludiu pervia dallas lennas da star vid igl uorden digl onn vargau, il qual vegn dau ora circa otg vaultas lenna da fiug ord las schetgas, pagond 3.40 frs. mintga fiug.

in lenn d'aissas paga	5 frs.
in quader paga	3 frs.
in lenn da clavau ed areisen paga	1 fr.
ina latta paga	60 rps.

Lenna da punt vid ils mises suren ed ora, duei vegnir dau il pli damaneivel da quel, ins duei survir per quater lunghezias, pagond 3 frs., ils da **Maun Sut** vegn ei aber dau leugiu, pagond 1.50 frs. els uauls cumins. Lenna d'aissas e slondas, che vegnan dadas els uauls cumins, pagan

per mintgina 1.70 frs. Plinavon duei vegrir vendiu circa 40 plontas ord las schetgas, nua ch'ei vegrir pagau il meglier.

#### 1864, ils 29 da matg

ei concludiu sco suonda:

1. Per nurser sin la **Pizza** ei il Walker numnaus.
2. Ei concediu in sulom al Leci Huonder da far si in stebli si per sia casa. Al Rest Giusep Giacumet in sulom ora si **Mises Grond** sil prau.

#### 1864, ils 5 da zercladur

Ei la ludeivla vischnaunca stada radunada el solit liug e concludiu sco suonda.

1. Ei vegniu legiu giu il pareri luvraus ora sut ils 2 da quest d'ina cumissiun, il qual ei vegnius cun in grond pli approbaus ed ei il sequent:

Ariguard vender fatgs communals per pagar il deivet dalla via nova, ei vegniu numnau ina cumissiun da tschun commembers e surschau a quels cumpleinamein da vender pézs pastiras ni era plirs tocs gronds els autls, bein aber buca vender per pauc, en gliez cass dueien las pastiras star leu e buca vegrir vendidas. Era sch'ei vegness vendiu sper classenas vedras, sch'eis ei surschau alla cumissiun da rugalar giu cun ils proprietaris da talas. Quels sura tschun umens ein numnai ils sequents:

statalter Lurens Venzin u Fidel Venzin

Tomas Huonder u Gion Antoni Berther

statalter Gion Andriu Berther

signur assistent Giachen Antoni Schmet u Stiafen Monn

statalter Tumaisch Monn

Plinavon ei concludiu da schar segar avon cargar sils cuolms, ni era avon vegrir giu da quels, ils stavels che cunvegnien suenter beinmanegiar dalla cumissiun.

Plinavon eis ei concludiu da vender lennas u tocs uauls sper las auas, era tenor beinmanegiar d'ina cumissiun, la quala ha il dretg da far sco ella anfla per bien. Tier quella ein numnai ils sequents umens, gerau Muggli, gerau Paul Schmet e Sep Antoni Deplaz. Quels sura otg umens han per scadin di ch'els impundan il dretg da trer giu in di lavur cumina da vischnaunca.

2. Ei concludiu da trer la sort dalla caltschina e mintgin duei prender quella tenor numer sco ei vegrir ora, entschavend numer in e vinavon. Las tschun dalla damaun duei vegrir entschiet a descargar quella; quei duei esser per uorden, era per auters onns.

3. Ei concludiu da vender ni rugalar giu cun ils orts ed auter a **Camischolas**, sonda ch'ei ils 11 da quest.

4. Als affons da Gion Ludivic per miert ei schenghegiau igl arvè d'ina vacca, miez tenor uorden da vischnaunca.

5. Ei vegniu purtau avon, schebein ins vegli entrar en cun il cantun pervia dallas petgas crap per diever da classena ni buc. Ed ei lura dalla vischnaunca concludiu, sch'ei vegrir mess en sin la lingia dalla via nova, nua che nus duvrein classena, petgas cun duas ruosnas e mantenui quellas dil cantun, sche paga la vischnaunca 2.50 frs. ina. Il particular che survegn en talas sin siu funs paga ella en cassa da vischnaunca 1.50 frs. per petga.

Plinavon vegrir ei aunc tratg giu al particular dil stipulau pagament ch'el survegn dalla vischnaunca per clauder 1 fr. per petga, tontas sco el survegn sin siu funs.

#### 1864, Tujetsch, ils 19 da zercladur

Ei la ludeivla vischnaunca stada radunada el solit liug e concludiu sco suonda.

1. Ei purtau avon pervia dalla fatschenta cun **Tschamut**, schebein ins vegli ir vinavon tier la dertgira cantunala ni buc ed ei allura concludiu da retrer la segirada e schar esser la caussa sco ella ei.

2. Ei pervia dil cargar ad alp concludiu cun in grond pli, ch'ils dus onns da malsogna, ch'ein buca vegrir cargai, vegrir buca quintai denter il diember dils nov onns da partizun ed aschia ein passai mo dus onns.

3. Ei pervia da barschar caltschina sil davegnir, eis ei surschau al signur assistent Giachen Antoni Schmet e Giachen Fidel Cavegn e quels dueien mirar da surdar pigl avegnir, cun resalva dall'approbaziun dalla vischnaunca.
4. Eis ei concludiu da vender lennas, entschavend il di suenter s. Pieder e s. Paul ed il Muggli ei numnaus d'ir a vender.
5. Ei concludiu da petiziunar tiel Cussegl Grond sch'ei concedessen a **Tujetsch** ina fiera sin ils 12 d'october.
6. Ei statalter Felici Schmet vegnius numnaus d'ira sill' **Alp Surpalits** e mirar ch'ei vegni schau pass per ils tiers ch'ei sappien traversar il stradun.
7. Ei concludiu da dar als mats ord cassa da vischnaunca 80 frs. e quei vegn mess vid il sontget ch'els han fatg baghegiar.
8. Ei vegniu dumandau, schebein la vischnaunca schassi tener siat tiers a casa pagond 5 frs. ed ei allura surschau a mintgia vischinadi, il pagamento duei aber vegnir en cassa da vischnaunca.
9. Ei concediu al Giachen Fidel Cavegn in sulom sur sia casa per far si ina remisa. Al signur assistent Giachen Antoni Schmet ei era concediu in sulom per ina talina a **Gonda** sper siu baghetg.

#### **1864, ils 3 da fenadur**

Ei la ludeivla vischnaunca stada radunada el solit liug e sedeliberau sur d'in pugn da recapitulaziun, schaus ir ora sin las vischnauncas da nies ludeivel Cussegl Grond, pervia da empitschar las vias da fier da certs cantuns ina cun l'autra.

Suenter vegn numnau ils dumbravuschs ed ei votau sco suonda:

votants total	127
per acceptar il conclus dil Cussegl Grond,	neginas vuschs
per refusar ein stai	127 votants

signur gerau Lurens Giacumet  
signur statalter Stiafen Beer  
ils dumbravuschs

2. Suenter ei vegniu purtau avon pervia dil mustregia Gion Casper Lorens da **Tavanasa**, il qual pretenda dacheunaven 50 raps per liufa, quellas che vegnan mustergiadas. Ed ei allura dalla vischnaunca concludiu d'accordar cun el per quater onns e pagar 50 raps per liufa, cun la cundizion ch'el vegni treis gadas ad onn, igl emprem avrel, il davos da matg ed igl atun, sch'ei vegn pretendiu. Era els mises duei el esser obligaus d'ira, nua ch'igl ei da mustergiar senza puder far pagar dapli ch'ils 50 raps. Il fixau dalla vischnaunca vegn ad el dau sco ils onns vargai, quei ei „wartgelt“ (*daner da spetga*).
3. Ei concludiu pervia da trer la sort dalla lenna, da schar mintgin il pli damaneivel da siu vischinadi, pressapauc sco igl onn vargau.

#### **1864, Tujetsch, ils 10 da fenadur**

Ei la ludeivla vischnaunca stada radunada el solit liug e concludiu sco suonda.

1. Ei concludiu da cargar ad alp las nuorsas ils 13 da quest, stiarls e stiarlas sonda ch'ei ils 16, las vaccas il gliendisdis ch'ei ils 18 da quest.
2. Ei al Sep Antoni Monn schenghegiau igl arvè d'ina vacca per amur ch'el ha piars ina.

#### **1864, ils 24 da fenadur**

Ei concludiu da tarmetter signur Stiafen Monn ad **Ursera** per supplicar, sch'ils digl **Oberalp** vegnessien per in temps buca orasi pli che tochen l'aua dalla **Vigliauna** cun lur tiers, quei pervia da buca stuer schar pigliar la malsogna nos tiers. La caschada da **Tiarms** duei tener sin nies intschess e buca pascular sin quei dils d'**Ursera**.

3. Ei concludiu da dar al statalter Benedetg Cavegn da **Dardin** 10 frs. pervia ch'igl ei ad el quest unviern barschau giu in baghetg cun enzatgei armauls lien.

#### **1864, ils 31 da fenadur**

Ei la ludeivla vischnaunca stada radunada el solit liug e concludiu sco suonda.

- Ei concludiu tenor uorden, da stagiar ora ils cuolms bass, nua ch'ei vegneva segau fein a pastg e quels far en sorts e lura metter en ingant. El medem temps dueien era las pastiras vegnir stagiadas ora tenor usit. Las sorts dueien vegnir schazegiadas e sut la schazegiada buca vegnir vendidas per igl onn d'uonn. Per far quella lavur ein vegni numnai ils sequents dus umens, Vigeli Berther e statalter Giachen Decurtins. Igl ingant duei vegnir mess sils 21 d'uost.
- Ei pervia dalla caltschina, ch'era fatg igl accord per sis onns ed aunc dus onns en remessa dalla vischnaunca cun Giger e Bartolome e miradurs, ed ei allura dalla vischnaunca concludiu ch'ils accordants dueien esser obligai da barschar aunc ils dus onns la caltschina che vegin duvrada.
- Ei vegniu purtau avon pervia dils da **Selva e Tschamut** che han buca caplon, schebein la vischnaunca schassi vegnir en in caplon las dumengias cun la messa ed ei allura concludiu da schar sura al segnerfarrer ed als geraus, sco ei anflan per bien.
- Ei concludiu da tgi ch'igl ei vegniu bess en ils puozs el vitg **Sedrun** e cavar in auter, schar quintar in di lavur cumina.
- Ei concludiu d'aunc metter si ina guardia sils cunfins encunter igl **Uri** e quei duei vegnir fatg il pusseivel ch'il cantun paghi. Era las duas caschadas da **Tiarms** dueien vegnir giun **Val Val** immediat per in temps entochen ch'ils d'**Ursera** van empau pli anen cun lur tiers. Quei per buca pigliar aschi tgunsch la malsogna.

#### **1864, ils 15 d'uost**

Ei concludiu da schar turnar si **Tiarms** cun las caschadas.

#### **1864, ils 18 d'uost**

Ei la ludeivla vischnaunca stada radunada el solit liug e concludiu sco suonda.

- Ei pervia da segar els **Cuolms Aults**, concludiu da schar segar quels, entschavend dad oz naven entochen s. Michel, senza far pagar.
  - Ei concludiu pervia dallas nuorsas che van a pastur temps da stad. Duei il pastur esser obligaus da rabbitschar ora ellas. Sto ei esser dau agid, sche duei mintga particular, che ha talas, pagar las spesas che van da quellas varts e quei per uorden da vischnaunca. – Plinavon ei s'entelgiu pervia dalla pauca maglia dallas nuorsas en **Val Val**, che quellas dueien star aschiditg ch'igl ei pusseivel leu e suenter vegnir a **Val Giuv**. Silsuenter vegn la vischnaunca a dar uorden da schar ir en in auter liug e dar maglia. - Plinavon duei il nurser puder segar las **Palas Schlusaduir** cun la cundizion ch'el tegni las nuorsas ort la **Vigliauna**, quei che ei pusseivel.
  - Ei concludiu e quei per uorden da vischnaunca, che dacheunaven duei negin puder segar fein sils **Plattius da Tiarms**, nua ch'ils tiers gronds van, ni san ira.
- Dumengia proxima duei vegniu teniu vischnaunca pervia nua tschentar las fieras sigl avegnir.

#### **1864, ila 28 d'uost**

Ei la ludeivla vischnaunca stada radunada el solit liug e concludiu sco suonda.

- Ei concludiu cun in grond pli ch'il nurser duei buca duvrar tgauns dacheudenvi vid pertgirar nuorsas.
- Ei dil president vegniu declarau che mintga vischinadi duei ver quitaui da mirar ch'ei hagien „schulmeister“ sil da vegnir e quei tenor uorden da vischnaunca.
- Ei vegniu declarau ch'il motiv principal seigi oz nua tschentar las fieras sco quei ch'igl ei schon avon otg dis publicau, ch'oz vegni teniu vischnaunca per quei motiv. Ed ei lura vegniu dumandau entuorn ils signurs che han da dir meini, ils quals ein stai differents nua tschentar las fieras pigl avegnir. Bein aber en quei vischinadi ch'ei il pli, dueien ellas restar e buca vegnir in onn a **Sedrun** e l'auter a **Rueras**, sco tochen da das, .... (*buca capeivel*). Sin quei ha Giachen Fidel Caveng declarau ch'el secreigi, che la fiera dalla primavera eri dada per **Rueras**, seigi aber per ver la pasch schau ira onn a **Sedrun** ed in onn a **Rueras**, finalmein ha el resalvau tuts dretgs da quellas varts. Sin quei ei vegniu fatg si duas tscharnas, schebein ins vegli tschentar omisduas fieras en in liug. Sinquei ei cun in grond pli concludiu da tschentar en dus vischinadis e quei nua che croda il pli. Suenter quei ei vegniu si duas tscharnas, ina per tschentar la fiera dalla primavera a **Sedrun** e l'autra ei stada contra tscharna ed ei resultau che l'emprema da metter ella a **Sedrun** ei stau il grond pli. Sinquei ei vegniu fatg si duas otras tscharnas, l'emprema per

metter la fiera dils 12 d'october a **Rueras** e l'autra per **Camischolas**. Essend quellas ulivas ha il salter buca saviu decider. Sin quei ei vegniu numnau dus dumbravuschs, il cusseglier Sep Antoni Deragisch e statalter Stiafen Beer ed ei ella dumbraziun seresultau che las vuschs ein stadas ulivas, 68 per part. Ei aber levau si il dubi, ch'ei seigi iu atras buobs che hagien buca cumpleniu la vegliadetgna per dar vusch. Il president ei sin cussegl serendius en casa farria per mirar el cudisch da battens ed ei resultau, che dus che seigien i per **Camischolas**, in hagi buca cumpleniu 15 onns e l'auter mo els 16 onns, aschia ch'ils da **Rueras** hagien il pli. Sin quei ei allura da particulars vegniu fatg encunter che tuts hagien il dretg e stoppien mo sin cumin ver ils 17 onns e buca sco il president pretendi. Suenter empau sedispitar ei vegniu fatg si duas autras tscharnas, ina per ira vinavon, l'autra per refierer per il di d'oz. Igl ei resultau il pli d'ira vinavon e dumbrau l'autra gada e schau tier d'ira tgi che ha vuliu. Sin quei ei resultau per **Camischolas** 71, per **Rueras** 64 e sinquei ei la vischnaunca sligliada si.  
Il sura protocol ei approbaus ils 11 da settember.  
Attesta il Muggli

#### 1864, ils 11 da settember

Ei la ludeivla vischnaunca stada radunada el solit liug e concludiu sco suonda.

1. Ei concludiu che las nuorsas dueien restar entochen descargar d'alp en **Val Val** e **Val Giuv**.
2. Ei purtau avon dil president, ch'ei stoppi vegnir dau en alla suprema autoritat, cons tiers nus veien sin nossas pastiras temps da stad e tgei gudida che nus targeien ord nossas vaccas. Sin quei ha la vischnaunca concludiu da surschar als signurs geraus da rugalar en ina gliesta da quellas varts e lura repurtar alla vischnaunca.

#### 1864, ils 2 d'october

Ei la ludeivla vischnaunca stada radunada el solit liug e concludiu sco suonda.

1. Ei concludiu da puspei schar via las **Vals Curnera** al pigrer sco ils onns vargai.
2. Ei pervia dils turnisters vegniu concludiu da metter si 1.50 frs. castitg a quels, ils quals che portan buca anavos els sin il di fixau, il qual ei schau sura al gerau militar da fixar e publicar il di.

#### 1864, ils 9 d'october

Ei la ludeivla vischnaunca stada radunada a **Rueras** e concludiu il sequent.

1. Ei dil signur president vegniu purtau avon, schebein la vischnaunca vegli gidar a far e pagar l'expropriaziun dalla via a **Selva**, ed ei concludiu da pagar l'expropriaziun ord cassa da vischnaunca e la lavur duei vegnir fatga da lavur cumina, bein aber dueien ils da **Selva** far in per dis lavur dapi.
2. Ariguard il recuors daus en al Cussegli Pign davart dils vischins da **Rueras** ariguard la fiera digl october, ei concludiu da schar decider tenor il protocol da vischnaunca dils 28 d'uost.

#### 1864, 30 d'october

Ei la ludeivla vischnaunca stada radunada el solit liug e concludiu il sequent.

1. Ei dil president vegniu publicau, ch'ei seigi entras sentenzia d'in ludeivel Cussegli Pign vegniu renconuschiu, ch'il legitim affon da Giachen Antoni Soliva per miert, seigi da **Tujetsch** e nus stuein aschia renconuscher tal per nies burgheis.
2. Ei per rispunder als da **Tschamut**, ariguard la vertenta fatschenta dallas alps e pastiras, vegniu legiu ora sequenta cumissiun:  
statalter Gion Antoni Peder  
Thomas Huonder  
gerau Lorenz Jacomet  
gerau Duri Wenzin  
gerau Hans Giachen Beer  
gerau Lucas Caveng  
gerau assistent Schmid, vegl  
statalter Gion Rest Monn  
gerau Gion Andriu Berther

3. Il gerau Lorenz Jacomet ei vegnius dessignaus da vender la lenna dada entuorn egl **Uaul s. Brida**, sin ils 31 d'october.
4. Ei concludiu da far laver cumina vid il mundar, ils 3, 4 e 5 da november.
5. Ei al signur Lucas Caveng concediu da carschentar in sulom sur sia casa sin siu prau en donn e pregiudezi da negin.

### **1864, ils 13 da november**

- Ei la ludeivla vischnaunca stada radunada el solit liug e concludiu sco suonda.
1. Ariguard igl arvè ei concludiu da schar vegnir en quater tiers per fiug ed il prezi sco ils onns vargai, ils 27 dretgs dalla taglia duein era vegnir quintai, il prezi digl arvè mo sco ils auters, igl arvè entscheiva damaun ed ei duei vegnir priu anen ils tiers ch'ein mess en uss, e primavera dueien ei puspei vegnir pri quen e quels ch'ein en dapli pagan igl arvè. (*quella tractanda ei strihada!*)
  2. Ei concludiu da prender 2000 plontas dil bostger e plantar en suten ed ora.
  3. Ei concludiu da comprar ora viadis en quels loghens che la via nova ha priu giu la communicaziun.
  4. Ei concludiu da prender ils daners che vegnan dai giu per raubas pias e cun quels pagar giu il deivet dalla via. Plinavon ei aunc concludiu d'imponer 10 frs. a certas vischnauncas, las qualas han pitiu donns.
- Ils dus puncts da recapitulaziun ein unanimamein vegni refusai cun 119 votants.

### **Igl onn 1865**

#### **1865, ils 22 da schaner**

- Ei la ludeivla vischnaunca stada radunada el solit liug e concludiu il sequent.
1. Ei vegniu legiu giu il protocol, il qual cunteneva igl uorden pervia dils arvès da 1865, il qual era empau stgirs e buca adattaus per nez dalla vischnaunca. El medem temps ha la vischnaunca concludiu da star vid igl uorden digl onn vargau, il qual entscheiva igl arvè suenter marcau Numnasontga e leu naven po mintga fiug vegnir en cun quater tiers d'armaul. In cavagl vegn quintaus per duas vaccas, vaccas e mugias pagan 5.10 frs., ina da leu engiu, stiarls e stiarlas e vadials pagan 3.40 frs., vadials sut sis jamnas pagan negin arvè, tiers manedels pagan era sco ils onns vargai.
  2. Ei refusau l'offerta dil Cussegl Pign pervia dallas plontas da larisch ch'eran offeridas alla vischnaunca.
  3. Ei concludiu da tarmetter immediat al Cussegl Pign ch'il stradun duei vegnir tenius aviarts sin quen dil cantun era temps d'unviern.
  4. Ei concludiu da petiziunar per la posta, che quella duei vegnir mintga di tochen **Rueras**.
  5. Ei vegniu purtau avon pervia dalla seiv viva ch'ei vegnida offerida d'in cert da **Cuera** da plantar quella per 70 raps la tschuncheisma, quei sin la lingia dalla via nova. Sin quei ei concludiu, digl emprem dumandar la cumissiun stradala, schebein ins possi tschentar quellas sin igl ur dallas scarpas ni buc, avon ch'entrar en da quellas varts.
  6. Per nurser dalla **Puzza** ein ils Alexis numnai.
  7. Essend vegniu tarmess tier dil Cussegl d'educaziun pervia dil fegl da statalter Sep Antoni Muggli, ch'ei ussa dapresent el **Cantun Glaruna** e dat scola, ch'il scolast Muggli duei igl onn 1865 vegnir el cantun e dar scola, schiglioc duei el pagar quei ch'il cantun ha mess per el da schar studegiar. Per da quellas varts ei la vischnaunca stada cuntenza d'esser responsabla, perencunter alla vischnaunca ei gerau Muggli responsabels da tut quei che pudess curdar tier alla vischnaunca da quellas varts.

#### **1865, ils 2 d'avrel**

- Ei la ludeivla vischnaunca stada radunada el solit liug e concludiu il sequent.
1. Ei vegniu purtau avon dil signur president pervia dils brischacaltschina, ils quals vulan buca barschar pli quella tenor accord per motiv ch'ei seigi in grond donn vid il grep, ch'ei seigi ruinau entras luvrar vid la via nova. Sin quei ha la vischnaunca concludiu da surschar als signurs geraus da rugalar giu da quellas varts sin ina moda raschuneivla.

2. Ei concludiu da plantar seiv viva suenter il stradun, sche la cumissiun stradala lubescha da schar tschentar quella sigl ur dalla scarpa. Quei duei vegnir tarmess immediat.
3. Ei concludiu da schar far barba e quei sis dis per fiug il meins avrel.
4. Ei vegniu numnau cautegias per **Mila** Giachen Fidel Caveng, per **Strem** Gion Battesta Monn.

### **1865, ils 23 d'avrel**

Ei la ludeivla vischnaunca stada radunada el solit liug e concludiu il sequent.

1. Ei concludiu pervia dils brischacaltschina Giger e Barclamiu, ils quals ein obligai da barschar per 1865 e 1866 tenor accord sco la vischnaunca drova ina ni duas caltgeras per onn. Perencunter ei la vischnaunca obligada da dar per quels dus onns 50 umens, ils quals dueien esser sil plaz, tenor uorden da laver cumina da vischnaunca. Ils accordants pon tenor basegns dumandar quels. Sin dumengia, ch'ei ils 30, duei esser dau en tgi che vul caltschina, pli tard vegn ei buca priu en sort.
2. Ei concludiu d'augmentar la caplania da **Sedrun** per 2500 frs. capital, il qual vegn stabilius il sequent. Igl emprem duei vegnir tarmess al signur Josef Deplaz per il regal ch'el ei obligaus alla vischnaunca pervia ch'el ei prius si sco burgheis da vischnaunca avon zatgei onns ed ei surschau ad el, la sia buna vulientscha, aber adina ina caussa raschuneivla. Plinavon duei vegnir tratg si en vischnaunca ina collecta voluntaria. Tonscha ei buca per far ora il sura detg capital, sch'ei la vischnaunca obligada da metter tier il rest per far ora il tscheins annual da 125 frs. ad onn.
3. Ei concludiu da prender anavos la **Gassa** sper il **Dulezi** en, la quala era dada al Felici Schmet per miert. Per tala laver ch'ei fatga cun runcar ora, paga la vischnaunca tenor entelgentscha 70 frs.
4. Ei concludiu pervia dil pegliar talpas. Lezi Balzart, il qual survegn per sia pagaglia 110 frs. Dapli eis ei aunc remess alla vischnaunca 10 frs. Sch'el ei „uslis“ e fa sia obligaziun en uorden, sche duei ei vegnir dau.
5. Ei concludiu pervia dil spazzatgamin da turnar a confirmar el tier quella laver e pagar per mintga tgamin otg raps dapli ch'entochen uss.
6. Ei concediu al Vigeli Beer da **Gonda** da carschentar in sulom sper casa.

### **1865, ils 30 d'avrel**

Ei la ludeivla vischnaunca stada radunada el solit liug e concludiu il sequent.

1. Ei concludiu da far mundi igl emprem da matg ils tiers casa, las nuorsas, cauras ed ils anseuls otg dis suenter tenor il solit.
2. Ei concediu als Mugglis da **Cavorgia** da schar prender si in cavagl sillar jarva senza pagar igl arvè, quei per motiv ch'ei han piars il siu.
3. Ei concediu al gerau Muggli da schar vegnir sillar jarva cun in pulein envernaus in onn schaus a d'unviern, pagond igl arvè tenor uorden da vischnaunca.
4. Ei concludiu da buca prender sin jarva cavals per igl onn 1865.
5. Ei vegniu purtau avon pervia dil clauder suenter la via nova, il qual conclus ei staus prius sut ils 23 d'avrel, da tschentar en seiv viva, sche la cumissiun forestala ed il Cussegli Pign lubeschan da tschentar quella sigl ur dalla via, il qual ei vegniu cuntrari, ella stoppi vegnir in  $\frac{1}{2}$  meter ord igl ur dalla via. Sin quei ei concludiu da star vid igl uorden fatgs 1864, ils 13 da mars, resalvond enstagl clauder cun pals a pèr, duei vegnir mess en petgas a simmetria, e quellas ch'ein en, schar en, ed aschia quel che clauda cun petgas e lattas sigl ur dalla scarpa, survegn per mintga fest lunghezia 1.80 frs. Quel il qual clauda ord ils tiarms dalla via, ei patruns da clauder sin tgei moda che plai ad el, aber vegn pagau mo 1.60 frs, tenor uorden.
- Pervia dalla scarpa resta ei tier quei ch'ei schau rugalar cun mintga particular e vegn dau negina bonificaziun, vegn ei claus sura ni sut dallas scarpas.
6. Ei al Gion Antoni Schmet da **Cavorgia** concediu da carschentar in sulom sil **Busch**.

### **1865, ils 21 da matg**

Ei la ludeivla vischnaunca stada radunada el solit liug e concludiu il sequent.

1. Ei vegniu purtau avon pervia dallas petgas da crap, schebein ins savess s'entelgir cun il cantun, ch'ei vegness dau petgas per diever da classena enstagl paricarrs. Sin quei ei concludiu

da surschar als signurs geraus e quels dueien dumandar si la caussa clar, co ins savess s'entelgir da quellas varts e lura rapportar alla vischnaunca.

2. Ei concludiu pervia dalla caltschina che duei vegnir barschau mo ina caltgera ad interim. Pervia dils umens che van en, ni ein fixai d'ira vid quella lavour in di, vegn quintau per dus dis lavour cumina da vischnaunca.

3. Ei concludiu da vender la lenna a **Pardatsch da Stiarls** ch'ei dada entuorn entras la lavina, ton quella sils vadretgs, sco era aunc autra e quei ils 22 da quest suentermiezdzi.

4. Ei concediu al signur Sep Antoni Deragisch da schar carschentar in baghetg a **Bugnei** sper casa.

5. Ei concludiu pervia da trer en la taglia cantunala sil da vegnir, ch'il vischinadi duei trer en quella e metter amauns a quel che rugalescha las gliestas e quei en uorden. Igl importo che vegn daus per quella lavour duei mintga vischinadi survegnir e quei duei vegnir mess vid la scola da mintga vischinadi. Quei che porta dils fatgs communals duei vegnir tier a quel che rugalescha en las gliestas da quellas varts.

### 1865, ils 5 da zercladur

Ei la ludeivla vischnaunca stada radunada el solit liug e sedeliberau sco suonda.

1. Ei vegniu mes avon nua ins vegli tschentar la fiera digl atun, la quala era stada en questiun denter **Camischolas e Rueras**. Sche eis ei lura vegniu tier la dumbrada en qual liug da quels dus hagien la fiera permanent ed igl ei resultau che **Rueras** hagi il pli, aschia che da leu naven, duei quella vegnir tenida a **Rueras**.

2. Eis ei vegniu mess avon dil president ch'in ludeivel obercheit hagi rugalau giu pervia dils arvès, che quels tiers chen vegnien en suenter esser serrau arvè ils 13 da november entochen ils 22 da schaner, che quels paghien miez igl arvè, aber vegnan buca quintai en quels quater tiers per fiug, che mintga fiug sa cumprar.

3. Suenter da quei ha il signur president publicau, che scadin che hagi da clauder sper la via nova, duei quella tschentar  $\frac{1}{2}$  pei naven digl ur dalla via, sco era scadin che hagi prau d'arar encunter mirs dalla via nova, duei schar denter il mir ed igl arar in fest da prau senza arar sitier ils mirs.

4. Eis ei vegniu concludiu da descargar la caltschina sin gievgia proxima e quei dau l'entschatta allas 5 uras dalla damaun, cun dasperas dar in um che miri sisura, ch'ei dettien la mesira e per pagaglia da quei vegn ei dau a quel 2 raps per buot (lot), il qual scadin che retscheiva la caltschina ha da pagar quels dus raps a quel che vegn destinaus, il qual ei destinau statalter Giachen Venzin da **Selva**.

5. Suenter da quei eis ei vegniu legiu giu il quen da statalter Stiafen Beer menaus per la vischnaunca igl onn 1864 ed ei lura vegnius da quella approbaus cun engraziament.

6. Ei concludiu per ils dus onns che vegnan, duei vegnir tratg ora ina cumissiun che passi atras ils quens da vischnaunca e quella cumissiun sappi pli tard vegnir legida ora dalla vischnaunca.

7. Ei la ludeivla vischnaunca passada tier las elecziun. Sche per igl emprem ha quella tarmess ina deputaziun tier nos signurs spirituals per envidar en quels da prender part da nossas impurtontas elecziuns e suenter che quels ein stai cumpari, sche ei la ludeivla vischnaunca passada tier las elecziuns ed ha legiu ora igl obercheit, il qual ei sco suonda.

signur Lucas Caveng

assistent Giachen Antoni Schmid

statalter Stoffel Riedi

statalter regent Giachen Antoni Venzin

Gion Battesta Monn

Gion Martin Peder

Gion Paul Berther

Sp Antoni Muggli

Sep Antoni Deragisch per salter, al qual la vischnaunca dat ad el paga per onn 10 frs.

8. Eis ei vegniu legiu ora la cumissiun da scola e quels ein:

statalter Vigeli Giacumet

Duri de Flurin

Gion Antoni Berther

Giachen Antoni Deflorin

Martin Peder

Giachen Antoni Curschellas.

9. Eis ei vegniu legiu ora la cumissiun pauperila e quels ein sco cheu suonda.

statalter Gion Rest Monn

gerau Hans Giachen Beer

statalter Duri Venzin

gerau Stiaffen Monn

gerau Paul Schmed

statalter Giachen Antoni Beer

Sep Antoni Peder

10. Suenter da quei eis ei vegniu legiu ora ina cumissiun viala, quei ei quels che han da far giu per expropriaziuns, donns e per classenas, ch'ei buca rugalau giu. Tala cumissiun dueien ils treis geraus funcziunar.

11. Finalmein eis ei vegniu legiu ora ina cumissiun sin sonda proxima allas 12 uras en casa digl obercheit per seregular cun projectar da far uorden sur la lenna da fiug e da baghegiar per igl onn 1865 e quels ein statalter Duri Venzin, signur capitani Muggli, gerau Stiaffen Monn, Vigeli Giusep Beer, Sep Antoni Deragisch, statalter Gion Andriu Berther, gerau Paul Schmet, Sep Antoni Muggli, Giachen Martin Curschellas, statalter Giachen de Curtins, Vigeli Berther e Gion Martin Peder.

Suenter che tut quei ei stau passau ei la ludeivla vischnaunca sesligiada si.

## 1865, ils 12 da zercladur

Ei la ludeivla vischnaunca stada radunada el solit liug ed ei vegniu sedeliberau sco suonda.

1. Eis ei vegniu legiu giu il protocol dalla vischnaunca vargada e quel ei da quella vegnius approbaus.

2. Suenter da quei eis ei vegniu mess avon il pareri che la cumissiun ha giu luvrau ora pervia dalla lenna da fiug e da baghegiar, sco era da tschentar si taglia da vischnaunca per igl onn che vegr. Sche ein quels buca vegni approbabai ed ei lura vegniu sedeliberau sco cheu suonda:  
Lenna da fiug duei vegnir dada ora ellas schetgas e quei ina sort per fiug da circa sis vaultas per fiug pagond 3 frs., lenna da baghegiar duei vegnir dau ora ella schetga mo ils lenns d'aissa e quaders e lattas e per scadin lenn d'aissa eis ei taxau 6 frs., ils quaders 3 frs. e las lattas 50 raps.  
Las autras lennas da baghegiar, sco lenns d'aissas per reparaturas e da slonda, ils lenns da punt, areisens, lenna da clavau, canals tetg, duei vegnir dau ora els uauls cumins, pagond per ils d'aissa e slondas 1.70 frs., per ils lenns da punt 1 fr., per ils lenns da clavau 50 raps; tuttas lennas ch'ein dadas els uauls cumins, las qualas vegnan buca numeradas ora, dueien ver il dretg da pinar lenna schumblina senza ch'ei vegni quintau per dus.

3. Eis ei concludiu da dar la lenna da fravis ed auters mistergners ellas schetgas pagond quella, sco era duei vegnir dau al caplon da **Rueras** e **Sedrun** la lenna da barschar ord las schetgas, quei zuar gratis, cun schar quella dessignar ora (*strihau ord il davos passus naven da „sco era duei vegnir ....“*)

4. Eis ei vegniu sedeliberau sur dil tschentar si taglia per igl onn present ed ei lura vegniu restabiliu che scadin fiug paghi taglia 4 frs., ils cavals 2 frs., scadina vacca e genetscha 1 fr., stiarls e stiarlas 50 raps, vadials e puleins 25 raps, cauras e nuorsas e pors duei vegnir pagau per scadin 10 raps. Sin la rauba duei vegnir pagau per scadin melli, tenor register digl onn vargau, 1 fr.

5. Eis ei sedeliberau sur il tener a casa dus tiers per fiug igl onn present, ed ei lura vegniu concludiu ch'ei possi vegnir teniu dus tiers per fiug pagond 3.40 frs. e quei pagament duei vegnir tier la mesedad alla vischnaunca e l'autra mesedad als vischinadis che han quellas e quei zuar mo quels tiers che vegnan teni pli che in per fiug.

6. Eis ei concludiu davart pagar giu in ton deivet dallas vias. Duei vegnir vendiu in ton pézs pastiras sco ei era decretau igl onn vargau e che la cumissiun duei ira e stagiar ora quei ton pli gleiti. Ultra da quei duei vegnir priu si sin d'atun dalla Sparcassa Cantunala 10'000 frs. e cun quei duei vegnir pagau giu ils particulars che han aunc d'haver sin la vischnaunca, aschi lunsch sco ei tonscha, il reminent deivet aber che duess vanzar, ultra dils diesch melli francs, duei

vegnir schau anavos quei ch'ei stau priu en dallas raubas pias igl onn vargau, bein aber duei buca veginr priu en pli daners dallas raubas pias sin quen dalla vischnaunca.

7. Eis ei decretau che tuttas nuorsas chestattan sur notg sin territori da nossa vischnaunca, quei ei pastiras da casa, sco ellas alps, dueien pagar treis raps il tgau e quei duei curdar en cassa da vischnaunca.

8. Eis ei concludiu che tuts cavals jasters che veginr tier il mascal e stattan sur notg sin nossas pastiras duein pagar 50 raps per notg. Sco era duei per igl onn present veginr priu en tschun per sis cavals sin la jarva, pagond 20 frs. il tgau e prender giu las spesas tuttas da pastur e mascal, cun remarcar ch'il cavagl mascal duei per igl onn present buca pagar arvé.

9. Eis ei concediu als da **Rueras** da schar rugalar la via atras il siu vitg entras lavur cumina da vischnaunca. Duess ei veginr duvrau tumbins, sche per la spesa da quels duei veginr pagau ord cassa da vischnaunca. Tier quella lavur cumina eis ei mess per „aufseher“ signur gerau statalter Stoffel Riedi, cun schar quel quintar per sias breigias ch'el ha e trer giu da lavur cumina.

Eis ei vegniu decretau per igl onn present da buca metter en bos entirs cun las stiarlas ellus **Vals** la stad. (*Strihau la davosa construcziun!*)

10. Eis ei vegniu concediu a statalter Vigeli Giacomet da schar ruchegiar il siu baghetg ch'ei rentaus vid sia casa, quei adina senza donn e pregiudezi d'auters ch'ein dasperas.

11. Eis ei concediu in lenn da slondas ellus schetgas, cun schar mirar quel in digl obercheit e numerar ora als artavels Duri Maculin.

12. Eis ei vegniu projectau da trer ora ina cumissiun, e quei schar sura da trer ora mintga vischinadi, e quei ton pli gleiti per mirar sche ins savessi seregular giu cun ils da **Tschamut** appartenent la nova questiun, cass cuntrari che quella savess quei buca seregular giu, sche duei veginr legiu ora adattai per cun quella ira vinavon e cun quest cheu avon scret eis ei vegniu desliau si la vischnaunca.

13. Eis ei decretau che per il presentau, duei veginr cargau cun las stiarlas negins bos entirs.

15. Finalmein eis ei fatg da dar en ils tiers sin dumengia als cautegias e sin ils 24, il di da s.Gions, duei veginr ulivau las alps e lura ei la vischnaunca veginida desliada si per il di dad oz.

## 1865, ils 25 da zercladur

Ei la ludeivla vischnaunca stada radunada el solit liug ed ei vegniu decretau sco suonda.

1. Eis ei legiu giu il protocol dalla davosa vischnaunca e quel ei approbaus tut dano pervia dalla lenna dils dus caplons, quei duei restar tier igl uorden staus fatgs pli baul entochen che signur sur Vigeli Venzin po buca survir a **Rueras**, per entochen la mort da quel.

2. Eis ei vegniu fatg da cargar ad alp las nuorsas igl emprem da fenadur, ils stiarls e stiarlas ils 5 dil present meins, e las vaccas il di suenter, che fa ils 6 da quest.

3. Eis ei vegniu decretau da vender lenna ellus schetgas, dada entuorn sco sidretg e quei entschiet sin venderdis, giu **Claus** da marvegl ed iu da **Maun Sut** en ed or e quei per aschilunsch sco ins sa ira quei di, ed il di suenter entschiet odem da **Maun Sura** en ed ora e finiu entadem suren ed ora.

4. Eis ei schau sura als geraus, in da quels vender las aissas ed autra lenna ch'ei enasi **Surpalits** e quei ei fixau sin ils 5 da fenadur.

5. Eis ei vegniu renovau igl uorden ch'era fatgs pervia dils 20 raps ch'eran si per scadina buot caltschina che mintgin targeva ora da **Pardatsch**, cun intercurir anavos per ils onns vargai, tgi hagi ora caltschina e far pagar sco sura detg 20 raps il salmè sco era quella che vegin dacheunaven entochen ch'ei vegin buca midau autruisa.

6. Eis ei concludiu da dar al brischacaltschina ils 24 ½ umens a lavur cumina ussa immediat e scadin che va tier quella parter giu in di per dus lavur cumina, ultra da quei duei veginr dau aunc quater umens els **Barschaus** da pinar la via e quei tonpli gleiti, sco era aunc otg umens da far il tetg dalla casa dalla caplania.

7. Concediu al Giachen Lurenz Berther da schar brattar giu dus nuegls ch'ein buca ensemble e metter quels sin in sulom ensemble cun schar ira sut il sulom veder.

8. Concediu a statalter Gion Andriu Berther da schar brattar in sulom da tegia si **Milez** cun schar ira sut il sulom veder.

9. Eis ei concludiu da far barschar la caltschina ch'ella seigi pinada da trer quella sin s. Mihel, sco era schar tier che quels che han giu dau en la caltschina la primavera ed han buca

survegniu, seigien quels igl emprem sin d'atun e tgi che hagi da basegns da caltschina duei dar en, per anen a statalter Stoffel Riedi, dador al gerau Lucas Caveng.

10. Eis ei vegniu concludiu da trer la sort dalla lenna da fiug e bagheggiar il pli damaneivel da ses loghens, sco ils onns vargai.

### 1865, ils 6 d'uost

Ei la ludeivla vischnaunca stada radunada ed ei lura sedeliberau sco suonda.

1. Eis ei concludiu da schar ir a stagiar ora pastiras ed ils cuolms da fein a pastg e far ora sorts il statalter Giachen Decurtins e Vigeli Berther. Quels dueien schazegiar scadina sort tgei ch'ellas seigien valeta e lura parter il stagiau ora da schar leger giu sin ils 19 d'uost en **Zarcuns** suenter messa e sin ils 20 da quei meins duei vegnir fatg igl ingant cun tut.

2. Eis ei vegniu publicau che tgi che hagi pretensiuns per l'expropriaziun dalla via nova, per donns, per lennas, cun in plaid detg, seigi da tgei natira ch'ei vegli, duei vegnir dau en alla cumissiun dallas vias e quei en termin da 15 dis, cass cuntrari vegn ei lura da cheu naven entruidau tier la pazienza.

3. Eis ei publicau che tgi che hagi aunc plattas sin **Cadruvi** che fetschi pretensiun, duei dar en sin questa jamna als geraus, cass cuntrari da cheu naven vegnan quellas plattas ch'ein leu consideradas per proprias plattas dalla vischnaunca e che quellas vegnan lura vendidas immediat.

### 1865, ils 20 d'uost

Ei la ludeivla vischnaunca stada radunada el solit liug ed ei vegniu decretau sco suonda.

1. Ha la vischnaunca decretau da schar ira els **Cuolms Aults** sin ils 22 da quest e zuar senza pagar entochen ils 15 da settember onn present.

2. Eis ei vegniu decretau che tuttas lennas, seigi da bagheggiar ni da fiug e vendidas entras far igl ingant, dueien esser fatgas ord ils uauls enteifer in onn dalla numerada ni vendida; las romas aber dueien esser emplunadas e quella pon aunc ver temps suenter in miez onn da vegnir dil proprietari menada naven, cass cuntrari, ch'ei vegness quei buca fatg sco sura decretau, sche croda tutta lenna en bonis dalla vischnaunca.

3. Eis ei sedeliberau cura vender la lenna ch'ei sederschida en **Carmihut** sco era aunc enzatgei vi igl **Uaul Surrein** e giu la punt da **Claus**; ei lura schau sura als geraus da fixar il di e quei aschigleiti sco igl ei si il fretg.

4. Eis ei vegniu unitamein decretau da far mirs da maun sura suenter il stradun niev tenor simmetria dil cantun, nua ch'igl ei pusseivel, e perquei vegn ei pagau dil cantun 50 raps il meter e la vischnaunca paga 80 raps il fest a scadin particular che sto far sin siu funs tals mirs enstagl la classena.

5. Ha la ludeivla vischnaunca acceptau igl accord fatgs dils dus geraus Lucas Caveng e Giachen Antoni Schmet cun il meister Columberg per las petgas crap da clauder suenter la via, tut tal e qual sco el ei fatgs. El medem temps eis ei era fatg e serrau giu unitamein, che scadin particular che sto retscheiver da quellas petgas ord maun dalla ludeivla vischnaunca per clauder suenter la via nova, stoppi pagar a quella 2 frs. per petga, il surpli aber che scadina petga vegn tenor accord, ni per metter en quellas, sto la ludeivla vischnaunca ver tier sesezza, las petgas dueien vegnir fatgas rodundas las ruosnas. Il manteniment aber da cheu naven dallas petgas croda tier als particulars.

6. Tut quellas petgas dueien vegnir menadas entras lavur cumina da vischnaunca sin il plaz dils particulars per metter en quellas, sco era duei vegnir pinau las lattas e tratg quellas sin il plaz da lavur cumina da vischnaunca per duvrar da clauder tier quellas petgas, quei adina entelgiu che quellas lavurs cuminas vegnien fatgas sut inspecziun e per camond dil „forstand”.

7. Eis ei vegniu sedeliberau sch'ins vegli schar via las vals al pigrer e quei ei lura vegniu refretg per inagada.

8. Eis ei vegniu serrau per schar segar fein a pastg il crest da **Caschlè** ch'ins va enagiu **Mila**.

9. Plinavon eis ei vegniu mess avon ch'ins hagi da spetgar a vegnend il nies monsignur uestg sut ils 13 da settember e tgei honour ins duei far cun dasperas spargnar spesas ton sco pusseivel seigi. Ei lura vegniu recumandau dalla ludeivla vischnaunca, che la cumpignia da mats duei ira ora entochen ils cunfins e retscheiver el e quei sut las armas e bandieras, sco era l'auter di, cun

lura bonificar alla cumpignia da mats la puorla ch'ei drovan quels dus dis; il di ch'ei vegn cresmau dueien dus geraus cun il statalter ira tier il gentar ensembalmein cun igl uestg.

### 1865, igl emprem d'october

Ei la ludeivla vischnaunca stada radunada el solit liug ed ei vegniu sedeliberau sco cheu suonda.

1. Eis ei vegniu dau lartg per ils praus tut ils tiers priu ora las nuorsas sin ils 2 da quest meins, las nuorsas aber dueien vegnir zavradas sin venderdis che fuss ils 6 da quest meins.
2. Eis ei vegniu legiu giu la gliesta dalla caltschina e sin damaun duei vegnir descargau l'emprema caltgera.
3. Eis ei vegniu decretau da vender lenna ch'era sederschida, entschavend a **Carmihut** e quei sin ils 9 da quest meins, ed allas 9 uras entschiet a vender.
4. Eis ei concludiu da schar da pinar las lattas entochen primavera e lura vesan ins tgei ch'ins drovi, quellas aber duein vegnir dadas da **Maun Sura** e schar sura da mussar ora quellas.
5. Eis ei vegniu serrau da passentar sin agen funs avon che dar lartg sut castitg digl obercheit, quels aber che resalvan quella pasculaziun, dueien dar en termin dad oz ed otg dis, nua nua che quels sappien vegnir mess a protocol. E quels ein sco suonda: statalter Vigeli Giacumet, hafner Sep Antoni Deragisch, Gion Antoni Deragisch, gerau Hans Giachen Beer, Lezi Huonder, Gion Antoni Schmet, Giachen Antoni Schmet, Duri Berther, sin frust sper casa e statalter Sep Antoni Mugli.

### 1865, ils 15 d'october

Ei la ludeivla vischnaunca radunada el solit liug ed ei concludiu sco cheu suonda.

1. Eis ei vegniu mess avon la cunvenziun fatga denter il vischinadi da **Tschamut** e la vischnaunca appartenent la questiun ch'ei vevan pervia d'alp e pastiras. Ei allura dalla vischnaunca e da part da **Tschamut** vegniu unitamein approbau tal e qual sco la brev da cunvenziun plaida, bein aber ch'il deivet che **Tschamut** ha, seigi garantius da buca survargar la summa da 12'454.38 frs., ultra da quei cheu aunc prender giu las spesas dil Cussegl Pign e per siu procuratur Christ tgei ch'el pretenda ultra dil schon dau a quen dils da **Tschamut**, bein aber duei la vischnaunca ver il dretg vid las duas segiradas che era stau dau 400 frs. da retrer quellas per sesezza.
2. Eis ei vegniu serrau da vender lenna ord vischnaunca, seigi lu da tgei natira ch'ei vegli, priu ora da sia atgna lenna che crescha sin ses funs.
3. Eis ei vegniu schau sura als geraus da mirar da saver vender empau uaul ella **Val Gierm**, bein aber clar entelgiu, adina cun approbazion dalla vischnaunca.

### 1865, ils 15 d'october

Ei questa cunvenziun vegnida messa avon ad ina publica radunada vischnaunca per quella schar approbar ni disapprobar.

Suenter che la cumissiun stada legida ora dalla vischnaunca per schar s'entelgir cun il vischinadi da **Tschamut** ha giu dau giu il rapport ch'ella hagi era approbau, ni anflau per bien da recumandar alla vischnaunca. Questa cunvenziun desisti da 50 frs. per fiug, aschia fussi da bonificar a scadin vischin u fiug entir 400 frs. ed ils mezs fiugs 200 frs. e suenter ver udiu il rapport dalla cumissiun, ha la vischnaunca, cun schar sentir ch'ins fetschi quei sulet per la pasch, unanimamein approbau questa cunvenziun sco ella ei revedida dalla cumissiun cun consentiment dils vischins da **Tschamut**.

En num e per cumissiun dalla vischnaunca suttascriva la suprastanza; per quella il president Lucas Caveng.

### 1865, ils 5 da november

Ei la ludeivla vischnaunca stada radunada el solit liug ed ei vegniu sedeliberau sco cheu suonda.

1. Eis ei vegniu mess avon ch'ils accordants dallas petgas hagien luvrau ora in quantum da 240 e nua ins vegni ussa quellas ad entscheiver a schar tschenttar. Ei allura vegniu schau sura als treis geraus da metter quellas els pli basigneivels loghens, sper ils vischinadis, sco els anflan per

bien.

2. Eis ei vegniu publicau da far ina unfrenda per ils disgraziai da **Malix** e zuar dumengia en baselgia e quella ei allura daventada, ei allura tarmess tier a quella 30 frs. da nossa vischnaunca.
4. Eis ei vegniu mess avon ch'ei existessi in uorden che scadin fiug hagi il dretg da pinar quater slusels per fiug, mintgin pagond 3 raps in. Ei allura cun il pli dalla vischnaunca vegniu decretau da star vid igl uorden da pinar mo quater per fiug ad onn, zuar aber pagar nuot persuenter.
4. Eis ei vegniu concludiu dalla vischnaunca da schar via l'alp da **Tschamut** per quels onns che las partiziuns cuozan.
5. Eis ei vegniu decretau che sin sonda proxima veginr ensemen ina cumissiun per luvrar ora in pareri pervia dils arvès per igl onn che ha da veginr e scadin vischinadi duei dar leutier in per umens sin quella cumissiun.
6. Eis ei vegniu mess avon ch'ei seigi da far ussa la punt da **Casti** immediat, sco era ch'ei vegni pli tard la partizun dallas punts. Ei allura vegniu concludiu da schar far quella punt ils vischins da **Rueras**, bein aber possi scadin che lavura vid quella trer giu lavur cumina da vischnaunca.
7. Eis ei vegniu publicau ch'igl "Eichmeister" vegni sin ils 20 a **Sedrun**, ils 21 a **Camischolas** e **Rueras** e scadin duei purtar en quels loghens tuttas peisas e mesiras per schar verificar ch'ellas seigien gestas.
8. Eis ei vegniu mess avon ch'il capital che la vischnaunca hagi da pagar alla venerabla claustra mondi ussa gleiti alla fin e sch'ins vegli avon che finir giu, mirar da s'entelgir cun il gentar da s. Martin ni buc. Suenter da quei ha la vischnaunca incumbensau gerau Lucas Caveng e gerau Schmet da schar ir a mirar da rugalar quei, adina entelgiu cun reservar avon finir giu da rapportar alla vischnaunca per l'appobaziun da quei.

### 1865, ils 12 da november

Ei la ludeivla vischnaunca stada radunada el solit liug ed ei vegniu sedeliberau sco suonda.

1. Eis ei vegniu mess avon il pareri che la cumissiun ha giu luvrau ora pervia dils arvès, il qual ei sco suonda.

Eis ei concludiu da schar veginr cun s.v. biestga senza arvè entochen il marcau Numnasontga inclus. Suenter marcau Numnasontga duei veginr dumbrau giu tuts tiers, seigi lura da tgei natira ch'ei vegli, resalvau tiers predestinai da mazzar. Da calonda mars duei veginr fatg ina secunda dumbrada, nua ch'ei fuss era da specificar ils agens vadials naschi duront quei temps, sco era las vaccas che han aunc da far vadi che scadin vischin ha aunc.

2. Scadin che veginr en cun tiers d'arvè ei obligaus d'enteifer 24 uras, ni immediat, mussar ils tiers al predestinai leutier, ils quals ein per **Selva** e **Tschamut** Gion Martin Peder, Helena, per **Rueras** al signur statalter regent, per **Camischolas** Gion Paul Berther, per **Gonda**, **Sedrun** e **Bugnei** Gion Battesta Monn e gerau Schmet e Giachen Antoni Berther, **Surrein** e **Cavorgia** a Tumaisch Schmet e Sep Antoni Mugli, e quei senza fallir, ils quals dueien nudar si la qualitat e colur e noda da quei tier. Duess quel ver negina noda, sche duei veginr fatg ina noda, el mender donn ellas ureglas da quel che noda si ils tiers.

3. Duess in ni l'auter piarder in da quels tiers d'arvè, sch'eis el obligaus da mussar al predestinai il tier piars d'arvè. Per quei tier piars, dalla medema qualitat, ha quel il dretg da puder veginr en cun in auter enteifer da sis jamnas, aber dar en quel; quels aber che laian buca visitar il tier piars, sche en gliez cass veginr ei buca tratg giu igl arvè, sco era buca schau remplazzar cun in auter.

4. Era eis ei schau tier da brattar ni vender ina vacca da latg e cumprar in tier da lavur per siu diever, cun encunter stuer aber era veginr notificau la cumpra e brattada, la quala midada vess per sesez buc arvè.

5. Tuts tiers che veginan en suenter il marcau Numnasontga dueien pagar alla vischnaunca il suandont arvè:

cavals envernai in onn e dapli	15 frs.
puleins sut in onn, da tetta	6 frs.
vaccas e genetschas	6 frs.
mugias	5 frs.
stiarls e stiarlas	4 frs.
vadials e vadialas sur 6 jamnas	3.50 frs.

vadials sut 6 jamnas	0.50 frs.
s.v. pors envernai	2 frs.
purschals sur 8 jamnas	1 fr.
cauras e nuorsas	1 fr.
cauras ed anseuls	1 fr.
nuorsas	1 fr.
fein jester buca agen, la tschuncheisma	2 fr.
fein jester agen	1 fr.

6. Eis ei vegniu decretau da schar vegnir en cun quater tiers per fiug, bein aber clar entelgiu buca in per l'auter e quei zuar sut negins tetels, sut responsabilitad da castitg.  
 7. Eis ei vegniu mess avon sch'ins vegli schar naven dils 27 tiers che vegnevan numnai dad ella, per evitar disuordens e quels ein lura vegni dismiss naven entras il pli dalla vischnaunca. Suenter da quei ei la vischnaunca passada en ed ha approbau il pareri che la cumissiun ha giu luvrau ora, il qual ei cheu avon mess per scret.  
 8. Duess ei vegnir piars dils ses tiers che han buc arvè, sch'en gliez cass duei ei survir igl uorden sco tier ils tiers d'arvè.

### 1865, ils 10 da december

- Ei la ludeivla vischnaunca stada radunada el solit liug ed ei vegniu sedeliberau sco suonda.
1. Eis ei vegniu mess avon igl emprem pugn da recapitulaziun, sch'ins vegli approbar il project dalla lescha da contribuziun, sco quel ei cuntenius ella aschunta A ni buc. Eis ei lura suenter esser declarau, eis ei vegniu per approbar quella cun 86 votants per quella ed encunter 2.
  2. Eis ei vegniu mess avon il secund pugn dalla lescha, concernent ina contribuziun per il tener tgauns, sco igl ei cunteniu en la aschunta B ni buc. Ed ei allura vegniu votau per prender si quella cun 81 vusch e per buca prender si quella mo 7.
  3. Eis ei vegniu mess avon il tierz pugn dalla lescha ariguard l'introducziun dalla patenta tier la catscha, sco plaida il project en la aschunta C ni buc. Eis ei allura puspei passau tier ina nova dumbrada ed ei stau per refusar quella 87 votants e per prender si quella 1 votant.
  4. Eis ei vegniu mess avon il quart project da lescha concernent il scamond dalla catscha sin tschiervs e cavreuls sco quella cumpara ella aschunta D ni buc. Ed ei lura vegniu votau per il scumandar quel cun 88 votants e per prender la libra catscha sin quels buc in votant.
  5. Eis ei vegniu concediu suloms da baghegiar si **Tschamut** al signur gerau Lucas Caveng ina casa e stalla, bein aber che la vischnaunca detti buca grad lenna sco da baghegiar niev.
  6. Eis ei vegniu mess avon alla vischnaunca, sch'ella vegli schar e metter l'**Alp Tschamut** egl ingant e quei zuar schar scriver ora ell'**Italia**, sco era cheu entuorn ella **Svizra**. Ed ei allura vegniu concludiu da schar scriver ora quella e fixar il termin entochen sin il mars digl onn che vegn per metter lura quella egl ingant.
  7. Eis ei vegniu dau per untgida per l'**Alp Tschamut il Pastg e la Foppa Tschuppina** sut il stradun niev, sco era sur **Carmihut** en ed ora.
  8. Eis ei vegniu publicau che tutt ils ugaus che han clients u clientas sut els, dueien dar en tgei facultad quels possedien als geraus, sinaquei ch'ins sappi taxar la taglia da vischnaunca a norma da quella e quei immediat e cass cuntrari vegn ins a taxar sco ins manegia a quels che dattan buc en.
  9. Eis ei concludiu da far la punt da **Surrein** ussa tonpli gleiti.

### Igl onn 1866

#### 1866, ils 14 da schaner

- Ei la ludeivla vischnaunca stada radunada el solit liug ed ei vegniu sedeliberau sco suonda. Eis ei vegniu mess avon dil signur president che oz seigi il di, il qual ins hagi da sedeliberau sur dils nov pugns ch'ein pli baul stai screts ora sur dalla constituziun per quella vuler fortificar ed ei lura vegniu mess avon quels in suenter l'auter cun dar l'entschatta tier igl artechel

nr. 1	cun votants 174	refusau
nr. 2	dito	refusau
nr. 3	dito	refusau
nr. 4	dito	refusau

nr. 5	dito	refusau
nr. 6	dito	refusau
nr. 7	dito	refusau
nr. 8	dito	refusau
nr. 9	dito	refusau

2. Eis ei vegniu mess avon, sch'ins vegli separticipar per collectar vid las tschunconta melli vuschs, ed ei lura passau tier la dumbrada da quellas ed ei vegniu votau per collectar quellas 174 e suenter da quei eis ei aunc schau dar neu per las suttascripziuns per collectar las tschunconta melli vuschs cun sisontatreis, aschia ch'igl ei in total diember da 237.

3. Eis ei vegniu mess avon cura ins vegli ir a trer si la generala voluntaria collecta en nossa vischnaunca per l'augmentaziun dalla caplania da **Sedrun**. Eis ei lura vegniu tratg ora per trer si quella, primo supplicar il nies segnerfarrer cun aunc dar leutier gerau Schmet e gerau statalter Stoffel Riedi cun schar sura al segnerfarrer da publicar cura ei vegni entschiet e nua e quei di per di entochen ch'ei seigi fatg atras l'entira vischnaunca.

4. Eis ei vegniu publicau che tgi che hagi da basegns da caltschina sin primavera duei dar en. Per dador **Dutg Grond** al signur gerau Lucas Caveng e dadens il **Dutg Grond** al signur gerau statalter Stoffel Riedi, per **Selva** e **Tschamut** al Gion Martin Peder e zuar duei vegnir dau en el termin da 15 dis.

5. Eis ei publicau ariguard ils paupers che prendan almosna ord la cassa generala, ch'ins vegni a tener quen e suenter la mort da tals fatg diever dalla lescha che exista da quellas varts.

6. Eis ei vegniu publicau che la cumissiun pauperila da **Tujetsch** hagi tratg neu tuttas pastiras ch'eran dadas als nos paupers per schar cultivar, cun el medem temps far notari a **Sedrun**. Ils paupers che garegian puspei da quellas sorts da pastiras dueien dar en ad in u l'auter dalla cumissiun pauperila, nua ch'ei sappi puspei da quella cumissiun vegnir partiu ora quellas suenter basegns.

7. Eis ei vegniu publicau ch'ei duei vegnir dau en tut ils vadials sut sis jamnas tenor uorden, sco ils auters tiers d'arvè.

## 1866, ils 4 da mars

Ei la vischnaunca stada radunada el solit liug ed ei vegniu concludiu sco cheu suonda.

1. Eis ei decretau da trer ora ina cumissiun per metter ensemens ils uordens da vischnaunca e quei ein ils sequents; per **Tschamut** statalter Gion Paul Riedi e statalter Stiafen Schmed; per **Selva** statalter Gion Antoni Peder e statalter Fidel Venzin; per **Rueras** Duri Berther e statalter regent; per **Camischolas** statalter Gion Andriu Berther e Paul Schmet; per **Gonda** statalter Giachen Antoni Beer e statalter Giachen Martin Schmet; per **Sedrun** gerau Hans Giachen Beer e capitani Mugli; per **Bugnei** Sep Antoni Deragisch; per **Surrein** statalter Gion Rest Monn; per **Cavorgia** statalter Sep Antoni Mugli. Quels umens dueien seradunar sin ils 15 da mars en casa da signur president Lucas Caveng.

2. Eis ei vegniu fatg attents che negin bandi oragiu sin praus per lennas diras u tortas etc.

3. Ei vegniu rapportau, ch'ins hagi aunc buca saviu s'entelgir cun ils vischins da **Tschamut** ariguard dar giu ad els la pastira da casa, la quala ha las suandontas determinaziuns.

Oragiudem encounter il **Rein da Curnera**, da l'autra vart il **Rein** praus da casa e **Prau Mulins**, sco era encounter la **Val Surpalits**, ensiviars entochen il **Trutg dalla Platta** che va en giudem **Plaunca Verda**, anen da quella vart entochen entatier la **Gonda dalla Rufna** e lura retuorna ei vid il **Rein** e va suenter il **Rein** entochen l'aua **Darvun** e va suenter quella enasi la **Rufna**. Sisura va ei si encounter il trutg da **Surpalits** e sco quel vegn oragiu e fila oragiu encounter ils **Trutgs dallas Cordas** filan e van sur quels trutgs ora agradora entochen ora el **Fop dil Trutg dallas Cordas** e leu retscheiver il **Trutg Flurinet** e sco quel va agradora entochen ils cunfins dallas plattas, cun remess cura ch'ils vischins da **Tschamut** possien guder il **Fop dils Planets** ensemens cun quels dall'alp, bein aber pon quels dall'**Alp Tschamut** ir atras cun sia s.v. biestga per aschiditg sco ei stattan giu **Milez**, aber mo passar via dil buntaduir dalla **Rufna** ed ira si dadens il dutg dalla **Val dils Planets** e lura traversar ora sut il **Plaun dils Planets** ora en sill'alp e quei senza paschentiar. Il returnar hagien els negins dretgs per quei di da leu, mobein ira si e surengiu dil buntaduir da **Foppa Gronda**. Cheu dasperas remarcar, che las cauras dil vischinadi da **Tschamut** hagien ils medems dretgs sco d'entochen cheu e las nuorsas era ils medems dretgs

entochen ch'ei carga e lura dueien quellas vegrni cargadas cun quellas dalla vischnaunca. Sin quei ha la ludeivla vischnaunca unanimamein concludiu, che quei seigi avunda ad interim, ni per in onn. Duess ei aber resultar, che vessen il cuntrari, sche duei vegrni dau a norma dallas autras pastiras ch'ei hagien per lur basegns. Duess ei resultar ch'els vessen schon ussa memia biara, sch'en gliez cass ha la vischnaunca il dretg da prender naven.

4. Eis ei era vegrni legiu giu la brev da marcau dalla vendita e cumpra dalla alp da **Tschamut**, la quala ils signurs vischins dil **Hof Tschamut** vevan giu sez tschentau si sias pretensiuns e dretgs per far communabel cun la vischnaunca ed hagien tuts dretgs vid ils fatgs communabels, seigi ton vid il bien sco vid il mal, quei ei ton vid igl activ sco il passiv, la quala brev era approbada dils vischins dil **Hof Tschamut**, ed era approbada dalla vischnaunca. Essend aber quella buca cumpleina, sch'eis ei vegrni giavischau dils vischins da **Tschamut**, ch'ei vegrni tschentau si ina autra brev e zuar tenor cunvenziun fatga cun la vischnaunca a norma exact il precis senn dalla emprema brev. Sch'eis ei allura vegrni tschentau si in'autra brev, la quala aber ils vischins da **Tschamut** han buca vuliu suittascriver e quei sulet ord raschun, ch'en quella seigi buca ad els garantiu che quels 400 frs. che scadin fiug retila per ina recumpensa, resti ad els sco atgna proprietad, dil rest eran els cuntents cun il cuntegn da quella nova revedida e cumpletada brev, la quala ei da ver alla fin dil cheu detg protocol.

Suenter esser legiu giu la cheu avon indicada cunvenziun alla vischnaunca, sche ha quella approbau, cun remarcar, che essend che l'emprema brev hagi fatg negina menziun da garanzias e ch'ins sappi buca prender si ella nova brev enzatgei niev, il qual fetschi tuttavia buca da basegns, essend avon maun negins prighels ni raschuns da saver ad els prender naven quei importo e fetschi aschia buca da basegns da garanzia.

5. Eis ei vegrni rapportau ch'igl onn vargau seigi vegrni schau prender sil **Cuolm Cavorgia** il pastur ina stiarla. Ei lura vegrni concludiu che quei mondi encunter ils uordens da nossa alp e duei aschia buca daventar pli, en neginas alps da vaccas.

6. Eis ei vegrni fatg attents ch'ei duei vegrni dumbrau giu ils tiers che scadin possedi, tenor uorden da vischnaunca e purtar ton pli spert las gliestas als geraus.

7. Eis ei vegrni carschentau la pagaglia digl organist dalla farria, la quala era stada entochen da cheu 34 frs. ed ei ussa messa sin 40 frs. e quei importo duei vegrni pagaus sco cheu suonda:

la vischnaunca	17 frs.
caplutta da Nossadunna	10 frs.
caplutta da s. Leci	8 frs.
caplutta da s. Antoni	5 frs.
<b>total</b>	<b>40 frs.</b>

Cun la cundiziun ch'igl organist seigi era obligaus, sepudend, da sunar tier mortoris e nozzas, sco era cura ch'il segnerfarrer vegn ad ira cun ils uffecis parochials a **Rueras** ni a **Zarcuns**, sche duei el era ira en quels loghens e sunar e quei senza ulteriuras bonificaziuns, auter ch'igl avon stipulau importo.

8. Eis ei concediu al Giusep Maria Pally in lenn da slondas ellas schetgas e quei zuar duei vegrni dau ora entras il "Waldzäumer" sco ei vegn predestinau en tgei liug dils geraus, bein aber pagond per quel la taxa e la spesa al "Waldzäumer".

9. Eis ei vegrni legiu avon alla vischnaunca ina brev ch'il vischinadi da **Rueras** ha giu tarmess tier al signur president da vischnaunca dils 25 da schaner 1866 pervia dil retardar da trer si la collecta per la caplania da **Sedrun**. Ei lura concludiu sin quella brev da metter a protocol, che sco tochen cheu duei era da cheu naven vegrni observau, che l'entira vischnaunca seigi obligada da star neu ulivamein e segidar sch'ils basegns damondan d'augmentar ils fundus dalla farria, dalla caplania da **Rueras** e **Sedrun**, aschia duei quei daventar adina cun savida e cumentiment dall'entira vischnaunca. Duess aber in vischinadi ni l'auter prender si enqual grevezia, seigi per buontad ni obligaziun, duei quei vischinadi ver vid sesez tuttas consequenzas e che quel hagi per da quella varts neginas ulteriuras reclamaziuns vid la vischnaunca.

10. Eis ei vegrni concediu ils cheu suandonts suloms senza donn e pregudezi dil tierz e quels ein

1. al Gion Antoni Pally da far in stebli vid sia casa dil maun dadora.
2. al Gion Battesta Monn da far in faner oragiu **Druns** sin pastira sur prau.
3. al statalter Gion Andriu Berther dador siu clavau a **Camischolas** per far ina suosta.

4. al Gion Battesta Valier a **Giuv** da far ord nuegl e zona dus nuegls.
5. al Duri Berther per carschentar sia casa anen ed ensi.
11. Eis ei vegniu mess cautegias da stiarlas ellas duas vals e quei ei per **Strem** Vigeli Berther e per **Mila** Hasper Berther.

**Copia della brev appartenet il contramendar (*contrahar*) dils vischins da Rueras per trer si la collecta**

**dalla caplania da Sedrun.**

Ault stimau signur president,

Ils vischins da **Rueras** garegian unanimamein ch'ei duei vegnir refretg da trer si la collecta en siu vischinadi per la caplania da **Sedrun**, per aschiditg ch'ei seigi buca concludiu, ni fatg dalla vischnaunca, ch'ella selaschi neu e gidi a parter tuttas grevezias ch'il vischinadi da **Rueras** ha davart siu caplon ed aschia units vegn il vischinadi da **Rueras** era a seschar neu ed esser gidonts per la caplania da **Sedrun**.

**Rueras**, ils 25 da schaner 1866

El num dils vischins

Stoffel Riedi, gerau

Duri Wenzin

Giachen Fidel Caveng el num dil cauvitg

Che la sura copia seigi conforma alla brev scretta dil vischinadi da **Rueras** al president da vischnaunca da **Tujetsch**, attesta Jacob Anton Schmet, gerau.

Daventau, ils 11 da matg 1866

**Tschamut, ils 10 da settember 1865**

Ein ils vischins seradunai ensemble cun signur assistent per sedeliberal sur la questiu dil process che nus vein avon maun, **Tschamut** cun la vischnaunca. Eis ei concludiu aschia tut per la pasch. Secartein che la vischnaunca seigi era el medem cass seresolvida, pasch, mo mintgin sto perdunar la caussa sez.

**Tschamut** ni ils vischins ch'ein oz seradunai, eis ei concludiu che la vischnaunca stoppi s'obligar da dar a mintga fiug 450 frs., ditgel quatertschien tschunconta francs. Lura ein ils vischins cuntents da surdar alla vischnaunca l'alp totala e schar administrar quella cun nus ed ensemble. Bein aber clar entelgiu, che mintga fiug possi metter quels daners suenter siu plascher. Plinavon per salvar negin regress en neginas caussas, duei la vischnaunca era mirar da dar ina honesta pastira da casa per ils basegns sco ei sedrova. Ultra da quei s'entelgescha ei da sesez, che la vischnaunca stoppi prender giu tuts deivets che schaian sin l'alp, ei pil process ed il deivet che la veva ordavon sin ella, insumma tut quei che schai da quella natira. Veggend perina cun la caussa, sch'ein ils vischins cuntents da parter tuttas grevezias cun la vischnaunca, seigi bien ni schliet. Il cheu avon secret vegn attestaus ch'ei seigi ver e per confirmaziun dil vischinadi en num da tut ils vischins suttascrivan.

Gion Paul Riedi, Stiafen Schmet e Gion Giusep Riedi.

Che la sura brev seigi copiada giu tut tal e qual sco igl original ei screts e mess en quest protocol, attesta Jacob Antoni Schmet, gerau.

**Tujetsch**, ils 13 da mars 1866

**1866, ils 11 da mars**

Ei la ludeivla vischnaunca stada radunada el solit liug ed ei vegniu sedeliberau sco suonda.

1. Eis ei vegniu rapportau ch'ei fussi necessari da dar ina instrucziun als geraus, co ei hagien da secuntener cun schar via l'alp da **Tschamut**. Eis ei sin quei concludiu sco suonda. Duei vegnir schau via l'alp per tschun onns e quei ni per dapli ni per dameins onns, sco era duei quella buca vegnir schada via per meins, ch'igl entir tscheins che stat sin quella, ch'ei annualmein 640 frs., cun dasperas dau ordavon ils cunfins che quella alp ha, sco era tgei ulteriuras grevezias quella porta. Ella cunfinescha oragiusut la pastira da casa dil vischinadi da **Tschamut**, da l'autra vart cunfina ella encunter l'alp **Cavradi** e l'alp da **Maighels**, enasisum cunfineschan ils cunfins dil cantun **Uri**, da l'autra vart encunter l'alp u **Rein da Surpalits** e va ensi encunter il crest, **Spitg**

**da Muschaneras**, quei ei bein entelgiu dil maun da **Cuflegl** e sco quel va si encunter la greppa, cun cheu remarcar che la vischnaunca resalvi per sesezza la **Tgauma** ch'ei dil maun da **Cuflegl** encunter il **Crest da Muschaneras** giu tier l'aua sco quella ei stada usitada dalla vischnaunca treis ni quater onns per lur tgauma. Sin las **Puzzas dil Lai** ha la vischnaunca per sesezza tut quei che pendi anenagiu viers encunter il **Lai d'Ursera**.

Ultra da quei ha la vischnaunca reservau per sesezza il fein a pastg el **Cuolm Ault** ch'ei sin l'alp **Tschamut** e quei ei en ils sequents loghens: il **Denter Dutgs**, las **Plauncas Nurschalas** ed ils **Bauns Tuma** che stattan davontier en fatschada. Plinavon ha il vischinadi da **Tschamut** ils dretgs da guder l'alp cun sias cauras da tut temps senza neginas interrupziuns dils affittaders che prendan si quella, sco cun sias nuorsas entochen ch'ei vegn cargau ad alp, bein aber per ils affittaders che prendan si quella alp, las nuorsas enviar ensi en pastiras da cauras e quei adina s'entelgiu sin ina dueivla moda, senza tgauns.

Plinavon resalva la vischnaunca il transit per ira cun la biestga enta **Maighels** ed anora e quei adina d'ira vinavon raschuneivlamein senza star e paschentar cheu ils s.v. tiers.

Plinavon dat la vischnaunca tier l'alp da **Tschamut** ina untgida per temps ch'ei neiva sin l'alp e quella ei tut il **Pastg** sur il stradun en ed ora, sco era a **Carmihut** sur il stradun e la **Foppa Tschuppina** sut il stradun.

2. Pon quels che prendan si quell'alp pascular da tut temps cun da tgei tiers ch'ei plai ad els e guder quella a siu plascher, sco era vegn ei aunc schau tier als surprandiders che prendan si quell'alp, ch'ei pon segar ils cheu suandonts feins a pastg:

1. Tut il **Cuflegl** dadens e dadora entochen giu tier il pastg da vaccas, si sper **Cuflegl** entochen tier il pastg da vaccas, tut las **Nurschallas Pintgas**, tut las **Surplattas** tras viaden quei che penda encunter ils **Cuflegls**, dil rest aber duei lura vegnir segau en negins auters loghens, seigi ton en pastg da cauras sco da vaccas da quels che prendan si quell'alp ni d'auters, auter che sco ei schon cheu avon detg.

3. Dueien, aschibein sco ils affittaders dall'**Alp Tschamut**, sco era il vischinadi da **Tschamut** sin lur pastira da casa, sco era l'alp **Surpalits** e **Maighels**, haver buns sufficients pasturs, ils quals seigien el cass da tener da tuttas uras ils tiers mintgin sil siu. Duess ei aber cun tut quei, schabegiar enqual mitschada, sche ha scadin il dretg da turnar a volver ils tiers cun dueivla maniera giud il siu, senza dretgs da pindrada.

Duess ei aber encunter tutta speranza esser d'ina vart u l'autra memia gronda negligentscha, ni era aunc vegnir catschau e paschentau giud cunfin voluntariamein, sche ein tals, suenter esser stai admoni, da vegnir tratg en censura dalla suprastonza da vischnaunca.

4. Ils affittaders che prendan si quell'alp ein obligai da pagar igl annual tscheins che vegn empermess da quels, avon ch'ira giu dall'alp cun ils s.v. tiers e sch'ei vegn garegiau dalla suprastonza da **Tujetsch** ch'ils affittaders dettien ina sufficienta caparra, sch'en gliez cass ein ei era obligai da dar schon ordavon, avon che guder quell'alp.

5. Eis ei vegniu mess avon alla vischnaunca ch'ins hagi plidau cun il Lezi Balzart pervia da pigliar las talpas igl onn present, e quel hagi rispundi, che persuls pegli el ni per bia ni per pauc - hagi aber fatg la suandonta proposiziun, ch'el, pagond 60 frs., vegli mussar a treis ni plirs il medem temps il mistregn. Ed allura secreigi el che cun quei agid vegn'ins ad esser el cass da saver extirpar las talpas.

Concludiu sin quei da schar sura als geraus da marcadar cun il Lezi, adina entelgiu en quei senn ed era mirar ch'ins survegni da quels ch'emprendan, ed allura rapportar alla vischnaunca il resultat che quella sappi lura dar sia approbaziun ni disapprobaziun.

6. Eis ei vegniu rapportau ch'ei seigi dus meinis ariguard con ditg la partiziun dallas alps, fatga igl onn 1862, mars ils 16, fatga per nov onns, hagi da cuzzar per motiv, che anno 1862 e 1863 han buca tuts tiers saviu vegnir cargai pervia dalla zoppina.

Ei unanimamein concludiu che quella partiziun duei aunc cuzzar, cumpriu igl onn present, tschun onns e finescha quella partiziun 1870 inclusiv.

7. Eis ei vegniu concediu in lenn da slondas si da **Maun Sura** al signur gerau Lucas Caveng per la casa da **Tschamut**, pagond la taxa.

8. Eis ei concediu al Giachen Antoni Zanetti in sulom vil **Drun** per far ina hetta da barschar vinars e quei senza dar lenna da bagheggiar, sco era en negin donn e pregiudezi da tiarzas persunas.

## 1866, ils 6 da matg

Ei la ludeivla vischnaunca stada radunada el solit liug ed ei vegniu sedeliberau sco suonda.

1. Eis ei mess avon igl accord fatgs da schar via l'**Alp Tschamut** e quel ei vegnius approbaus tal e qual sco el ei fatgs. Bein aber ha la ludeivla vischnaunca desistiu da far dar garanzia ni caparra ils affittaders sco era da prolunghir da pagar igl annual tscheins entochen igl emprem da november.

2. Eis ei vegniu mess avon cura ins vegli far mundi e quei eis ei decretau da far mundi ils tiers casa ils 11 da quest meins, che fa sin venderdis, las nuorsas mardis suenter, che fa ils 15 da quest meins, las cauras eis ei stau refretg.

3. Eis ei vegniu mess avon sch'ins vegli schar vegrin en cun enzatgei tiers ultra dils quater per fiug sco igl uorden era fatgs. Eis ei decretau da star vid igl uorden e schar vegrin en cun negins auters tiers.

4. Eis ei concludiu da schar metter sin l'untgida dall'**Alp Tschamut** 20 tochen 30 stiarls pagond 10 raps per di il tgau.

5. Eis ei stabiliu che tgi che hagi basegns da lenna da baghegiar, seigi da tgei natira ch'ei vegli, duei far urentar in digl obercheit e quel duei ponderar tgei ch'ei drovi e quei duei daventar entochen sin ils 20 da matg.

6. Eis ei vegniu mess avon igl uorden dils uauls, il qual ei lura schau sco ei era, nua che pli tard duei vegrin legiu giu cun ils auters uordens ed approbai ensemens.

7. Eis ei vegniu dumandau ils sequents suloms sco cheu suonda:

Paul Schmet a **Tschuppina** da ruchegiar il baghetg per duas punts.

Gion Antoni Soliva per far in stebli dador sia casa.

Gion Paul Berther da far giu a **Rueras** e far quel a **Camischolas**.

Gion Antoni Berther sin **Scharinas**, carschentar in sulom per in nuegl, ni far si sin in plaz niev.

Statalter Sep Antoni Mugli far ord nuegl e zuar dus nuegls.

Duri de Florin a **Camischolas** da clauder ora in iert.

Da dar lenna al Gion Florin Riedi per il chischner da **Surrein**.

Sco era schau sura als geraus da visitar la classena da **Plaun Miez** e da schar dar sch'ei vegrin garegiau.

Gion Antoni Gieriet dau sulom sin pastira u prau el vitg **Sedrun** per in nuegl da 16 armauls. Il cheu avon sut condiziun senza donn e pregiudezi dil tierz.

8. Eis ei fatg igl uorden, co ei duei vegrin dau suloms, seigi lu ton sin prau sco pastira ed alp.

## 1866, ils 21 da matg

Ei la ludeivla vischnaunca stada radunada el solit liug ed ei sedeliberau sco suonda.

1. Eis ei legiu il protocol dalla vischnaunca vargada ed ei vegnius approbaus tal e qual sco el ei screts.

2. Eis ei sedeliberau cura ins vegli far mundi las cauras ed anseuls ed allura vegniu serrau giu da mundiar quels tiers sin sonda proxima che fuss ils 21 da quest.

3. Eis ei vegniu mess avon, sch'ins vegli prender si Gion Schwarz sco „burger“ da nies cumin, essend oz seigi il di, il qual ins hagi entras ordinaziun d'in ludeivel obercheit da nies cumin da votar en scadina vischnaunca da quel e zuar entras ina dumbrada, sinaquei ch'ins sappi pli tard dar relaziun cons seigien stai pro e contra. Ei lura vegniu legitimau la vischnaunca e tratg ora dus dumbravuschs e quels cun gerau statalter Stoffel Riedi ed il salter Sep Antoni Deragisch. Suenter che la vischnaunca ei stada vuschabla, sch'eis ei stau per prender si el sco vischin da cumin 67 vuschs e per buca prender si el eis ei stau 31 vusch.

4. Eis ei vegniu mess avon il conclus, ch'ils geraus vevan fatg davart pegliar las talpas cun il Lezi Balzart, il qual ei sco suonda.

Lezi Balzart s'obligescha d'aunc pigliar il present onn quellas pil medem prezi sco igl onn vargau, bein aber s'obligescha el d'aunc mussar a treis il mistregn e per quei stoppi la vischnaunca pagar ad el 60 frs. El medem temps eis ei vegniu mess avon tgeinins veglien emprender quei mistregn ed ei Vigeli Deragisch, Vigeli Peder e Lezi Antoni Deragisch. Quels pon lura emprender quei mistregn a gratis, sco era pigliar las talpas per nossa vischnaunca treis onns, d'uonn naven, adina entelgiu ch'ei fetschien siu duer e peglian quellas sco quei ch'ei

s'audi e per salari da quella laver, hagien els sin tuts treis da trer sco igl onn vargau.  
5. Eis ei vegniu mess avon ch'ei fitti feg dueivel da silmeins pagar ils suloms che veggan dumandai sin pastiras, e cunzun igl onn present, seigi dumandau feg biars e sin quei eis ei concludiu da schar pagar per quels tuts ch'ein dumandau suenter dar ora lenna digl onn vargau e quei 2/3 da quei ch'ei vegni mess si tenor uorden da vischnaunca (*mira gest alla fin igl uorden*).  
6. Eis ei vegniu dumandau ils sequents suloms:

Statalter Lurenn Venzin a **Selva** sur casa vedra, d'in sulom veder da far si in nuegl da 16 armauls.

Statalter Tumaisch Monn da ruchegiar sulom a **Cavorgia** sper sia casa sin prau. Dapli al medem da brattar sulom enasi il **Busch** e metter quel sin prau.

Gion Antoni Deragisch a **Cungieri** da metter in nuegl sin il sulom dalla tegia e far lura la tegia dasperas sin pastira.

Gerau Schmet da far ina zona da cauras a **Valtegva** sisur siu nuegl ni giusut, quei sin pastira, ei tut concediu adina senza donn e pregiudezi dil tierz.

7. Eis ei concludiu sin sonda proxima da trer ina cumissiun per sedeliberar sur il taxar la lenna e nua dar quella igl onn present.

8. Eis ei publicau che la cumissiun dallas vias mondi quella jamna treis dis per rugalar giu las finalas pretensiuns, seigi per praus ed auter e quei gievvia odem entochen a **Sedrun**, venderdis tochen **Sumsassi** e sonda **Dadens gl'Uaul** e tgi che hagi pretensiuns dadas en pli baul, duei esser sin il plaz da sias pretensiuns, cura ch'ins vegni leu.

### **Uorden co secuntener pervia da baghegiar sin suloms novs**

Anno 1866, ils 21 da matg, ha la ludeivla vischnaunca serrau giu e stabiliu il suandont uorden cumponius ord il protocol sco cheu suonda.

1. Sa scadin vischin da vischnaunca dumandar suloms sin siu prau u en pastiras da casa e mises e la vischnaunca ei obligada da quels conceder, seigi lura tier baghetgs ni suloms da chischner ni puozs. Bein aber dueien quels suloms esser perservai ord tuts donns e pregiudezis da tiaras personas cunfinantas da funs e baghetgs che quels han.

2. Duess ei vegniu dumandau suloms temerariamein, quei vul dir senza in necessari basegns per quel che damonda sulom e sa vegni da ses cunfinants vischins attestau, sch'en gliez cass duei dalla vischnaunca buca vegni concediu suloms a tals.

3. Ha scadin vischin il dretg da dumandar la vischnaunca tuttas brattadas da suloms e zuar grondezia per grondezia e natira per natira en scadin liug, cun excepziun da donns e pregiudezis da tiaras personas.

4. Po scadin vischin ruchegiar sulom da preits da lenn en nuegls per far quellas naven e far en mir, zuar entelgiu che quei mir vegni buca pli che  $\frac{1}{2}$  bratsch anora che la preit e secunvegnir cul confinont, cass cuntrari, ch'ei savess denter els buca vegni fatg in, sch'en gliez cass ha in dils geraus da far ora il prezi e sto lura star da quei.

### **1866, ils 27 da matg**

Ei la ludeivla vischnaunca stada radunada el solit liug ed ei sedeliberau sco suonda.

1. Eis ei vegniu publicau che la cumissiun viala mondi sin l'autra jamna a mesirar suenter il stradun. Tgi che hagi da retscheiver classena nova, sco era mirar da mesirar contas petgas ch'ei drovi e scadin proprietari, duei esser leu presents per mussar siu toc.

2. Eis ei vegniu legiu ora nov „Wahlmänners“ per schar ir a **Trun**, ils quals ein ils suandonts: signur gerau Lucas Caveng, gerau Schmet, gerau statalter Stoffel Riedi, statalter Giachen Antoni Venzin, Gion Battesta Monn, Gion Paul Berther, Sep Antoni Mugli, Gion Martin Peder e Sep Antoni Deragisch e per quei di eis ei dau a scadin 2 frs. per um per sia pagaglia.

3. Eis ei vegniu publicau che negin duei frequentar d'ira sur il vitg **Camischolas** ora e quei buca selubir d'ira per la purteglia ora che va enagiu fravia e dalla punt vedra e quei sut peina da bonificaziun da donn e castitg digl obercheit.

4. Eis ei vegniu mes avon il pareri che la cumissiun dils uauls ha giu luvrau ora e quel consista sco cheu suonda:

Scadin fiug ni  $\frac{1}{2}$  fiug duei ver per sesez il dretg da pinar in lena a siu plascher ord ils uauls cumins, pagond per quel, sch'el peina, 2 frs. alla vischnaunca. Scadin baghetg che vegni

baghegiaus da niev, dus nuegls da sedisch armauls, survegn ord las schetgas tschun quaders e dus lenns d'aissa, pagond per ils quaders 5 frs. perin, ils d'aissas 10 frs. perin. Vid ils chischners duei vegnir dau las lattas ella schetga pagond per scadina 1 fr., posts, lenns da punt, d'aissa ni da slondas, dueien vegnir dai els uauls cumins e per ils d'aissa e slondas duei vegnir per scadin 2 frs., per lenn da punt e posts e lenna da clavau duei vegnir pagau per scadina plonta 1.50 fr. Ils mistergners duein ver il dretg da pinar sort dubla pagond 2 frs. per quella.

5. Eis ei concediu als fargliuns da Gion Ludivic Pally da **Rueras** leu el vitg in sulom da far in nuegl e quei fuss empau sin in sulom veder. Dapli eis ei concediu al Giusep Hetz e fargliuns da schar brattar e far naven ina truasch e talina sur sia casa a **Rueras** e schar far sin quei sulom in fuorn e quei ton l'in sco l'auter ei concediu senza donn e pregiudezi dil tierz.

7. Eis ei decretau d'ir e vender per ils uauls entuorn e quei sin venderdis e sonda, il venderdis dador **Bugnei** e vegnir anen e la sonda a **Carmihut** e **Uaul Surrein** e lura sin quei ei la vischnaunca passada in ord l'auter.

### 1866, ils 10 da zercladur

Eis ei teniu pleiv e la ludeivla vischnaunca ha sin quella pleiv priu si il reverendissim sur *Gion Antoni Casanova* da **Vrin, Lumnezia**, ussa dapresent a **Cuera** el seminari, cun schar sura als geraus da far giu cun el quella differenza ch'ei era denter el e la vischnaunca e quei adina entelgiu reciproc (*vicendeivel*) sco la davosa brev ch'el ha giu tarmess tier al segnerfarrer.

Suenter da quei eis ei teniu vischnaunca ed ei vegniu sedeliberau sco cheu suonda.

1. Eis ei publicau ch'il „Kreisförster“ vegni tier nus sin mardis e negin duei far diever da pinar lenna els uauls entochen ch'ei vegn buca dau outras novas.

2. Eis ei dumandau, sche la vischnaunca seigi cuntenza da schar intimar la venerabla claustra, ch'ins detti buca il capital che la vischnaunca hagi, entochen che la claustra hagi buca dau garanzia u pègn per il gentar da s. Martin, che quella ei obligada da dar annualmein a tuts quels ch'ein presents sco obercheit, sco era a quels ch'ein stai enzacuras, sco era quels che vegnan pli tard denter igl obercheit da vischnaunca. Ei lura concludiu ch'ei duei vegnir fatg sco cheu avon ei proponiu.

3. Eis ei vegniu mess avon sch'ins vegli acceptar 50 frs. dil Cussegl Pign pervia dil viadi da **Casti**. Ei lura decretau dalla vischnaunca da prender quei ch'ins survegn.

4. Eis ei vegniu mess avon sch'ins vegli buca tschentar la fiera dalla primavera che vegn adina tenida a **Sedrun** sin ils 8 da zercladur. Ei lura vegniu concludiu dalla vischnaunca, survegnend la lubientscha dil Cussegl Grond, da metter quella per adina sin il di sura fixau.

5. Eis ei publicau ch'ins vegni ad ir ils 18 ed ils 19 a visitar tetgs e classenas. El medem temps eis ei fatg notari, ch'ei duei vegnir catschau giu las nuorsas sin mardis proxim.

Plinavon eis ei vegniu publicau che sin sonda vegn ei vendiu lenna e quei sin igl **Uaul Camischolas**, si **Pala Gronda**, sut **Sontg'Antoni** sper la **Punt Baselgia** en **Pardatsch** e giu **Uaul da Claus**.

6. Eis ei concludiu da schar trer ora las petgas ch'ein en davos **Casti** entras lavur cumina, ils tergiders ein statalter Gion Andriu Berther e Giachen Martin Berther cun aunc dus auters umens vitier.

7. Eis ei petiziunau che la cumissiun, che hagi tratg si la collecta da **Sedrun**, vegni ad ira vinavon e trer si quella nua che quella seigi buca stada.

8. Eis ei publicau che sin sonda vegn ei dau fiug la caltschina e maunchi aber la via per trer quella. Ei schau sura al gerau Lucas *Caveng* da mirar, tgei ch'ei drovi umens per metter quella en uorden e lura far far da lavur cumina sco d'entochen da cheu.

9. Eis ei schau sura al gerau Lucas *Caveng* da mirar da serugalar giu cun ils proprietaris che han il prau sut la purteglia da **Gonda** entochen giu tier la casa dil Venzin, per saver far la via pli anen e lura rapportar alla vischnaunca il resultat.

10. Eis ei vegniu mess avon alla vischnaunca, che Giusep Deplaz hagi aunc mai dau giu la declaronza alla vischnaunca da **Tujetsch**, ch'el accepti il „Burgerrecht“ che quella ha giu offeriu avon passa endisch onns. Seigi schon pliras gadas il „forstan“ u geraus movius per la ad el surschada renconuschiantscha ed indemnisaziun a nossa ludeivla vischnaunca. Sche ha quella oz danovamein decretau ch'ils geraus dettien ad el il final avis e quei en moda aschia: Vegli

Giusep Deplaz e sia famiglia retscheiver il „Burgerrecht“ da nossa vischnaunca, sche duei el pagar per quella favur fatga ad el da nossa vischnaunca 1500 frs., cass cuntrari, che quei duess buca plascher ad el, duei el dar immediata risposta ch'el retscheivi quella favur cun pagar il sura stipulau importo, sche declara la vischnaunca oz e per adina ch'ella vegni buc a retscheiver pli el e sia famiglia da cheu naven e resalvi tuts dretgs encunter la famiglia per da quellas varts.

### 1866, ils 9 da fenadur

Ei la ludeivla vischnaunca stada radunada el solit liug ed ei sedeliberau sco suonda.

1. Eis ei vegniu mess avon cura ch'ins vegli cargar ad alp ed ei dalla vischnaunca vegni serrau giu cun il pli da cargar las nuorsas ils 13 da fenadur, la biestga schetga, quei ei stiarls e stiarlas, ils 15 e las vaccas il 17 da fenadur, sco era ils cavals il medem di.

2. Eis ei vegniu mess avon ch'ins hagi aunc buca nurser e tgi che aspireschi per quella piazza duei sedeclarar. Ei aber vegniu negin neunavon, sondern la vischnaunca ha schau sura als geraus ed al statalter da pladir in sco ei anflan per bien.

3. Eis ei vegniu mess avon ch'igl accord dalla caltschina seigi ora ils otg onns e vegni da mirar da puspei turnar ad accordar via quella. Ha la vischnaunca sinquei decretau da schar scriver ora ella gasetta tgi che less surprender quella da barschar dacheunaven, cun schar sura da marcadar via quella als geraus, bein adina entelgiu cun l'approbaziun dalla vischnaunca.

4. Eis ei vegniu publicau che tut quei ch'ils viers fetschien donn a particulars cun metter giu material dil stradun, detti dacheu naven la vischnaunca negin plaid e fatg, sondern duei dils particulars, ch'ei vegn fatg il donn, duei ei vegnir retschercau vid quels che fan quei.

5. Eis ei vegniu mess avon sche la ludeivla vischnaunca concedessi buc al Rest Antoni Desax da schar metter in vadi-taur giu els uauls **Cavorgia**. Ei allura dalla vischnaunca vegniu concediu da schar vegnir en cun quel nua ch'el vegli sin nossas alps ni pastiras da casa.

6. Eis ei vegniu legiu giu la brev dils cunfins digl uaul da **Medel** e **Tujetsch**.

7. Eis ei vegniu mess avon dil president ch'ei seigi biars che veglien buca pinar las lennas da baghegiar els uauls cumins ed era buca pagar la taxa, la quala lenna era dada ora digl obercheit. Ei allura vegniu dalla vischnaunca decretau, che tut la lenna dada ora, duei vegnir tratga a quen e fatg pagar, schegie che quella vegn buca pinada.

8. Eis ei publicau che tgi che hagi pinau la lenna da fiug, duei dar en quella immediat e nua quella seigi pinada ed era tgi che hagi buca pinau, duei era dar en, cass cuntrari aber, ch'ei vegness buca dau en da quels che peinan buc, sche vegnan ins a far pagar sco ils auters.

9. Eis ei vegniu supplicau che la cumissiun che ha da tschentar si il regulativ dalla classena suenter il stradun, duei vegnir ussa immediat en casa dil signur gerau Lucas Caveng per da quellas varts schar dar in scalariment.

### 1866, ils 29 da fenadur

Ha il signur president clamau vischins sin il solit plaz ed ei sedeliberau sco suonda.

1. Eis ei vegniu rapportau dil president, tgei cundiziuns ins vegni a metter si a quels che vulan surprender da barschar la caltschina. Ei lura schau sura als treis geraus en uffeci da schar metter si els sco ei anflan per bien per la vischnaunca, sco era sch'ei plagi, independent dalla vischnaunca, serrar giu in accord da quellas varts per barschar la caltschina, seigi per in onn ni plirs.

2. Eis ei vegniu publicau pliras publicaziuns ord ils feglis ufficials.

3. Eis ei publicau, che tgi che hagi buca dau en la lenna da fiug, ch'ei buca pinada en otg dis dad oz naven, vegn ei priu ch'ei hagien pinau e fatg pagar.

4. Eis ei vegniu legiu ora ils sequents sco inspecturs d'urentar ils s.v. tiers ch'ei vegn piars en vischnaunca, sco era vegniu mess avon l'obligaziun che scadin che piarda in tier, priu ora ruclar, dar en vadretg buc, ei obligaus da far urentar, ed ils cheutier legi ora ein ils sequents umens: statalter Stiafen Schmet, statalter Gion Antoni Peder, statalter Felici Schmet, statalter Gion Andriu Berther, giuven, Lurens Schmet, capitani Mugli, Gion Benedetg de Ragisch, statalter Rest Monn e Sep Antoni Mugli.

5. Eis ei dil president rapportau ch'ei seigi aunc buca rugalau giu cun l'expropriaziun per il funs che ha pigliau il gerau Schmet. Ei lura vegniu tratg ora ina cumissiun da schar finalmein empruar da serugalar, ed ei dau leutier gerau statalter Stoffel Riedi, statalter Gion Andriu

Berther, statalter Gion Rest Monn e gerau Stiafen Monn.

6. Eis ei vegniu fatg notari a quels vischins, ch'ei hagi era buca saviu vegnir fatg giu cun Giachen Martin Berther per donn endadens la fravia ed enzatgei sur casa da gerau Paul Schmet.
7. Eis ei vegniu legiu ora la cumissiun per ir atras ils quens da vischnaunca digl onn 1866 ed ei ils cheu suandonts: gerau Duri Venzin, signur capitani Mugli, statalter Lurenn Giacomet, statalter Gion Andriu Berther e gerau Hans Giachen Beer.

### 1866, ils 19 d'uost

Eis ei vegniu clamau vischnaunca e quella ei vegnida tenida el solit liug e sedeliberau sco cheu suonda.

1. Eis ei vegniu legiu giu il quen da statalter Giachen Antoni Venzin, menaus da quel per igl onn 1865, sco era vegniu legiu giu il quen per ils diesch melli francs ch'il signur president Lucas Caveng hagi enta maun. Ein lura dalla vischnaunca vegni approbai cun grond engraziament.
2. Eis ei mess avon alla vischnaunca la bilanza dil deivet current capital che crodi da pagar da s. Martin en circa 15'000 frs. Ha sin quei la vischnaunca tratg ora ina cumissiun sin sonda proxima e scadin vischinadi duei dar tier quella dus ni treis umens.
3. Eis ei vegniu mess avon ch'ei seigi dus pretendents che veglien barschar la caltschina, cun dasperas leger giu las condiziuns ch'ein messas si ad els per entrar egl accord. Igl emprem ei il Biscuolm e quel vul surprender da barschar quel per 8 ni 10 onns cun tuttas condiziuns ch'ein messas si e damonda per scadina buot caltschina 3.70 frs. L'auter pretendent ei il Steger e quel vul barschar per 3.60 frs. Vesend la vischnaunca, ch'ei seigi aunc buca las uras da dar giu quella, ha quella refretg per otg dis da dar giu quella.
4. Eis ei vegniu legiu ora per statalter regent per igl onn 1866 statalter Giachen Antoni Venzin, il qual era buca presents quei di, ha siu frar gerau Duri Venzin declarau ch'el vegni buca a retscheiver e tochen sin dumengia proxima sappi el sez dar risposta.
5. Eis ei vegniu dil president mess avon ch'ils paupers da **Rueras** vessien da spelar e segar avunda cun igl **Uaul Carmihut** e las **Rufnas da Val Giuv** vender per diever dalla cassa generala. Eis ei dalla vischnaunca vegniu decretau da vender quellas e negin duei spelar ni segar pli da cheu naven.
6. Ha il president publicau ch'ils mirs suenter las vias vegnien buca pagai dil cantun entochen ch'ei sappi buca vegnir mesirau tut e dueien era far tuts.
7. Eis ei decretau da vender las pastiras oz a **Camischolas** suentermiezdi, entschavend las treis uras.
8. Eis ei vegniu mess avon sch'ins vegli schar ir els **Cuolms Aults** a segar e cura e sch'ins vegli taxar enzatgei ni buca. Ei allura dalla vischnaunca decretau da schar ir a segar per nuot e quei sin ils 21 da quest e possien segar 15 dis.

### 1866, ils 26 d'uost

Ei la ludeivla vischnaunca stada radunada el solit liug ed ei sedeliberau sco suonda.

1. Eis ei vegniu mess avon che statalter Giachen Antoni Venzin retscheivi buca sia carriera da statalter regent per igl onn 1866. Ei allura vegniu legiu ora statalter regent Gion Paul Berther da **Camischolas** per igl onn present.
2. Eis ei vegniu dau giu igl accord dalla caltschina als Gion Flurins Riedis da **Rueras** e quei per otg onns sut tuttas condiziuns sco la vischnaunca ha mess si, pagond scadin salmè 3.50 frs.
3. Eis ei fatg da saver che a **Curnera** seigien duas nuorsas jastras ed enta **Nalps** tschun e tgi che secreigi ch'ellas seigien sias, duei ira persuenter.
4. Eis ei vegniu mess avon il pareri dalla taglia da vischnaunca che la cumissiun ha luvrau ora sonda vargada. Ei lura dalla pluralitat da vischnaunca vegniu mess d'in maun e priu si la taglia sco igl onn vargau, quei ei 2 frs. per fiug e sin la rauba 1 fr. per melli. Sin las vaccas e genetschas 1. fr. il tgau, mutgs e mugias 50 raps, vadials e puleins da tetta 25 raps, cavals 2 frs. per scadin, nuorsas e cauras, tiers casa, seigi da quella natira tgei ch'ei vegli, 10 raps il tgau. Sin quei ha la minoritad declarau, ch'ei vegnien en tala conclusiun buca a prender part, sche quei protocol vegness pli tard approbaus dalla vischnaunca e protestan encunter tala conclusiun, ord raschun ch'ei secreian ch'ei seigi buca dueivel da metter sin rauba e fiugs per aschiditg sco la cassa generala seigi aschi beinstonta, sco era seigi illegalmein votau da quels che hagien buca dretg

da votar per fatgs d'economia da vischnaunca e resalvien ils ses dretgs da quei far valer pli tard.

### 1866, ils 16 da settember

Eis ei vegniu legiu la brev dil Cussegli Pign pervia dil gentar da s. Martin, ch'ei vegni dau per quel 1500 frs. e per igl „Oberalp Strasse“ 500 frs., total 2000 frs. Ha la vischnaunca sinquei ordinau da buca prender meins che 2500 frs. e schar sura als geraus da turnar a scriver al Cussegli Pign.

2. Ha Gion Flurin Riedi e fecls surdau igl accord dalla caltschina al Biscuolm da **Mustér** tut tal e qual sco els vevan resalvau per diesch onns enstagl mo per otg onns, quei tut cun approbaziun dalla vischnaunca.

3. Eis ei vegniu mess avon che Gion Giusep Baselgia da **Trun** seigi serecumandaus per far mustregia e vegli vegnir treis gadas per onn, cun vegnir cura ch'ei seigi tschun ni sis liufas a mustregar quella e paga vegli el 45 raps ina. Ha la vischnaunca decretau da star digl accord cun il meister Derungs, che quel veva cun la vischnaunca e buca prender il Baselgia, entochen che quel ha buca ora il siu accord.

4. Eis ei vegniu rapportau ch'il Cussegli Pign hagi tarmess tier alla venerabla claustra ed offeriu per cumprar lartg il gentar da s. Martin alla vischnaunca 1500 frs., dapli 500 frs. sco schenghetg, vul dir per tener las empermischuns stadas fatgas da far ina indemnisiuzion per l'expropriaizion dalla via nova. Ha la vischnaunca decretau da schar sura als geraus da recavar sche pusseivel seigi silmeins 2500 frs. seigi lura da tgei maun ch'ei vegli.

### 1866, ils 30 da settember

Ei la vischnaunca stada radunada el solit ed ei sedeliberau sco suonda.

1. Eis ei vegniu publicau ch'ei seigi rut ora il "Rindpeste" a **Cuera** e seigi serrau d'ira el cantun **Uri** cun tiers.

2. Ei vegniu publicau ch'ei seigi decretau dalla cumissiun da taglia che quella vegni en **Tujetsch** en casa da gerau Lucas Caveng sin ils 11 e resti leu entochen ils 13 d'october.

3. Eis ei vegniu rapportau ch'ins vegli far da trer las petgas sper il stradun. Ei lura vegniu repartiu quella sin ils vischinadis e quels dueien dar uorden ch'ellas vegnien tratgas.

4. Eis ei vegniu mess avon ch'ins vegni buca a survegnir tut ils daners dalla "Sparng Cassa" da s. Martin e sche la vischnaunca seigi cuntenza da schar prender quels per interim ord la banca, ei schau sura da far sco ils geraus anflien per bien.

5. Eis ei vegniu rapportau ch'ei seigi sederschiu enzatgei lenna a **Carmihut** e viasi la **Val Caltgera**. Ei dalla vischnaunca decretau da vender e quei sin ils 13 d'october entras gerau Schmet.

6. Eis ei vegniu mess avon ch'il caplon da **Sedrun** drovi ussa gleiti lenna da scaldar la pegna ed ei fussi las romas e cuas da quels lenns pinai per far il tetg dalla casa e sch'ins vegli buca schar quella. Ei dalla vischnaunca schau tier quei.

7. Eis ei vegniu mess avon ch'ei seigi il di fixau da dar vischnaunca pervia cura dar lartg. Quei ei dalla vischnaunca decretau ils tiers gronds e las cauras sin mesjamna, che fuss ils 3 d'october, ils tiers casa sin sonda, che fuss ils 6 da quei meins che vegn, las nuorsas aber per sin ils 10 d'october.

### 1866, ils 28 d'october

Ei la ludeivla vischnaunca stada radunada el solit liug ed ei sedeliberau sco cheu suonda.

1. Eis ei vegniu mess avon ch'oz seigi il di fixau per leger ora ils deputai dil naziunal "Rath".

Ei allura igl emprem vegniu legiu ora dus dumbravuschs ed in scarvon leutier. Ils dus dumbravuschs ein signur gerau Duri Venzin e gerau Stiafen Monn e statalter Gion Paul Berther sco scarvon.

Suenter da quei eis ei vegniu fatg preposiziuns

1. signur docter Condrau	stau votants per docter	141
2. signur landrehter Vieli	per quel votants	114
3. signur professer Gredi	per quel votants	8

2. Eis ei vegniu mess avon sch'ins vegli oz sedeliberal pervia dils arvès da 1867. Ha la vischnaunca decretau da star vid igl uorden digl onn vargau, oreifer schar liber la primavera da prender tiers tier sesez, seigi ch'ei cumpran lura ni ch'ei prendan da rugalar che vessen buca

mises leu, cun in plaid detg, mintgin po cun ils tiers ch'audan a nossa vischnaunca far a siu plascher entochen ch'ei carga ad alp.

3. Eis ei vendiu roma ola **Val Bugnei** quei di al Gion Antoni Curschellas per 10 frs. en igl ingant.
5. Eis ei vegniu mess avon ch'ei seigi adina l'isonza che las nuorsas dil caplon da **Rueras** vegnien pertgiradas per nuot. Aschia ha la vischnaunca decretau da mirar che quei vegni fatg, bein aber duei il vischinadi da **Rueras**, sco la vischnaunca ordavon far attents ils pasturs che tals tiers vegnien pertgirai per nuot.
5. Eis ei vegniu rapportau che "Hebama" petiziuneschi per enzatgei lenna da fiug e cass cuntrari che la vischnaunca vegnessi buca a dar, sche fussi ella consignada d'ira a **Cavorgia** a star. Ei dalla vischnaunca decretau da dar enzatgei lenna da **Maun Sura** e quei sin il mender dar nua ch'ils geraus anflien per bien.

7. Eis ei vegniu mess avon ch'ei seigi uras da mirar da pinar las lattas per duvrar suenter la via nova da clauder. Ha la vischnaunca schau sura da mirar ch'ei vegni dau uorden entras lavur cumina cun intervegnir dils geraus u dil statalter regent.

## Igl onn 1867

### 1867, ils 17 da fevrer

Ei la ludeivla vischnaunca stada radunada el solit liug ed ei vegniu tractau sco cheu suonda.

1. Eis ei vegniu mess avon ch'ei seigi sis pretendents che veglien far nurser sin la **Pizza** questa stad, ch'ei Martin Peder, Gion Antoni Schmet da **Cavorgia**, Giachen Antoni Curschellas, Gion Fidel Mugli, frars Alexi e Giohen de Flurin. Sch'ei tala piazza vegnida messa en concurrenza, ed ei allura vegniu rebasau giu entochen sin 18 raps per nuorsa, bein capiu ch'il nurser stoppi per scadina nuorsa pagar ora 3 raps ina per il sal alla vischnaunca. Ei lura vegniu decidiu cun il pli dalla vischnaunca da dar tala piazza sco nurser per la stad al Martin Peder da **Cavorgia**, cun dasperas duei el esser obligaus, sche pusseivel, da trer si las nuorsas che massen a pastuir e nunpudent el persuls, hagi el il dretg da dumandar agid entras il statalter en uffeci per quella da liberar, cun tener a quen tgi ch'el detti e tgei ch'ei porti e lura tagliar quei sin l'entira muntanera.

2. Ha il president rapportau con pagar giu per onn alla "Sparng Cassa" giud il capital tier il tscheins. Ha la vischnaunca schau sura als geraus da fixar il quantum per onn e quei sco quels anflan per bien senza far taglias pli aschi grondas sco d'entochen dacheu. Ei allura fixau dils geraus da dar giu dil capital 500 frs. per onn ed il tscheins vitier.

3. Eis ei legiu giu la cunvenziun fatga cun la venerabla claustra appartenet il gentar da s. Martin ed ei vegniu approbau tal e qual sco quel plaida.

4. Ha Gion Flurin Riedi dumandau sulom da far ina tegia a **Surpalits**. Ei dalla vischnaunca buca vegniu concediu ord raschun ch'ei seigi schon leu ina tegia generala.

5. Eis ei concediu als frars Hetz da **Rueras** in sulom si **Davet** per baghegiar ina zona e quei sper sia tegia.

6. Eis ei vegniu mess avon alla vischnaunca ch'ei seigi particulars da **Medel a Tujetsch** che hagien pitiu donn pervia dallas lavinas, ha la vischnaunca decretau da dar al da **Medel** 20 frs. Ils da **Tujetsch** aber duei vegnir recumpensau cun dar lenna, il quantum ei schau sura als geraus con dar, e lura schar saver la vischnaunca e da tgeinina.

### 1867, ils 7 d'avrel

Ei la ludeivla vischnaunca stada radunada el solit liug ed ei sedeliberau sco suonda.

1. Eis ei vegniu legiu giu pliras publicaziuns.
2. Eis ei vegniu mess avon ch'ei seigi pliras petiziuns per lenna da baghegiar e quei seigi vegniu devastau entras lavinas, ni rut en baghetgs entras la massa dalla neiv. Ha la vischnaunca concludiu da schar sura agl obercheit da dar a quels che petiziuneschan persuenter, cun ordavon far urentar ils baghetgs. Era ha la vischnaunca schau sura da taxar quella lenna sco igl obercheit anfla per bien e dar quella en adattai loghens ch'ei sappien vegnir tier cun ella.
3. Ha la vischnaunca schau sura al president da vischnaunca da dar uorden entras lavur cumina, da mirar che las lattas vegnien tratgas giu ord il prau dalla **Tscheppa** e messa sper la via, essend ussa fetschi ei gleiti donn da far tala lavur.  
Cun quei ei la vischnaunca vegnida desliada si per quei di.

4. Eis ei mess avon ch'ei vegni teniu a casa la stad tiers en cert vischinadis sut tetel da malsauns e vegni cun quei en differents loghens abusau. Ei sin quei concludiu, che tgi che hagi da tals tiers malsauns, duei avon ch'ei uliveschi las alps far visitar in digl obercheit tal tier e sch'ei vegn da quel renconuschiu che quel seigi buca habels d'ir ell'alp, sche sa quel star sin la pastira da casa sco tier malsaun.

2. Ha il president legiu giu la brev ed accord fatgs cun la venerabla claustra, davart il gentar da s. Martin denter il reverendissim monsignur avat d'ina vart e da l'autra vart il "forstand" u geraus dalla vischnaunca da **Tujetsch**. Ei lura dalla vischnaunca approbau tal e qual sco el ei secrets.

3. Eis ei vegniu mess avon sch'ins lessi buca metter si ina scola da repetiziun en nossa vischnaunca u pliras. Eis ei concludiu dalla vischnaunca ch'il cussegli da scola duei radunar ina cumissiun da dus ni treis per vischinadi sco ella anfli per bien e lura luvrar ora in plan da quellas varts e suenter metter quei avon alla vischnaunca.

4. Eis ei vegniu mess avon ina petiziun davart ils disgraziai dil barschament da quels ed ha la vischnaunca concludiu da dar ord cassa da vischnaunca a quels 12 frs.

5. Eis ei vegniu mess avon ina brev dil Cussegli Pign, sche la vischnaunca lessi far offertas per surprender d'arver la via nova temps da neiv, entschavend a **Tschamut** entochen ora tier ils cunfins da **Mustér**. Ha la vischnaunca schau sura als geraus da dar risposta sin quei sco els manegian, bein aber cun reserva d'avon rapportar la risposta sin vischnaunca, sco era en quella buca seschar en pli u meins en contractivas da quellas varts cun il cantun.

6. Eis ei vegniu mess avon con ins vegli pagar giu dil capital dalla "Spar cassa" ultra digl annual tscheins. Ei decretau da pagar giu dalla vischnaunca in per tschien, cun schar sura als geraus da resummar quei e dar en in ton capital, sco las statutas dalla "Sparcassa" obligheschan.

7. Eis ei vegniu mess avon sch'ins vegli oz fixar cura ei duei vegnir barschau la caltschina. Ei dalla vischnaunca vegniu recumandau als geraus da dar part als brischacaltschina d'esser promts, ins sappi buca quala ura la vischnaunca fixeschi da far barschar la caltschina.

8. Eis ei vegniu mess avon sch'ins vegli ussa entscheiver a trer las lattas, ni schar entochen ch'ei seigi terrein. Ei dalla vischnaunca vegniu refretg entochen ch'ins sappi trer quellas sin carrs.

9. Eis ei vegniu mess cautegias ella alps da stiarls e stiarlas; per **Maighels** Battesta Valier, per il **Tgom** Tumaisch Huonder, per **Mila** statalter Stiafen Schmet e per **Strem** gerau Schmet.

10. Fargliuns Alexi han dumandau sulom per far ina zona si **Davet** vid la tegia. Ei dalla vischnaunca vegniu concediu. Bein aber detti ella negina lenna persuenter da baghegiar.

11. Gion Antoni Gieriet ha dumandau sulom el vitg **Sedrun**, essend ch'el sappi buca baghegiar odem il vitg nua ch'el vevi dumandau e lessi quel tschentar dadens sia casa. Ei dalla vischnaunca vegniu refretg per la raschun ch'ei seigi in schliet sulom.

12. Eis ei vegniu concediu al sur Vigeli in cavriu giu digl **Uaul Surrein** per diever da barschar.

## 1867, ils 28 d'avrel

Eis ei vegniu teniu pleiv ed ei allura vegniu priu si per caplon u provisur enta **Rueras**, signur sur Soler, staus farrer a **Falera**, sut neginas ulteriuras cundiziuns d'augmentaziun da pervenda, che sco quei ch'igl urbari plaida ed il rodel dil tscheins e lenna per siu diever, reselvau dalla pleiv da far ora e casar la lenna als dus caplons oz sur baselgia. Ei lura schau sura al segnerfarrer da tarmetter tier la conclusiun che la pleiv ha priu encunter a sur Soler e cun quei ei la pleiv ida in ord l'auter.

2. Vgnend naven dalla pleiv ed arrivai sin il solit liug, nua ch'igl ei il solit da tener vischnaunca, ha la vischnaunca per igl emprem sedeliberau co far da cheu naven per far la lenna al caplon da **Rueras** ed al da **Sedrun**. Eis ei lura decretau da dar la lenna a quels dus caplons ella schetga, sch'ei vegn schau tier dallas autoritads forestalas. Tgi duei aber trer e pinar e far ora la lenna ei cun il pli decretau, ch'ils vischins da **Rueras** dueien far al siu caplon tut, ils auters vischinadis duein far al caplon da **Sedrun**. Sin quei ha il vischinadi da **Rueras** protestau e garegiav che talas lavurs dueien vegnir fatgas da lavur cumina da vischnaunca tut, essend ch'ils dus caplons seigien era per survir al general dalla vischnaunca.

3. Eis ei vegniu mess avon cura ins vegli far barschar la caltschina. Ha la vischnaunca decretau ch'ella duei vegnir barschada sin ils 15 da matg, bein aber tgi che vegli caltschina duei dar en el

termin da oz otg dis el cheu predestinai, dadens **Dutg Grond** al gerau statalter Stoffel Riedi, dador il **Dutg Grond** al gerau Lucas Caveng. El medem temps eis ei concludiu che la via dalla caltschina seigi da pinar ni da far nova, duei vegnir fatga entras lavur cumina da vischnaunca.

4. Eis ei vegniu concediu al Vigeli Werth (Vertg) da **Selva** da brattar sulom vi **Surrein**, prender giu prau e metter quel sin pastira, nua ch'el ha sia tegia e quei per megliera segirezia dalla lavina.

5. Statalter Giachen Antoni Venzin ha la vischnaunca era concediu da brattar in sulom giu **Mila** e metter oragiu **Mila**, adina aber dalla vischnaunca reselvau encunter donns e pregiudezi.

6. Eis ei era vegniu petiziunau dils vischins da **Selva** e **Tschamut**, che la vischnaunca detti era lenna a siu caplon da barschar, las lavurs da pinar, trer e far ora, seigi schau en persesez vi dad els. Ha la vischnaunca decretau da dar adual ils auters dus caplons ed era ellas schetgas sut la clara cundizion aber ch'il lenn el "banvald" vegni buca pinaus per schiditg sco la vischnaunca dat la lenna.

### 1867, ils 12 da matg

Ei la vischnaunca stada radunada el solit liug ed ei vegniu sedeliberau cura far mundi ils s.v. tiers casa, sco era las nuorsas. Ei allura decretau dalla vischnaunca da far mundi ils tiers casa ils 13 da quest, las nuorsas ils 18 da quest, las cauras eis ei refretg cura far mundi.

### 1867, ils 19 da matg

Ei la ludeivla vischnaunca stada radunada el solit liug ed ei sedeliberau sco suonda.

1. Eis ei sedeliberau cura far mundi las cauras, ed ei lura dalla vischnaunca concludiu da far ira sonda, ch'ei ils 25 da quest.

2. Eis ei rapportau ch'ei seigi ussa da trer las lattas per clauder suenter il stradun niev. Ei schau sura als geraus da dar uorden entras lavur cumina e quei sin questa jamna ch'ei vegni tratg.

3. Eis ei decretau da trer la sort dalla caltschina sin dumengia, ch'ei ils 26 da quest.

4. Eis ei vegniu supplicau ils vischinadis ch'ei dettien ils umens predestinai, cura ch'il cussegl da scola clomi per mirar, sch'ei veglien rugalar en la scola da repetiziun per igl unviern.

5. Eis ei concludiu da far questa jamna la via dalla caltschina, sco era rugalar la punt da **Pardatsch**, e quei ei schau sura al gerau da mirar e procurar entras lavur cumina ch'ei vegni fatg.

6. Eis ei vegniu fatg pliras publicaziuns dil fegl ufficial.

7. Eis ei vegniu fatg danovamein co ins vegli far la lenna als dus caplons, quel da **Rueras** e **Sedrun**. Ei finalmein vegniu dalla vischnaunca decretau aschia, il pinar e trer quella lenna per quels dus caplons, duei vegnir fatg da lavur cumina da vischnaunca sut inspecziun dil statalter regent, il far ora aber als caplons quella lenna e metter sut tetg, fan ils vischins da **Rueras** a siu caplon e zuar buca per obligaziun, sonder per buna amicezia e quei in nundeterminau temps. A quel da **Sedrun** vegn ei fatg tala lavur entras ils auters vischins da vischnaunca, era adina mo per aschiditg sco il vischinadi da **Rueras** fa a siu caplon quei.

8. Eis ei pladiu Lezi Balzart per „muser“, ed il fegl da Sep Antoni Deragisch per il present onn e quels dueien mussar quei mistregn a tgi che vul en scadin vischinadi. Il salari ei fixaus per uonn 1 fr.

9. Ha la vischnaunca concludiu da prender il cantun dalla seiv odem il **Dulezi** sisum e trer ina lingia grada encunter la purteglia che va en **Dulezi** e quei schar vid il **Dulezi** per nuot.

### 1867, ils 26 da matg

Ei la ludeivla vischnaunca stada radunada el solit liug ed ei sedeliberau sco cheu suonda.

1. Eis ei vegniu mess avon alla vischnaunca sch'ins vegli schar via las **Vals Curnera** al caputschiner Franz d'**Ursera**. Ei lura concludiu da schar quella per uonn e zuar per in meins entochen calonda fenadur cun pagar per quella 60 frs. per igl onn present.

2. Eis ei vegniu mess avon sch'ins vegli refierer la fiera da **Tujetsch** entochen sin ils 11 da zercladur ni schar sco ella seigi fixada. Ei lura decretau da schar sco ella ei tschentada sin ils 8 da zercladur.

3. Eis ei vegniu legiu ni detg alla vischnaunca il cuntegn dalla lescha da sanadad.

4. Eis ei vegniu mess avon sch'ins vegli dar las lattas per il telegraf entochen **Tujetsch**. Ei dalla vischnaunca vegniu refusau tut e duei veginr rispundi, ch'ins hagi negin plascher da quei.
5. Eis ei vegniu mess avon alla vischnaunca sch'ins vegli finir cun metter en las lattas suenter il stradun, ei seigi aunc buca pinau avunda. Ei concludiu da far vinavon e pinar entochen ch'ei seigi finiu tut.
6. A sur Vigeli Venzin eis ei concediu in cavriu da barschar egl **Uaul Bugnei** e quei gratis cun schar mussar quel in digl obercheit.

### **1867, ils 10 da zercladur**

- Ei la ludeivla vischnaunca stada radunada el solit liug ed ei vegniu tractau sco cheu suonda.
1. Eis ei vegniu legiu giu ils quens da vischnaunca menai da statalter Gion Paul Berther, sco era il quen da gerau Lucas *Caveng* e da gerau Schmet e quels ein vegni approbai dalla vischnaunca cun remarcar pervia dil sigil dalla registratura dils marcaus e duei veginr tratg ora dil cudisch cons marcaus ei seigi secret en quels dus onns e pagau per il cudisch sco la taxa messa e lura far quen cun il registratur.
  2. Eis ei vegniu tarmess tier dalla vischnaunca ina deputaziun per envidar en nos signurs spirituals per prender part da nossas elecziuns. Tier quella deputaziun eis ei dau gerau statalter Stoffel Riedi ed il statalter regent Gion Paul Berther.
  3. Suenter ch'ils signurs spirituals ein stai arrivai sin il plaz, sch'ei la ludeivla vischnaunca passada tier las elecziuns ed ei vegniu legiu ora igl entir obercheit dils dus onns vargai cun remarcar, che salter stoppi far quel, ch'ei il pli damaneivel dil „Ganrichter“, e quel duei dar al salter tuttas avisadas. Statalter regent duei veginr legiu ora in dils auters tschun cussegliers e nunvulend retscheiver tala nomina, dueien quels giugar la sort e gerau militar il medem, aber mo per dus onns.
  4. Eis ei vegniu legiu ora il cussegl da scola e quel ein ils medems dils dus onns vargai, oreifer enstagl statalter Vigeli Giacomet eis ei legiu ora Lezi Huonder.
  5. Eis ei vegniu legiu ora la cumissiun pauperila e quella ei restada la medema dils dus onns vargai, priu ora enstagl gerau Hans Giachen Beer ei legiu ora siu fegl statalter Stiafen Beer.
  6. Eis ei vegniu graziau al Toni Schmet igl arvè d'ina s.v. vacca che vegen cargada a **Maighels** cun ils stiarls.
  7. Eis ei vegniu legiu ora ina cumissiun sin sonda pervia da sedeliberal da taxar las lennas da baghegiar e da fiug, sco era nua dar quella, sco era tgei taglia metter sin ils tiers. Ei lura tier quella cumissiun igl entir „forstand“, sco era mintga vischinadi duei tarmetter dus ni treis vischins sco ei anflan per bien e quels tuts ensemens dueien luvrar ora in pareri a metter quel avon dumengia alla vischnaunca.

### **1867, ils 23 da zercladur**

- Ei la ludeivla vischnaunca stada radunada el solit liug ed ei sedeliberau sco cheu suonda.
1. Eis ei vegniu mess avon il pareri che la cumissiun ha giu luvrau ora sonda vargada cun taxar las lennas da baghegiar e da fiug, sco era nua dar quella, sco era tgei metter si taglia sin ils tiers. Ha la vischnaunca approbau tut il pareri sco el era luvraus ora dalla cumissiun, il qual ei sco suonda.

Sin la lenna da baghegiar eis ei taxau ella schetga in lenn d'aissa 6 frs., per il quader 3 frs., per lattas 40 raps. Els uauls cumins in lenn d'aissa 1.50 frs., in quader 1 fr., in lenn da clavau 50 raps, per in lenn da fiug 1 fr. Quella taxa duei cuzzar sin la lenna da baghegiar per diesch onns, priu ora la da fiug, quella duei veginr fatga mintg'onn.

Sin ils tiers eis ei mess taglia per quest onn:

in cavagl paga	60 raps
ina vacca u genetscha	30 raps
stiarls e stiarlas	15 raps
vadials	10 raps
cauras e nuorsas, pors, purschals ed anseuls	2 raps

Pervia dalla lenna da fiug che vegen buca pinada els uauls cumins da vischins, dueien quels esser obligai da dar en quels che peinan buc als geraus, cass cuntrari, sch'ei fagessen buc, vegenan tals pri ch'els hagien pinau e fatg pagar sco ils auters che han pinau lur lenna.

2. Ha la vischnaunca aunc schau als paupers da petiziunar tier ils geraus tgeinins veglien far giu romas e tagliar ora „zavergs“ en loghens nua ch'il „farner“ vegrn a schar tier, quei adina entelgiu cun dar leutier in um che capeschi tala lavur e quei duei vegrn fatg da **Maun Sura** e tals ston lura buca pagar perquei.

3. Ha la vischnaunca decretau da schar vender tutta lenna sederschida, sco era schar vender enqual sin peis, quei ei entelgiu mo lenna da barschar, ch'ei buc per diever da bagheggiar ni slondas. Cura vender ei schau sura als geraus cun ordavon far public sin vischnaunca cura ei vegrn entschiet e nua.

4. Eis ei entginas publicaziuns digl „amtsblat“ dalla jamna vargada, sco era fatg notari che negin paschenti sin il stradun niev cun s.v. muvels. El medem temps eis ei era notificau che sin l'autra jamna vegrni urentau tetgs e classenas e lennas che s'audan d'esser en effect.

5. Eis ei vegrni mess avon alla vischnaunca, sche quella vegli buc petiziunar per il cudisch da hipotecas tier igl obercheit dil cerchel, che quel concedi da schar vegrn els mauns dil president da vischnaunca sco adina stau fatg per spargnar spesas da vischnaunca entras ver quel. Ha la vischnaunca decretau da supplicar ils geraus da dar en tala petiziun agl obercheit dil cerchel.

6. Eis ei concediu als Giossis da **Zarcuns** da schar far ina casa sut la talina via sur clavau grond, senza donn e pregiudezi da tiaras persunas.

7. Ha la vischnaunca decretau da vender pastiras e la **Gassa da Cavorgia Sura** e sut il stradun niev. Ei schau sura al gerau da far tala lavur sch'ei vegrni ora per la vischnaunca in raschuneivel interess, senza slargar classenas, cass cuntrari rapportar alla vischnaunca sch'ei vegrness augmentau classenas.

8. Eis ei vegrni lamentau ch'ei vegrni teniu plirs tiers sur dretgs la stad sin pastira da casa sco per malsauns. Ha la vischnaunca obligau che scadin tier malsaun vegrni urentaus d'in digl obercheit e nunenconuschiis per malsauns e schiglioc dil proprietari cargaus.

## 1867, ils 26 da zerladur

Ei la ludeivla vischnaunca stada radunada el solit liug ed ei sedeliberau sco cheu suonda.

1. Eis ei vegrni mess avon cura ins vegli far da cargar ad alp, sco era dar en ils tiers ed ulivar quellas. Ei lura vegrni refretg da far cura cargar las alps, bein aber igl ulivar e dar en ils tiers duei vegrni dau sin venderdis als geraus e sin sonda ch'ei ils 29 duei vegrni ulivau las alps, entschiet las treis suentermiezdi, nua che mintgin duei ver dau en ils tiers.

2. Eis ei vegrni mess avon, sche la vischnaunca vegli tener duas vaccas ni buca, ei vegrni decretau da star digl uorden schon fatgs.

3. Eis ei vegrni mess avon ch'ei seigi dus picaprecers digl **Uri**, Calblezer dalla **Pun** e Joseph Valcher da **Schattendorf** che veglien prender dalla vischnaunca il grep da pegas a **Calmut**. Ei lura discutau dalla vischnaunca da scriver ora ella Gasetta Romontscha ton pli spert la concurrenz e sin dumengia mirar da saver s'entelgir cun quels che han dau en e quei ei schau sura als geraus cun lura rapportar alla vischnaunca.

4. Ei vegrni mess avon sch'ins vegli buca executir igl uorden vegl pervia da mundar pastiras ed alps. Ei dalla vischnaunca decretau da far in di lavur cumina mintgin sin sias pastiras da casa ed ei fixau sin sonda, ils 6 da fenadur.

5. Eis ei vegrni mess avon alla vischnaunca, sch'ella vegli entrar en tut sco la cumissiun haveva giu rugalau giu cun l'expropriaziun dil funs d'assistent Schmet, cun dasperas declarar ch'el laschi ni metti tier ina rauba pia ord quei capital 100 frs. sin d'atun. Bein aber duei la vischnaunca petiziunar il cantun, essend rut ora il canal da **Tgamaura**, ch'il cantun detschi ina segirezia da nuar encunter siu prau per schurmetg da quel, sco per quei prau d'auters, sco era duei tal accord vegrni screts el cudisch da vischnaunca tut clar sco el ei daventaus sur dalla expropriaziun che ha pigliau agl assistent. Ei dalla vischnaunca vegrni approbau.

6. Eis ei publicau ch'ils cauvitgs dueien dar en las lavurs cuminas da vischnaunca ch'ein fatgas ussa cheu al gerau Lucas *Caveng* per lura rapportar quella alla vischnaunca.

7. Eis ei vegrni concediu in sulom a **Liez** d'in nuegl da sedisch armauls al Vigeli Beer, giuven, quei senza donn e pregiudezi dil tierz.

## 1867, ils 5 da fenadur

Ei la ludeivla vischnaunca stada radunada el solit liug ed ei sedeliberau sco cheu suonda.

1. Eis ei vegniu mess avon cura ins vegli cargar ad alp. Ei dalla vischnaunca vegniu decretau da cargar las nuorsas sin ils 13 da quest meins, ch'ei la sonda suenter il di da s. Placi, la biestga schetga aber pér ils 15 ed ils 16 las vaccas.
2. Eis ei vegniu dumandau en las gliestas dils tiers d'arvè.
3. Eis ei vegniu mess en ingant il **Grep da Calmut** dil crap scalegl e quei per treis onns, cumpriu igl onn present e finend quels treis onns, 1869, october, ils 30, sco ei da ver ella brev tschentada si da quellas varts las obligaziuns. Ei allura vergantau *ingantau* e dau al Columberg e Biscuolm da **Mustér** e ston pagar 16 raps il pei e las spesas da mesirar. El medem temps eis ei era fixau, ch'ils accordants pon far ora mo 100 pegas en quels treis onns da 50 peis ina e buca dapli ed era buca dameins, pon aber ils accordants era far ora ord il sura indicau quantum, buca mo crappa per pegas, sonder d'autras sorts sco els anflan per bien.
4. Eis ei vegniu legiu ora ils dus „protocolsführers“, quei ei per il cudisch da pègns e quel da marcaus e brats. Per quel da pègns eis ei legiu ora gerau Duri Venzin e per quel da marcaus e brats gerau Giachen Antoni Schmet. Bein aber dueien, ton in registratur sco l'auter, esser obligai da dar alla vischnaunca la mesadad da quei ch'ils cudischs portan en.

### **1867, ils 15 d'uost**

Ei la ludeivla vischnaunca stada radunada el solit liug ed ei sedeliberau sco cheu suonda.

1. Eis ei vegniu mess avon cura ins vegli schar ir a far fein els **Cuolms Aults** ed ei dalla vischnaunca decretau da schar ir ils 20 da quest meins. Bein aber duei quei esser lubiu da far entochen ils 4 da settember e scadin che sepraticipescha dils **Cuolms Aults** duei pagar alla vischnaunca in franc.
2. Eis ei vegniu mess avon alla vischnaunca ch'ei seigi buca finiu da stagiar ora las pastiras, sco era cura ins vegli metter quellas egl ingant. Eis ei decretau da vender quellas ils 25 d'uost ed ils 24 dueien quellas vegnir legidas giu suenter messa en **Nossadunna Zarcuns**, ch'ei sappi vegnir mirau la valeta dallas sorts.
3. Eis ei vegniu mess avon sch'ins vegli schar ir a trer si stir en nossa vischnaunca pils treis cheu suandonts disgraziai: statalter Gion Antoni Peder, Vigeli Werth (Vertg) e Biart da **Pardomet**. Ei allura dalla vischnaunca decretau aschia, al Biart da **Perdomat** duei vegnir dau ord cassa da vischnaunca 10 frs., per ils dus auters duei vegnir tratg a quen la lenna ch'ei han via dalla vischnaunca, dil rest aber, sche quei fuss memia pauc, sch'eis ei schau sura als treis geraus da metter vitier sco ei manegian.
4. Eis ei vegniu mess avon ch'igl „Obertz Enschinier“ hagi garegiau lenna da far lattas vid la via, sco era aissas fatgas empristadas e duvradas vid il canal dalla aua da **Tgamaura**. Ei dalla vischnaunca decretau da dar nuot per nuot, mobein per pagar, bein aber adina entelgiu dend quella els loghens nua ch'ils vischins van per las lennas da baghegiar.

### **1867, ils 29 da settember**

Ei la ludeivla vischnaunca stada radunada el solit liug ed ei sedeliberau sco cheu suonda.

1. Eis ei vegniu mess avon cura ins vegli dar lartg. Ei lura decretau da dar lartg ils tiers gronds e las cauras ils 5 da october, ils s.v. tiers casa, ils 6 e las nuorsas ils 11 dil medem meins.
2. Eis ei vegniu mess avon alla vischnaunca che signur gerau Lucas Caveng vegli metter en peschs els reins da **Tujetsch**, specialmein el **Rein Grond**, bein aber duei negin puder pigliar peschs ord quels per diesch onns. Ei lura dalla vischnaunca vegniu surdau quei al gerau Lucas, sco sura per ils dieschs onns, entschavend oz igl emprem digl onn.
3. Eis ei vegniu mess avon ch'ei seigi aunc da vender enzatgi lenna sederschida egl **Uaul Surrein**. Ei lura schau sura als geraus da far notari sin tgei di ei vegni vendiu.
4. Eis ei vegniu mess avon che Vinzens Daniot seigi staus cun las nuorsas questa primavera mo quater dis sin nossa pastira e cun melli ni dudisch tschien e tgei la vischnaunca vegli far pagar el per quei. Ei lura decretau dalla vischnaunca da far pagar 100 frs.

### **1867, ils 15 da november**

Ei la ludeivla vischnaunca stada radunada el solit liug ed ei sedeliberau sco cheu suonda.

1. Eis ei vegniu messa von ch'ei seigi oz il di da fixar ils arvès sin ils tiers per igl onn che vegn. Ei allura dalla vischnaunca decretau da star dils arvès sco ils onns vargai, ils quals ein sco

suonda: Cavals pagan 15 frs., puleins sut in onn 6 frs., vaccas 6 frs., mugias 5 frs., stiarls 4 frs., vadials sur sis jamnas 3.50 frs., vadials sut sis jamnas 50 raps, cauras e nuorsas 1 fr., pors envernai in onn u dapli 2 frs., purschals sur otg jamnas 1 fr., quei tut sco igl ei da veser all'entschatta da quei uorden.

2. Eis ei vegniu mess avon che Vinzens Daniot seigi staus malcuntents da pagar ils 100 frs. mess si ad el per las nuorsas ed hagi era buca giu aschi grond diember da nuorsas cheu e hagi pagau mo 70 frs. e recamondi d'esser cuntents cun quei. Ha la vischnaunca decretau sin quei d'esser cuntenza cun ils 70 frs. ed ils auters seigien schai suenter.

3. Eis ei dil president memorisau davart igl uorden e lescha dalla catscha, fallas e latschs, che vegnan encunter tut uorden duvrei da dar si, cass cuntrari dueien tals scriver tier a sesez la cuolpa, sch'ei surpassien vinavon.

4. Eis ei vegniu legiu giu la brev d'accord per il crap scalegl da **Calmut** fatga cun Biscuolm e Columberg. Ei lura dalla vischnaunca vegniu fatg duas observaziuns, las qualas dueien vegni remediatedas ella brev digl accord. 1. enstagl 15 raps 16 il pei, 2. eis ei da buca schar tier pli ch'il quantum ch'era fixaus el protocol da tschien pegas a 50 peis ina.

5. Eis ei vegniu mess avon ch'il vier (*vegher*) vegli bos da trer il chis sin la via nova. Ha la vischnaunca decretau cun cuntentientscha da quels vischins che han ils cavals da schar ira quels per uonn, cun schar quintar lavur cumina ed aunc a scadin dar ord cassa da vischnaunca in franc per in per di.

## Igl onn 1868

### 1868, ils 12 da schaner

Ei la ludeivla vischnaunca stada radunada el solit liug ed ei sedeliberau sco cheu suonda.

1. Eis ei vegniu mess avon alla vischnaunca ch'ei seigi in giuven da **Medel** che petiziuneschi da far nies „Camifeger“ en nossa vischnaunca; adina entelgiu sut las medemas cundiziuns sco il „Camifeger“ vegl veva, priu ora il „Vargeld“, quel buca. Ei allura schau sura dalla vischnaunca als geraus da schar dumandar giu il nies „Camifeger“ vegl, sch'el vegli far giu sez ils tgamins ni buca e buca dar tier tala lavur a siu fegl sco igl onn vargau, cass cuntrari aber ch'el dess buca tala declaranza da far sez, sch'en gliez cass fussi igl accord annulaus cun el e la vischnaunca e scadina part mess en sia cumpleina libertad.

2. Eis ei mess avon alla vischnaunca, schebein ins duei pagar ils dus „musers“ igl entir import ni buc per pigliar las talpas digl onn vargau. Ord pliras raschuns ha la vischnaunca decretau da pagar mo la mesedad per sia lavur malprestada alla vischnaunca cun dar ad els 60 frs. e buca auter.

3. Eis ei rapportau tras il president ch'ei seigi lavau si ina questiun co capir il conclus da 1865, ils 13 da mars, che tractescha ariguard las classenas, mirs veders e novs, con duei vegni pagau per novas, sco era cun mirs e classenas vedras che van en, con duei vegni bonificau. Sin quei fa il president alla vischnaunca la proposizion ch'ins duessi ord miez dils vischins trer ora ina numerusa cumissiun, sche pusseivel ord umens stai a sias uras tier luvrar ora quei pareri e quels dueien tenor lur memoria e bein manegiar interpretar quei conclus e tenor interpretaziun duei quella cumissiun haver il dretg da rugalar giu tuttas questiuns che van tier el senn e quella interpretaziun dil sura numnau conclus e zuar definitivamein. Ha lura la vischnaunca unitamein approbau quei ed ha legiu ora ils sequents tier quella cumissiun: statalter Gion Andriu Berther, gerau Duri Venzin, gerau capitani Mugli, gerau statalter Lurenz Giacomet, statalter Vigeli Giacomet, statalter Sep Maria Monn, salter Giossi, Gion Martin Peder, Helena, gerau Paul Schmed, statalter Tomas Monn e statalter Giachen Antoni Beer.

### 1868, ils 9 da fevrer

Ei la ludeivla vischnaunca stada radunada el solit liug ed ei sedeliberau sco cheu suonda.

1. Eis ei vegniu dil president mess avon in conclus ch'igl obercheit da nies cumin ha priu appartenent il schar trer si collecta ils da **Murissen** per baghegiar sia baselgia en nies cumin, ha quel dau tier tala petiziun, bein aber duei scadin president da vischnaunca purtar avon a quella, sch'ella vegli trer si sezza tala collecta ni dar in um cun quels che els tarmettan. Ha la vischnaunca decretau che scadin vischinadi duei leger ora in um per vischinadi che tili si tala

collecta e metti amauns al signur president da vischnaunca quei che vegn, seigi lura da tgei natira che vegli.

2. Ha il signur president mess per memoria che la catscha pintga seigi serrada, e negin duei far diever da fallas e latschs da tut temps.

3. Eis ei vegniu concediu da dar lenna da baghegiar dus chischners on **Acla** ch'ein sederschi dil suffel, in cun treis posts dil Giger e compani, l'auter da Margreta Giacumet ch'ei cun dus posts, pagond la taxa alla vischnaunca.

4. Eis ei vegniu mess avon alla vischnaunca che Tomas Huonder e Duri Berther hagien dau en in recuors al Cussegl Pign pervia dils mirs ch'ein suenter il stradun niev e ch'els seigien buca cuntents dil conclus che la vischnaunca hagi priu sur dils mirs e classenas igl onn 1864, ils 13 da mars e possi buca vegnir fatg il pli en donn e pregiudezi dil tierz. Ha la vischnaunca schau sura als geraus cun aunc trer tier in per umens da dar en las otras raschuns al Cussegl Pign, sco ei anflien per bien e lura schar ira vinavon il recuors.

### 1868, igl 1. da mars

Ei la ludeivla vischnaunca stada radunada el solit liug ed ei sedeliberau sco cheu suonda.

1. Eis ei vegniu mess avon ch'il „farner“ hagi tarmess tier davart plantar uaul en nossa vischnaunca e quei in diember da 6000 plontas cun aunc in ton sem vitier e quei duei la vischnaunca dar risposta sin il pli tard ad el il meins da mars sch'ella vegli retscheiver ni buca. Las plontas dueien vegnir pagadas dalla vischnaunca, aber il sem buca. Ha la vischnaunca sinaquei, suenter ver giu ina liunga discussiun, decretau sin sonda da vegnir ensemes ina cumissiun e quels dueien esser ils treis geraus ed ils vischinadis dueien dar aunc in per umens per in e lura dueien quels luvrar ora in plan da quellas varts e suenter ver luvrau ora metter avon alla vischnaunca, sco era duei tala cumissiun mirar da luvrar ora in plan pervia dallas lavurs cuminas, sco era co reparter las punts che vegnan mantenidas ussa entras lavur cumina da vischnaunca, da maniera ch'ei vegni empau meglier uorden e lura metter avon alla vischnaunca, ton ina caussa sco l'autra.

2. Eis ei vegniu legiu ora cautegias dallas alps da stiarls e per **Maighels** eis ei mess cautegia statalter Stiafen Beer e per l'**Alp Tgom** Sep Antoni Mugli da **Cavorgia** e per l'alp da stiarls **Strem** Giachen Antoni Giossi e per **Mila** Duri Battesta Berther.

3. Eis ei vegniu mess avon ch'ei seigi dus pretendents che damondien per nurser la stad sin la **Pizza**, in Martin Peder e l'auter Sep Antoni Gieriet. Il Peder vul pagaglia 17 raps ina e Sep Antoni Gieriet damonda mo 16 raps ina. Ei sin quei vegniu fatg si la tscharna e Sep Antoni Giossi ei vegnius nurser per igl onn present.

4. Eis ei turnau a leger giu igl accord davart il scalegl da **Calmut** alla vischnaunca ed ei da quella vegniu approbau tut sco el ei screts.

5. Eis ei vegniu mess avon alla vischnaunca che Lezi Loretz vegni da cuort a **Mustér**, essend ch'il „Cantons Gericht“ hagi buca anflau delicts avunda per completar ora 100 frs., aschia hagien els buca da far giustia, num ch'il cumin camondi da far far sias spesas. Ha la vischnaunca, suenter ver discussionau ditg e liung, dau l'incumbensa al signur president da schar sentir il cumin, ch'ei vegnessi contribuiu enzatgei, sch'il cumin patertgass da metter il Loretz ell'**America**.

### 1868, ils 20 da mars

Ei la ludeivla vischnaunca stada radunada el solit liug ed ei sedeliberau sco cheu suonda.

1. Eis ei mess avon il pareri che la cumissiun ha luvrau ora pervia dalla lavur cumina schon fatga e tenida quen, che quella duei vegnir ulivada. La restonta che resta anavos duei sin primavera vegnir fatg ademplir cun lavur cumina da mundar pastiras u vid vias entochen ch'els vegnan ulivs, cass runtrari, sch'ei fuss tals che vegnissen buca tier tala lavur cumina, sch'en gliez cass duei vegnir fatg pagar tals particulars ina taxa da 1.50 frs. entochen 2 frs. per di tut quels che restan lura anavos da lavur cumina.

Plinavon ha la cumissiun luvrau ora in plan co far pervia da tuttas lavurs cuminas da vischnaunca da cheu naven, seigi allura vid punts, trer chis ed outras lavurs. Ha la cumissiun luvrau ora sco cheu plaida:

1. Duei vegni fatg rots da sis fiugs e quei en scadin vischinadi, duess ei en in vischinadi u l'auter esser ch'ei dess buca in rot entir, sche dueien ils auters rots vegni fatgs pli gronds da maniera che mintga vischinadi hagi en rots tut ses vischins. Era duei vegni fixau per scadin rot in „Rotmeister“ e dadas giu al signur president gerau Lucas Caveng las gliestas dils rots e quel vegn lura a tener quen tuttas lavurs cuminas da vischnaunca generalas.

2. Duei vegni mess ord ils vischinadis in che miri sin las punts e quei mintgamai las punts dil vischinadi il pli damaneivel, il qual vegnan aschia: **Cavorgia** e **Surrein** duei esser dus che miran la punt da **Pardatsch**, giu **Claus** e quella da **Cavorgia Sura**. **Sedrun** e **Bugnei** quella dil **Run**, **Rueras** la da **Surrein** e quella che vegn duvrada d'ira viagiu las **Rueras** e quella da **Ravarolas**. **Selva** quella da **Surrein**. **Tschamut** sias duas punts e quels dueien ver quitau persuenter e sch'il basegns damonda dumandar lavur cumina sco quei che fa basegns per far u reparar e quei tier il president da vischnaunca.

3. Scadin „Rotmeister“ duei esser obligaus, cura ch'el vegn avisaus a lavur cumina, da prender ses umens cun el ed ira tier la lavur ch'ei fixada. Duess in u l'auter da ses umens muncar dalla lavur cumina, sche croda el en castitg da 1.50 frs. per di. Duess tal buca pagar quei castitg sura fixaus e lai el da pagar quel entochen igl atun che vegn purtaus cun il quen da statalter, sch'en gliez cass croda tal tier in castitg da 2 frs. per di, adina aber entelgiu, ch'in tal che maunca da lavur cumina, hagi aunc in tetel da nunpusseivladad.

4. Scadin „Rotmeister“ duei esser obligaus da dar rapport al signur president tgi seigi stau a lavur cumina, ni muncau e pagau il castitg e quei ton pli spert da maniera ch'il president sappi tener ina gesta ulivaziun da lavurs cuminas da vischnaunca, sco era metter a quen tuts ils muncai e tgei igl ei pagau en da quels, da maniera ch'ei mondi buca a piarder alla vischnaunca ni daventar malulivadad da lavur cumina da vischnaunca.

Plinavon ha la cumissiun stada elegida ora dalla vischnaunca sin ils 7 da mars decretau cun approbaziun dalla vischnaunca da plantar uaul a **Carmihut** e quei da tschun entochen sis melli plontas per igl onn present. Duess quella vegni, duei vegni cuntuau vinavon, mintg'onn cun aunc metter vitier in pli grond diember che sco sura detg, cun dasperas s'obligar da tener ora tiers da tut temps quei ch'ei plantau en plontas. Ha lura la vischnaunca dau siu cunsentiment sco sura detg e projectau.

Era eis ei vegniu mess avon alla vischnaunca, sch'ins vegli reparter las punts ni buca, ei allura sin quei saviu s'entelgir nuot, sondern far quella da lavur cumina sco d'entochen dacheu.

Plinavon eis ei vegniu mess avon ch'ins hagi tonpli spert da spetgar sin la vegnida da Lezi Loretz, sur dil qual in ludeivel obercheit da cumin hagi ier dau giu la sentenzia per siu castitg, il qual Lezi in ton vid sia persuna ed il rest bandischaus en nossa vischnaunca per in entir onn, ni sche la vischnaunca manegiassi da schar a **Cuera „el Sennhoff“** per quest onn ni buca. Ha la vischnaunca decretau ch'el duei vegni tscheu ed ins metti da quellas varts neginas spesas per el e spera, cura ch'el seigi tscheu tier nus, sappien serugalar co far cun el.

Era eis ei vegniu mess avon sch'ins duei pladir „muser“ ni buca. Ei allura vegniu refretg per ina gada.

Suenter da quei eis ei vegniu dumandau ils sequents suloms da ruchegiar, assistent Schmet e capitani Mugli da far ord in nuegl e zona dus nuegls da sedisch armauls e quei giu **Surrein**, giu **Clavaniev**.

Frars Alexis si **Milez**; far ord nuegl e stiva dus nuegls e suren la stiva e davostier far la tegia sch'ei stat buca suren.

## 1868, ils 26 d'avrel

Eis ei vegniu teniu pleiv el solit liug per prender si per nies caplon a **Rueras** signur sur **Flurin Antoni Soler da Vrin** e suenter che la pleiv ei stada radunada ha il signur president mess avon a quella ina scartira da sur Soler sut tgei cundiziuns el laschi prender si per caplon a **Rueras**, che tractava igl emperm d'augmentar la pervenda in capital da 3000 frs. cun aunc autres remarcas e cundiziuns manegiasson memia grevas. Sche suenter haver giu dumandau la pleiv sur da tut quei ch'era pretendiu da sur Soler, ha quella decretau da per il di dad oz suspender quella e tarmetter ina deputaziun tier sur Soler e mirar da s'entelgir cun el sur da tuttas damondas e lura duei quella cumissiun rapportar alla pleiv e quei sin dumengia che fuss ils 3 da matg e la deputaziun che la pleiv ha tarmess ei stada ils sequents personals. Ils treis geraus en uffeci, sco

era igl ugau pervenda Tomas Huonder e gerau Duri Venzin. Cun quest conclus ei la pleiv ida in ord l'auter cun aunc leger ora il medem temps, en consequenza dalla mort da statalter Gion Rest Monn president dils paupers, per statalter Giachen Antoni Beer sco commember dalla cumissiun dils paupers Lezi Balzart.

### 1868, ils 3 da matg

Eis ei vegniu teniu pleiv el solit liug. Ha allura il signur president mess avon alla pleiv il resultat che la deputaziun tarmessa tier signur sur *Flurin Antoni Soler da Vrin* ha serraui giu cun el cun approbaziun lura dalla pleiv, il qual ei sco cheu suonda:

1. Duei veginir carschentau pervenda per 3000 frs., sco era per quei tscheins entir sin d'atun da s. Martin.
2. Duei veginir fatg la lenna
3. Duei veginir menau gratis siu mobigliar
4. Duei veginir reparau la casa quei che la vischnaunca anfla per bien e necessari.
5. Sche pusseivel seigi, duei ei veginir vendiu il funs da **Candentschuns**, quei senza sminuir la annuala rendita suenter ver tratg giu la lavur.

Ei allura vegniu dumandau la pleiv, sche quella vegli entrar e prender si signur sur *Flurin Antoni Soler da Vrin* per nies caplon a **Rueras** sut talas condiziuns. Ei allura levau in disput davart far la lenna e vegniu pretendiu che mo ils da **Rueras** dueien far quella a siu caplon, ils auters vischins da vischnaunca dueien far la lenna al caplon da **Sedrun** e quei senza trer giu lavur cumina da vischnaunca generala. Ei lura entras tal disput denter la pleiv, veginida per quei mument in ord l'auter entochen suentermiezd.

Il medem di suentermiezd ha il signur president clamaui la pleiv sin **Cadruvi** e mess avon che la caussa seigi urgenta ed ins stoppi aunc oz sedelibera per dar rapport al signur sur Soler. Ei la pleiv lura entrada en da finir giu tut, bein aber schau la libertad a scadin che fuss buca presents d'opponer encunter il conclus che la pleiv pren oz e quei zuar schau termin entochen dumengia proxima da dar en al signur president da vischnaunca tuttas apariziuns.

Suenter da quei ei la pleiv passada tier prender si signur sur *Flurin Antoni Soler da Vrin* per nies caplon a **Rueras** cun ademplir tuttas cheu avon numnadas obligaziuns encunter el, sco ellas ein cheu avon screttas e quei ei daventau tut unitamein, bein aber duei veginir, sche pusseivel seigi, recavau ils 3000 frs. ord raubas pias da baselgias e calustria da **Rueras** per vegin priu ora 500 frs. ed il vischinadi da **Rueras** dat per augmentaziun da quei 400 frs. cun aunc garantir la calustria da mantener pil rest permanent il bien caluster.

**Tujetsch**, igl 1. da zercladur 1868

Giachen Antoni Schmet, „Protocol furrer“

### 1868, ils 10 da matg

Ei la ludeivla vischnaunca stada radunada el solit liug ed ei sedeliberau sco cheu suonda.

1. Eis ei sedeliberau cura far mundi. Ei lura vegniu dalla vischnaunca decretau da far ira las nuorsas ils 13 da quest e quei mo las nuorsas dador **Dutg Grond**, las da **Rueras**, **Selva** e **Tschamut** e da **Maun Sut** per ils 15 da quest meins, las cauras ils 20 da quest meins.
2. Eis ei vegniu schau via igl uaul la **Tgauma** per schar far discharina per tschun onns als Gion Flurins, aber mo schar scuar si cun ina scua senza donn digl uaul e per quei pagan els 10 frs. per onn che fa 50 frs.
3. Eis ei concediu da carschentar in sulom d'in nuegl si **Milez** als frars Hetz, sco era a **Dieni** schau metter in chischner si per preit e brattar il sulom da quel.
4. Eis ei vegniu mess in „Voct“ da pertgirar igl uaul plantau niev a **Carmihut** e quei eis ei mess il Riedi da **Selva** entochen ch'e va ora pastur tut ils tiers.
5. Eis ei legiu giu in grond diember da tgamins che dueien veginir fatgs, ni reparai sut peina, da pli tard nunfagend, executir tenor uorden da vischnaunca.
6. Eis ei concludiu davart il pegliatalpas per il present onn, che scadin vischin sappi pigliar e per tonta sco ei vegin pigliau, paghi la vischnaunca ina taxa da 30 raps per ina. Las talpas che veginan pigliadas duei scadin mussar ad in digl obercheit e quel duei tener quen e tagliar giu dalla talpa ina toppa ni la cua.

## 1868, igl emprem da zercladur

Ei la ludeivla vischnaunca stada radunada el solit liug ed ei sedeliberau sco cheu suonda.

1. Eis ei legiu giu ils protocols da treis vischnauncas passadas.
2. Eis ei vegniu mess avon il quen da vischnaunca per 1867 che statalter Gion Battesta Monn ha menau. Ha la vischnaunca nuota vuliu saver da schar leger giu quel e trer via temps, aschinavon sco la cumissiun da quens hagi da far neginas remarcas ed ei allura vegniu approbau cun engraziament il quen menaus da statalter Gion Battesta Monn.
3. Eis ei vegniu mess statalter regent per igl onn present Sep Antoni Mugli da **Cavorgia**.
4. Eis ei vegniu schau via las **Vals** per in meins al pigrer da **Curnera** per 55 frs. cun aunc schar magliar quei sur e dadens las **Fontanatschas**, priu ora il pastg da biestga, cun pli tard terminar quei toc ch'il pigrer po magliar tutta stad.
5. Eis ei vegniu dumandau da ruchegiar e midar suloms sco suonda:
1. Vigeli Beer e Giachen Martin Berther a **Clavaniev** ord dus nuegls da dudisch armauls, dus da sedisch.
2. Gion Bistgaun Gieriet a **Gonda** ord nuegl e zona far dus nuegls da sedisch armauls.
3. Hans Giachen Berther giu **Mila** brattar sulom d'in chischner che era sisum **Mila** e metter giu sin il sulom staus da statalter Giachen Antoni Venzin.
4. Scarvon Martin Felici Beer si **Giuv** ord in nuegl da dudisch armauls far in da sedisch armauls.
5. Gion Antoni Giacumet a **Sedrun** far ina zona si per in clavau sisum il vitg.
6. Gion Antoni Hendry brattar sulom sin **Mises Grond** e quei ord in da dudisch far in da sedisch armauls sin in auter sulom.
7. Gerau Paul Schmet a **Clavadi**, ord dus nuegls da dudisch far dus da sedisch armauls.
8. Vigeli Biart el vitg **Sedrun** sulom sin prau per far ina suoschna e zona suten.
9. Giachen Martin Beer a **Salins Sura** in chischner cun dus posts.

## 1868, ils 7 da zercladur

Eis ei vegniu teniu vischnaunca ed ei tier quella sedeliberau sco suonda.

1. Eis ei vegniu mess avon il pareri che la cumissiun ha giu luvrau ora pervia dalla lenna da fiug per igl onn present, il qual ei per igl onn present vegnius proponius da dar ellas schetgas e quei in circa da sis vaultas per fiug, sco era aunc runcar ora „Zvertgs“ e romas en uauls memia stretgs e quei da lavur cumina sut inspecziun d'in u plirs e quella duei lura veginir vendida entras ingant. Per la lenna da fiug aber duei veginir pagau 25 raps per vaulta che dess 1.50 per fiug.

Ha la vischnaunca decretau da dar per igl onn presentellas schetgas sco la cumissiun ha giu decretau cun approbazion dil „Creis farner“ e taxa duei scadin fiug pagar 1.50 frs. per quella lenna, bein aber duei negin vender u allienar la sort da fiug auter che per sesez, sut negins tetels.

Davart la tschaffuna eis ei per igl onn present fatg nuot e schar esser da runcar ora.

2. Eis ei vegniu mess avon il pareri che la cumissiun ha giu luvrau ora pervia da tgei metter si taglia sin ils tiers per igl onn present. Ha la vischnaunca, suenter in liung debat, decretau per igl onn present da taxar il cheu suandon:

1. in cavagl	1 fr.
2. ina vacca e genetscha	50 raps
3. ils puleins	15 raps
4. stiarls e stiarlas	25 raps
5. vadials	15 raps
6. cauras e nuorsas, pors	5 raps

Quei adina entelgiu: il tgau vegin ei pagau tala sura detga taglia.

3. Eis ei vegniu proponiu ch'ins duei far in uorden cura schar ora la primavera ils tiers. Ha la vischnaunca refretg per ina gada e vegli sinquei patertgar empau pli madir tgei far cun quei.
4. Ha Gion Antoni Deragisch dumandau in sulom da far encunter sia casa a **Sedrun** ina talina ed ei lura vegniu concediu quei cun reserva da donns da tiarzas persunas.
5. Duei vegintratg il chis sin quen dalla vischnaunca en recumpensa da haver mess si per igl onn present aschi bia taglia sin ils tiers.

6. Dumandau sulom a **Camischolas** da far dus nuegls da sedisch armauls u carschentar quels dus nuegls tier quei sulom al statalter Lurens Giacomet e Giachen Antoni Berther.

### 1868, ils 21 da zercladur

Eis ei teniu vischnaunca el solit liug ed ei sedeliberau sco cheu suonda.

1. Eis ei vegniu mess ugaus sin las punts da lenn da mirar ch'ellas seigien en uorden enstagl dil statalter regent. Ha la vischnaunca decretau che dacheunaven dueien ils cauvitgs da mintga vischinadi il pli damaneivel dallas punts esser tschentai, e quei uffeci duei ira vinavon dad in cauvitg tier l'auter.

2. Eis ei vegniu mess avon ch'ei füssi da basegns da metter tiarms cun ils possessurs dallas alps **Curnera** e renovar ils veders. Ha la vischnaunca tratg ora gerau Schmet e statalter Lurenz Giacomet d'ira vida quei, essend els schon avon diesch onns aunc stai ina gada, cun aunc prender cun els dus giuvens per mussar a quels ils tiarms.

3. Eis ei fatg dalla vischnaunca d'ulivar las alps sin il di da s. Gion Battesta e tuts tiers ch'ein buca dai en als cautegias sin quei di entochen las 12 uras da miezdi, vegnan mess nua ch'ei maunca. Igl ulivar las alps vegn ei dau l'entschatta a l'ina suentermiezdì.

4. Eis ei vegniu fatg cura ir a vender lenna sederschida, sco era aunc entgins lenns da diever ellas schetgas. Ha la vischnaunca decretau ch'ei duei vegnir entschiet sin il venderdis ad otg, che vegn ils 3 da fenadur e oravon clamar nua ch'ei vegni entschiet a vender ed iu vinavon.

5. Eis ei vegniu mess avon ina brev dil „Chreisfarner“ che tractava da serrar igl **Uaul s.Brida**, ton da pinar, sco da paschentar e spelar. Ha la vischnaunca senza prender notizia dalla brev dil „Creis farschner“ decretau da serrar, priu ora la **Foppa Tschuppina** e **Sumsassi** ed anen tochen entatier la greppa e surenasi tut sco **Plaun Grond**.

6. Eis ei vegniu legiu il stagiau ora pastiras, sco era dumandau la vischnaunca cura vender quella entras ingant, adina entelgiu mo quella che la vischnaunca anfla per bien. Ei schau sura als geraus da fixar ed ussa seigi negina prescha da vender quei, e sappi vegnir mirau giu e patertgau tgei vender ni buca vender.

7. Ha Gion Fidel Mugli dumandau da graziar igl arvè d'ina vacca brattada giu entras vender e comprar, havess la cumprada magliau jarva per 15 dis pli gleiti che quella ch'ei vendida ordlunder. Ha la vischnaunca decretau da schar suenter tut senza pagar.

8. Eis ei vegniu publicau ch'ei vegni tratg la sort dalla lenna da fiug e quaders e cheutier duei esser ils cauvitgs dils vischinadis e quels dueien parter ora il numer dallas lennas a ses vischins.

### 1868, ils 29 da zercladur

Eis ei teniu vischnaunca a **Tschamut** (*s. Pieder e s. Paul, processiun a Tschamut per recumpensa da quella sil s.Gottard*) pervia cura ins vegli cargar ad alp ed ei cun il pli dalla vischnaunca vegniu decretau da cargar la biestga ils 13 da fenadur e las vaccas e cavals il di suenter, las nuorsas aber dueien vegnir cargadas ils 9 da fenadur.

Plinavon eis ei vegniu publicau ch'ei vegni vendiu lenna e vegni entschiet damaun ch'ei ils 30 a **Carmihut** ed iu da **Maun Sura** ora ed il di suenter giun **Claus** e la **Punt Baselgia** ed en omisdus **Pardatschs**.

### 1868, ils 5 da fenadur

Eis ei vegniu teniu vischnaunca el solit liug pervia dil barschament da **Pardatsch da Stiarls**, ch'ei barschau giu il baghetg da Giachen Martin Berther e quel dils affons da statalter Gion Rest Monn ed els vessen bugen che la vischnaunca dessi la lenna uonn, sco era dessen leu il pli damaneivel tutta. Ha lura la vischnaunca decretau da schar sura al „Forstand“ da dar la lenna per quels dus baghetgs nua ch'ei anflan per bien, sco era il quantum ch'ei drovien, seigi lura per palancar e lattir quels dus baghetgs. Plinavon ha la vischnaunca decretau da buca far pagar per la palaunca e lattas che quels dus baghetgs drovan, l'autra lenna aber dueien els pagar mo la mesedad dalla taxa da vischnaunca.

2. Ha Crist Giusep Valcher dumandau la vischnaunca da schar metter en **Pardatsch** in cavagl ch'el ha cumprau, sco era recumandau da far in rabat pervia digl arvè da quei cavagl. Ha la vischnaunca dau tier da schar metter il cavagl en **Pardatsch** cun pagar la mesedad digl arvè.

3. Eis ei vegniu dalla vischnaunca dau tier a Gion Fidel Mugli da buca far pagar arvè per la vacca ch'el ha cumprau, essend giu vendiu ina sia treis jamnas avon.

### 1868, ils 15 d'uost

Eis ei vegniu teniu ina radunanza da vischins da vischnaunca pervia da sedeliberar tgei metter si per ir el **Cuolm Ault**, sco era cura schar ir a segar quels igl onn present.

1. Eis ei vegniu mess si a scadin um e femna che sega in di 20 raps e quei per schi bia dis sco els segan, il rischlar aber duei buca veginr quintaus, bein aber scadin vischin che va a segar els **Cuolms Aults** seigi obligaus da dar en a siu cauvitg cons dis el ei staus.
2. Eis ei decretau da schar ir els **Cuolms Aults** ils 17 d'uost entochen ils 5 da settember.

### 1868, ils 4 d'october

Eis ei vegniu teniu vischnaunca el solit liug ed ei vegniu sedeliberau sco suonda.

1. Eis ei mess avon alla vischnaunca ch'oz seigi il di da sedeliberar cura ins vegli dar lartg. Ha la vischnaunca, essend buca bein en uorden cun ventschiu il fretg, refretg per entochen dumengia.
2. Eis ei vegniu mess avon cura ins duei fixar da vender las pastiras stagiadas ora questa primavera. Ha la vischnaunca refretg per ina gada, essend ussa en quell'aura buca il temps da vender pastiras.
3. Eis ei vegniu mess avon ch'ei seigi puspei il mument da metter in pastur sin igl **Uaul s.Brida**, cun dasperas far attents ils da **Rueras**, ch'ei dueien buca catschar e volver las cauras encunter **Sumsassi**. Ha lura la vischnaunca schau sura als geraus da pladir sco ei manegian e tgi che plai ad els cun dar in ton per di a quel.
4. Eis ei vegniu rapportau, sche la vischnaunca lessi buca far in uorden pervia da far la lenna dador **Bugnei**. Ha lura la vischnaunca in corpore entrau en nuot, seigi lura cun far via ni auter e schau a mintgin sura da far sco el manegi ed ei lura scadin bab da sias ovras.
5. Eis ei vegniu mess avon il grond barschament succediis el **Cantun Valleis** e che quel hagi petiziunau nies cantun da trer si ina collecta per quels, essend els pli baul era giu gidau ils nos disgraziai, ha la vischnaunca decretau da schar sura als geraus da dar ord cassa da vischnaunca e quei reciproc sco las otras vischnauncas.
6. Eis ei vegniu fatg attents che la scola digl unviern cuozi enstagl 22 jamnas 24 jamnas da cheu naven.

### 1868, ils 11 d'october

Eis ei vegniu teniu vischnaunca pervia cura dar lartg. Ha la vischnaunca decretau da dar lartg tut, priu ora las nuorsas, ils 12 da quest allas 6 uras dalla damaun, las nuorsas aber dueien veginr zavradas per ils 15 da quest.

2. Ha la vischnaunca, tenor giavisch dil ludeivel obercheit da cumin, tratg ora dus schazegiaders pervia da far ora ils donns che l'aua e bovas han caschunau a nossa vischnaunca entras la malaura e dessignai ein gerau Schmed e gerau Duri Venzin.

### 1868, ils 15 da november

Eis ei teniu vischnaunca el solit liug pervia da sedeliberar tgei metter si arvès per igl onn successiv. Ha lura la vischnaunca decretau da star vid il medem uorden sco ils onns vargi.

### 1868, ils 20 da december

Eis ei vegniu teniu vischnaunca el solit liug ed ei sedeliberau sco cheu suonda.

1. Eis ei vegniu mess avon in pugn da recapitulaziun ch'era screts ora dil Cussegl Pign sut ils 27 da fenadur appartenent, sch'ins vegli far grazia cun ils delinquents che veginan mess sin galia ni buc. Sche eis ei vegniu votau per star dalla lescha schon fatga pli baul cun 39 umens e per prender la lescha da far grazia cun 35.
2. Ha il signur president mess avon ina brev dil Cussegl Pign pervia da dar lenna quei che drova vid la via nova per lattas e petgas. Sco era vegn ei pretendiu che la vischnaunca paghi quella schon cumprada al cantun. Ha la vischnaunca schau sura da rispunder al Cussegl Pign al signur president da vischnaunca sco el manegi per quella gada.

3. Eis ei vegniu legiu giu entginas publicaziuns, sco era el medem temps fatg notari che sin dumengia vegr ei vendiu treis nuorsas cheu suenter messa sin **Cadruvi**.

## Igl onn 1869

### 1869, ils 14 da mars

Ei la ludeivla vischnaunca stada radunada el solit liug ed ei sedeliberau sco cheu suonda.

1. Eis ei mess ils cautegias per las alps da stiarls e stiarlas e cavals, ils quals ein ils suandonts: cautegia da cavals eis ei mess Giachen Lurenz Berther, per l'alp da **Maighels** eis ei mess Gion Antoni Pally, per il **Tgom** eis ei mess Gion Pally, per **Strem** Lezi Huonder e per **Mila** Gion Bistgaun Hetz.

2. Eis ei vegniu pladiu nurser la stad e quei Martin Peder da **Cavorgia** e pagaglia eis ei dau 20 raps ina, aber sto dar orda quei alla vischnaunca per il sal 3 raps ina, cun remarcar ch'els dueien far il siu duer e buca schar ira las nuorsas ordeifer ils nos cunfins sut responsabilitad dalla pindrada ed outras spesas che pudessen ira si.

3. Eis ei vegniu rapportau che signur „Fortsinspecter“ hagi dumandau si contas plontas preparar per cuntuaziun dalla plontaziun da **s. Brida** e prepara melli tochen tredischtschien. Ei concludiu che sch'ei vegni dau negin subsidi da prender mo melli.

4. Eis ei fatg attents la vischnaunca sin la lescha d'assicuranzas che scadin seigi obligaus, da far da saver alla suprastanza, cura sias seigiradas van ora e quellas immediat turnar a segirar e quei sut castitg nunfagend.

5. Eis ei vegniu mess avon ch'igl accord cun meister mustregia Derungs seigi ius alla fin. Ei vegn concludiu d'empruar d'accordar cun il mustregia Baselgia da **Cumpadials** aschi favoreivel sco pusseivel seigi, e quei duei daventar entras il signur president da vischnaunca.

6. Legiu avon in decret dataus dils 3 da mars 1869 digl obercheit circuital, che garegia che dacheunaven stoppien ils cudischs da marcaus e hipotecas vegr surdai mo ad in personal ord motiv da meglier uorden. Concludiu da schar saver igl uffeci circuital che giavischassien che quest «Durant» (*cuzo*) vegnessi prolunghius tochen Tschuncheismas.

7. Eis ei vegniu fatg attenta la vischnaunca, che tenor lescha cantunala, possi scadin dar giu capitals cura ch'ei plai per igl onn ora. Aschia fusi forsa bien per buca rescra che la vischnaunca stoppi mintg'onn bonificar per daners restai en cassa. Concludiu, damai che la vischnaunca segi oz "schuacha", da refierer.

8. Eis ei vegniu rapportau che tuttas breigias fatgas da pli da treis onns tier il Cussegli Pign, che quel arvi la via da neiv, seigien stadas adumbatten, aschia crodi l'avertura tier alla vischnaunca. Ei era vegniu proponiu schebein ei cunvegness buca alla vischnaunca da surprender, sche vegnessi dau la paga ch'il vier retila. Concludiu da seschar en neginas semegliontas contractivas, sondern la vischnaunca duei en cass da basegns arver sufficientamein tochen tiels cunfins.

### 1869, ils 6 da matg

Eis ei teniu vischnaunca el solit liug ed eis ei sedeliberau sco suonda.

1. Eis ei vegniu mess avon cura ins vegli far mundi. Ils tiers eis ei vegniu decretau, ch'ils tiers casa dueien ira sonda che fuss ils 8 da quest, las nuorsas aber per ils 13 da quest, e las cauras ils 20 da quest.

2. Eis ei vegniu decretau da far barschar la caltschina ussa immediat e la via da caltschina duei vegr rugalada entras lavur cumina generala sin ils 14 da quest meins.

3. Eis ei decretau unitamein dalla vischnaunca che negin possi pagar giu capitals da raubas pias per igl onn ora, mobein quels che vulan dar giu capital da raubas pias, seigien obligai da dir si da **s. Martin** e sin **s. Andriu**. Il medem onn duei il capital e tscheins esser pagaus en.

4. Eis ei decretau da vender las necessarias pastiras stadas stagiadas ora igl onn vargau e quei sin ils 11 da quest, cun schar saver ordavon nua ei vegr vendiu e nua ei vegr entschiet a vender e quei en scadin liug ira sil plaz.

5. Eis ei decretau da schar circular ils uordens da vischnaunca ch'ein tschentai si novs per ils vischinidis entuorn, cun el medem temps da quels ira atras e far sia observaziuns e remarcas sin ina gliesta aparti (*speciala*), sinaquei ch'ei sappi vegr dalla vischnaunca dau l'approbaziun.

6. Eis ei per igl onn present decretau pervia da pigliar las talpas, che scadin possi pigliar e tili

per scadina talpa ch'el peglia dalla vischnaunca 50 raps cun mussar quella als treis geraus e quei mintgin a quel da siu liug, bein aber quel ch'entscheiva a pigliar talpas ei obligaus d'ira nua ch'ei vegn pretendiu e pigliar, cass cuntrari da renitenza da buca ir a pigliar en loghens odentuorn, sche ha la vischnaunca il dretg da buca pagar las talpas pigliadas da tals.

7. Eis ei vegniu concediu al "Schreiner" Beer da ruchegiar in sulom dalla talina sur sia casa, adina reselvau buca en donn e pregiudezi da tiarzas persunas.

8. Eis ei vegniu mess avon igl accord fatgs cun meister mustregia Gion Giusep Baselgia da **Cumpadials**, il qual ei approbaus dalla vischnaunca tal e qual sco el ei screts.

### 1869, ils 17 da matg

Ei la ludeivla vischnaunca stada radunada tenor solit el solit liug ed ei allura vegniu sedeliberau sco suonda.

1. Eis ei vegniu legiu il protocol dalla davosa vischnaunca e quel ei vegnius approbaus sco el ei screts.

2. Eis ei vegniu legiu giu ils quens da vischnaunca menai da statalter Giusep Antoni Mugli sco era il quen che gerau Lucas veva, ha la vischnaunca approbau tut cun engraziament.

3. Eis ei vegniu tarmess tier dalla vischnaunca ina deputaziun per envidar en nos signurs spirituals per prender part da nossas elecziuns, ils deputai ein stai gerau Schmet e statalter Sep Antoni Mugli.

4. Suenter ch'ils signurs spirituals ein stai arrivai sin il plaz, sch'ei la ludeivla vischnaunca passada tier las solitas elecziuns. 1. Eis ei vegniu legiu ora igl entir obercheit dils dus davos onns vargai. 2. Eis ei vegniu legiu ora l'entira cumissiun dils paupers dils dus onns vargai. 3. Eis ei vegniu legiu ora l'entira cumissiun da scola dils dus onns vargai, cun el medem temps pli tard, entras ina cumissiun, luvrar ora in plan tgei quella ha da far e cumandar e pli tard metter avon quel alla vischnaunca. 4. Eis ei sco cassier da scola vegniu confirmau il veder ch'ei gerau Duri Venzin.

5. Eis ei vegniu mess avon dil president che scadin che piardi tiers entras malsognas duei quels far urentar avon ch'ei vegnan fatgs giu e leutier ein predestinai ils suandonts: per **Selva e Tschamut** statalter Peder e statalter Stiafen Schmet; per **Rueras** Sep Antoni Hetz; per **Camischolas e Zarcuns** statalter Gion Andriu Berther; per **Gonda, Sedrun e Bugnei** Lurenz Schmet e Gion Antoni Deragisch; per **Surrein e Cavorgia** statalter Sep Antoni Mugli.

6. Eis ei vegniu mess avon sch'ins vegli en certi loghens schar prender ora las petgas lenn ch'il cantun ha mess en suenter il stradun niev e metter en paricarrs, bein aber stoppi la vischnaunca menar quels sin il plaz e pagar per metter en quels ina tiarza. La vischnaunca ei da quei stada cuntenza da far tut quei, bein aber ils paricarrs dueien vegnir mess en loghens ch'ins sappi ira vitier da trer quels cun ils bos, adina aber mo intons per onn tenor nossas forzas ed era cun la cundiziun da negin manteniment pli tard.

7. Eis ei vegniu uniu ils protocols ensemen, ton quels da marcaus, sco quels da pègns, sco il decret da cumin era fatgs e duei lura vegnir mess per registratur gerau Giachen Antoni Schmet, bein aber duei quel dar alla vischnaunca la mesedad che las brevs portan tenor la taxa stada pli baul fatga.

8. Ha gerau Lucas Caveng dumandau la vischnaunca da schar far scola privata en la stiva digl obercheit entochen d'atun, quei ei ad el vegniu concediu.

9. Eis ei vegniu fatg che tuts mirs suenter il stradun che tilan dil cantun salari, dueien esser fatgs e quei sil pli tard igl emprem zercladur, cass cuntrari vegn ei fatg far sin quen da tals che vessen quels buca fatg e schau pagar tals.

10. Eis ei decretau che sin venderdis dueien quels ch'ein buca stai vid la via da caltschina ir a far quella. Leu dasperas vegn ei era tratg la sort dalla caltschina; ir a far sin dumengia proxima.

11. Eis ei vegniu serrau giu davart il „muser“ per igl onn present; aschia da dar 50 raps per talpa, cun mussar quellas ad in digl obercheit e quei sa scadin pigliar, bein aber ha la vischnaunca serrau giu igl accord per uonn cun Giachen Antoni Giossi e Felici Monn e Lezi Balzart, quels ein obligai d'ira per il sura salari nua ch'ei vegnan clamai e pigliar quellas.

### 1869, ils 30 da matg

Eis ei vegniu teniu vischnaunca a **Rueras**, nua ch'igl ei vegniu sedeliberau sco cheu suonda.

- Eis ei vegniu legiu ora per statalter regent per igl onn present statalter Sep Antoni Mugli, giuven, da **Cavorgia**.
- Eis ei vegniu fatg attents tut ils vischins che han da baghegiar ni reparar baghetgs, dueien far urentar in u l'auter digl obercheit, e ver lura dau en per las lennas e quei sin igl otgavel Sontgilcrest e lura vegn igl obercheit ensemen e dat ora quella. El medem temps ha la vischnaunca decretau per igl onn present da dar la lenna da fiug ellas schetgas e zuar a scadin vischin il pli damaneivel da siu liug cun taxar per scadina sort 2 frs. e duei vegrin dau tschun entochen sis vaultas.
- Eis ei vegniu legiu ora 9 "Valmener" per ir a **Trun** ils 6 da zercladur per leu leger ora la dertgira districtuala e scadin da quels ha paga dalla vischnaunca 2 frs. per in ed ils legi ora ein ils sequents: gerau Schmet, gerau statalter Gion Andriu Berther, capitani Mugli, statalter Gion Paul Berther, statalter Gion Antoni Peder, Duri Berther, Giachen Antoni Giossi, Giachen Antoni Schmet, Bruno Soliva.
- Eis ei vegniu mess avon cura ins vegli vender las pastiras stagiadas ora. Ha la vischnaunca decretau da schar sura als geraus da fixar in di nua ch'ei manegian e vender entras ina aucziun sch'ei paghi quei ch'ei vali e schiglioc schar leu per inaga.
- Davart far ora cuscha eis ei concludiu da seconsultar cun il "farner" e pli tard far da saver nua e sco quei duei vegrin secunteniu e lubir da quellas varts.
- Eis ei da vart da Giachen Martin Berther e Giachen Antoni Monn vegniu dumandau da ruchegiar ils dus suloms en **Pardatsch**, ils quals la vischnaunca ha dau tier.
- Dapli Lezi Balzart da prender giu da **Mises Grond** ina tegia da leu e far a **Cavorgia** ina talina da stubla sin prau.

### **1869, ils 20 da zercladur**

Ei la ludeivla vischnaunca stada radunada el solit liug ed ei sedeliberau sco suonda.

- Eis ei vegniu mess avon nua ins vegli schar far cuschas, ha la vischnaunca decretau il suandont.

1. Giu igl **Uaul Surrein** tras en ed ora, priu ora la schetga dalla **Punt Baselgia**.  
 2. Igl **Uaul Nual** tras sidengiu.  
 3. Dador **Bugnei**, anen entochen la schetga da **S. Giusep**.  
 4. La schetga dadens **Nacla** tras en ed ora e la schetga dalla **Regada (Rieda)**. En quels dus loghens eis ei lubiu da mo far ora las cuschas cun las ragischs vitier e buca resgiar giu.  
 5. En tut nos uauls cumins eis ei lubiu da far ora cuschas e resgiar giu.  
 6. Il far giu las cuschas ellas schetgas cun derscher e ruclar ei scumandau, mobein mo runar giu quellas sin dascha e po vegrin tagliau giu roma per runar giu quella, bein aber buca far donn allas plontas da tagliar giu ni surduvrar per metter suten memia bia dascha per trer giu las cuschas.
2. Eis ei serrau la **Rufna** da pinar draussa e pli tard schar pinar ils paupers che la cumissiun pauperila decretescha. El medem temps eis ei vegniu dau als paupers ils sequents loghens per schar prender lenna da fiug per siu basegns, ils quals loghens negin po seprofitar da lennas auter che quels che la cumissiun destinescha cheutier, ils quals dueien star sut curatella da nies „forschner“ ed obedir lur camonds, e quei ein ils suandonts loghens:
  1. Odem igl **Uaul Nual**; schar far sut ora las romas e caglias e „Zvergs“. Sco era outras lennas da feglia, ed ha per cunfin quei toc per ils paupers dadora l'aua da **Nual**, sura entochen **Plaun Plirata**, dadens entochen il fistatg entadem **Plaun Plirata** enagiu entochen giu **Plaun**.
  2. Eis ei dau tuttas lennas da feglia viasi **Tschuppina**, sco era da far sut ora romas e tagliar giu „Zvergs“ e mass ensi entochen la schetga dils mises, ch'ei entochen giudem **Plaun Grond**, engiu tochen tier il stradun, anen vegn schau sura al „farner“.
  3. Eis ei dau ora la **Val Bugnei** quei dil maun dadens encunter la **Val Bugnei** engiu tochen tier las schetgas, sco era il **Cugn da Siat Fontaunas**, sco era sisum davos fistatgs.
3. Eis ei vegniu legiu tgei pastiras da segar dar als paupers, sco era giu **Mila** in toc da cultivar, las qualas la vischnaunca ha approbau da schar controllar el cudisch dils paupers e quei oz e per adina. Sch'ei po vegrin consumau dils paupers, cass contrari aber ch'ei vanzass da quellas pastiras, che vegnessen buca segadas treis onns in suenter l'auter, sche po la vischnaunca

vender da segar, il pagament aber stat lura alla vischnaunca da salver sezza ni dar en cassa dils paupers, sco ella anfla per bien.

4. Eis ei vegniu decretau da vender enzatgei lennas sederschidas, sco era enzatgei sin peis e quei duei vegnir clamau cura ir e nua ei vegn entschiet, il di da s. Pieder e s. Paul (29 da zercladur).

5. Eis ei vegniu concediu da schar ir a resgiar ora ragadas en ils dus suandonts loghens.

1. Els **Stavelsecs**, quei dadens la schetga dalla **Val da Stavelsecs** anen tut.

2. Dadens **Mises Grond** ella **Val Gierm** ei era schau liber da resgiar ora ragada.

6. Eis ei vegniu mess avon che la casa pervenda dil farrer seigi da mintga malaura suposta dall'aua dalla **Val Ruinets** e fussi da basegns da far in tumbin entras casa ni suroragiu. Ha la vischnaunca schau sura al gerau Lucas da procurar ch'ei vegni fatg.

7. Eis ei vegniu dau enzatgei lattas da lattir al gerau Schmet per pagar giu **Gieppia** cun schar numerar il „Farner“ e schar far ora tgei ch'ellas cuostan.

8. Finalmein eis ei vegniu concediu al Giachen Fidel Beer in sulom da far ina talina sur siu clavau. Dapli al Giachen Antoni Palli da far in nueglet en sia talina sur sia casa. Dapli eis ei graziau al Tumaisch Beer igl arvè d'ina vacca.

### 1869, ils 11 da fenadur

Eis ei vegniu teniu vischnaunca el solit liug e sedeliberau sco suonda.

1. Eis ei decretau da cargar las nuorsas ils 13 da quest, ils auter tiers dueien vegnir cargai ils 17 da quest e zuar tuts en in di.

2. Eis ei concediu al Vialan (*Wieland*) da **Cumpadials** da schar metter in cavagl en nossas alps da cavals, tgei pagar ei schau sura da taxar tgei che la vischnaunca manegia.

### 1869, ils 15 d'uost

Eis ei vegniu clamau ensemens ils vischins per sedeliberal cura schar ira els **Cuolms Aults** e far fein a pastg, sco era sch'ins vegli metter si enzatgei a quels che van a segar.

1. Ha la vischnaunca per igl onn present mess si nuot e po vegnir entschiet a segar ils **Cuolms Aults** ils 17 da quest e cuoza entochen ils 29 da settember.

2. Eis ei vegniu fatg attents che sin sonda proxima vegn ei en **Nossadunna** stau eri cun la processiun e legiu giu il stagiau ora pastiras e dumengia vegn ei vendiu quellas a **Camischolas** e quei suenter ils uffecis entras ingant.

### 1869, ils 3 d'october

Eis ei teniu vischnaunca el solit liug ed ei sedeliberau sco cheu suonda.

1. Per igl emprem eis ei sedeliberau cura ins vegli dar lartg. Ei lura vegniu dau lartg ils tiers gronds e las cauras sin ils 4 da quest, ils tiers casa ils 6 e las nuorsas ils 8 da quest.

2. Eis ei vegniu mess avon ch'ei seigi uonn da menar chis sin la via e quei sin il cuolm anoragiu e zuar sco il "veger" manegia sis dis schotg bos ni cavals. Ha la vischnaunca decretau da schar marcadar via quella lavur sin quen dalla vischnaunca entras ils signurs geraus e quei duei vegnir fixau contas uras e tgei per di pagar e cun intervenziun dil "veger" e d'entscheiver quella lavur sin questa jamna.

3. Eis ei vegniu mess avon sche la vischnaunca vegli acceptar ils 300 frs. per fermar la lavina enasi la **Val Schmiers**, sco igl "oberfarner" ha dau il plan. Ha la vischnaunca refusau tut.

4. Ha il president mess avon ina brev scretta dil "polizeidirecter" pervia dil betlegiar sin la strada, sco era da mirar da dar susteniment al "Landieger" cura ch'ei vegni jasters "betlers" en nossa vischnaunca cun dar quels amauns al "Landieger", schar transportar mintgin en siu liug ed era buca far al "landieger" rabantschas e cupentar tals "betlers".

5. Ha Giohen Deflorin dumandau sulom da transportar sia casa viasi ils suloms sco era in nueglet e talina e quei sin pastira senza far pagar, ei concediu, buca aber en donn e pregiudezi da tiaras persunas.

### 1869, ils 17 d'october

Eis ei teniu vischnaunca el solit liug ed ei sedeliberau sco cheu suonda.

1. Eis ei vegniu mess avon sch'ins vegli gidar a petiziunar per ina viafier sul **Spliglia**. Ha la vischnaunca decretau da petiziunar per tala viafier.

2. Eis ei vegniu refretg dalla vischnaunca da votar oz pervia dalla constituziun, sco era sur ils pugns da recapitulaziun entochen ils 30 da quest, sinquei ch'in per gerau sappien ira a **Mustér** sin sonda sin ina conferenza per da quellas varts.
3. Decretau da dar als disgraziai dil fiug da **Lavin** ord cassa da vischnaunca 50 francs e buca trer si collecta per quella gada.
4. Eis ei vegniu mess avon ch'ei fitti necessari da dar ina curregida il vau dil **Run** sut la resgia engiu cun prender naven l'aua da quella ord il vau dil **Run**. Ha la vischnaunca decretau da far tala lavur entras lavur cumina e schau sura al president da vischnaunca cura entscheiver tala lavur.
5. Eis ei mess avon che la davosa vischnaunca seigi stau tals e quals che hagien buca capiu pervia dils 300 frs. ch'eran vegni per far in ton lavur da fermar la lavina dalla **Val Schmiers**. Ha la vischnaunca schau sura als geraus da mirar tgei pretensiun ils proprietaris dil prau leu fetschien e lura rapportar alla vischnaunca il resultat e lura vegn quella a dar giu la declaranza sch'ei surprendien da far tala lavur per encunter ils 300 frs., sco era duei ei vegnir terminau e mess tiarms entuorn la **Caspause**, **Milez** anoragiу entochen **Sumsassi**, sco era las **Rufnas** dil maun da **Mulinatsch** tras enasi ed oragiu.
6. Eis ei concediu al Gion Fidel Riedi da schar brattar sulom dalla casa da **Zarcuns** e metter a **Rueras** sin siu prau, adina aber entelgiu senza donn e pregiudezi.

### 1869, ils 30 da november

- Ei la ludeivla vischnaunca stada radunada el solit liug ed ei sedeliberau sco suonda.
1. Eis ei vegniu mess avon ch'ei seigi oz il di da leger ora ils dus cussegliers naziunals, sche per igl emprem eis ei vegniu legiu ora ils dumbravuschs e quels ein stai gerau statalter Stoffel Riedi e statalter Sep Antoni Mugli e per actuar gerau Schmet. Ei lura vegniu proponiu signur cusseglier guvernativ Augustin Condrau e signur Toggenburg da **Laax** ed ei votau per quels, per scadin 122 vuschs.
  2. Eis ei vegniu legiu ora ils geraus federals cun 122 vuschs e quei ils veders dils dus onns vargai.
  3. Eis ei vegniu mess avon la revedida constituziun nova ed ei stau votants per prender quella 98.
  4. Eis ei mess avon ils pugns da recapitulaziun sur da far "vuors" e da menar en la letg civila. Tut tenor quels pugns ei dalla vischnaunca total refusada anavos cun 77 vuschs.
  5. Eis ei vegniu tschentau si igl arvè per ils tiers che vegnan en en nossa vischnaunca per 1870, e quel entscheiva suenter il marcau da **Glion** dil meins da s. Matiu finescha cun igl onn entir da quei marcau.

Las taxas per ils tiers ein aschia

in cavagl sur in onn paga arvè	15 frs.
ina vacca e genetscha	6 frs.
ina mugia	5 frs.
in stierl u stiarla	4 frs.
in vadi sur sis jamnas	3.50 frs.
in vadi sut sis jamnas	50 raps
in pulein sut in onn	6 frs.
in s.v. tier casa envernaus	2 frs.
in purschi sur otg jamnas	1 fr.
cauras e nuorsas scadina in	1 fr.

6. Eis ei finalmein decretau, en cass che la revedida constituziun nova vegness bessa naven, da pli tard dar en ina petiziun al Cussegl Grond, ch'ei vegnan a scriver ora il dretg dil pievel, quei ei l'iniziativa ed il referendum.
7. Eis ei vegniu concediu al Giohen Deflorin da schar transportar sia casa nova ch'el ha cumprau ord la massa Decurtins viasi ils suloms sin pastira - ei schon mess a protocol.

### 1869, ils 14 da november

- Ei la ludeivla vischnaunca stada radunada el solit liug ed ei sedeliberau sco suonda.
1. Eis ei vegniu mess avon ch'ei seigi oz da leger ora in cusseglier naziunal, essend mo ch'in

seigi vegnius ora e quei signur Toggenburg. Per quella fin ha la vischnaunca legiu ora ils dus dumbravuschs statalter Stoffel Riedi e statalter Sep Antoni Mugli e sco actuar gerau Schmet. Ei vegniu proponiu mo signur cusseglier guvernativ Augustin Condrau ed ei stau per el 162 votants.

2. Ha il president fatg da saver a quels che vevan pigliau donn dallas auas, che vevan schau per far uors, che dueien vegnir ensemes per mirar nua ei veglien metter quels daners ni sch'ei veglien prender mintgin il siu.

3. Eis ei vegniu mess avon ch'ils accordants dalla scaleglia damondien suspensiun, sco era da far enqual via per trer pli cumadeivel la crappa. Ha la vischnaunca concediu mo per in onn, nua ch'ils accordants dueien far tut siu pusseivel ch'ei vegnien buca pli cun supplicas da suspensiun, sco era dau tier da far vias da menar la crappa, sch'ei seigi da basegns.

### 1869, ils 19 da decembre

Ei la ludeivla vischnaunca stada radunada el solit liug ed ei sedeliberau sco suonda.

1. Ha la vischnaunca decretau da dar en ina petizion al Cussegl Pign pervia dalla via da communicaziun sur il **Lucmagn** che la "Standescomission" veva decretau da supreender aunc per dus onns entochen ch'il **Tessin** prendi giu quella, che quella vegni entschatta 1870 sco ella ei stada decretada pli baul dil Cussegl Grond.

2. Eis ei vegniu mess avon ch'il cumin da **Lumnezia** hagi petiziunau pervia dil barschament da **Surcasti**, sche nossa vischnaunca dessi la lubientscha da schar ir a trer si stir per quels disgraziae. Ha la vischnaunca decretau da trer si ina unfrenda voluntaria en baselgia cun aunc lura metter vitier 20 frs. ord cassa da vischnaunca.

3. Ha gerau Schmet, sco registratur dils cudisch da hipotecas e marcaus, dumandau sche la vischnaunca stetti tier cun tut riscar, sco quei ch'ei seigi, appartenent il vegnir secret en duas gadas pègns, aschinavon sco la vischnaunca tili miez igl interess (*l'entrada*). Ha la vischnaunca sur da quei decretau ch'ella laschi tut ils interess (*las entradas*) e resca al registratur, sco era che la vischnaunca dacheunaven hagi era buca cuosts per cudisch e mondi quei sur il registratur ora da quellas varts.

Legiu ils 22 da matg 1870 ed approbau sco sura tut, priu ora pervia dils cudischs da hipoteca e marcaus, quels mentegni la vischnaunca ed il registratur dat anavos ad ella per ina brev che porta 80 raps 10 raps e per ina d'in franc 15 raps, per ina da 1.50 frs. dat 25 raps e per ina da 2 frs. dat 50 raps. Attesta Jacob Schmet, registratur.

### Igl onn 1870

#### 1870, ils 7 da fevrer

Ei la vischnaunca stada radunada el solit liug ed ei vegniu sedeliberau sco suonda.

1. Ha il signur president mess avon la nova lescha dad uors decretada 1869, ils 30 da zercladur, dil Cussegl Grond. Ha la vischnaunca decretau ils dumbravuschs e quels ein stai gerau statalter Stoffel Riedi e statalter Gion Paul Berther e lura eis ei vegniu tier la dumbrada d'approbar quella sco ella ei vegnida scretta ora ed ei stau votants persuenter 7 e da refusar quella e buca prender, eis ei stai 61.

2. Eis ei vegniu fatg da saver che tut ils vischinadis dueien prender si tut ils tiers da scadina specia en gliesta e purtar al signur president da vischnaunca e quei sin dumengia.

3. Ha la vischnaunca legiu ora ils cautegias da stiarls e stiarlas e cavals ed ei per **Maighels** mess Giachen Martin Berther; per il **Tgom** Tomas Huonder; per **Strem** Duri Deflorin; per **Mila Vigeli** Schmet e cautegia da cavals Duri Berther.

#### 1870, ils 27 da mars

Eis ei vegniu teniu pleiv, essend che signur caplon *Gion Antoni Casanova da Vrin*, ha giu notificau avon entgins dis al signur president, ch'el vegni sin s. Gieri a s'absentar ed ira a **Vrin** e prender si leu la farria; denton aber sin plidentar ha il detg sur Casanova schau sentir da star cun nus en quei cass che la pleiv tuorni a prender si el e detti empau pli bia da lavur che quei ch'el hagi giu entochen dacheu cun cuntentientscha adina da nies segnerfarrer. Ha lura il signur president aviert la pleiv e mess en discussiun la petizion da pli bia lavur al caplon da **Sedrun**,

seigi lura che sur Casanova stetti ni mondi. Ha la pleiv danovamein priu si sco caplon da **Sedrun** il sur Casanova, quei unitamein, cun lura plenipotenziar ina cumissiun u deputaziun d'ira tier el e metificar (*modificar*) la pleiv fatga, sco era da vegrir suenter a siu giavisch e da mirar da dar pli bia lavur da cheu naven.

Suenter quei ha il signur president desiderau dalla vischnaunca ch'ei tilien ora ina cumissiun empau numerusa per buca tuts muments clamar la vischnaunca entira en cass che sur Casanova stetti buca cun nus, sinaquei ch'ins sappi mirar lura per in auter subject ton pli gleiti. Ha la vischnaunca declarau che tala cumissiun duei vegrir messa, e quei igl emprem nies segnerfarrer cun igl entir "forstand" vitier, sco era statalter Gion Andriu Berther, Tomas Huonder e Hans Giachen Beer e cunquei ei la pleiv ida dapart.

### 1870, ils 17 d'avrel

Ha il signur president (*Lucas Cavegn*) schau clamar ils vischins ed ha mess avon a quels sia petiziun, numnadamein che per igl emprem damondi el sulom da menar dil **Run** oragiu ina turera, ina aua, ch'el prendi si **Sedrun Sura** sin prau, sco era sche la vischnaunca dessi enzacons bischels per menar atras il vtg **Sedrun** quell'aua, bein aber pagond quels tgei che la vischnaunca pretendi. Ha lura la vischnaunca unitamein concediu il sulom da far tala turera dil **Run** oragiu, sco era ils bischels per pagar, cun schar signar ora quels il "farschner" (*bostger*) dador **Bugnei**, ed il pagament ei schau sura agl obercheit tgei far pagar, cun lura pli tard far in document da quellas varts, sinaquei che la vischnaunca vessi buca da curdar en fatalitads ni il president per da quellas varts e metter quel avon alla vischnaunca.

Suenter da quei eis ei dalla vischnaunca concediu ils suandots suloms.

1. Al vier Poltera a **Bugnei** sur sia casa da far in nueglet e talina suren, quei tut sin prau.
2. Al statalter Giachen Antoni Beer da far dador siu clavau sin prau ina talina da lenna.
3. Capitani Mugli da clauder ora sut sia casa siu prau ina buccada per metter ils aviuls u "juale".
4. Gerau Paul Schmet a **Scharinas** da far ord in uegl da 12 armauls in da 20 e quei sin pastira. Dapli a **Budas** carscentar il faner e quei sin prau.
5. Giachen Lurenn Berther viagiu **Casti**, far ord in uegl da dudisch in da sedisch armauls e quei sin prau.
6. Gerau Schmet far in nueglet sin **Gonda** sper siu clavau e clavau suren sin siu prau.

### 1870, ils 24 d'avrel

Eis ei vegrui danovamein teniu pleiv ed ei tier quella vegrui unitamein priu si il sur noviziat Tuor da **Rabius** e quei sin siu giavisch, tenor ina brev scretta a nus sut las cundiziuns sco igl urbari plaida, seigien quellas novas ni veglias e quei ton da vart dad el sco dalla vischnaunca.

### 1870, igl emprem da matg

Eis ei teniu vischnaunca a **Rueras** ed ei sin quella sedeliberau sco suonda.

1. Eis ei vegrui mess avon cura ins vegli far mundi ed ei dalla vischnaunca decretau da mundar ils tiers casa ils 3 da quest e las nuorsas ils 8 da quest, sche l'aura fa favoreivla e schiglioc eis ei schau sura als treis geraus da fixar il di da mundar e las cauras otg dis suenter.
2. Eis ei vegrui mess avon sch'ins vegli buca refierer la fiera da **Tujetsch** e quei in di pli tard, essend la da **Glion** curdada sils 7. Ha la vischnaunca decretau da schar sco ella crodi e dar en neginas petiziuns da quellas varts.
3. Eis ei vegrui mess avon ch'ei seigi fetg necessari da metter tiarms denter ils praus da **Caspause** e pastira, sco era suenter la **Tschuppina** enasi e la **Rufna** da (*Giuv*). Ha la vischnaunca decretau da metter e rugalar quels loghens cun tiarms nua ch'igl ei buca, cun ir in ni dus geraus ed aunc trer tier statalter Gion Andriu Berther, vegli, essend quel pli baul staus en da quels loghens per metter tiarms, duei aber vegrir schau saver ils particulars in di avon ch'ei sappien era esser presents.
4. Eis ei vegrui dumandau ils suandonts suloms.
  1. Giachen Fidel Caveng da far ina suschna (*suosta*) sper clavau, staus da Hans Giachen e quei sin pastira.
  2. Gion Antoni Monn da ruchegiar sulom sin pastira per far in tschaler.

3. Vigeli Biart da brattar sulom, prender davan orasi las plauncas e metter quel si **Valtgeva** dadens clavau dalla Guiana sin pastira.
4. Luis Hendri sulom da far in stebli sper sia casa a **Surrein** sin prau.
5. Gion Antoni Hendri sulom niev sil **Tgapetsch** da sedisch armauls sin prau.

### 1870, ils 22 da matg

Eis ei teniu vischnaunca el solit liug ed ei sedeliberau sco suonda.

1. Eis ei vegniu legiu ils protocols da tschun vischnauncas e duas pleivs ed ei remarcau e decretau che dacheunaven duei vegnir pagau ils cudischs da hipotecas e marcaus ord cassa da vischnaunca, bein aber duei il registratur per scadina brev che porta 80 centims pagar 10 e per quella che porta 1.50 frs. dueiel pagar 25 centims e quella che porta 2 frs. dueiel pagar 50 centims e quei mintg'onn dar quen al statalter regent u al president da vischnaunca.
2. Eis ei da vart dalla vischnaunca decretau da star vid igl uorden digl onn vargau per pigliar las talpas, seigi lura ton ella taxa da 50 raps per ina, sco l'obligaziun da mussar las cuas da scadina talpa che vegrn piglida e buca toppas.
3. Eis ei vegniu decretau che suenter vischnaunca vegni tratg la sort dalla caltschina, sco era decretau da descargar quella ils 30 da matg, ed ils 28 da quest, che fuss sin sonda, pinar e schubergiar la via da caltschina, sco era dacheunaven duei la vischnaunca dar in um e pagar quel che miri sisura ch'ei vegni dau la mesira dalla caltschina e fetschi era attents ils brischacaltschina ch'ei dueien dar caltschina e buca crappa ed ei destinau statalter Gion Paul Berther da mirar tier ch'ei vegni dau la mesira dalla caltschina.
4. Eis ei decretau davart la lenna da fiug da star vid igl uorden digl onn vargau, cun aunc pli tard mirar da serrar in ton dils uauls cumins, sco era mirar sch'ins savessi dar in ton entadem las duas vals da **Pardatsch** e **Valtgeva** e lura rapportar gievgia da questa jamna alla vischnaunca e che scadin che veglien tala lenna, dueien dar en entochen lura ad in digl obercheit.
5. Eis ei vegniu mess avon la nova lescha decretada dil Cussegl Grond la primavera vargada appartenent tschentar si ina nova banca per il cantun. Ha la vischnaunca unitamein priu si quella cun 114 vuschs ed encunter buc ina.
6. Eis ei vegniu mess avon ch'ei seigi dus pretendents che lessien prender si las **Vals da Curnera** cun la terminaziun sco igl onn vargau. Ha lura la vischnaunca decretau da metter quellas en ingant sin gievgia suenter ils uffecis e dar giu per igl onn present.
7. Ha capitani Mugli dumandau sche la vischnaunca concedessi al Bareto da **Liaun (Ligiaun)** per treis puleins da schotg meins da schar vegnir en nossa alp. Ha la vischnaunca decretau, ultra da tuttas spesas, 60 frs. ni 20 frs. il tgau, aber metter primavera in a **Sedrun**, in a **Camischolas** ed in a **Rueras**.
8. Eis ei vegniu dumandau ils suandonts suloms.
  1. Tomas Huonder sper sia casa da ruchegiar per ina zona u far grad leu speras ina sin siu prau.
  2. Al Luis Hendri a **Cavorgia** sin pastira ina zona da cauras.
  3. Al Rest Giusep Giacomet in faner da stubla sut la casa da scola giusum.
  4. Gion Antoni Palli sin **Giuv** transportar il baghetg da dudisch armauls e far si in da sedisch en in auter liug sin prau.
  5. Al statalter Gion Andriu Berther sulom si **Plaun Flurin** d'in faner.

9. Eis ei buca concediu alla vieua Cresenzia Huonder da ruchegiar il siu iert ed al Battesta Beer da trer grad il siu curtin sin pastira per pagar, ord raschun da munconza da buna pastira da casa, malgrad duei ei era buca vegnir dau auters, priu ora fetg necessari basegns.

### 1870, ils 26 da matg

Eis ei teniu vischnaunca el solit liug ed ei sedeliberau sco suonda.

1. Legiu il protocol dils 22 da quest ed ei approbaus tut en siu entir cuntegn.
2. Eis ei vegniu rapportau ch'ei seigi rut ora la malsogna dalla bucca e peis en **Pardatsch da Stiarls** e sch'ins vegli serrar giu quels en siu liug, sco era mirar da metter in buob che pertgiri il vadretg che meina ils anseuls d'in **Pardatsch** e l'auter. Ha la vischnaunca decretau aschia, ch'il cavrer da **Sedrun** duei ira ensi cun las cauras sco la stad ed ira direct entochen **Strem**, sco era

buca veginr ora la sera d'entscheinas pli lunsch sco obligaus la stad, las nuorsas da **Maun Sut** dueien veginr ensi cun las dadora ed il pastur da **Rueras** duei survegnir la pagaglia suenter temps e buca auter. La pagaglia dallas nuorsas duei veginr pagada dils vischins sco adina e quei che crescha parta la vischnaunca giu sco per vusch, quei duei survir era per las cauras che cuostan dapli als pasturs, las da **Selva** duei il pastur mirar. Sin la **Punt Baselgia** duei veginr serrau cun geinas ton d'ina vart sco da l'autra.

3. Dau ils suandonts suloms:

1. Al statalter Tomas da far giun **Plaun** sin prau in chischner cun dus posts.
2. Al Hans Giachen Caduff brattar sulom per in chischner cun dus posts, prender naven e metter si **Plaun Sutè**.
3. Statalter Gion Antoni Monn a **Sedrun** in cun treis posts sisum il vitg e metter sper siu clavau.
4. Eis ei moviu da far ina devoziun pervia dall'aura e pervia dalla malsogna dils tiers. Ha la vischnaunca schau sura al segnerfarrer e gerau d'oz restabilir e lura publicar al pievel tgei far.

### 1870, ils 6 da zercladur

Eis ei teniu vischnaunca el solit liug ed ei sedeliberau sco cheu suonda.

1. Eis ei veginu legiu il quen da vischnaunca per igl onn 1869 che statalter Giusep Antoni Mugli ha menau ed ei dalla vischnaunca vegnius approbaus cun engraziament.
2. Eis ei veginu mess statalter regent per igl onn 1870 e quei il cusseglier Sep Antoni Deragisch, hafner.
3. Eis ei veginu sedeliberau tgei taxar per ils suloms e rucagiems da quels sin pastira. Ha la vischnaunca taxau sin questa moda. Igl obercheit duei leger ora dad els anora in che mesiri quels suloms schon dai da quater onns enneu entochen 1871 da Tschuncheismas ed ils cassai. La taxa che la vischnaunca ha priu ei sin il pli ault 1 fr. il fest e pli bass che 50 raps po ei era buca veginr priu ed en quella fuorma ha il mesiradur da far ora il prezi sco el anfla per bien tenor valeta e liug. Bein aber, che tals suloms sin pastira, dai a quels particulars entras la vischnaunca, pon pli tard buca veginr claus ora per prau e ston turnar a schar ira quei en pastira, nunbaghegiond.
4. Eis ei veginu disfatg igl uorden pervia da pagar per suloms e ruchegiar sin prau alla vischnaunca.
5. Eis ei veginu serrau a **Carmihut** tuttas badugnas sin pastira da pinar giu, seigi era magari mo tortas e quei tochen entatier il dutg da **Caspause** e la **Val dalla Punt**, anora entochen **Sumsassi**.
6. Eis ei decretau da damaun far urentar las nuorsas ch'ein restada anavos si **Nual** e sch'ellas ein saunas, dueien veginr catschadas da **Maun Sura** cun las otras.
7. Eis ei concludiu da sin ils 7 da quest far catschar giu las nuorsas suenter il solit e quei en **Gonda Cotschna** e scadin vischinadi duei dar in um per agid al nurser da tener elllas. Sin las nov uras dueien elllas esser leu el liug.
8. Eis ei notificau entras ina scartira dil cussegli da sanadad che la fiera da **Tujetsch** sappi buca veginr tenida per quest onn.
9. Fatg notari che sin sonda vegni descargau la caltschina.
10. Eis ei notificau che sin il gliendisdis proxim vegni igl obercheit a dar ora lenna e scadin duei ver notificau sin lura. Vegr dau l'entschatta allas nov uras dalla damaun.
11. Eis ei concediu al statalter Gion Antoni Monn da brattar giu sulom d'in chischner cun treis posts ch'el veva sisum il vitg **Sedrun**, quel sper siu clavau.

### Appendix digl uorden dils suloms novs

Anno 1870 ils 6 da zercladur eis ei dalla vischnaunca veginu decretau tgei metter si per ils suloms sin pastiras e disfatg il pagar per suloms e rucagiems sin prau il qual ei sco suonda.

1. Tuts suloms concedi da 1866, matg, ils 21, sin pastiras dueien veginr mesirai e fatg pagar la cheu suandonta taxa.
  - a) pli ault che 1 fr. po ei buca veginr taxau il fest
  - b) pli bass che 50 raps po ei buca veginr taxau.
2. Duei igl obercheit leger ora dad els anora in mesiradur, il qual ei lura legius ora gerau Schmet e quel ha d'observar e schazegiar tuts suloms tenor il sura decretau e zuar onn per onn e metter

quei a protocol.

3. Eis ei sut il medem di e datum decretau ch'ils suloms dai sin pastiras sin territori da nossa vischnaunca possien buca vegrir claus ora e fatg prau, mobein cura che tals suloms vegrin buca duvrai pli da tals particulars per tal diever, sche crodan tut quels puspei en possess dalla vischnaunca sco proprietad generala.

### 1870, ils 13 da zercladur

Eis ei dalla vischnaunca vegrin mess vitier vid ils uordens dils suloms il suandont uorden sco cheu suonda.

1. Ha la vischnaunca decretau da star dils cheu screts uordens dils suloms e taxa da quels ch'ein sin las pastiras e vegrin concedi dalla vischnaunca, bein aber aschigleiti sco ei cumpara dus che vulan il medem sulom, segien quels nua ch'ei vegril sin pastira, sch'en gliez cass sto tal sulom vegrin mess egl ingant e vergantaus *ingantaus* da tgi che dat il pli e quei seigi sulom da tgei natira ch'ei vegril.

### 1870, ils 16 da zercladur

Eis ei vegrin clamau vischins el solit liug, nua ch'il signur president ha mess avon, ch'ei seigi rut ora la malsogna en **Pardatsch da Vaccas** denter il muvel da Sep Antoni Hendri e siu frar Luis, sco era denter il muvel da signur capitani Joseph Antoni Mugli, il qual aber seigi cun siu muvel sut ils 14 da quest ius a **Surpalits da Tschamut** ed ina genetscha che ha la malsogna a **Sedrun**. Ed el, cun cussegl dad auters dil „forstand“ e plirs vischins, hagien obligau capitani Mugli sut ils 15 da quest da serrar el oragiu els baghetgs da **Plaun Mulins** cun tut ses tiers, seigi ton tiers armentivs, sco tiers manedels e la genetscha duei restar a **Sedrun** en nuegl e quei tut entochen outras ordras. Ha la vischnaunca approbau tala serrada e cuntuau quella vinavon entochen outras ordras.

2. Eis ei vegrin decretau dalla vischnaunca da vender ord las schetgas trenta lenns cun schar sura cura ei vegrin entschiet e nua.

3. Eis ei dalla vischnaunca decretau da far in fecler sin la **Puzza** per il nurser e quel duei stuer habitar leu e buca giu **Val**.

4. Eis ei vegrin mess avon ch'ei seigi basegns da dar ina via als da **Bugnei e Cavorgia**, sco era rugalar l'aua dalla resgia e la via dil **Run**. Ha la vischnaunca decretau da far tut quei, priu ora la via da **Cavorgia**, quella duei oravon vegrin tratg ina lingia nua ins vegril ir e rapportar alla vischnaunca avon che far quella, e quei tut schau sura al president.

5. Eis ei vegrin lamentau ch'ei vegrin ora anseuls da **Pardatsch da Stiarls**. Ha la vischnaunca obligau ils proprietaris d'ira naven cun els e schiglioc sappi scadin pigliar si quels e serrar quels sin spesa da quels che han ils tiers.

6. Eis ei vegrin davart Gion Fidel Riedi petiziunau da schar vegrin cun la vacca ch'el ha ora sils cunfins en eurotina che vess aunc buca ora la curontina. Ha la vischnaunca decretau da far visitar damaun la vacca e sch'ella ei sauna sappi el vegrin cun ella.

7. Eis ei concediu in sulom da far ina talina da stubla sin pastira al Giachen Antoni Deflorin sper siu baghetg a **Tschamut**.

### 1870, ils 19 da zercladur

Eis ei teniu vischnaunca a **Rueras**.

1. Eis ei vegrin rapportau il rapport ch'il docter districtual ha dau giu suenter ver visitau ils tiers da capitani Mugli en **Prau Mulins**. Ch'el hagi anflau la malsogna tier las vaccas e stiarls, priu ora las cauras e pors.

2. Eis ei vegrin fatg attents ils da **Tschamut** da star nua ch'ei seigien e buca ir vidaneu cun tiers ed aschigleiti sco ei encorschien enzatgi vid ses tiers, dar part al president da vischnaunca. Ella medema categoria ei era Tomas Huonder cun ses tiers che sesanflan cun ils da **Tschamut**.

3. Eis ei publicau che sin sonda proxima vegrin ei mess ils tiarms dalla **Val Schmiers** ed entochen ils **Rovens da Milez** e sut **Scangleras** e sch'ei sappi dalla **Tschuppina** oragiu e tuts particulars duein esser leu che han prau che cunfina cun la pastira ed uauls.

4. Han ils da **Maienfeld** dumandau agid en sia gronda disgrazia da barschament ch'ei tenor schazetg 100.30 melli frs. Ha la vischnaunca, suenter ina liunga debatta, schau sura da dar

enzatgei ord cassa da vischnaunca cun dasperas declarar ch'ins vessi bugen e meglier uorden cun las societads da fiug e carschentassien buca il prezi mintg'onn, u resalvar si vinavon l'obligaziun da segirada.

5. Eis ei mess avon sch'ins vegli mirar d'ulivar las alps e prender si ils tiers; ha la vischnaunca per interim refretg.
6. Eis ei vegniu dumandau la vischnaunca sch'ella vegli execuir, quei vul dir, sch'ins duei intercurir la caussa e far giustia tenor merets u sch'ella vegli perdunar a quels che han buca notificau ad uras e temps e passai cun tiers ord lur cunfins. Ha la vischnaunca obligau il „forstand“ ch'els dueien far tut tenor uordens e leschas e castigiar tenor merets, sco ei lura resultescha e grazia sappi la vischnaunca far lura pli tard.
7. Eis ei vegniu mess avon alla vischnaunca il plan per la via d'ir a **Cavorgia** e quei en duas lingias. Ha la vischnaunca schau sura als geraus da far giu cun ils particulars dil funs ed ir lura atras la lingia, sch'ei anflan per bein, cun remarcar che las geinas dueien vegnir tier silmeins ina als da **Cavorgia**.
8. Ei lura vegniu decretau e legiu giu sco la lavur cumina ei repartida giu per far la via da **Cavorgia, Bugnei e giul Run**.

### 1870, ils 25 da zercladur

Eis ei teniu vischnaunca el solit liug ed ei sedeliberau sco cheu suonda.

1. Eis ei vegniu tarmess ina depescha dil „forstand da **Cella**“ ch'ei seigi entginas nuorsas oragiu igl **Hinter Etzli** ed ins duei immediat vegnir per ellas, cass cuntrari vegness ei fatg fin cun ellas. Ha la vischnaunca sin quei decretau da cargar ad alp las nuorsas tuttas sin ils 28 da quest e sin ils 27 da quest duei vegnir dau agid al nurser da stavlar las nuorsas cun dus umens ni treis, sco era quels dueien ira per quellas oragiu igl **Etzli** e gidar cun ellas entochen la **Pizza** e mirar giu nua far il fecler per il nurser, il qual la vischnaunca ha oz decretau da far sin la **Pizza** e quei tut sin spesa da vischnaunca, sco era el medem temps declarau la concurrenza da baghegiar tal fecler e tgi che vegli far quei duei s'adressar tier il president da vischnaunca.
2. Eis ei vegniu detg ch'il pigrer da **Curnera** hagi la malsogna vid sias nuorsas ed hagi biaras malsaunas el stavel, sco era tegni mal casa cun l'**Alp Maighels**. Ha la vischnaunca surschau al gerau da far ira in express a **Maighels** e **Curnera** e visitar las nuorsas e lura dar rapport al „forstand“.
3. Eis ei vegniu decretau davart schluppentar ora la crappa dil **Run** entras lavur cumina, priu ora Giger sco meister duei esser leu pagond, ultra dalla lavur cumina, marcadond il con per di.
4. Eis ei vegniu mess avon che sil **Cuolm Cavorgia** seigi rut ora la malsogna e seigien perina da vegnir giu cun ils tiers malsauns entochen **Cavorgia**, il qual ei dau tier dalla vischnaunca, bein aber dueien ton quels dil **Cuolm Cavorgia** e **Pardatsch** e dil **Tgom** star sin siu territori entochen ch'ei vegni buca dau outras ordras.
5. Eis ei vegniu mess avon, sch'ins vegli far bien pervia dall'aura, la quala smanatscha da barschar si tut. Ha la vischnaunca per igl emprem empermess da far las sondas empau meglier che tochen dacheu e schau damaun entscheiver la processiun ed ir en **Nossadunna**, il rest, tgei far sin il gliendisdis, ei totalmein schau sura al segnerfarrer e geraus e quei lura proclaimar dumengia al pievel.
6. Eis ei vegniu decretau da dar en ils tiers per ulivar ils sauns ed era ils malsauns e quei duei esser dau en e purtau las gliestas sin dumengia sera als geraus, sinaquei ch'ei sappi esser mess avon in plan sin il di da s. Pieder e s. Paul (29 da zercladur), nua che lura duei vegnir teniu vischnaunca e sedeliberar sco las circumstanzias sesanflan.

### 1870, ils 29 da zercladur

Eis ei teniu vischnaunca a **Tschamut** (*s. Pieder e s. Paul, processiun a Tschamut per recumpensa da quella sil s. Gottard*) ed ei sin quella sedeliberau sco suonda.

1. Eis ei vegniu fatg da cargar ils stiarls ch'ein sauns tutts enta **Maighels** e quei sin venderdis ch'ei igl emprem da fenadur, sco era ils cavals il medem di, e quellas alps duein restar tier siu dretg sco tochen dacheu per guder quellas cun ils tiers che vegnan cargai sin quellas. Era eis ei fatg notari ch'ei seigi rut ora la malsogna si **Valtgeva** el muvel da statalter Gion Battesta Monn.
2. Eis ei fixau ina cumissiun a **Sedrun** pervia da mirar da cagar las alps cun ils tiers che han

buca la malsogna e quels dallas malsognas dueien star els loghens schon predestinai cun tut quels tiers, seigien da tgei natira ch'ei vegli, e tier quella cumissiun eis ei tratg ora ils suandonts: tuts cautegias dallas alps ed ultra da quels aunc ils treis geraus ed ils auters sco suonda, Gion Giusep Riedi, statalter Fidel Venzin, Duri Berther, Tomas Huonder, statalter Stiafen Beer, capitani Mugli e statalter Sep Antoni Mugli da **Cavorgia**.

3. Ha il president ordinau, sin approbaziun dalla vischnaunca, da dar als da **Nalps** il repass d'ira e vegini mess avon sch'ins vegli contribuir enzatgei pervia dalla fiasta da **Vazerol**. Ha la vischnaunca decretau da dar nuot per far talas inutilas spesas e pli tard dar quei dapli als disgraziae da **Maienfeld**.

4. Eis ei vegini mess avon sch'ins vegli contribuir enzatgei pervia dalla fiasta da **Vazerol**. Ha la vischnaunca decretau da dar nuot per far talas inutilas spesas e pli tard dar quei dapli als disgraziae da **Maienfeld**.

5. Eis ei vegini mess avon, sin giavisch da nies segnerfarrer, sch'ins vegli ira cun la processiun da s. Pieder e s. Paul sco ils onns vargai ni buca. Ha la vischnaunca decretau d'ira il medem, bein aber mirar ch'il segnerfarrer hagi gentar a **Tschamut**, seigi lura ch'il caplon da **Selva** stoppi pagar, u la vischnaunca.

### 1870, ils 3 da fenadur

Eis ei teniu vischnaunca el solit liug ed ei sedeliberau sco cheu suonda.

1. Eis ei mess avon cura ins vegli cargar ad alp ils tiers sauns essend che la cumissiun d'ier hagi luvrau ora il suandon: En **Val Val** duei veginir cargau cun in quantum da 211 tgaus, en **Val Giuv** 210 ed enta **Mila e Caschlè** leu 50 tgaus; duess ei buca dar voluntaris che massen enta **Mila e Caschlè**, sche duei veginir tratg en cun la sort 75 stiarlas, las stiarlas dueien aber veginir cargadas cun las vaccas. Ha la vischnaunca decretau da star tier quei plan e duei veginir cargau ad alp ils 7 da quest ed oz duei veginir ulivau las alps e la partiziun dils nov onns da cargar ei cun igl onn present finida.

2. Eis ei vegini mess avon, sch'ins vegli schar resalvar da dar repass al tier da malsogna da capitani Mugli ed ils tiers da statalter Vigeli Giacomet. Ha la vischnaunca decretau cun approbaziun dil docter districtual, ch'ei seigi concediu al capitani Mugli il repass d'ira en sia alp sin damaun ed al statalter Vigeli Giacomet sin venderdis.

3. Eis ei vegini clamau ch'ins vegini ad ir a vender lenna sin mesjamna entschavend allas otg dalla damaun giu la **Punt Baselgia** e traversau igl **Uaul Surrein**.

### 1870, ils 17 da fenadur

Eis ei teniu vischnaunca el solit liug, nua ch'igl ei vegini mess avon a quella, essend uonn in onn scart da fein e sch'ins lessi buca schar stagiar ora empau bostgas da **Maun Sut** da segar. Ha la vischnaunca decretau da schar stagiar ora quellas bostgas entras Vigeli Berther, Gion Fidel Mugli e quei entschavend sin **Tschamut** entochen tier ils da **Cavorgia** ch'ei vegini empau perin da quella bostga, tgei taxa ei refretg per entochen ch'ei stagiau ora.

### 1870, ils 31 da fenadur

Eis ei teniu vischnaunca a **Zarcuns** nua ch'ei sin quella sedeliberau e decretau sco suonda.

1. Eis ei vegini mess avon ina brev digl „Oberfarner“ pervia dils cuosts e sche la vischnaunca vegli retscheiver ils 500 frs. premi per far ora quels tocs enasi la **Val Schmiers**. Ha la vischnaunca decretau ch'ei veglien nuot saver da tals premis, essend quei seigi adina mo cuglienems e fetschien era negina lavur – ed ins duei calar da veginir cun quei sin vischnaunca.  
2. Eis ei fatg da saver che la malsogna seigi rutta ora a **Glion** e vegini buca teniu marcau.  
3. Eis ei vegini taxau tgei pagar per las bostgas ch'ein ussa sco tut stagiadas ora e quei ei mess 50 raps per fiug e tgi che segass quellas sto pagar sco igl ei stagiau en umens en mintga sort.  
4. Eis ei vegini mess avon sch'ins vegli buca decretar da far bien per l'aura e schau sura al segnerfarrer da proponer alla vischnaunca tgei ch'el manegi e lura communicar sin tgei di quei duei veginir fatg.

### 1870, ils 15 d'uost

Eis ei teniu vischnaunca el solit liug ed ei sedeliberau sco cheu suonda.

1. Eis ei vegini dil president mess avon ch'oz seigi il di fixau per sedeliberau cura schar ir els

**Cuolms Aults** a schar segar, sco era füss ei dueivel da metter si ina pintga taxa a quels umens e femnas che van a segar ils **Cuolms Aults**. Ha la vischnaunca decretau da schar segar mesjamna che füss ils 17 da quest, cun metter si a scadin um che sega 1 fr. perin e las femnas che segan 50 raps ed ils **Cuolms Aults** ein libers per segar entochen il di da s. Mihel e lura duei esser ventschiu, sco era lura duei scadin esser obligaus, ils quals han segau ils **Cuolms Aults**, da dar en a siu cauvitg e quel duei lura reparter la gliesta immediat al gerau Schmet.

2. Eis ei vegniu mess avon sch'ins vegli oz vender las pastiras stagiadas ora ni spetgar giu entochen dumengia e quei entelgiu en **Camischolas** el solit liug. Ha la vischnaunca cun il pli refretg da vender quella entochen dumengia, che füss ils 21 da quest.

3. Eis ei dalla suprastonza u president da vischnaunca vegniu sin garetg dils artavels statalter Lureng Berther p. m., rapportau alla radunada vischnaunca, ch'ils artavels statalter Lureng Berther, fetschien da saver ad ina ludeivla vischnaunca ch'els secreian che Johannes Götz seigi ussa morts, che la segironza da siu defunct bab hagi ussa sia fin, ni vessi schon daditg giu tenor lescha cantunala sco era tenor la presenta scartira da 1819, matg igl 1., cun dasperas declarar che sch'ina ludeivla vischnaunca füssi buca cuntenza da vuler els, ils aratvels Lureng Berther, schar liber da quella segironza, duei far ses pass sche vegnan els a rispunder. Sin tala declaranza ha ina ludeivla vischnaunca concludiu cun grond pli ch'ils artavels da statalter Lureng Berther dueien esser libers dalla a sias uras da siu bab statalter Lureng Berther alla vischnaunca messa segironza; vide il cudisch per tala segironza.

## 1870, ils 2 d'october

Eis ei teniu vischnaunca el solit liug ed ei sedeliberau sco suonda.

1. Eis ei vegniu fatg cura ins vegli dar lartg e quei ei ils tiers gronds e cauras ils 4 da quest, ils tiers casa ils 6 e las nuorsas dueien vegnir zavradas ils 8 da quest, cun dasperas remarcar che scadin duei star vid ils uordens per menar naven dalla zavrada da nuorsas.

2. Eis ei vegniu fatg attents ch'ei seigi dau en negina caltschina e per tala fin vegn ei ussa igl atun barschau negina caltschina.

3. Eis ei vegniu mess avon ina brev dil docter districtual ch'ins duei danovamein far urentar tut ils tiers e nunanflond malsognas pli, dar ad el rapport. Ei lura dalla vischnaunca decretau da far urentar ils tiers sin mardis che füss ils 4 e dar il medem di rapport al president da vischnaunca co ei stat e quei entras ils nos experts urentaders da biestga.

4. Eis ei sin petizion dil nurser tratg ora in per vischinadi che meinli las gliestas dallas nuorsas e che scadin vischin duei purtar la pagaglia dallas nuorsas a quel e quei en 15 dis u sil pli 3 jamnas e quels dueien lura consignar (*surdar*) las gliestas e daners al president da vischnaunca.

5. Eis ei schau tier als 25 vischins che vevan da segar annual ed als 15 vischins da **Surpalits** da **Selva** da segar in di sin las pastiras signadas ora in, sco ils auters vischins.

## 1870, ils 12 d'october

Ei teniu vischnaunca a **Rueras** ed ei sedeliberau sco suonda.

1. Eis ei mess avon che ad **Altdorf** e **Schattdorf** seigi ussa la malsogna dalla zoppina e tgi che mondi ora cun vaccas che hagein buca passau la malsogna dueien buca turnar anavos.

2. Eis ei publicau che la catscha seigi serrada cun ils 15 da quest meins.

3. Eis ei legiu ina publicaziun.

4. Eis ei vegniu decretau appartenent il vegnir en cun tiers d'arvè per 1871. Duei restar sco igl onn vargau, essend uonn vegni midau ils uordens dallas alps e lura sappien ei era vegnir rugalau per igl uorden dils arvès.

## 1870, ils 25 da decembre

Eis ei vegniu teniu vischnaunca el solit liug ed ei sedeliberau sco suonda.

1. Ha il signur president mess avon in recuors daus en dil „Creis farner“ Selli al Cussegl Pign pervia da plontas e frietar (*dar liber*) certs tocs uauls. E tgei risposta ins hagi da dar sin quei, sche gie ch'ins hagi stuiu dumandar il Cussegl Pign ina prolungaziun dil temps per saver rapportar alla vischnaunca tgei rispunder. Ha la vischnaunca schau sura als geraus da rispunder sco ei anflien per bien, bein aber, avon che schar satiuer la risposta al Cussegl Pign, duei quella vegnir rapportada alla vischnaunca, sche quella less metter vitier u prender naven enzatgei.

2. Eis ei vegniu mess avon che giu **Uors** seigi barschau in ton casas e clavaus e seigi vegniu dils disgraziai dumandau agid la vischnaunca e tgei ins duei dar a quels. Ha la vischnaunca decretau da schar sura da dar enzatgei reciproc ad outras vischnauncas, suenter ver viu en tgei quellas dettien, cun prender ord cassa da vischnaunca.

3. Eis ei vegniu mess avon ch'ei seigi gleiti neutier da votar giu sur ils pugns dalla recapitulaziun e cheu denter seigi en pervia dalla frietaziun dils funs, entschavend da Daniev tochen cargar ad alp. Ha la vischnaunca, essend in di freid, refretg ed ils geraus dueien trer ora ina cumissiun per schar ir atras quels avon che dar vischnaunca, la quala cumissiun stat sura da fixar al president nua e cura e cun quei ei la vischnaunca ida in ord l'auter.

## Igl onn 1871

### 1871, ils 18 da fevrer

Eis ei vegniu teniu vischnaunca el solit liug ed ei sedeliberau sco cheu suonda.

1. Ha il president mess avon ch'ei seigi oz da votar giu sur ils tschun pugns dalla recapitulaziun, e seigi per igl emprem da leger ora dus dumbravuschs, ed in actuar. Ei lura dalla vischnaunca elegiu ils dus dumbravuschs, gerau statalter Stoffel Riedi e statalter Gion Paul Berther e sco actuar gerau Schmet. Ei pia la vischnaunca passada tier igl emprem pugn sch'ins vegli prender si la taglia cantunala sco ella ei scretta ora ni buca ed ei stau persuenter votants 120 e da buca prender ella 2. Secund pugn, sch'ins vegli metter si las jertas taglia sco ella ei scretta ora ni buc. Eis ei votants da buca prender taglia sin las jertas 130 e per prender si ella eis ei buc in. Tierz pugn, sch'ins vegli metter si taglia sin ils tgauns ni buc. Eis ei vegniu votau 91 per prender si quella ed 8 ein stai encunter. Quart pugn, sch'ins vegli frietar il funs naven da Daniev tochen cargar. Eis ei vegniu votau per buca frietar 143 e da frietar mo 3. Tschunavel pugn, sch'ins vegli prender si la lescha processuala ni buca. Eis ei votau da buca prender quella cun 101 e da prender buc ina.

2. Eis ei vegniu mess avon dil signur president ina supplica sch'ins vegli buca dar enzatgei stir als Parisians Svizzers ed ils Franzos ch'eran pigliai perschuniers. Ha la vischnaunca decretau da dar ord cassa da vischnaunca e quei schau sura al comite da reparter sco ei anflan per bien, sco il basegns damonda.

3. Eis ei envidau la cumissiun predeliberonta per restabilir in niev pareri da partiziuns dallas alps e quei sin sonda allas nov uras avonmiezdi en casa da gerau Lucas Caveng.

4. Eis ei finalmein concediu per pagar al statalter Sep Antoni Mugli otg entochen diesch lattas si **Mises Grond** per lattir siu baghetg niev.

### 1871, ils 26 da mars

Eis ei teniu vischnaunca el solit liug ed ei sedeliberau sco cheu suonda.

1. Eis ei vegniu mess avon che la „Hebama“ Monn seigi arrivada e vegli saver sche la vischnaunca prendi si ella per „Hebama“ ni buc e schiglioc fuzzi ella intenziunada d'ira a survir en in'autra vischnaunca, essend ella retschiert il stipendi dil cantun e seigi obligatori da survir en ina u l'autra vischnaunca. Sin quei ha la vischnaunca priu si ella cun l'autra „Hebama“ ensemen e quei sin quella moda. Tuttas peglialaucas seigien obligadas da ver omisduas „Hebamas“ ed ad ella dueien omisduas stuer survir e quei mo per la pagaglia che la „Hebama“ veglia veva giu per entochen dacheu e quei duei cuzzar entochen d'atun che la vischnaunca paga il „Vargeld“ e quel tila la „Hebama“ nova da cheu la mesedad a proparziun dil temps che fuss da parter denter elllas per otg meins e da leu naven sa lura mintgina ira per quella ch'ei plai ad ella e lura mintgina sin siu paun e gudogn, priu ora il „Vargeld“ dalla vischnaunca ei da leu naven da pagar per ina che vegn 850 frs. per ina.

2. Eis ei vegniu mess avon alla vischnaunca quater pareris, treis en scret, che la cumissiun ha luvrau ora ed in purtaus da statalter Sep Maria Monn, sch'ins vegli star sco ils onns vargai. Ha pia la vischnaunca fatg si la tscharna, sch'ins vegli far onns d'emprova ni buc, ha la vischnaunca decretau da far mo in onn emprova e zuar star vid igl uorden vegl dallas partiziuns dallas alps ed ils treis auters projects refusar e quei bein da capir, che tal uorden duei vegnir fatg refuormas e curregius cun ina cumissiun che vegn sin sonda a luvrar ora a scret e danovamein purtar alla vischnaunca cun schar ordavon decretar da tener dus tiers per in a casa e buca schar prender da part avon dar lartg e las nuorsas star sco il project digl emprem e cargar si **Mut**. Ils

destinai dalla cumissiun ein Gion Giusep Riedi, statalter Gion Antoni Peder, Tomas Huonder, Giachen Fidel Caveng, Gion Antoni Palli, gerau Paul Schmet, statalter Gion Andriu Berther, statalter Gion Paul Berther, gerau Schmet, statalter Giachen Antoni Beer, statalter Giacomet, capitani Mugli, statalter Stiafen Beer, statalter Gion Battesta Monn, statalter Mugli da Cavorgia e Giachen Antoni Monn.

### 1871, ils 10 d'avrel

Ei la ludeivla vischnaunca stada radunada el solit liug ed ei sedeliberau sco suonda.

1. Eis ei vegniu mess avon, sche la vischnaunca vegli buca schar via l'alp dil **Tgom**, essend uonn ils stiarls ch'ein en vischnaunca, tenor dumbrada mo 194, aschia porti l'alp da **Maighels** quels uonn tuts, la quala ei stagiada 210 tgaus. Ha pia la vischnaunca schau via l'alp dil **Tgom** a nos marcadonts e purs da nossa vischnaunca e quei en questa moda: L'**Alp Tgom e Stavelsecs** tut tenor ses cunfins stagiai giu ils onns vargai e sto vegnir pagau per 100 stiarls ils quals pagan 5 frs. il tgau, cun vegnir en ils 8 da zercladur sin nossas pastiras. Duess ei esser cumprau dils marcadonts stiarls che vegnan era cargai cun il sura quantum da 100 tgaus e vegnissen en avon ch'ils 8 da zercladur, ston aunc pagar alla vischnaunca ultra dils 5 frs. aunc 50 centims il tgau e cun da quels pon ei vegnir en mo cun 20 ni silpli 30 tgaus. Tut quels tiers dueien per il temps dalla primavera vegnir reparti per entochen ch'ei carga ad alp en mintga mises ulivamein empau per liug e quei sco ina cumissiun anfla per bein ed ils proprietaris dils tiers ston ver quitau persuenter ch'ei vegnan guvernai e pertgirai en scadin liug nua ch'ei vegnan mess e pagar tuttas spesas persuenter.

2. Eis ei vegniu mes cautegias per la biestga schetga,

per **Maighels** gerau Paul Schmet,

per ils cavals Duri Deflorin,

per las stiarlas da **Mila** Gion Antoni Berther,

per las stiarlas da **Strem** statalter Stiafen Beer.

3. Eis ei vegniu proponiu alla vischnaunca da trer ora ina cumissiun definitiva da 25 commembers e quels dueien ils vischinadis leger ora empau per in e tarmetter a **Sedrun** sin clom da nies president per reparter las alps ch'ein aunc buca repartidas da guder, sco era da mirar da dar allas pastiras da casa, pastira per saver ver dus tiers per fiug ed ils vadials sin quellas tenor uorden vegl, sco era pervia sch'ins vegli dar untgidias ni buc e quei che tala cumissiun lavura ora duei restar aschia per igl onn present, nunpregiudicont dretgs da vischinadis.

4. Ha Gion Flurin Riedi dumandau da brattar sulom d'in chischner el vitg **Rueras** si per siu clavau ed ira cun quel naven e metter el leu liber sin siu prau, cun resalva da negins pregiudezis da tiarzas persunas.

### 1871, ils 30 d'avrel

Eis ei teniu vischnaunca el solit liug ed ei sedeliberau sco suonda.

1. Eis ei dil president mess avon cura ins vegli far mundi. Ha la vischnaunca decretau da far mundi ils tiers casa calonda matg, las nuorsas schar sura al gerau cura far ir e communicar cura als vischinadis e las cauras ei era schau sura als geraus cura far ir, bein aber observar igl uorden dils otg dis suenter.

2. Ha il signur president publicau, che la cumissiun pervia da reparter las alps, duei sin sonda allas 12 vegnir ensemen en casa sia.

3. Eis ei vegniu mess avon ch'igl onn present seigi dau entginas confusiuns pervia da lenna sederschida a **Scharinas** en praus da particulars ed ins hagi negin uorden per da quellas varts, priu ora la lescha cantunala, ed ina veglia isonza da schar tala lenna a quel che veva il prau nua che quella curdava. Ha la vischnaunca decretau dacheunaven execuir la lescha cantunala e quei tal e qual sco quella plaida, ton per la vischnaunca sco per ils particulars.

4. Ha statalter Gion Antoni Monn garegiau che la vischnaunca detti ad el en secret il dretg da viadi da fretg dador il vitg **Sedrun** sur il stradun ch'ei cumpraus ora dalla cumissiun viala dils treis cheu suandonts possessurs da quels funs 1. capitani Mugli, 2. Vigeli Monn dalla Barbla,

3. statalter Vigeli Giacomet, pagaus dalla vischnaunca sco mess en il cudisch da quens dallas vias. Ha lura la vischnaunca declarau che statalter Gion Antoni Monn ed auters dueien far

diever da lur dretg cumpraus e pagaus e la vischnaunca detti per da quellas varts neginas scartiras, essend quei stau purtau els quens dallas vias ed aunc mess oz a protocol lur petiziun encunter la vischnaunca.

5. Eis ei vegniu mess avon che la calustaria hagi negin viadi per ira cun cultem sin quels funs. Ha la vischnaunca decretau da schar sura al geraus da mirar da dar dadens giu in repass d'ira giu cun in stauschbena cun cultem e quei atras il prau dil Gamponi; sch'ei cuosti buc bia auter che lavur cumina e lura rapportar alla vischnaunca avon che serrar giu cun Gamponi.

6. Eis ei decretau d'entscheiver questa jamna a far il faner dil farrer giu las **Rueras** e quei entras lavur cumina, priu ora in che miri sissura.

7. Ha statalter Gion Paul Riedi dumandau sulom sin **Tschamut** per in nuegl da sedisch armauls sin prau ch'era schon vidavon stau baghetg.

8. Duei ton pli gleiti vegnir finiu giu la via da **Cavorgia**, sinaquei ch'ei sappi vegnir claus ils funs. Eis ei decretau d'entscheiver l'autra jamna e lura finir quella.

### 1871, ils 6 da matg

Eis ei teniu vischnaunca el solit liug ed ei sedeliberau sco cheu suonda.

1. Eis ei vegniu mess avon dil president ch'ei seigi rut ora la malsogna a **Rueras** el nuegl da Gion Antoni Palli e zuar la malsogna dalla zoppina. Ha la vischnaunca ordinau che Gion Antoni Palli duei star cun siu muvel leu agraderi e duei cuvierer la grascha per entochen outras ordras, ils auters vischins leu speras dueien ira cun lur tiers naven.

2. Eis ei fatg attents che la fiera da **Tujetsch** fixada ils 8 da zercladur crodi sin il Sontgilcrest e sch'ins lessi buca metter ella sil di suenter quella da **Glion** che fuss sin ils 6. Ei la vischnaunca stada cuntenza e duei vegnir scret ora tala midada pervia dalla fiera.

3. Eis ei vegniu fatg mundi las cauras e quei sin il gliendisdis che fuss ils 15 da matg.

4. Eis ei vegniu fatg notari che sin ils 14 da quest seigi clamau cumin e vegni tratg si cumin allas 10 uras. Ha la vischnaunca decretau da schar far messa a **Sedrun** mesa las siat sinaquei ch'ils umens da cumin ed autra glieud sappien ir a messa.

5. Eis ei fatg notari che la plazza da nurser dalla stad seigi vacanta e dueien dar en al gerau e statalter ton pli gleiti.

6. Eis ei vegniu dau ils suandonts suloms e tut sin prau.

1. Gion Antoni Giacomet da far in faner orasi giudem la **Tscheppa**.

2. Luis Hendri da far in baghetg da sedisch armauls si **Mises Grond**.

3. Alla Maria Margreta Vallier da far in nueglet sur casa stada da Gieri Dumeni *Gieriet*.

4. Vieua Biarta da carschentar sulom orasi la **Val Bugnei**.

### 1871, ils 12 da matg

Ei la cumissiun predeliberonta serimnada ella casa da signur president Lucas Caveng, la quala consista ord tut ils vischinadis e duei tschentar oz tier quella 25 commembers ils quals han oz da far il sequent sco cheu suonda:

1. Duei mintga vischinadi dar en sias pastiras da casa sco noda e tiarms massen.

2. Prender quen tut ils tiers e stagiar las alps.

Ei pia la cumissiun passada tier las terminaziuns dallas pastiras da casa, entschavend enasisum: **Tschamut** ha pastira da casa, entschavend il **Stavel Bulettas** e la **Val Gronda**, anen entochen l'aua dalla **Val Darvun**, sco era la **Val Darvun** sezza, entochen entatier il **Crest da Plaun**

**Pardatsch** e va leu agradsi entochen il trutg il pli sisum dallas **Cordas** e va leu gradora entochen il **Plaun dils Planets** e da leu anora po ei ira si tochen sut **Plaun Grond**, quei dador ils **Trutgs da Plaun Grond** si.

**Selva** ha pastira da casa aschia, entschavend odem quei denter las auas dalla **Pizza e Nual**, aber da guder quei ensemen cun il vischinadi da **Rueras**, dadens l'aua **Nual** han ei tut; ensi entochen si tier il **Crap dil Teisch** e va leu agraden encunter ils aults dils crauns e da leu naven duei ira agraden entochen las **Vals**, nua ch'ei dadora in pegn da miscalgias per tiern. Cun remarcar ch'ei possien cura ch'ei van suten, san ils tiers vegnir suroragiu dil trutg giudem **Surpalits**, senza paschentar sin l'alp. Dapli han ei la pastira da **Pastg** tochen otier igl uaul.

**Rueras** han pastira quei denter las auas dalla **Pizza** e l'aua **Nual** cun ils da **Selva**, tut il **Surrein**, ensi tochen tier l'**Alp Tgom** che sa buca vegnir magliau surengiu, anora entochen a **Grep dil**

**Lai.** Dapli la **Malamusa** tut e va en tochen il **Run dalla Vallatscha**. Dil maun encunter **Liez** e tut il **Davet**, pon ir anenasi encunter sut igl uaul e pon vegrir da leu anora, sco era las **Fontaunas**, sco il fil dalla **Pulanera** dat giu. Dapli dil maun da **Mila** anora tochen otier il clavau da **Tschuppina**, ensi entochen si la **Foppa Verda**, anen sco il **Run** dadens ils **Bletschs**.

**Camischolas e Zarcuns** ha pastira il **Sumpraus** anen entochen entatier il clavau da **Tschuppina** cumpriu **Londadusa** e dil maun da **Strem** entochen enasi ils **Bauns** ensi entochen il pastg da cauras.

**Gonda** ha pastira da casa tschun dis vi **Ruina Plauna** cun ils da **Sedrun**, dapli l'entira **Val dil Run** era cun ils da **Sedrun**, la **Valtgeva** e **Vons** entochen il pastg da cauras, anen encunter **Strem** tochen il **Run** ensisum ils **Bauns**.

**Sedrun e Bugnei** han pastira tut il **Cungieri** e **Ruina Plauna**, priu ora tschun dis ils da **Gonda** ensi entochen si **Crest d'Alp**. Dapli tut il pastg da vaccas dalla **Val Bugnei**, dapli tut igl **Uaul Niregl** e la **Scanziala** e **Val Custeri**, dapli tut quei oragiu **Davos Bagiel**, tut igl **Uaul Bugnei** e la pastira el vitg **Sedrun**, dil maun da **Surrein** dil trutg da cauras si, anen tochen **Greps**.

**Surrein** ha pastira giu la **Val da Claus**, quei maun dalla punt cun la **Gieppa** vitier, las **Taviarsas** (*Terviarzas, Tarviarsas*) enasin **Plauns**, il **Surseiv** e **Plidettas, Burganets** anen tochen **Crap Gries** e va si encunter **Plaun da Vaccas** e sco il trutg giudem va ora dil maun da **Pardatsch da Vaccas**, las **Ragischs** e la **Rieda**, ed il **Plaun dallas Cavorgias** guder ensemes cun ils da **Cavorgia**.

**Cavorgia** han pastira il **Plaun dallas Cavorgias** entochen il **Dutg dallas Ragischs** u dalla **Rieda** cun ils da **Surrein**, ensi entochen sisum la **Mutta dalla Foppa dalla Culleina** e da sum ils aults entochen il dutg dalla **Val Caltgera**. Dapli la **Val Gierm** tut ensi entochen il **Fop dallas Pallas**; la primavera han ei leu (cheu) ils tiers casa, il sut **Claus** ed il fop oragiu sum **Claus** da guder. Ha pia la cumissiun stagiau giu las alps e sedeliberau cheu las untgidas sco suonda. Suonda la stagiada dallas alps:

1. <b>Cuolm Cavorgia</b>	duei cargar	55
2. <b>Val Giuv e Nual</b>	duei cargar	163
3. <b>Val Val e Tiarms, Cuolm e Cuolm da Vi</b>		264
4. <b>Alp da Tschamut</b>		90
5. <b>Stiarlas Strem</b>		92
6. <b>Enta Mila stiarlas</b>		82

Ha pia suenter da quei la cumissiun entrau en pervia da dar untgidas allas alps ni dismetter quellas. Sche suenter in liung debat ha la cumissiun decretau il suandon.

1. Dueien tuttas untgidas, priu ora il **Tgom** ch'ei schaus vi, vegrir dismessas, oreifer per **Cuolm da Vi, Strem e Mila**.

**Cuolm da Vi** pon vegrir temps ruh e neiv giu la **Foppa** e per mulscher pon ei vegrir giu tier la tegia dil Decrusch e suenter mulscher turnar sin las **Foppas**.

**Strem** ha per untgida oragiu ils **Bauns** en temps da ruh e dil temps da miez settember po ei vegrir gudiu cun las stiarlas da **Strem** il maun da **Camischolas** tochen oragiu tier il **Mir**, dil maun da **Valtgeva** entchen otier la **Plaunca Fadal**.

**Caschlè** ha untgida igl **Uaul Flurin**, duess ei aber schabegiar che las stiarlas stuessen star leu pli che 24 uras, sche dueien quellas da **Strem** ir en sia val.

**Mila** han untgida igl **Uaul Flurin** e suenter miez settember pon quellas guder enta **Mila** tut sco ils onns vargi.

E cun quei ei la cumissiun vegrira desliada si.

Igl actuar dalla cumissiun Jacob Antoni Schmet

## 1871, ils 29 da matg

Eis ei teniu vischnaunca el solit liug ed ei sedeliberau sco cheu suonda.

1. Eis ei suenter ver legiu il protocol da vischnaunca e quel approbaus, ha il president Lucas Caveng legiu giu ils quens menai da statalter Sep Antoni Deragisch per 1870 entochen 1871 il di dad oz, ton dil tratg en sco dil dau ora. Ha la ludeivla vischnaunca approbaus quels tuts cun grond engraziament.

2. Suenter da quei ha il signur president sco igl entir obercheit ed outras cumissiuns dau giu lur uffecis en mauns d'ina ludeivla vischnaunca e quella ha lura tenor solit tarmess ina deputaziu

tier nos signurs spirituals per envidar en quels tier nossas fetg interessantas elecziuns. Arrivai ch'eran sin il plaz, sch'ei la ludeivla vischnaunca passada tier la nomina dils treis geraus cun ils auters dil „Zusatz“ e quels ein eligi ils suandonts:

1. president gerau Lucas Caveng
2. sco secund gerau Schmet
3. gerau statalter Stoffel Riedi

Dil „Zusatz“ ein statalter Gion Paul Berther, ed aunc sco bostger, Bruno Soliva, ed era vegnius eligius per statalter regent e saramentaus il medem mument, Felici Monn, Gion Antoni Caveng, Gion Antoni Riedi e Giachen Antoni Monn.

3. Suenter da quei eis ei vegniu elegiu la cumissiun da scola e quels ein: il segnerfarrer sco president, statalter Vigeli Giacomet, Duri Deflorin, Gion Antoni Berther, Giachen Antoni Deflorin, Martin Peder e Gion Antoni Curschellas.

4. Eis ei vegniu elegiu la cumissiun pauperila e quels ein ils suandonts: statalter Giachen Antoni Beer sco president, il segnerfarrer, statalter Stiafen Beer, statalter Duri Venzin, gerau Paul Schmet, Sep Antoni Peder, statalter Battesta Monn e Lezi Balzart.

Il cassier dalla cumissiun pauperila duei d'ella sezza anora vegnir legiu ora in commemeber.

5. Ha la ludeivla vischnaunca decretau da leger ora ina cumissiun empau pli numerusa e per tala fin duei quella rapportar per spargnar temps da leger giu ils quens alla liunga alla vischnaunca mo il resultat dil tratg en e dau ora, sco era tuttas observaziuns e remarcas. Ils destinai tier tala cumissiun ein ils cheu suandonts: ils treis geraus cass, gerau Duri Venzin, capitani Mugli, statalter Lurenz Jacomet, statalter Sep Antoni Deragisch, statalter Stiafen Beer, ussa ell'**America**, statalter Sep Maria Monn, Lezi Balzart, statalter Fidel Venzin, statalter Gion Paul Riedi, statalter Giachen Antoni Beer, statalter Sep Antoni Mugli, Giachen Martin Curschellas, Giachen Fidel Caveng.

6. Eis ei mess gerau militar e quel ei statalter Lurenz Giacomet e zuar libers dallas lavurs cuminas da vischnaunca, sco era aunc pagar ord cassa da vischnaunca in salari da 20 frs. per onn.

7. Eis ei vegniu mess ils urentaders da tiers, ils qualis ein ils suandonts:

per **Selva** statalter Gion Antoni Peder

per **Tschamut** statalter Stiafen Schmet

per **Rueras** Sep Antoni Hetz e statalter Felici Schmet

per **Camischolas e Zarcuns** statalter Gion Andriu Berther

per **Sedrun, Gonda e Bugnei** Lurenz Schmet e Gion Antoni Deragisch

per **Surrein e Cavorgia** statalter Sep Antoni Mugli

8. Eis ei vegniu mess avon ch'il Cussegl Pign hagi concediu nossa fiera per uonn sin ils 7 da zercladur, tenor petiziun ei aber el medem temps vegniu contramendau da buca tener sin il sura fixau di.

9. Eis ei da vart da meister Cadalbert e Biscuolm vegniu dumandau la vischnaunca suspensiun per il crap scaleglia da **Calmut** ed ei quella vegniu suspendiu per entochen d'atun, bein aber sche pusseivel seigi far fin cun igl accord.

10. Eis ei vegniu fatg notari che tuts vischins dueien, tgi che vul baghegiar, far urentar ils baghetgs ed auter e quei entochen dumengia, sinaquei ch'igl obercheit sappi dar ora quella ton pli gleiti.

11. Ha Giachen Antoni Giossi dumandau da brattar sulom a **Caspausa** ord dus differents nuegls ed ina zona vid in da quels, tuts sin praus, far dus nuegls da sedisch armauls. Ei quei dalla vischnaunca vegniu concediu.

12. Finalmein ha signur gerau Luca Caveng e gerau Schmet retschiert lur uffecis cun la remarca ch'ei regi che scadin vischin seigi prudents encunter el ni era encunter il "forstand" cun la bucca, essend el per temps empau sensibels e che scadin vegni ad esser raschuneivels cun ils fatgs generals, seigi lura da tgei natira ch'ei vegli e lura cun quei ei la vischhnaunca vegnida desliada si per il di dad oz.

## 1871, ils 8 da zercladur

Eis ei vegniu teniu vischnaunca el solit liug ed ei sedeliberau sco cheu suonda.

1. Eis ei vegniu mess avon sch'ins vegli star digl uorden per la lenna da fiug sco ils onns vargai

- e turnar a dar ora quella ord las schetgas. Ei lura vegniu decretau da dar ellas schetgas empau per liug, anzi pli fleivel ch'igl onn vargau pagond per quella 1.50 frs. per fiug.
2. Eis ei decretau pervia dil pigliar las talpas da star vid igl uorden dils dus onns vargai e pagar ord cassa da vischnaunca miez franc ina a scadin che peggia.
  3. Ha Tumaisch Schmet da **Cavorgia** dumandau sulom da baghegiar casa e talina giu **Plaun** sin siu prau. Ei dalla vischnaunca vegniu concediu.
  4. Eis ei vegniu publicau ch'ins hagi negin nurser per la stad e tgi che vegli duei petiziunar e schiglioc stopp'ins encuir persuenter.
  5. Eis ei dapli vegniu decretau dalla vischnaunca che scadin vischin da vischnaunca duei ver priu alp sin ils 17 da quest avonmiezdi e sin il medem di las 12 uras dueien tuttas gliestas esser en ed immediat lura ulivau las alps e per dar en ils tiers ellas quater alps da vaccas ein destinai ils suandonts: gerau Schmet e statalter regent, statalter Stoffel Riedi, Gion Antoni Riedi e Giachen Antoni Monn.
  6. Davart far catschar giu las nuorsas ei schau sura al signur president da fixar e sco quei duei daventar.
  7. Eis ei fatg attents quels ch'eran arrivai da reparar u far tgamins ch'ei seigi mess si ina bagatella a norma da schliet uorden ed ins fetschi oz attents tut quels danovamein ch'ei dueien ver fatg ni reparau en 15 dis e schiglioc vegen ins a metter la peina pli gronda e lura far far immediat.

### **1871, ils 18 da zercladur**

- Eis ei teniu vischnaunca el solit liug ed ei sedeliberau sco cheu suonda.
1. Eis ei vegniu mess avon pervia da dismetter ils lenns da punt sco igl obercheit veva proponiu enten dar ora la lenna da baghegiar e reparar. Ei la vischnaunca da quei plan stada fetg cuntenza e duei en quei senn per ils lenns da punt veginr dau vinavon, aber negin duei far en da cheu naven auter che da crap ils lenns da punt e schiglioc crodan ei en castigt persuenter.
  2. Eis ei vegniu decretau che tuttas lennas ton da baghegiar, sco da barschar en schetgas ed uauls cumins, dueien esser pinadas mintg'onn cun la fin da fenadur e nudadas cun sia noda casa ed immediat fatg notari al bostger nua ella seigi pinada, sinaquei che quel sappi ir a visitar sch'ei seigi tut en uorden. Sco era duein tuttas lennas veginr menadas ord ils uauls igl unviern, succesiv sisura (*vart seniastra*), priu ora cass da nunpusseivladad.
  3. Eis ei vegniu declarau nua la lenna da fiugellas schetgas vegini dada. Per **Selva** e **Tschamut** egl **Uaul Surrein** da **Selva**, per **Rueras** e **Camischolas** vi igl **Uaul Surrein, Gonda, Sedrun e Bugnei** dador **Bugnei, Surrein e Cavorgia** en ils medems loghens sco ils onns vargai.
  4. Eis ei vegniu decretau da vender tut la lenna sederschida, sco era enqual caussa cavrida sin peis, ni enqual che pusan schon sin auter, ch'ein buca giu a tiara ed autra lenna da diever buca vender per igl onn present.
  5. Eis ei vegniu decretau che tutta lenna per barschar la caltschina duei veginr pinada, "forstmässig", nudada dil bostger dacheunaven.
  6. Eis ei veniu serrau e fatg il suandont toc uaul, l'entira **Val Vallatscha** tochen en sco il spitg dil maun dadens tras sidengiu, sco ei era schon vidavon stau terminau sut la **Val Vallatscha** anen sco il dutg che vegin giu dalla sura val, anora sur il prau da mises, grad sco il toc va si che va sin la **Rieda**, giudem duei veginr dil bostger fatg en cruschs els pegns e quei sin aschi tons sco ei fa da basegns, giusut il prau anora tochen ora osum sin il spitg e va giu e cumpeglia la schetga dalla punt da **Cavorgia Sura** e quella resta per schetga vinavon, sco adina.
  7. Eis ei decretau da dismetter da dar ella d'aissas per palancau d'uonn naven, bein aber duei veginr luvrau ora in uorden per da quellas varts e purtaus sin vischnaunca pli tard.
  8. Eis ei schau via, sin rugar da nies convischin Ueli Furer da **Hospental**, otg ni diesch dis giudem las **Vals Curnera** per leu schar viventar las nuorsas da **Cavradi**, bein aber buca vaccas sco ein stagiadas giu entras in da nos vischins e per quei ha la vischnaunca resalvau d'oz far prezi e pli tard dir tgei quei cuosti.
  9. Eis ei serrau giu il mises da **Mulinatsch** pervia dalla malsogna cun metter in "vach" e quei Casper Beer e quei nundeterminadamein, sco era admoniu ils da **Mulinatsch** ed ils cunfinonts d'auters mises che mintgin fetschi siu duer, stetti sin siu territori.
  10. Eis ei fatg enconuschent che las lennas els uauls cumins sappien sin damaun veginr

entschiet a pinar.

11. Eis ei fatg notari ch'ei duei vegnir catschau giu las nuorsas sin ils 21 da quest avonmiezdi a **Valtgeva** e suentermiezdi a **Surrein**. A **Valtgeva** vegnan las nuorsas tenidas en **Gonda Cotschna**.

12. Eis ei declarau ch'il Cussegli Pign hagi concediu da tener fiera a **Sedrun** il 22 sut suandontas cundiziuns; che tuts tiers che vegnan sin fiera dueien sefermar vi la resgia e sisum il vitg **Sedrun** e denter la 8 uras e las 9 uras vegnan quels tiers visitai dil "Bezirk-artz" avon che passar sin fiera, cun dasperas declarar che tuts tiers che vegnan vendi ord nossa vischnaunca, ston per igl emprem vegnir urentai da nies "vichaufsehers" e quels dueien dar in attestat ch'ei seigien sauns e per lura vegn ei dau dil president la bulletta da sanadad per tals tiers.

13. Eis ei legiu giu ils emploiai da nossa vischnaunca ch'il tribunal circuital ha legiu ora per ils dus onns successivs, sco derschader d'ingant assistent Schmet, sco schazegiader dalla "Sparcasa" gerau Lucas Caveng e gerau Schmet, sco termadurs statalter Gion Andriu Berther e capitani Joseph Antoni Mugli.

### 1871, il 9 da fenadur

Eis ei teniu vischnaunca el solit liug ed ei sedeliberau sco cheu suonda.

1. Ei mess avon dil president ina brev pervia sche la vischnaunca vegli surprender da far uors suenter il **Rein** che seigi dil "obersch Ensinier" priu si en nossa vischnaunca per 30'000 frs. aschia che vegness stir (*taglia*) 20 frs. per tschien. Ha la vischnaunca sinquei vuliu entrar en nuot, essend che quei seigi rauba e donns mo da particulars e stetti sura a quels da far enzatgei ni buc.

2. Ha il president mess avon ina brev dil Cussegli d'educaziun, sch'ei vegnessi en nossa vischnaunca tratg ensemen empau las scolas, aschia ch'ins savessi salarisar empau pli bein ils "Schulmeisters" ed en particular vegness ei giavischau che la scola da **Camischolas** vegnessi translocada cun la da **Sedrun**. Ha la vischnaunca per il di dad oz nuota saviu entrar en tala caussa e schau sura al vischinadi da **Camischolas** da patertgar 15 dis per far cun **Sedrun** tala uniun e lura en quei termin dar risposta al president il conclus prius dad els.

3. Eis ei vegniu notificau che la malsogna mondi vinavon en **Val Giuv** ed oz seigi fixau cura cargar ad alp ni cura ins vegli cargar tenor igl uorden restabilius per igl onn present. Ha la vischnaunca decretau ch'ils da **Val Giuv** stettien leu cun tut ils tiers, seigi da tgei natira ch'ei vegli, e las otras alps da vaccas dueien vegnir repartidas e cargadas tenor uorden e quei duei aunc oz daventiar. Ha lura la vischnaunca decretau da cargar las nuorsas sin mardis che fuss da catschar quellas ensemen e sin la mesjamna ils 13 cargar quellas ell'alp, ils stiarls e las stiarlas dueien vegnir cargai era sin il medem di e las vaccas sin gievgia che fuss ils 14.

4. Eis ei vegniu taxau dalla vischnaunca la pagaglia per ils nursers dalla stad e quei 30 raps l'ina ed il sal treis raps ina e duess ei per tala pagaglia buca survegnir nurser, sche duei vegnir pertgirau en roda las nuorsas la stad cun parter giu en rots e trer la sort tgi che entscheiva la roda.

### 1871, ils 15 d'uost

Eis ei vegniu clamau ils vischins el solit liug ed ei sedeliberau sco suonda.

1. Eis ei vegniu mess avon cura ins vegli schar ir els **Cuolms Aults** a segar e tgei ins vegli metter si a quels che van a segar. Han pia ils vischins decretau da schar ir ils 17 da quest e per ils umens che segan dueien pagar 1 fr. e las femnas 50 raps e per tala taxa sa ei vegnir segau els **Cuolms Aults** entochen s. Michel.

### 1871, igl 1. d'october

Eis ei teniu vischnaunca el solit liug ed ei sedeliberau sco cheu suonda.

1. Eis ei vegniu mess avon ch'ei seigi puspei da trer chis e quei sin il cuolm e las **Vals** e dador **Bugnei**, e sch'ins vegli quel marcadar via ni far trer da lavur cumina. Ha la vischnaunca sin ina offerta fatga da gerau Lucas Caveng, ch'el vegli mirar ch'il chis vegni tratgs ora uonn per 5 frs. per cavagl a di cun luvrar mintga di sufficientamein e sch'ei plaigi da vegnir ad auter a trer chis sappien ei oz far il melden tier el. Cun quei ei la vischnaunca stada cuntenza e schau sura ad el tut.

2. Eis ei vegniu mess avon ch'ei seigi puspei da trer petgas e paricarrs giu da **Valtgeva**. Sch'ins vegli trer sco igl onn vargau da laver cumina mo ils vischins dadaor **Dutg Grond** e quei ussa ni schar entochen ch'igl ei dau neiv. Ed ei decretau da reparter sco igl onn vargau e trer per da neiv e quei mo ils vischins dador **Dutg Grond**, cun pli tard era adossar tier tala laver dadens **Dutg Grond**, cura ch'ei vegn mess en leuen.

3. Ha la vischnaunca decretau da schar las petgas ch'ein pridas ora dalla via, essend quellas schliatas, al caplon per lenna da fiug, reciproc duei era veginr schau al caplon da **Rueras** cura ch'ei vegn priu ora leuen.

4. Eis ei vegniu mess avon cura ins vegli dar lartg. Ei lura dalla vischnaunca decretau aschia: sin mesjamna, che fuss ils 4 da quest, eis ei schau liber tuts tiers armentivs e cavals e cauras. Ils tiers casa dueien star entochen sonda, che fuss ils 7 e las nuorsas dueien veginr zavradas il gliendisdis suenter la fiasta da s. Giachen, che fuss ils 9 da quest.

5. Eis ei mess avon la nova lescha da taglia che vegn numnada la lescha progressiva e l'autra lescha, la quala ei passada 1870 ord vigur e la tiarza lescha da representanza nua ch'ina u l'autra da quellas stoppien veginr pridas si puspei. Ha la vischnaunca per igl emprem legiu ora dus dumbravuschs e quei gerau statalter Stoffel Riedi e gerau statalter Lurenn Giacomet ed ei lura vegniu votau per igl emprem e secund pugn cun resalva, sch'igl emprem vegin buca en il pli, d'ira via sin il secund pugn ed ei stau votants per omisdus tuttina da 119 per in.

### 1871, ils 19 da november

Eis ei teniu vischnaunca el solit liug ed ei sedeliberau sco suonda.

1. Eis ei vegniu mess avon ch'oz seigi il di da sedeliberaar pervia dis arvès per igl onn che vegin. Ha allura la vischnaunca decretau da star digl uorden dils onns vargai ch'ein sco suonda

1 cavagl paga	15 frs.
1 vacca paga	6 frs.
1 mugia paga	5 frs.
1 stierl paga	4 frs.
1 vadi sur sis jamnas	3.40 frs.
1 vadi sut sis jamnas	0.50 frs.
1 tier casa envernaus	2 frs.
1 purschi buc envernaus	1 fr.
1 caura u nuorsa	1 fr.

Suenter da quei ha il president mess avon ils tschun pugns da recapitulaziun.

1. Eis ei stau sch'ins vegli prolunghir il termin per l'amortisaziun dil deivet public per vias; cuntenius en il supplement A.

2. Il project lescha, cuntenius en il supplement B, davart las disposiziuns per subvenziun en favur da vias communalas, las qualas havevan dretg da subvenziun.

3. Sch'ins vegli approbar il project da lescha cuntenida en il supplement C da dismetter l'assicuranza obligatoria da baghetgs e d'introducir persuenter ils tetgs massivs.

4. Sch'ins vegli approbar il project da lescha.

### 1871, ils 26 da december

Eis ei teniu vischnaunca el solit liug e zuar per votar sur d'in pugn da recapitulaziun, il qual setracta sch'ins vegli conceder quater milliuns per menar la viafier sul **Spligia**. Ha la vischnaunca tratg ora dus dumbravuschs e quei gerau statalter Stoffel Riedi e statalter Gion Paul Berther ed ei resultau ch'ei stau votants en tut 112 e da quels eis ei stau pro 21 e lura ei la vischnaunca veginida sesliada si.

### Igl onn 1872

#### 1872, ils 3 da mars

Eis ei teniu vischnaunca el solit liug ed ei sedeliberau sco cheu suonda.

1. Eis ei dil segnerfarrer moviu pervia dils dus lenns da dador **Bugnei** che vegnevan dai al farrer tenor urbari ed igl onn present seigien quels vegni reteni e per raschun ch'ils baghetgs dil farrer mondien sutsura ton suren sco suten. Ha la vischnaunca schau sura als treis geraus da far giu cun il segnerfarrer sco ei anflien per bien, seigi lura sin tgei moda ch'ei veglien.

2. Eis ei vegniu fatg enconuschen ch'ei seigi arrivau mo il fegl dil "camifeger" e vegli far giu il

fulin enstagl siu bab. Ha la vischnaunca schau sura al president da scriver al "camifeger" vegl a **Sagogn** e sche quel vegni buca da schar far giu il giuven.

3. Eis ei vegniu fatg enconuschen ch'ils ugaus orfenils veginen cheu sin venderdis e sonda, ed ils dadens **Dutg Grond** dueien cumparer il venderdis ed ils auters la sonda e zuar a **Sedrun** en casa da gerau Lucas Caveng.

4. Eis ei vegniu legiu avon ina brev da mistral Coray da **Uors** che tertgava che nies vischin Soliva, da present a **Uors**, seigi resolvius d'emigrar, mo lessi da nossa vischnaunca in agid per far quei viadi. Ha la vischnaunca schau sura da corrispuner cun il Coray e mirar igl emprem tgei agid ei vegni pretendiu.

5. Eis ei moviu ch'il meister mustregia Baselgia hagi gleiti ora igl accord da mustregia e sch'ins lessi schon oz mirar da turnar a pladir il meister mustregia Derungs. Ha la vischnaunca per il di dad oz refretg ed ins vegli schar ventscher ora igl onn il meister veder avon che pladir in niev.

6. Eis ei dumandau sche la vischnaunca vegli mirar da far in niev uorden sur da guder las alps. Ha la vischnaunca sinquei tratg ora in ton per vischinadi cun ils geraus vitier e quei sin sonda proxima per tschenttar si in pareri e lura la dumengia dar vischnaunca e metter a quella avon tgei la cumissiun hagi luvrau ora.

### 1872, ils 3 da mars

Eis ei vegniu serrau giu suandont accord denter meister „Camifeger“ Pieder Stoffel dalla **Val s. Pierer** e la ludeivla vischnaunca da **Tujetsch** appartenent il far giu il fulin dils tgamins per l'entira vischnaunca e zuar ei quei accord serraus giu nundeterminadamein ton d'ina vart sco da l'autra.

1. Duei il meister „Camifeger“ veginir duas gadas per onn e far giu ils tgamins, l'emprema il meins d'avrel e l'autra il meins d'october.

2. Vegr ei pagau per omisduas gadas in „vargeld“ dalla vischnaunca da 6 frs.

3. Tgamins da treis alzadas vegr ei pagau per scadin 22 raps. Ils tgamins mo da duas alzadas vegr ei pagau mo 17 raps

Aschia serrau ed approbau dalla vischnaunca e dil meister „Camifeger“ e per omisduas parts approbau da mei Jacob Schmet, actuar da vischnaunca

### 1872, ils 17 da mars

Eis ei teniu vischnaunca el solit liug ed ei sedeliberau sco cheu suonda.

1. Ha la vischnaunca decretau che dacheunaven dueien tuttas nuorsas da vaccas veginir dismessas e buca dau tier da schar ira cun tiers armentivs.

2. Eis ei tarmess tier da nies "Oberts farner" Coaz, sche la vischnaunca vegli far il "ferbauen" la **Val Schmier**, sche stetti tier in subsidi da 300 frs. Decretau dalla vischnaunca da ver marveglia da tut quei nuot e quei oz e per adina.

3. Eis ei fatg enconuschen che mistral Coray hagi dau per il Soliva negina risposta.

4. Eis ei vegniu dumandau si tuts barschaments succedi en nossa vischnaunca da 20 onns anavos e tgei quei pudess purtar.

5. Eis ei vegniu mess avon sch'ins vegli contribuir enzatgei pervia dalla fiasta da **Vazerol**. Ha la vischnaunca decretau da dar enzatgei pauc, sch'ei seigi buca dau igl onn 1870, ch'ei da tal temps dau nuot, sco muossa il protocol dils 29 da zercladur.

6. Eis ei vegniu clamau da dar en caltschina per quella far barschar ton pli gleiti. Eis ei fixau da dar en questa jamna tgi che vul, per **Rueras** al statalter Stoffel Riedi e per **Sedrun** al gerau Lucas Caveng.

7. Ha Martin Schmet da **Sedrun** dumandau da ruchegiar sulom da sia talina leu sper casa, ei vegniu concediu senza donn e pregiudezi da tiaras persunas.

8. Eis ei vegniu mess avon il pareri pervia da guder las alps ed ei dalla vischnaunca vegniu acceptaus en siu entir cuntegn sco cheu suonda:

Sut ils 4 da mars 1872 ei stada radunada la cumissiun pervia da sedeliberau sco guder las alps e pastiras da casa per igl onn present ed ei finalmein vegniu tier suandont uorden sco cheu suonda.

1. Eis ei concludiu da cargar las nuorsas sco igl onn vargau igl emprem si **Mut** e las **Vals** e

suenter sin la **Pizza**, bein aber si **Mut** dueien ellas buca star pli che quater jamnas. Anfla la vischnaunca d'ira naven cun quellas pli baul, sche stat ei sura a sias ordinaziuns, cass da basegns aber per igl atun, pon las nuorsas ira via sin l'**Alp Tschamut e Maighels**.

2. Eis ei concludiu da cargar tut ils tiers ensemens, vaccas, genetschas, stiarls e stiarlas e lura suenter ver repartiu las alps, da schar sura a mintga alp sco ei anflan per bien. Las alps dueien vegrir partidas ed ulivadas e suenter per lura tratg la sort sco ils onns vargai.

3. Dueien las alps vegrir messa ina buna ed ina schliata ensemens e zuar sin sequenta moda.

1. Ei mess ensemens l'**Alp Tschamut, Maighels e Surpalits e Val Strem**.

2. La **Val, Tiarms, Nual e Cuolm Cavorgia**.

3. Ei mess ensemens **Val Giuv, Culmatsch, Val Mila e gl'entir Caschlè**.

4. Il **Cuolm Cavorgia** duei star persuls sco igl onn vargau cun las medemas untgidas.

5. Ils cavals dueien vegrir cargai en **Pardatsch** sco igl onn vargau. Era eis ei schau tier da prender ora quels per duvrar da trer tons dis sco igl ei stau fixau igl onn vargau, resalvond per donns che fagessen cura ch'ei vegrir pri ora ei caussa dil proprietari dil tier.

6. Ha la cumissiun era concludiu da schar pastur da vadials omisdus **Pardatschs** e da schar metter en vadials en cheu tgi che vul - cun quella consideraziun eis ei schau per ils vadials il **Stavelsecs** entochen sitier la **Gonda**.

7. Eis ei concludiu da schar via l'alp dil **Tgom**, sch'enatzagi vul prender cun la terminaziun digl onn vargau, resalvond quei toc dil **Stavelsecs** ch'ei prius naven pils vadials. Vulan lura quels prender si l'alp e vegrir en leu cun tiers jasters, sch'eis ei schau tier da vegrir en cun quels otg dis avon che quels dalla vischnaunca vegrir cargai, bein aber cun la clara cundiziun che quels tiers catschai ensemens da cargar sin l'alp dil **Tgom**. Untgidas duei vegrir dau a neginas alps, priu ora sco igl onn vargau.

8. Davart dils vischins da **Tschamut** eis ei vegrniu lamentau ch'els seigien vegni scultri empau memia fetg igl onn vargau cun sia pastira da casa, en particular priu naven la **Tgauma**. Els giavischassen fetg che la vischnaunca schassi quei ad els sco ils onns vargai. Ha la cumissiun e la vischnaunca concludiu da guder ensemens per igl onn present.

9. A casa po ei vegrir teniu dus tiers per fiug tgi che ha, aber buca cavals.

10. Ils vadials tumprivs eis ei era concludiu da schar cargar cun ils auters tiers sch'enatzagi vul.

11. Mintga vischin duei dar en ses tiers ch'el enviarna e ston ira ensemens ella alp.

12. Dau untgida per **Cuolm da Vi** da vegrir giu entochen giusum las **Foppas** e lura ir suenter la neiv en si ell'alp.

13. **Strem** ha per untgida la **Gonda** sco igl onn vargau.

14. **Mila e Caschlè** han per untgida igl **Uaul Flurin**.

15. Duei vegrir terminau denter las duas alps **Surpalits e Tiarms** cun sias terminaziuns avon cargar ad alp.

## 1872, ils 14 d'avrel

Eis ei vegrniu clamau vischins ord raschun pervia dall'alp dil **Tgom** e pervia da meister mustregia Derungs.

1. Han pia quels vischins concludiu da mirar da schar via l'alp dil **Tgom** e zuar cun la clara cundiziun ch'ei sappien vegrir en cun 100 tgaus cura ch'ei manegian, bein aber la primavera per entochen ch'ei carga buca, dueien tals tiers vegrni reparti empau per mises, sco il „forstand“ u gerau menegian, adina entelgiu che tgi che pren si l'alp duei pagar las spesas dalla primavera, tuttas, senza che la vischnaunca hagi enzatgei da quei da prender giu.

2. Eis ei vegrniu priu si meister mustregia Derungs per nies meister e zuar nundeterminadamein sut suandontas cundiziuns:

1. Duei vegrir treis gadas ad onn, ina igl avrel, l'autra il zercladur e la tiarza igl atun ed ha lura „vargeld“ per quellas treis gadas 6 frs. e scadina liufa ch'el schubregia, seigi a casa u en mises 50 centims l'ina.

2. Duess il meister vegrir clamaus da nos vischins ordeifer la tiarza gada, sche sto el era vegrir, fuss ei aber lura meins che sis liufas, sche sto scadin pagar in franc per liufa.

3. Tala avon conclusiun duei esser e vegrir en „Craft“ e vigur grad sco ei fuss teniu vischnaunca, sche negin oppona entochen venderdis, che fuss ils 19 da quest.

## 1872, ils 6 da matg

Eis ei teniu vischnaunca el solit liug ed ei sedeliberau sco cheu suonda.

1. Eis ei fatg cura mundar ils tiers manedels, ils tiers casa damaun che fuss ils 6, las nuorsas ils 7 e las cauras ils 15 da quest.
2. Eis ei vegniu fatg da mirar e procurar per ina zavrada da nuorsas vi **Clavadi** en quella ruosna sper il stradun. Ei schau sura als geraus da mirar giu il liug e secunvegnir cun ils particulars e lura rapportar alla vischnaunca.
3. Eis ei vegniu fatg attents dil president ch'ei seigi sin ils 12 da votar giu per la nova e vedra revisiun e sche la vischnaunca vegli oz mirar da constrenscher (*obligar*) ils vischins d'esser presents quei tuts sut castitg, seigi lu ch'ei seigien pro ni contra. Ha la vischnaunca mess si 1 fr. castitg a tgi che cumpari buc sin vischnaunca, num stgisas sufficientas e per ton pli bein saver lura tgi che maunchi, duei vegnir dumbrau giu vischinadi per vischinadi.
4. Eis ei vegniu fatg schetga cun la draussa, tutta el draus **Darvun** e l'entira **Val Darvun** entochen sil **Trutg dallas Cordas**.
5. Eis ei concludiu da dar nuot subsidi per la fiasta da **Vazerol**.
6. Ha Sep Bagliel fa **Mompe** dumandau ina buot caltschina suenter che tut ha via; ei vegniu concediu.
7. Eis ei fatg attents la vischnaunca ch'il **Tgom** seigi schau via als nos marcadonts.
8. Eis ei vegniu publicau che dumengia vegni fatg dumengia a **Surrein**, messa allas 8 uras ed a **Sedrun** la 10.
9. Eis ei concediu al Gion Flurin Riedi 50 pèra pals da clauder vi **Surrein** e zuar dueien quels pals vegnir dessignai da nies „farner“, pagond ils Riedis sia spesa.

## 1872, ils 12 da matg

Eis ei vegniu teniu vischnaunca el solit liug ed ei sedeliberau sco cheu suonda e tratg ora ils dumbravuschs statalter Stoffel Riedi e statalter Lurenn Giacomet, president Lucas Caveng ed actuar gerau Jacob Anton Schmet.

1. Eis ei votau sur la nova scretta ora revisiun ed ei vegniu da refusar quella cun 228 vuschs e da prender quella buca in.
2. Eis ei vegniu mess avon in pugn dalla recapitulaziun dils 27 d'avrel 1872 da prolunghir ils mess per entochen 1873, essend ils „Creis“ aunc buca parti en, ei stau per prolunghir ed approbar 228 votants.
3. Eis ei dumandau sch'ins vegli mundar las cauras mardis sco ei seigi fatg ni buca. Ei schau sura al gerau cura mundar quellas.
4. Eis ei vegniu lamentau che vischins dador **Dutg Grond** hagien bia nuorsas cun il pastur da **Rueras** e paghien negina pagaglia ed els seigien suttaposts da donns. Ei declarau che tals dueien pagar en omisdus loghens la pagaglia per talas nuorsas e quei senza pregiudezi.
5. Eis ei concludiu da schar pigliar las talpas sco igl onn vargau e pagar 50 raps ina, bein aber dueien esser empau pli huslis da pigliar.

## 1872, ils 26 da matg

Eis ei teniu vischnaunca el solit liug ed ei sedeliberau sco cheu suonda.

1. Eis ei vegniu legiu avon ina brev da mistral Coray ch'il giuven Soliva seigi arrivaus da **Genua** ed instanziau per in subsidi da 200 frs. per emigrar ella **Merica**. Ha la vischnaunca decretau da dar 100 frs. aschigleiti sco el seigi vi sur mar.
2. Eis ei elegiu dus commembers tier la cumissiun da quens e quei Giachen Fidel Caveng e Lezi Balzart.
3. Eis ei vegniu mess avon ils quens da vischnaunca menai da statalter Bruno Soliva, ils quals ein vegni approbai cun engraziament ed ei vegniu danovamein elegius per statalter regent vinavon per igl onn successiv.
4. Eis ei vegniu legiu ora ils otg „Valmener“ che han ils 2 da zercladur d'ir a **Trun** per leu leger ora la dertgira digl appellaz e quels ein: gerau Schmet, gerau statalter Gion Andriu Berther, gerau statalter Lurenn Giacomet, Gion Antoni Riedi, statalter Stiafen Beer, Duri Berther, capitani Mugli, Duri Deflorin e statalter Sep Antoni Deragisch. En quels sura numai ei elegiu in suppleant.

5. Davart far mundi las cauras ei schau sura als geraus sco ei era vidavon fatg, concludiu da quels da far ira quellas ils 29 da quest.
6. Eis ei publicau che la fiera d'**Ursera** vegni tenida ils 5 da zercladur.
7. Eis ei vegniu fatg da dar en ils tiers che veggan cargai ellas alps, seigien quels da tgei natira ch'ei vegli, als cauvitgs da siu vischinadi e quels dueien admetter talas gliestas amauns il di avon igl otgavel da Sontgilcrest als geraus, ed igl otgavel Sontgilcrest duei veginr ulivau e partiui giu las alps.
8. Eis ei vegniu fatg che statalter regent duei visitar la punt da **Pardatsch** e la via da caltschina e lura dar uorden entras lavur cumina ch'ei veginr fatg.
9. Eis ei giavischau da mirar ch'ei veginr als da **Rueras** dau si la **Punt Miez** in repass essend il **Rein** magliau naven quel. Eis ei schau da mirar nua far e co far e lura duei veginr fatg entras lavur cumina.
10. Eis ei mess avon alla vischnaunca pervia da far la zavrada viagiudem il **Crest da Clavadi** e tgei ei veginr pretendiu dils particulars dil prau ch'ein Vigeli Berther, Duri Berther e Martin Schmet. Ha la vischnaunca decretau da far quei ch'ei pusseivel, seigi tut cun lavur cumina, dil reminent duei veginr pagau ord cassa da vischnaunca. Las cundiziuns aber cun ils particulars e la vischnaunca veginr ei tschentau si ina atgna scartira, sco ei veginr a mussar cheu davostier el protocol.
11. Eis ei decretau da dar la lenna da fiug sco il „farschner“ manegi ellas schetgas pagond 1.50 frs. per fiug. L'autra lenna da baghegiar duei veginr dada en e fatg visitar sin venderdis proxim.
12. Eis ei fatg da schar via las **Vals**, **Mut** e **Surpalits** da **Selva** quei toc tut tenor stagiau, bein aber ils suprendiders da tala alp, pon buca guder engiu per entochen ch'ei carga las nuorsas sin la **Puzza**, plidengiu che tochen giu tier las caglias da **Mut**.
13. Eis ei concediu in sulom d'ina talina el vitg **Sedrun** al Sep Antoni Huonder.
14. Eis ei concludiu da far empau per onn tettg sin la casa dalla caplania da **Sedrun**.
15. Eis ei publicau ch'ei veginr vendiu lenna sederschida orasi igl **Uaul Niregl** e dador **Bugnei** e la **Val Bugnei**.

### **1872, ils 7 da fenadur**

- Ei la vischnaunca stada radunada el solit liug ed ei sedeliberau cura ins vegli cargar ad alp.
1. Ha pia la vischnaunca cun il maunpli decidiu da cargar las nuorsas ils 11 ed ils auters tiers ils 15 da quest meins.
  2. Suenter da quei ha la vieua da Clau Huonder instanziau la vischnaunca da schar suenter igl arvè per tschun cauras e Francesg Antoni Verth (*Werth*) per duas ed ei dalla vischnaunca veginr graziau ad omisdus ils arvès tut.
  3. Eis ei concludiu da prender si vinavon il nies vegl Stoffel per spazzatgamin e zuar nundeterminadamein aber mo el e buca siu fegl ed ei lura la vischnaunca passada in ord l'auter.

### **1872, ils 15 d'uost**

- Eis ei teniu ina radunanza da vischins el solit liug ed ei decretau sco suonda.
1. Da dar liber da segar ils **Cuolms Aults** da segar fein a pastg sin ils 20 da quest e scadin che sega duei pagar 1 fr. per um e quei duei cuzzar entochen s. Michel.
  2. Eis ei tratg ora dus stagiaders da pastiras e quei ils dus veders, numnadamein Vigeli Berther e statalter Giachen Decurtins e cunquei ei la radunanza da vischnaunca stada desliada.

### **1872, ils 2 d'october**

- Eis ei teniu vischnaunca el solit liug ed ei sedeliberau sco cheu suonda.
1. Eis ei vegniu sedeliberau cura dar lartg e quei ei lura decretau aschia, ils tiers gronds e las cauras ils 3 d'october, ils tiers casa ils 5 e las nuorsas ils 10.
  2. Eis ei vegniu decretau da dar via il chis e lattas e palera dil claus sco igl onn vargau per 5 frs. per di per cavagl e tgi che vul trer quei duei dar en oz al president.
  3. Eis ei decretau da buca pagar il nurser en il claus ord raschun da presumar temps quei di e ch'ei duei veginr partiui ora las gliestas al vischinadi e quels dueien trer en per las nuorsas per nuot, sco era aunc mirar da trer si ina collecta per ils disgraziai da **Zernez** cun la medema occasiun.

## 1872, ils 5 d'october

Eis ei teniu vischnaunca el solit liug ed ei sedeliberau sco cheu suonda.

1. Eis ei vegniu decretau da zavrar las nuorsas ils 8 e metter quellas ella zavrada ils 7 la sera.
2. Eis ei restabiliu in uorden sur zavrar las nuorsas e quei aschia: negin duei passar en la zavrada avon las 8 uras dalla damaun e lura vegr la porta aviarta. Era duei negin passar sur palera e mir en ed ora ed aunc meins metter nuorsas surora ni tunder e nudar ella zavrada.
3. Eis ei decretau d'ir ord la zavrada cun las nuorsas aschia: igl emprem van ils da **Cavorgia** e **Surrein**, suenter ils da **Tschamut** e **Selva** e suenter ils da **Bugnei** e lura ils da **Sedrun** e **Gonda** e suenter ils da **Zarcuns** e **Camischolas** ed il davos quels da **Rueras**.
4. Suenter esser ligiau e dau en, duei scadin ira cun ses tiers ord la porta e leu duei vegr verificau ch'ei mondien cun la giesta e ch'ei seigi era vid ils tiers sia noda.

## 1872, ils 27 d'october

Tenor ordinaziun da nossas autoritads superiuras federalas e cantunalas havein sin oz radunau nossa ludeivla vischnaunca per eleger per nies district nr. 33 dus signurs cussegliers naziunals. Suenter ch'ei stada radunada la vischnaunca el liug solit ei quella tenor usit dil president vegrda beneventada, fatga attenta en cuort sin las impurtontas elecziuns che seigien oz da far e che scadin duei libramein e senza negins risguards tenor atgna perschuasiun dar giu siu votum. Suenter havein elegiu e confirmau nos dus vegls dumbravuschs, signur gerau statalter Stoffel Riedi e signur gerau statalter Lurenn Jacomet.

Stai tschentai si quels dus signurs dumbravuschs ein ils presents votants vegni dumbrai giu ed ei resultau che eran presents 205 votants.

Duront che scadin ei vegnius dumbraus hal retschiert in cedel blau e da vusch cun far el attents, sco sempels avunda ch'essan, ch'el hagi sin quei cedel da nudar si dus signurs, ils quals el seigi perschuadius che seigien ils pli adattai e vengonzs per quellas plazzas. Suenter ei la radunanza vegrda dil president dumandada si, sch'ei plaigi da far da quellas varts proposiziuns? Nua ch'igl ei da diversas varts vegniu proponiu per nies district sco cussegliers naziunals ils suandonts signurs:

1. signur cusseglier naziunal Toggenburg
2. signur „Bundsstatalter“ Casparis

Il resultat ei staus, suenter haver retschiert en ils cedels da scrutini, ch'ei seigi votants presents 205, las qualas vuschs ein curdadas sin ils sequents:

signur cusseglier naziunal Toggenburg 205  
signur Bundsstatalter Casparis 204

Sco ils cedels da scrutini muossan, attesta il president communal Lucas Caveng, ils dumbravuschs statalter Stoffel Riedi e statalter Lurenn Jacomet ed igl actuar Giachen Antoni Schmet.

## 1872, ils 3 da november

Eis ei teniu vischnaunca el solit liug e lura sedeliberau sur dils arvès e quei sch'ins vegli star vid igl uorden vegl, sco el ei lura vegnius legius giu ni buca.

1. Ha la vischnaunca, suenter ver giu da novamein enconuschiantscha da quel, approbau en siu entir cuntegn, priu ora da schar vegrir en cun sis tiers per fiug, enstagl mo quater.
2. Eis ei vegniu fatg attents ch'il „Eichmeister“ vegni sin ils 8 da quest per visitar tuttas peisas e mesiras ed ils vischinadis da **Maun Sut** cun **Bugnei**, **Sedrun** e **Gonda** purtar peisas e mesiras en la casa da gerau Lucas Caveng; **Camischolas** e **Zarcuns** tier Duri Vigeli; **Selva**, **Tschamut** e **Rueras** tier statalter Stoffel Riedi.
3. Eis ei vegniu proponiu, d'avon calonda mars, trer ina cumissiun pervia da mirar sco reparter las alps e sin lura duei scadin vischinadi ver pinau tier ils umens che representan tier tala cumissiun ed il „forstand“ duei quella cumissiun envidar en sco sura detg e fixar il di e las uras.

## 1872, ils 8 da decembre

Eis ei teniu vischnaunca el solit liug ed ei sedeliberau sco cheu suonda.

1. Eis ei vegniu mess avon dil president ch'ei seigi rut ora la zoppina en nossa vischnaunca e zuar a **Bugnei** e **Nislas** e **Caspause** e tgei ins vegli far. Ha pia la vischnaunca decretau digl

emprem da far da saver allas vischnauncas cunfinantas, sco era d'oz il mument duei negin ir ord vischnaunca cun tiers. Ils auters tiers ch'ein infectai dalla zoppina sa scadin vegnir a casa sia per saver rugalar, che nua ch'ein ein ussa, sco per exemplil ils da **Caspause** e **Nislas**, bein aber duei scadin ver schanetg da buentar tier la fontauna denter tiers sauns – plitost parter en l'aua.

2. Eis ei vegniu mess avon sch'ins vegli dar lattas per far il telegraf da nos cunfins entochen sin la **Crusch** e zuar per il prezi da 2 frs. ina e metter sper la via. Ha pia suenter in grond dispitar la vischnaunca decretau da dar neginas lattas per il telegraf, essend uonn in onn che nos uauls ein fetg devastai e ruts giu e sin quei duei il „forstand“ dar ina negativa risposta ch'ei vegni dau neginas lattas.

3. Eis ei vegniu mess avon ina brev scretta da signur mistral Coray pervia da nies vischin Soliva il qual vegli emprender da calger ed hagi schon entschiet ad ira cul meister e drovi ussa 100 frs. e schiglioc cuosti ei per emprender il mistregn 150 frs. e vess bugen in subsidi dalla vischnaunca. Ha la vischnaunca decretau da dar nuot, essend che siu bab hagi stuiu ina gada far bien per schar emprender il mistregn e savevien tener a quen il dau.

Ana 1872 ils 22 dezerbi Eisei vegniu teniu Visch<sup>en</sup> el solit liug et ei sedeliberau sco can Lubuda:

Que Eisei vegni mes avan che la Malsagnia Comunivava e bonba de solei ils vadiols giuvens sco luld, e sche in vegli de quellas vards prender mafiro entros ardrois de Visch<sup>en</sup>.

Sicuter ino lieutga dabant ha la Visch<sup>en</sup> decretan de per quindis dies sahar lopon de Sadrun, nra che de lan Servizio degi tier armatif l'auas narpos epars laue posar Ville hem, legi Scuu ner maljaun, ils Vopkins de Sadrun sea den auher lags che han la Malsagnia degen serargin in arde leuher e mapari per bar en lava a lukt tiers manedels ils auher tiers armatif per separadamein baoular tier la fontauna, can leura immediat dargard tal caulas al docken e mirar che quel vegni en dancun e vafki its tier che mangon de vallet far in spacio de Coratino fino quei otrei sapien jra can les tiers docken ils auher sauns, can leura taular il docken auzz ils ullericors romans chel dat a quels che han la Malsagnia.

El medem beaps eisei vegni sarau gini il vitz grande can ils tier Essent lou quedem legi era mal Sagnia vid in Nivel e quel dei era vegni visitans ditz docken.

2da Eisei vegni fah abens che lichia noz ignous can il parrer Schiffer Berthier sin prar degen dar en il queal al sit. Usqu' de Nataf Manois Berthier offier a Tran.

1872, ils 22 da december

Eis ei teniu vischnaunca el solit liug ed ei sedeliberau sco cheu suonda.

1. Eis ei mess avon che la malsogna mondi vinavon, banbardeschi ils vadials giuvens sco tuts e sch'ins vegli da quellas varts prender mesira entras ordras da vischnaunca. Suenter ina liunga debata ha la vischnaunca decretau da per quendisch dis serrar la punt da **Sedrun**, nua che da leu suravi dueien tiers armentiv e cauras, nuorsas e pors buca passar vidaneu, seigi sauns ni malsauns, ils vischins da **Sedrun**, sco d'auters loghens che han la malsogna, dueien serrar giu in ord l'auter e magari purtar en l'aua e tuts tiers manedels, ils auters tiers armentivs pon separadamein buentar tier la fontauna, cun lura immediat dar part tal conclus al docter e mirar che quel vegni en damaun e visitar ils tiers, che manegian da voler far ina specia da curontina, sinaquei ch'ei sappien ira cun lur tiers denter ils auters, aunc cun lura tedlar il docter ils ulteriurs camonds ch'el dat a quels che han la malsogna. El medem temps eis ei vegniu serrau giu il vitg **Gonda** cun ils tiers, essend leu giudem seigi era malsogna vid in muvel e quel duei era vegnir visitaus dil docter.

2. Eis ei vegniu fatg attents che tgi che hagi quens cun il farrer e Stiafen Berther siu frar, dueien dar en ils quens al siu ugau da massa Thomas Berther ustier a **Trun**.

3. Eis ei vegniu mess avon ils quater pugns da recapitulaziun ch'ein

1. A, project d'ina lescha da representanza e B
2. C, lescha da polizia, determinaziun generala
3. Lotterias e giugs da hasard (*quadrels*)
4. Project da lescha, sur igl exercezi dil dretg da catscha.

Per ils emprems pugns da recapitulaziun ein stai da prender si 86, encunter da buca prender mo in. Per il quart pugn, sur dalla catscha ei stau da prender si quella.

### Igl onn 1873

#### 1873, ils 19 da schaner

Eis ei teniu vischnaunca el solit liug e sedeliberau sur ils tschun pugns dalla recapitulaziun sco cheu suonda.

1. Eis ei vegniu legiu giu quels e suenter tratg ora ils dus dumbravuschs e quei gerau statalter Stoffel Riedi e gerau statalter Lurenn Giacomet.

2. Eis ei vegniu mess avon ils tschun pugns da recapitulaziun, ils quals ein sco suonda.

1. La lescha da representanza
2. Lescha da polizia
3. La lescha da catscha

Per l'approbaziun dils quater emprems pugns, da prender si quels, eis ei stau 86 e per buca mo in. Sur dil davos pugn, da prender si la lescha da catscha, eis ei stau votants per refusar quella 85 e da prender quella eis ei stau 34. Aschia ei cun quei la vischnaunca ida in ord l'auter.

#### 1873, ils 9 da mars

Eis ei teniu vischnaunca el solit liug ed ei sedeliberau sco cheu suonda.

1. Eis ei vegniu mess avon che nies „Camifeger“ Riedi Stoffel hagi resignau il far giu ils tgamins il fulin. Ha la vischnaunca decretau da schar e scriver ora ella gasetta la plazza da „Camifeger“.

2. Eis ei vegniu publicau ch'ei vegni priu giu ils quens dallas baselgias, pervendas e pauperesser sin il gliendisdis e mardis da questa jamna.

3. Eis ei vegniu publicau ch'ei seigi rut ora la zoppina a **Tavanasa** e sch'ins lessi buca mirar da per in temps da 15 dis tochen treis jamnas buca schar vargar **Trun** per cumprar tiers da vegnir en **Tujetsch**. Ei la vischnaunca unitamen stada cuntenza aschia.

4. Eis ei vegniu mess avon il pareri per la repartiziun dallas alps e co guder quellas e zuar per diesch onns, il qual ei dalla vischnaunca vegnius approbaus aschia.

1. Duei vegnir legiu ora ina cumissiun da tschun commembres e da quels dar la plenipotenza da mirar ch'ei vegni en mintga alp fatg in ton lavur cumina, zuar adina entelgiu, che tala lavur vegni fatga suenter vaccas e stiarls e stiarlas e mintga dus dueien far ora ina vacca per far tala lavur cumina dallas alps, seigi lura che la cumissiun camondi da far tegias, midar stavels, mundar, far vias ni trutgs en las alps che vegn cargau ils tiers.

2. Dueien las alps vegnir repartidas e zavrau ora aschia vaccas e genetschas ensemes, las stiarlas era ensemes, ils stiarls era ensemes e per ils vadials duei era vegnir dau alp,

quels vadials che vegnan buca cargai en talas alps, duei mintgin tener sin sias pastiras da casa pil temps dalla cargada entochen la descargada.

3. Sur dil prender da part igl atun ils tiers dallas alps eis ei dau tier sil pli tard ils 20 da settember, clar entelgiu star en sia alp, ni mintgin sin sia pastira da casa, entochen ch'ei dat per ils praus.

4. Eis ei vegniu teniu a casa dus tiers per fiug, bein aber, duessen vischins ver tiers malsauns avon ni duront la cargada, dueien quels vegnir urentai e renconuschi per malsauns entras ina persuna digl obercheit avon che puder schar ir en sias pastiras da casa e cass da megljurament dueien quels turnar en sias alps pli cass che tals han dus tiers sauns a casa, il vaschinar tals tiers ei obligatoris en il liug da sia alp, ni sch'ei han a casa mo in malsaun, domisdus a casa.

5. Per ils cavals eis ei dau l'alp il **Pardatsch da Vaccas** sulet. Era po ei vegnir teniu ils diesch emprems dis suenter cargar ad alp e diesch dis avon descargar sin las pastiras da casa, schegie che quel ha giu sin la pastira da casa in tier tutta stad, cun remarcar, sche tal ha giu dus tiers a casa, ha quel negins dretgs da tener cavagl a casa quels vegr dis.

6. Tier igl ulivar las alps po mintgin prender nua ch'el vul, nua ch'el pren alp eis el vischin, stuess in ni l'auter ora pervia d'ulivar las alps, da sia alp cun la sort ed ira en in'autra, sche sto quel star en quella mo per quei onn. Quel sto era buca ughegiar pli la sort per ulivar las alps entochen che tuts ses vischins d'alp ein buca stai tucci ora cun la sort, sur da quei duei vegnir menau in protocol. Ils tiers d'in pur ston buca vegnir sparti e per in tier crescher ni calar, sto ei buca vegnir tratg ora pli.

7. Duess ei nescher purs novs per quels diesch onns, han quels il dretg da prender alp nua ch'ei vulan, adina ughegiar la sort enten ulivar las alps ed entochen ch'ein buca stai ora in onn sco ils auters ch'ein schon stai ora. Pil cass aber ch'ei vegness purs novs ord cumpart dil bab, sche duei quel, il qual posseda il séz dil bab, funcziunar enstagl sco il bab ed ira vinavon cun tuts dretgs e grevezias sco quel era schon anavos en tala partizion d'alp per finir quels diesch onns, ils auters affons che sespartan ord la casa paterna crodan sco purs novs.

8. Davart las nuorsas eis ei per il di dad oz refretg e saviu prender neginas conclusiuns e schau sura alla cumissiun da luvrar ora in auter pareri ton pli gleiti e lura rapportar alla vischnaunca.

9. Era eis ei mess avon la lamentaschun sur reveder las pastiras da casa en general. Per evitare malemperneivladads duei vegnir tratg ora ina cumissiun da treis commembers e schar quels inspectar e lura rapportar alla vischnaunca il resultat dil bein maniar da quels umens als vischinadis ed alla vischnaunca.

### 1873, ils 23 da mars

Ei la vischnaunca stada radunada el solit liug e sedeliberau sco suonda.

1. Eis ei mess avon che nossa vischnaunca seigi senza „Hebama“ e sch'ins vegli encuir ina e zuar la „Hebama“ Monn, mo quella hagi aunc da far ora siu temps a **Medel**. Ha la vischnaunca dau als geraus d'encuir ina e contrahar cun quella e lura rapportar alla vischnaunca, zuar pli gleiti pli bugen.

2. Eis ei vegniu mess avon ch'ei maunchi „Camifeger“ e seigi stregn temps d'encuir in. Ha la vischnaunca schau sura als geraus da mirar per in sco ei anflien per bien dil general.

3. Eis ei vegniu mes cautegias, ils quals ein sco cheu suonda

per **Maighels** statalter Vigeli Giacomet

per **Mila e Caschlè** Gion Antoni Berther

per **Strem e Cuolm da Vi** statalter Stiafen Beer

per **Nual** statalter Gion Andriu Berther

Per las alps da vaccas duei vegnir dau en ils tiers ad in dil „Forstand“ da siu liug e sin sonda ad otg dis, dueien talas gliestas, cun las outras dils schetgs, che vegnan cargai ellas alps, vegnir dadas giu a gerau Lucas Caveng ed a gerau Schmet.

Per alps da vaccas e genetschas eis ei destinau las treis suandontas:

a) L'**Alp Tschamut** cun **Val Giuv** e **Culmatsch** ed han neginas untgidias da neiv ed ei stagiau 240 tgaus.

- b) L'alm da **Val Val**, **Cuolm Val**, **Tiarms** e **Mut** ha neginas untgidas da neiv ed ei stagiau 250 tgaus. Las determinaziuns denter **Val Val** e **Val Giuv** ein sco nus vein giu ils davos onns, denter **Tiarms** e **Surpalits** ei determinau sco il **Crest da Muschaneras** tila orasi encunter la **Gonda dallas Peggas** e sco la via che vegg enagiu dallas peggas po veggir gudiu ensemen per aschiditg sco ils schetgs van buca a **Maighels**. Suenter aber, che quels ein stai a **Maighels**, pon ei buca vargar enasi il **Crest da Muschaneras** pli. Il **Mut** e **Surpalits** da **Selva** pon veggir gudi cun las determinaziuns sco ils onns veggai sco per alp.
- c) Il **Cuolm Cavorgia** e **Stavelsecs** ei stagiau 55 tgaus ed ha untgida da neiv il **Plaun Pardatsch** e ston aber turnar grad suenter la neiv en lur alp. Il **Stavelsecs** po veggir gudius entochen sisum il **Plaun dalla Tschaffuna**.
- d) Las alps da stiarls e stiarlas ein destinadas suandontas.
  - a) L'**Alp Maighels** cun **Surpalits** per ina qualitat.
  - b) L'alm **Val Mila** e **Caschlè** e **Val Strem** e **Cuolm da Vi**, ch'ei stagiada miez ils tiers per val, cun remarcar che **Caschlè** e **Val Mila** han per untgida da neiv oragiù igl **Uaul Flurin**. **Val Strem** ha per untgida da neiv ora la **Gonda Dadens**, **Cuolm da Vi** ha giu las **Foppas da Siat Fontaunas** entochen oragiù tier il baghetg dil Decrusch.

Per las alps da schetgs eis ei oz tratg la sort denter quels da stiarls e stiarlas e tuccau als stiarls il **Maighels** ed in auter onn ston quels ellas vals e quella scumiada duei per regla veggir scumiada per tuts diesch onns.

- e) Per alps da vadials eis ei destinau il **Nual Sura e Sut**, il **Tgom e Pardatsch da Stiarls**, bein capiu ch'ils vadials ein buca obligatoris da cargar ad alp, bein aber obligatoris, che tgi che tegn vadials a casa, stoppi tener sin sias pastiras da casa e laian quels ir ord sura quels, sche davantan quels babs da sias ovras e struffegeivels tenor quest uorden.
- f) Tuttas conclusiuns dils pursanavels dallas alps dueien passar en vigur cun la maioritad da quels vischins.
- g) Tuccond las nuorsas la primavera dueien quellas dadens **Dutg Grond** e quellas da **Maun Sut** veggir unidas e pertgiradas cun la notg serrar en quellas cun il clauder silmeins per 15 dis igl emprem sin la pastira da **Surrein**, **Plaun Miez** e **Plauns Selva** e **Surpalits** e **Mut**. Las dador **Dutg Grond** dueien veggir unidas e pertgiradas sco las dadens sin la medema moda. Tuttas nuorsas dueien veggir pertgiradas e schau pascular mo las mendas pastiras da vaccas e dil reminent il pastg da cauras. Per il temps da stad dueien tuttas nuorsas veggir unidas, ellas ston veggir cargadas otg dis avon las vaccas e quei igl emprem sin la **Pizza** e star entochen ils 20 d'uost e da leu naven ston ellas ir via sin l'alp da **Tschamut**, quei vul dir si **Nurschalas** e **Tuma** e **Mun Traviers** e star leu entochen ils 20 da settember e da leu naven ston ellas turnar ora **Val Giuv** ed en munconza da maglia pon ellas turnar da **Plaunca Biala** si ed ira en **Val Val**. Ellas pon veggir per regla descargadas per otg dis suenter las vaccas sche l'aura lubescha. Tuccau tier las nuorsas da **Tschamut**, duei la primavera veggir duvrau la medema a norma sco ils auters vischinadis en tut.

4. Eis ei veggii legiu il pareri dils 17 da mars daus ora digl uffeci circuital, co amortisar e pagar giu il deivet da cumin e quei tenor pareri duei quel veggir pagaus tenor cadaster da mintga vischnaunca e quellas sappien lura da sesezzas pagar sia quota sco ei plai d'ellas. Ha la vischnaunca schau sura al signur president Lucas Caveng e gerau Schmet da dar la risposta co ei plaigi e cunvegni ad els en num dalla vischnaunca, sco era dar rapport sur digl uorden da fiug ella medema caschun cun cheu suenter schar suandar la risposta dada.

### 1873, ils 24 da mars

Ha Pierer Stoffel surpriu en num da siu bab sco „Caminfeger“ dalla vischnaunca da **Tujetsch** grad sco il sura accord (*dils 3 da mars 1872*) ei staus fatgs cun siu bab, attesta Jacob Schmet, actuar da vischnaunca.

## 1873, ils 5 da matg

Eis ei teniu vischnaunca e sedeliberau sco suonda.

1. Eis ei dil signur president vegniu clamau cumin sin ils 11 da quest nua che tuts umens da cumin dueien cumparer leu sut peina da Strof *castigt*.
  2. Eis ei vegniu instanziau entras igl uffeci da cumin, en num da statalter Gieri Alig e Neich da **Cumpadials**, per in subsidi en sias grondas discletgias da bova ed aura fatg vid ses funs, sco muossa ina schazegiada ufficiala.
  3. Eis ei fatg attents che nossa fiera crodi sin dumengia. Ha la vischnaunca dau l'incumbensa da scriver ora pia il gliendisdis sissu.
  4. Eis ei fatg attents sur la lescha dils tetgs da plattas, sch'ins vegli buca mirar per in meister e per gravas e vias. Ha la vischnaunca maniau da trer ina cumissiun, ton per las alps e per quei ensemes, il qual duei daventar ton pli gleiti.
  5. Han ils vischins da **Rueras** giavischau che la vischnaunca schassi vegrin en in u l'auter cun la messa a **Rueras**. Ha la vischnaunca declarau en sia favur, mo dueien sez far giu cun els.
  5. Davart las geinas; igl onn present ei buca fatg far tenor uorden e schau liber.
  7. Duei suenter vischnaunca vegrin ulivau las alps pro fuorma per saver pladir pasturs.
  8. Eis ei vegniu dumandau sequents suloms, ils quals ein
    1. Signur gerau Lucas Caveng per far ina stalla dubla da cavals sin siu prau sur sia casa a **Tschamut** sin prau.
    2. Statalter Fidel Venzin vul brattar sulom a **Surrein/Selva** e metter quel denter prau e pastira e far en pastira lura ustonz.
    3. Statalter Lurenn Venzin a **Rusas**, brattar sulom d'in siu faner e quei era tut sin pastira.
    4. Gion Antoni Caveng a **Mulinatsch** vul far ord dus baghetgs mo in cun prender lura per quels sulom niev.
    5. (*buca nudau*) per in faner ora si la **Val Bugnei**.
  9. Eis ei vegniu mess avon alla vischnaunca appartenent igl accord serraus giu cun la „Hebama“ Monn-de Curtins, ussa dapresent a **Medel**, il qual ei sco suonda e nundeterminadamein.
    1. Duei scadin onn vegrin dau ord cassa da vischnaunca „vargeld“ dad 85 frs.
    2. Sia taxa per spindrar ei 5 frs. in e quei per l'entira vischnaunca, schegie ch'ella vegness leuen clamada, priu ora cass ch'ei stuess vegrin duvrau il docter, bein aber scadina pegliaunca survigilar per otg dis.
    3. Scadina sarlasiva (*surlischada*) en siu liug ei 80 raps per gada. Il metter carns ei per scadin 10 raps l'in, bein aber ha ella il dretg, cura ch'ella sto per da quellas varts ira vidaneu, da quintar per il viadi, aschia **Selva** e **Tschamut** 50 raps, sco era **Surrein** e **Cavorgia**. Per **Sedrun** e **Gonda** e **Rueras** 20 raps e **Bugnei** 30 raps. Duess ella era cura, ch'ella va ord sura pliras sarlaschivas (*surlischadas*), ni metter carns, duei la taxa da viadi vegrin repartius ils raps sin tontas sco igl ei.
- Ha la vischnaunca priu si ella sperond ch'ella vegni ton pli gleiti e buca far spetgar memia ditg. B il sarlaschar (*surlischar*) e metter carns ei liber che scadin saver tgei ch'el vul.

## 1873, ils 18 da matg

Eis ei vegniu clamau vischins pervia cura mundar las cauras. Igl ei lura decretau sin ils 23 da matg che fuss sin venderdis. Suenter da quei eis ei dumandau sequents suloms:

1. Thomeisch Schmet, **Cavorgia**, sulom sin prau da far ina talina da lenna sper casa nova, ultra da quella aunc da far ina zona da cauras leu denter prau e pastira.
2. Statalter Gion Andriu Berther da brattar sulom d'in faner a **Scharinas** ch'ei ius dalla lavina. Ei lura concediu in tal sulom senza pregiudezis.
3. Eis ei vegniu mess avon pervia da pigliar las talpas. Ei proponiu da reparter en squadras e schar pigliar mo in per squadra pagond 50 raps l'ina ord cassa. Las squadras ein sco suonda: **Selva** e **Tschamut** cun ora l'aua **Val Giuv** ina  
**Rueras** e **Zarcuns**, denter quellas duas auas dus, in leuen ed in tscheuora ensemes.  
La squadra da **Camischolas**, dall'aua da **Strem** entochen il **Run** cun **Sedrun** **Sura** e **Cungieri** ina,  
**Bugnei**, **Sedrun**, la **Val Bugnei**, **Nislas**, **Surrein** e **Cavorgia** ina.

Ei lura schau sura a scadin vischinadi dallas squadras da mirar per in e lura rapportar als geraus sin ils 22 da quest nua che lura duei vegin sedeliberau per uonn cun quels.

### 1873, ils 22 da matg

Eis ei clamau vischins pervia ch'ei seigi s'annunziau mo treis per pigliar talpas ed havess muncau quel entochen l'aua da **Giuv**, la squadra da **Bugnei** e **Sedrun**, **Surrein** e **Cavorgia**. Aschia han ils vischins refretg e schau igl uorden vegl entochen Tschuncheismas e lura rapportar alla vischnaunca.

### 1873, il zercladur

Ei la ludeivla vischnaunca stada radunada el solit liug ed ei sedeliberau sco cheu suonda.

1. Eis ei mess avon ch'il Furrer vegli prender las **Vals** per igl onn present sco igl onn vargau cun las medemas determinaziuns. Ha la vischnaunca decretau da buca schar quellas per meins che 75 frs.
2. Eis ei mess avon ch'ei seigi treis che lessien schar sin la jarva treis cavals la stad. Ha la vischnaunca quels priu si.
3. Dueien tut ils tgauns vegin ratifichai al president e mintgin purtar la sia taxa da marca da purtar.
4. Eis ei passau tier las declaronzas e remarcas sur dil quen menaus da statalter Bruno Soliva per igl onn 1873, aschia ch'il rapport ei staus favoreivels e la cumissiun da quen duei ver in salari da 75 raps per in ussa dacheunaven e la vischnaunca ha quel approbau cun engraziament recumandond vinavon.
5. Eis ei vegniu tarmess ina deputaziun tier nos signurs spirituals per quels envidar en tier nossas elecziuns, essend oz il di da far quellas e per amur dil cumin stuiu refierer da far il Gliendisdis Tschuncheismas. Ei la vischnaunca passada tier las elecziuns sco cheu suonda. Eis ei vegniu proponiu igl obercheit veder sco era il gerau militar e tuttas cumissiuns, ton da scola, sco da paupers, cun el medem temps declarar ch'il vanzament per trer en la taglia dil cantun audi oz e per adina al president da vischnaunca, essend quel stoppi far tala lavur, priu ora il trer en stoppien ils vischinadis supreder e lura consignar ad el senza ch'ils vischinadis hagien interess da quellas varts, han ils geraus refusau tala nomina pliras gadas, ch'ei suprendien buca e lura ha la vischnaunca fatg si ina tscherna e confirmau tut ils veders ed ida lura in ord l'auter.

### 1873, ils 22 da zercladur

Ei la ludeivla vischnaunca stada radunada el solit liug ed ei sedeliberau sco cheu suonda.

1. Eis ei vegniu instanziau dil Capetel Grond tier tuttas vischnauncas catolicas da far bien ed implazzar igl Altissim ch'el vegni a conservar la baselgia catolica e liberer sia sontgadad papa Pius IX ord la sua exiliaziun e perschunia e ton pli gleiti dar pasch e ruaus e perquei intent ha la ludeivla vischnaunca restabiliu da sut ils 2 da fenadur far firau entochen che las processiuns ein tuttas vargadas. Suenter da quei duei lura vegin ulivau las alps a **Sedrun**, sco far las processiuns ei totalmein schau sura al segnerfarrer e quel duei lura dar part als parochinas.
2. Eis ei vegniu mess avon ch'ei seigi schau via las **Vals Curnera** per igl onn present per 75 frs., nua che la vischnaunca ha il medem di puspei decretau da schar quella vinavon al Tareta per tschun ni sis onns pagond 80 frs. da cheu naven, adina entelgiu da buca vegin si las **Fontanatschas** e **Mut** che vegin pasculau cun la caschada armentiva. Ha Tareta buca acceptau ellas pervia ch'ei seigi memia bia il general pagament.
3. Eis ei tratg ora la cumissiun d'alp che han da reger e cumandar sur tegias ed outras reparaturas e quels ein ils suandonts: statalter Gion Andriu Berther, statalter Stiafen Beer e Thomas Huonder.
4. Eis ei decretau e secunvegniu cun capitani Mugli ch'el baghegi ina tegia enta **Milez Alp Tschamut** sin siu quen, dont il sulom la vischnaunca e far il tetg seigi quei da plattas ni da slondas, ils ulteriurs materials sto tut capitani Mugli metter a siu quen. Vide il contract denter vischnaunca e Mugli.
5. Eis ei decretau digl emprem dar las lennas dallas tegias che drovan per las alps entuorn ord la lenna sederschida e las otras che restan pli tard vender.

5. Ha Vigeli Berther dumandau da far ord in nuegl da dudisch armauls e tegia, far in da 16 cun zona vitier enstagl tegia e quei ei vegniu concediu pagond il sulom che crescha alla vischnaunca.
7. Ha Thomas Huonder dumandau igl arvè per 33 vadials, sco era fegl da Paul Schmet per sis. Ha la vischnaunca dau quei pagond 5 frs. il tgau.
8. Declarau ch'ei seigi buca nurser dalla stad e pretendents per quei dueien seschar neu.

### **1873, ils 6 da fenadur**

Eis ei teniu vischnaunca el solit liug ed ei sedeliberau cura cargar ad alp.

1. Ha pia lura la vischnaunca decretau da cargar las nuorsas il di avon S. Placi ch'ei ils 10, ils auters tiers schetgs dueien vegrnir cargai ils 15 e las vaccas ils 16 da quest.
2. Ha statalter Gion Antoni Monn dumandau sulom da brattar giu sin la **Crusch da Giuv** tut sin prau. Ei dalla vischnaunca vegniu concediu cun reserva da pregiudezis.
3. Giachen Antoni Berther da **Camischolas Sura** ha dumandau l'approbaziun dalla vischnaunca da tener in tier a casa dapli ch'igl uorden, ed ei vegniu concediu.
4. Eis ei vegniu schenghegiau al Franzestg Antoni Verth (*Werth*) igl arvè da duas cauras.

### **1873, ils 17 d'uost**

Eis ei vegniu teniu vischnaunca el solit liug e sedeliberau sco cheu suonda.

1. Eis ei decretau da schar ira els **Cuolms Aults** ils 19 da quest e cuoza entochen s. Michel e scadin che va el **Cuolm Ault** duei pagar alla vischnaunca 1 fr. e quei duei vegrnir dau en als cauvitgs da scadin vischinadi.
2. Eis ei decretau da schar far ora en ..... (*nuncapeivel*) 20 petgas il meister Collumberg, il prezi duei vegrnir marcadaus dil „forstand“.
3. Eis ei proponiu e giavischau dalla vischnaunca da plidar cun il segnerfarrer ch'el fixeschi ils uffecis da dumengias e firaus avonmiezdi in'ura pli baul e zuar schar tuccar d'ensembla alla 9 uras, duei il gerau plidar.
4. Eis ei vegniu schenghegiau igl arvè d'ina vacca al Giachen Franzestg Berther da **Rueras**.
5. Eis ei clamau da dar en caltschina tgi che vegli ch'ei vegni sin igl atun barschau e dau termin 15 dis da dar en, che fuss tochen igl emprem da settember.

### **1873, ils 28 da settember**

Eis ei teniu vischnaunca el solit liug ed ei sedeliberau sco cheu suonda.

1. Eis ei vegniu mess avon il pareri co pagar giu il deivet da cumin ed ei stau per pagar giu tenor pareri: votants 86 e da buca pagar giu eis ei stau buc in encunter.
2. Eis ei mess avon cura ins vegli dar lartg. Ha lura la vischnaunca decretau aschia, ils tiers armentivs e las cauras sin venderdis ils 3 d'october, ils tiers casa ils 6 e las nuorsas ils 11 d'october. Als pasturs duei vegrnir pagau en sin la dumengia als cauvitgs da mintga vischinadi, sco era il sal ch'ei per scadina nuorsa 38 raps ina, cumpigliau il sal 3 raps ina.
3. Eis ei vegniu decretau da schar ir a schubergiar ora lenna sederschida els uauls cumins da **Maun Sut** ellas schetgas novas da **Maun Sut** e zuar in per siu diever ni vender ni ira in per l'auter, priu ora cattar in per siu quen e duei vegrnir fixau sin ils 26 d'october da schar ir a schubergiar, duei buca puder vegrnir entschiet a luvrar vid tala lenna lavur entochen las 7 dalla damaun sut peina da castitg.
4. Davart vender lenna ellas schetgas duei igl emprem vegrnir questa jamna priu ora quei per diever dallas tegias dallas alps e lura duei vegrnir vendiu immediat cun ordavon schar saver cura ei vegn vendiu e nua.
5. Eis ei decretau da dar via da trer il chis per igl onn present, essend ch'il bia chis ei sin il cuolm, ha lura la vischnaunca schau sura als geraus da contractar cun quels dils cavals e tgi che vul trer chis duei dar en, sco era il prezi als geraus e quels dueien lura far il prezi.
6. Eis ei mess avon che cun il „camifeger“ Stoffel seigi buca da saver esser segirau per far giu ils tgamins. Ha lura la vischnaunca sinquei decretau d'encurir in auter empau meglier e schau sura al president.
7. Eis ei vegniu rapportau ch'egl **Uri** seigi la malsogna dalla zoppina. Ha la vischnaunca decretau che tgi che mondi cun tiers egl **Uri** e tuorni anavos, duei per igl emprem turnar per il

stradun e lura duei el esser obligaus dad en **Prau Mulins** duei per quels tiers vegrat la curontina, sco era per auters tiers cumprai per prender si e quei sut peina da castitg.

8. Eis ei decretau che la fiera da **Rueras**, che curdava uonn sin dumengia, duei vegrat scret ora che quella vegrni tenida il gliendisdis suenter.

9. Eis ei vegrni decretau da barschar la caltschina ussa immediat.

10. Eis ei vegrni publicau ch'ei seigi piars in blah ragischs (*d'ansaua*) da vegrat giu da **Tschamut** entochen **Sedrun** e tgi che hagi anflau, duei quei notificar al president Lucas Caveng.

11. Eis ei notificau che tgi che hagi fatg partiziuns e midadas dalla rauba che paga taglia, duei notificar immediat al president da vischnaunca.

12. Eis ei notificau a quels dadens **Dutg Grond** ch'igl onn present stoppien els trer las petgas e paricarrs e dueien ver quita cun far, cun schar saver ordavon il „veger“ per metter giu sil plaz.

13. Ha gerau Giachen Antoni Schmet dumandau in sulom per far ina tegia enta **Strem** el **Stavel Dadora** pagond il sulom tenor solit e taxa da vischnaunca. Ha pia la vischnaunca concediu ad el quei sulom oz e per adina, ch'ei seigi proprietad sia tala tegia che vegr sin quel baghegiada, pagond sco schon detg per il sulom.

### 1873, ils 11 da november

Eis ei teniu vischnaunca el solit liug ed ei sedeliberau sco cheu suonda.

1. Eis ei vegrni legiu igl uorden da fiugs, luvraus ora dil magistrat da cumin, approbaus dil Cussegl Pign e la vischnaunca sco tala ha fatg neginas remarcas, sondern ils vischinidis ein s'obligai da far las scalas ed ils frisachens che mauncan. Suenter ver mess en effect in ch'ei a **Rueras** e dus a **Sedrun**, duei la vischnaunca far far sin quen. Appartenent il far tetgs da plattas duei entras il „forstand“ vegrir encuretg per in meister e zuar entras scriver ora.

2. Eis ei mess avon ch'ei seigi oz da far ni renovar igl uorden per ils arvès, ha la vischnaunca unitamein decretau da star vid igl uorden digl onn vargau.

3. Eis ei suenter vendiu las nuorsas jastras ch'ei stau duas, ina pergarera (*pigrera, nuorsa bergamasca*) ed ina nera.

### Igl onn 1874

#### 1874, ils 4 schaner

Eis ei vegrni teniu vischnaunca el solit liug ed ei sedeliberau sco cheu suonda.

1. Eis ei dil president vegrni mess avon davart la malsogna dallas nuorsas che grasseschi a **Mustér** trasora pli e pli e tgei ins vegli far. Eis ei recumandau ch'ils da **Bugnei** tegnien anen sias nuorsas e laschien buca comunicar anora, sco era auters vischins ord **Bugnei** e negin vegrni cun nuorsas ord la vischnaunca da **Mustér** senza quellas far la curontina.

2. Eis ei vegrni legiu giu igl uorden da fiug e declarau ch'ils vischinidis tilien ora ils visitaturs, mirien e fetschien las scalas e lattas per ils frisachens e la vischnaunca detti quels a siu quen, sco era ils umens vid las sprezzas e qurers.

3. Eis ei vegrni fatg attents sur dils tetgs dirs e ch'ins enqueri per in meister per far las plattas en nossa vischnaunca. Ei schau sura als geraus e scriver ora e mirar per in da quels e nua ch'ei detti plattas per furnir alla vischnaunca.

4. Ha Vigeli Caveng dumandau sulom sin prau oragiu **Mulinets** da far ina talina.

5. Han ils affons da Giachen Fidel Caveng dumandau da baghegiar dus nuegls da sedisch armauls a **Scharinas** sin pastira, bein aber dueien far la tegia e tschaler sur ils nuegls e buca prender autra pastira.

#### 1874, ils 25 da schaner

Eis ei vegrni teniu vischnaunca el solit liug ed ei sedeliberau sco cheu suonda.

1. Ha il signur president mess avon ch'ei seigi oz il di per votar giu ils treis pugns dalla recapitulaziun ch'ein sco suonda.

1. Sur il pugn dalla libra collacziun da tutt burgheis svizzers

2. Sur in niev uorden da stumadira

3. Da saver e far pagar giu tutt tscheins funsils

Ha lura la vischnaunca elegiu ora dus dumbravuschs e quei gerau Stoffel e statalter Lurenz Giacomet e sco actuar gerau Jacob Schmet.

Sur igl emprem pugn eis ei stau 74 votants e per prender si ella 47 e da buca prender eis ei stau 27. Sur dil secund pugn eis ei stau votants 86 e quels han tuts refusau quella lescha. Sur dil tierz pugn eis ei stau votants 80 e quels ein stai per quella lescha refusar tuts.

2. Gion Flurin Riedi ha dumandau a **Liez** da metter sin in sulom d'ina tegia e far orda quella in nuegl da sedisch armauls, pagond la taxa pil carschentar sulom.

### 1874, ils mars

Eis ei teniu vischnaunca el solit liug ed ei sedeliberau sco cheu suonda.

1. Eis ei vegniu dalla vischnaunca decretau che dacheunaven dueien ils cautegias dils schetgs vegnir mess igl atun cura ch'ei vegn tagliau pustretsch da quels tiers, seigi da stiarls ni vadials e stiarlas e cavals e buca pli spitgar sin la vischnaunca da calonda mars u dall'emperma dumengia da mars.

2. Suenter eis ei legiu ora ils cautegias per las alps da schetgs: per **Maighels** Giachen Antoni Monn da **Surrein**; enta **Mila** Duri Berther da **Dieni**; enta **Strem** Gion Antoni Monn Madleiner, per **Nual** e **Tgom** Thomas Huonder; per ils cavals Gion Antoni Schmet

3. Eis ei mess avon pervia dalla malsogna dallas nuorsas che ha grassau a **Mustér** quest unviern, cul num „Schafspocken“. Ha lura la vischnaunca schau sura als geraus da metter in pastur che tegni en dil territori da **Mustér**.

4. Eis ei mess avon sch'ins vegli buca far in uorden sur dallas nuorsas la primavera e stad, nunpregiudicond quel fatgs cun igl uorden dils presents diesch onns dalla stad e primavera. Ha la vischnaunca decretau da trer ora ina cumissiun da plirs commembers sin venderdis ad otg per schar luvrar ora in pareri e lura rapportar alla vischnaunca.

5. Eis ei vegniu concediu ils cheu suandonts suloms:

1. Al Duri Berther in sulom d'ina zona enta **Mila**.

2. Al Gion Palli da brattar sulom da prau d'in faner, prender naven a **Mulinatsch** e baghegiar si **Plaun Sutè**.

3. Al Thomas Huonder enta **Milez**, schar ira sut il sulom staus da Catrina Sievi e baghegiar en in auter liug leu e zuar empau pli gronda cun pagar il surpli la taxa.

4. Statalter Giacomet da schar far ord in nuegl da vegn armauls dus da sedisch si **Valtgeva** cun l'obligaziun sco Giachen Martin veva e pagar il sulom il surpli.

6. Eis ei decretau da schar sura a scadin vischinadi da trer si ina collecta voluntaria per ils da **Laax** e **Schon** e lura purtar quellas tier il president da vischnaunca cun lura schar reparter quel quellas.

7. Eis ei vegniu petiziunau ch'ins lessi il cuors da posta ch'el massi e vegnessi sera e damaun en lingia dalla posta da **Mustér**; quella petiziun en num dalla vischnaunca duei vegnir dada en dil president.

8. Ei dalla vischnaunca vegniu incumbensau il president per mirar suenter da saver cumprar ina ni duas bunas sprezzas e lura rapportar alla vischnaunca suenter ver novas e tgei quellas cuostan.

### 1874, ils 19 d'avrel

Eis ei teniu vischnaunca el solit liug ed ei sedeliberau sco cheu suonda.

1. Eis ei vegniu mess avon la nova lescha federala, la revisiun dalla Confederaziun, nua che oz seigi il di fixau per dar giu ils scrutinis, ni siu votum gie, ni na. Ha pia la vischnaunca legiu ora ils dus dumbravuschs e quei gerau statalter Stoffel Riedi e gerau statalter Lurenz Giacomet, aschia lura eis ei passau sin schar scrutinar e per prender la nova lescha federala eis ei stau cun gie buca in e per refusar quella cun na eis ei stau 214 e tier il „Standes Votum“ eis ei cun gie buca in e per na eis ei stau 18, aschia en tut eis ei stau votants 238.

2. Eis ei vegniu clamau da dar en caltschina e quei en otg dis e quels che vevan vedra, dau en igl onn vargau, ein per l'emprema barschada ils emprems.

3. Eis ei vegniu fatg attents ch'ils frisachens seigien cheu e hagien da basegns fravis per metter en las lattas ed ei concludiu da dar in ton a **Rueras** ed in ton a **Camischolas** e **Sedrun** tier tuts treis fravis per schar rugalar en quels tenor sco ei vegn dau las ordras.

4. Eis ei vegniu mess avon il barschament da **Brinzeuls** che seigi aschi enorms e clomien zun fetg per agid general. Ha la vischnaunca decretau da schar ir ils cauvitgs a trer si en ses

vischinadis ina collecta voluntaria e lura tarmetter tier quella ad els.

5. Ei vegniu fatg enconuschen ch'ei seigi pladiu nurser e zuar quel digl onn vargau per il prezi da 34 raps ina ed il sal ei 3 raps che porta ensemen 37 raps ina.

6. Eis ei vegniu mess avon sche la vischnaunca vegli buca scumandar da schar duvrar igl ieli da barschar e zuar il neolin. Ha la vischnaunca unitamein scumandau e zuar sut peina da castitg, sch'enzatgi da cheu nave drova.

7. Eis ei vegniu legiu ora ina nova cumissiun d'alps e zuar ein quels statalter Stiafen Beer, statalter Gion Paul Berther e statalter Giachen Antoni Venzin e suenter da quei eis ei era legiu avon igl uorden dallas alps per quels diesch onns e las lavurs cuminas dueien vegnir fatgas sco quel plaida en alps da vaccas, stiarls e stiarlas e vadials e cavals e pastiras da casa a norma da tiers che gaudan, cun el medem temps aschuntar vid igl uorden da quels diesch onns, ch'ils cavals dueien era far lavur cumina e zuar in cavagl per duas vaccas ed ils vadials mintga quater per ina vacca ed ils puleins valan per in vadi e quels dueien far sia lavur cumina nua ch'ei gaudan la maglia, seigi a casa ni ella alp ed ils puleins van cun ils vadials dil medem patrun e buc ell'alp da cavals.

#### 1874, ils 26 d'avrel

Eis ei teniu ina radunanza da vischins el solit liug ed ei sedeliberau sco cheu suonda.

1. Eis ei vegniu lamentau sur dil meister mustregia Derungs ch'ei seigi crapau otg liufas ch'el hagi mustregiau ed aunc pliras sin ventscher e veglien ch'ei vegni encuretg in auter meister. Han pia ils vischins schau sura als geraus d'encurir per in auter e zuar ton pli gleiti.

2. Eis ei vegniu fatg attents da dar en tgi che vegli bagheggiar baghetgs novs il present onn, quei ei stau per amur da mirar pervia dalla lescha dils tetgs dirs ed ei lura vegniu notificau ils suandonts: frars Hetz a **Caspausa**, affons Giachen Fidel Caveng a **Scharinas**, statalter Stiafen Beer a **Sedrun Sura** e statalter Giacomet a **Valtgeva**.

3. Eis ei mess avon sch'ins duei buca mirar per in per bunas sprezzas, sco era tgei prezi che quellas vegnan. Han ils vischins schau sura als geraus e lura pli tard rapportar.

4. Ha statalter Gion Andriu Berther dumandau da brattar in sulom d'in chischner dador sia casa e purtar quel si per il clavau, zuar cun quater posts.

#### 1874, ils 3 da matg

Eis ei teniu ina radunanza da vischins e specia da vischnaunca ed ei sedeliberau sco cheu suonda.

1. Eis ei vegniu mess avon sch'ins vegli far mundi. Ha la vischnaunca refretg entochen dumengia e schau oz fixar vischnaunca.

2. Ha Sempione dumandau da prender per tscheins las **Vals Curnera** e zuar per treis onns. Ha la vischnaunca decretau da schar quellas sco igl onn vargau e zuar per treis onns cun las medemas nodas e tiarms e reserva da segar, sche la vischnaunca vul tenor siu plascher, pagond 85 frs. per onn, cass cuntrari, che Sempione mass ord il territori cun las nuorsas, sch'en gliez cass po la vischnaunca retrer quella e sefar pagaus per igl importo da quei onn da tuttas uras.

3. Eis ei dalla vischnaunca vegniu demissiunau il „Camifege“ Monn da **Mustér** e priu si per nies „Camifege“ Pieder Stoffel dalla **Val Sumvitg**, zuar nundeterminadamein ed il prezi ei il tgamin da duas alzadas 17 raps e quels da treis alzadas 20 raps cun mintgaga 2 frs. „Vargeld“ e quei vegn fatg giu duas gadas per onn, atun e primavera.

4. Eis ei dau duas buccadas lenn en **Pardatsch** a Giachen Antoni Curschellas per rugalar si siu baghetg da **Pardatsch** ruinaus dalla lavina e zuar ein quels dus lenns dai gratis.

5. Eis ei vegniu decretau sin sugar dils calusters da derscher giu il chischner dalla calustaria e da leu nave mai pli far sin la calustaria chischner.

#### 1874, ils 10 da matg

Eis ei teniu vischnaunca el solit liug ed ei sedeliberau sco cheu suonda.

1. Eis ei vegniu sedeliberau cura far mundi ils s.v. tiers casa e las nuorsas. Ei lura dalla vischnaunca decretau da far mundi ils tiers casa damaun, ils 11 da quest e las nuorsas ein schadas sura als geraus cura far ira.

2. Eis ei priu si per nies mustregia Gion Giusep Baselgia da **Cumpadials** tenor senn e cuntegn

dalla brev al „forstand“ tarmessa tier da vegnir treis gadas ad onn, la fin da matg ed igl avrel ed igl atun pagond 50 raps ina e dar en als geraus tgi hagi da schar mustregiar avon ch'el vegni; priu si uonn determinau.

3. Ei Stoffel parler approbaus per nies „Camifeger“ e quei per nundeterminau temps.
4. Concediu a Gion Fidel Berther in sulom da far ina talina u faner oragiu **Mila** sin prau.
5. Ei cumpariu il clom d'agid per ils da **Breil** ch'ei da quest barschau. Ha la vischnaunca decretau da dar 30 frs. ord cassa da vischnaunca.
6. Ha mistral Weinzapf petiziunau da metter in ni dus puleins da schotg meins sin nossa alp da cavals. Ei concediu pagond tuts pustretschs alla vischnaunca 15 frs. in.
7. Eis ei fatg attents tut ils visitaturs da fiug ch'ei dueien mirar tier scadin vischin tgei reparaturas ch'ei drovi, seigi quei da tgei natira ch'ei vegli, per ademplir la lescha da fiug e lura dar in exact rapport al gerau.

#### 1874, ils 25 da matg

Eis ei teniu vischnaunca el solit liug ed ei sedeliberau sco cheu suonda.

1. Ha statalter Bruno Soliva mess avon ils quens menai da 1873 sco statalter regent ed ein dalla vischnaunca approbai cun engraziament.
2. Ha la vischnaunca mess statalter regent per igl onn 1874 e quei Felici Monn.
3. Eis ei dalla vischnaunca decretau d'aunc trer si ina collecta en baselgia tier il schon fixau da dar per stir e lura tarmetter tier al comite d'agid tut ensemens.
4. Eis ei fatg attents ils visitaturs da fiug d'immediat visitar tuttas reparaturas che sedamondan tenor uorden da fiug e metter quella prescret e purtar al „forstand“.
5. Eis ei vegniu publicau da far mundi las cauras.
6. Eis ei vegniu decretau da far la via dalla caltschina e zuar mo quels dador **Dutg Grond** e quei sin venderdis.
7. Eis ei schau via las **Vals** per treis onns al Conpiana per 88 frs. e zuar tenor accord digl onn vargau.
8. Ha la vischnaunca decretau da schar far giu il meins da zercladur ils tgamins il „Camifeger“ niev, essend il veder giu fatg giu memia mal.
9. Ha la vischnaunca suenter ver legiu igl accord dallas sprezzas decretau da prender duas tenor il stipulau da 3500 frs. cun in ton „Schlaus“ vitier ed aunc mirar sche pusseivel ei da far dar il meister aunc in ton vitier suren, ni final per pagar in ton, duei vegnir secret als Benzingers e resalvau *la apra batins* dalla vischnaunca.
10. Ha Giachen Lurenn Berther dumandau da ruchegiar il sulom dalla tegia si **Malamusa** e far vitier ina stiva da mises. Ei concediu cun pagar il sulom e duei vegnir dau neginas lennas vid tal baghegiem, seigi oz ni damaun ed era tala scumiada duei buca vegnir en donn e per giudezi d'enzatgi, quei ei per sevrau (*serrau*) dalla vischnaunca.

#### 1874, ils 31 da matg

1. Eis ei mess avon alla vischnaunca il contract fatgs per duas sprezzas, ni era mo ina, cumprau in tons „Schlaus“ vitier cun ils Benzingers da **S. Pieder**, il qual ei en quei mument staus a **Sedrun** ed ei vegniu serrau giu per 3500 frs. per duas. Ha la vischnaunca decretau da prender duas ed aunc „Schlaus“ e strubas per 500 frs. aschia che porti per 4000 frs.
2. Eis ei vegniu mess avon ils revedi decrets da cumin. Ha la vischnaunca suenter liunga e madira ponderaziun concludiu da dar en ina protesta, essend quels passien memia da tier sur la libra collocaziun e beins generals da nossa vischnaunca, sco era il vuler prender en vischins da cumin sin tala revedida moda.
3. Eis ei vegniu concediu dalla vischnaunca ils sequents suloms sco suonda:
  1. Al Gion Antoni Giacomet in nuegl e clavau
  2. Al Lezi Mugli enasi ils **Crests** sin prau, brattar sulom d'in faner
  3. Al Sep Antoni Huonder el vitig **Sedrun** sin pastira sper siu baghetg e talina far ina zona da cauras e clavau suren.

#### 1874, ils 5 da fenadur

Eis ei teniu vischnaunca el solit liug ed ei sedeliberau sco cheu suonda.

1. Eis ei vegniu mess avon cura ins vegli ulivar las alps e cargar ad alp. Ei dalla vischnaunca vegniu d'ulivar oz e da cargar las nuorsas ils 7, ils auters tiers dueien vegrir cargai, stiarls e stiarlas e vadials ils 14 da quest e las vaccas ils 15.
2. Ha Lurenz Schmet dumandau sulom si **Cungieri** per in nuegl da dudisch armauls sin pastira, il qual ei lura vegnius concedius.
3. Ha Hans Giachen Caduff dumandau per grazia la jarva d'ina vacca ch'el veva giu in meins sin pastira en cumbinaziun d'ina stiarla ch'el veva giu piars. Ei quei concediu ad el dalla vischnaunca.

#### **1874, ils 15 d'uost**

Eis ei teniu vischnaunca el solit liug ed ei sedeliberau sco cheu suonda.

1. Eis ei vegniu decretau da schar ir el **Cuolm Ault** ils 17 da quest e scadin che va sto pagar 1 fr. il tgau ed ei libers da far quels entochen s. Michel.
2. Eis ei graziau miez igl arvè d'ina vacca al Sep Antoni Gieriet.
3. Eis ei fatg attents ils possessurs da vadials che han magliau a **Pardatsch** l'alp da vadials, che tuts stoppien vischinar cun il pustretsch, schegie ch'ei hagien buca cargau quels.

#### **1874, ils 13 da settember**

Eis ei teniu vischnaunca el solit liug ed ei sedeliberau sco cheu suonda.

1. Eis ei dil president rapportau che la zoppina grasseschi vinavon a **Mustér** e **Sumvitg** ed aschia il temps dallas fieras neutier, ei animau ils nos marcadonts ch'ei dueien buca ira per tiers en vischnauncas da malsognas ed ins vegni a far diever strentgamein dalla lescha prescreta. Ultra da quei eis ei vegniu mess avon alla vischnaunca sch'ins animassi il cavrer da **Bugnei** e **Sedrun** da buca schar ira cun las cauras encunter ils cunfins da **Mustér** e da l'autra vart schar saver entras il fegl ufficial las cunfinontas vischnauncas che nossa vischnaunca stetti stregn vid las leschas presclettes da sanadad e cass cuntrari duei scadin che surpassi quellas purtar la peina sco el meretti, cun dasperas ha lura la vischnaunca decretau da metter in „vacht“ dil maun encunter **Cuolm da Vi** e quei in ni dus dis per jamna entochen ch'ei dat lartg.
2. Eis ei vegniu legiu ina brev dil president da cumin che tractava pervia da far el cumin in medem uorden pervia dils tiers jasters. Ha la vischnaunca schau sura al gerau da tschentar si quel e zuar en quei senn.

1. Schigleiti sco las nuorsas ein zavradas, duei vegnir priu giu las nodas da quellas entras il president da vischnaunca e da quel immediat scret ora a scadina vischnaunca cun in termin da diesch dis da vegnir persuenter e lura las vanzadas vender. Quels tiers che vegnan pigliai si suenter, dueien vegnir menai il di da s.Tumaisch (21-12) sur baselgia e nunvegnend a patrun, duei quei di esser schau prender giu las nodas il president e vegnir scret ora immediat, adina entelgiu buca entras la gasetta, sondern posteriuramein.

#### **1874, ils 27 da settember**

Eis ei teniu vischnaunca el solit liug ed ei sedeliberau sco cheu suonda.

1. Eis ei dil president vegniu mess avon che nies signur caplon hagi resignau la pervenda da **Sedrun** e sche la vischnaunca lessi buca tarmetter ina deputaziun tier el per el influenzar ch'el stetti cun nus. Ha la vischnaunca tratg ora ils geraus cun il statalter regent e supplicau quella cumissiun da far tut pusseivel per far star cun nus.
2. Eis ei vegniu mess avon cura ins vegli dar lartg ed ei lura decretau da dar lartg ils tiers armentivs e cauras ils 6 d'october, las nuorsas tenor uorden otg dis suenter ed ils tiers casa ein resalvai entochen dumengia dil rusari che fuss ils 4 d'october e lura eis ei concludiu da dar lartg per ils 7 da quei meins.

#### **1874, ils 18 d'october**

Eis ei teniu vischnaunca el solit liug ed ei sedeliberau sco cheu suonda.

1. Eis ei vegniu fatg sur dils arvès per igl onn 1875. Ha la vischnaunca decretau da star tut tier igl uorden digl onn vargau ed auters onns vargai.
2. Eis ei vegniu mess avon tgei ch'ins duei far cun ils tschuts buca nudai, seigi lura pigns ni gronds. Ha la vischnaunca, suenter liunga ponderaziun, decretau e tschentau per uorden e basa

dacheunaven da mintg'onn admonir il nurser, ch'el nodi tut ils tschuts che tettien, seigi quei pigns ni gronds, bein aber ch'el seigi cunscienzius e miri surtut che tals tschuts ch'el nodi tettien sias mummas e ch'el fetschi a scadin da quels la gesta noda da sia mumma, sinaquei ch'ei detti buca pli tard dispetas da quellas varts ed ultra da quei eis ei concludiu, ch'ei vegni pagau mo ils tschuts ch'ein nudai ed ils auters buca nudai, hagi il nurser negina pagaglia, seigi lura pigns ni gronds e lura ha la vischnaunca decretau che negin sappi zavrar tschuts buca nudai senza mussar als geraus da vischnaunca che quels tettien lur mummas e lura en gliez cass vegn tal tschut renconuschius dil gerau, san ei ira cun el per si'atgna proprietad. Ils auters tschuts buca nudai, seigien pigns ni gronds, ha la vischnaunca decretau da schar alla baselgia da s. Vigeli.

3. Eis ei vegniu mess avon ils treis pugns dalla recapitulaziun, ils quals ein stai ils suandonts:

1. Sch'ins vegli in niev uorden per tener cumin, il qual ei vegnius fiers cun 130 vuschs.
2. Sch'ins vegli scumandar da schar via alps als pigurers, seigi generalas ni particularas. Ei lura votau per prender si quei pugn per lescha e scumandar ed ei stau mo 10 votants, per fierer eis ei stau 86.
3. Sch'ins vegli schar setener vid las reits dallas vias mintga onn 150 melli francs enstagl mo sco ei era decretau mo 120 melli per onn. Eis ei vegniu votau ed ha giu negin per quei pugn e per fierer quei pugn eis ei stau 108 votants.
4. Eis ei vegniu schenghegiau igl arvè per duas cauras al Gion Fidel Berther.

## 1874, ils 5 da decembre

Eis ei vegniu clamau vischins nua che quels ein serendi sil plaz solit da vischnaunca. Ha lura gerau Schmet mess avon alla radunanza da vischins, ch'ils cauvitgs hagien survegniu ina avisada dils marcadonts d'arver las vias ni stradun per ir a fiera da **Cuera** cun las pials ed auter entras Thomas Huonder e cumpignia e duess quei buca daventar, vegnan els a far arver la via commerciala sin donn e cuost dils vischinadis u dalla vischnaunca.

Suenter ina liunga debatta han ils vischins rispundi ch'ei arvien buca e seigien era buca obligai d'arver la via da neiv. Els seigien mo obligai da menar il chis sin la via ed outras ulteriuras obligaziuns hagien els priu si encunter il cantun neginas e tgi che hagi empermess al cantun, duei sez far e purtar la peina e quei seigi detg oz e per adina e cunquei ein ei lura passai in ord l'auter per quei di.

## Igl onn 1875

### 1875, ils 28 da fevrer

Eis ei teniu vischnaunca el solit liug ed ei sedeliberau sco cheu suonda.

1. Eis ei vegniu mess avon alla vischnaunca che tenor la nova constituziun havessen scadina vischnaunca stuiu leger ora u confirmar sia suprastanza e scadin „Beises“ hagi era tier talas elecziuns da dar vusch e sappien era vegnir elegi tier tals uffecis da vischnaunca ni auters. Ha pia lura la vischnaunca turnau a confirmar la suprastanza vedra entochen primavera.
2. Eis ei vegniu mess avon la radunanza u conclusiun da quella prida a **Glion** pervia da dar en ina petiziun al Cussegl Pign sur la nova revisiun cantunala pervia dil dretg dil pievel. Ha lura la vischnaunca approbabu da dar en tala petiziun al Cussegl Pign entras il „forstand“ communal.
3. Eis ei vegniu publicau dus concuors, in dil Tuor da **Sumvitg** e l'auter da Thomas Riedi da **Tujetsch**.
4. Eis ei concludiu sin la petiziun dils disgraziai da **Paisch (Peist)** e **Seewis** da trer si ina collecta voluntaria per quels e lura tarmetter tier a quels miez perin.
5. Eis ei vegniu mess avon plirs nursers e lura ha la vischnaunca pladiu per igl onn present sco nurser dalla stad Giachen Antoni Curschellas da **Surrein** e per sia pagaglia eis ei dau ad el 27 raps il tgau e treis raps il tgau vegn il sal, aschia ch'el sto trer en per scadina nuorsas 30 raps il tgau e lura sto el pagar anavos alla vischnaunca per il sal.
6. Eis ei vegniu elegiu sco urentader da biestga Gion Battesta Peder da **Rueras** enstagl il d.f. statalter Martin Felici Schmet.
7. Eis ei vegniu mess cautegias per las alps da schetgs, ils quals ein ils cheu suandonts.

Per **Maighels**

statalter Vigeli Giacomet

Per **Mila**

scarvon Martin Felici Beer

Per **Strem**

Vigeli Berther, giuven

### 1875, ils 28 da fevrer

Ha la vischnaunca legiu ora ina cumissiun cun commembers da mintga vischinadi, la quala lavuri ora ina commensurada augmentaziun per la calustaria da **Sedrun** e sut ils 7 da mars veginir a metter avon als vischins avon metter calusters. Ha pia la cumissiun giu luvrau ora suandonta augmentaziun, la quala ei finalmein unitamein veginida approbada dalla vischnaunca.

1. Scadina bara gronda dacheunaven pagar als calusters per tuttas sia breigias treis francs ina
2. Scadin baret duei pagar als calusters in franc ina
3. Scadin battegiem dueien padrin e madretscha pagar als calusters in franc il pèr.
4. Scadin pèr da nozzas duei pagar als calusters in franc.
5. Eis ei schau da segar la **Val dils Calusters** ed il **Grep Ault** e la **Rusnetta** sco ils paupers segavan leu ils medems cunfins e tiarms als calusters.
6. Finalmein eis ei schau als calusters per urbarisar quei sut la punt da crap dil **Run** e dador il **Run** ed enagiu sco la **Calustaria** va giu per prau dalla calustaria e quei oz e per adina nunmidond.

Suenter da quei ch'igl ei aviert tgi vegli far caluster, eis ei vegniu mess per in onn Sep Antoni Gamboni e Lucas Beer.

7. Ha la ludeivla vischnaunca resalvau da prender naven dalla calustaria quella sura augmentaziun qual mument ch'ei plai ad ella cura ch'ei vegin mess caluster mintga onn.

### 1875, ils 4 d'avrel

Eis ei teniu vischnaunca el solit liug ed ei sedeliberau sco cheu suonda.

1. Eis ei vegniu mess avon il pareri screts ora co e nua ins vegli tener cumin, sco era co ins duei secuntener per far quel, essend la lescha cantunala da schar far las elecziuns en mintga vischnaunca e quei entras scrutinis ni entras votar e dumbrar, sco quei sa daventar era sin cumin. Ha la vischnaunca per igl emprem tratg ora dus "Stimazelers" e quei gerau statalter Stoffel e gerau Lurenz *Giacumet* ed ei lura vegniu votau per tener cumin sco tochen encheu a **Mustér** el solit liug cun far las tscharnas e l'autra tscharna ei stau votants per tener cumin sco tochen da cheu 134 e per tener cumin en vischnaunca cun scrutini ni sin cumin cun scrutini eis ei stau buca in.
2. Eis ei vegniu approbau la cumissiun che duei ira atras ils quens da cumin tenor pareri digl obercheit e zuar ella persuna da signur mistral Arpagaus e signur gerau Lucas Caveng e signur mediatur Ludivitg Decurtins, **Trun**.
3. Eis ei vegniu approbau il pareri pervia da pigliar si tiers jasters, luvraus ora dil magistrat, il qual ei sco cheu sunda.

1. Duei tier nuorsas da piazas buca esser lubiu tagliar la noda ellas ureglas, sondern quels tiers dueien vegin nudai cun differentas titgiras.
2. Duei buca esser lubiu da pigliar si tiers jasters avon ch'ei siari en unviern, priu ora tiers, che restan anavos da zavradas.
3. Dueien tuts tiers jasters pigliai si vegin menai l'emprema dumengia sin **Cadruvi** e nunvegnend a patrun duei ins menar els tier la suprastanza communalia per schar prender giu la noda ed immediat scriver ora quels tiers.

4. Conclusivamein fagein nus da saver ch'il magistrat hagi sin differents giavischs concludiu da dar tier da schar vender firaus e dumengias raubas ord stizun schigleiti ch'ils survetschs divins parochials d'avommiezdi seigien fini, buc aber duront las viaspas parochialas. Las principalas fiastas ei sco tochen dacheu scumandau da dar ora rauba ord stizun, num cass extraordinaris.
5. Eis ei vegniu da gerau Paul Schmet dumandau da brattar sulom e quei schar ira sut il baghetg smaccaus en sper la punt da **Casti** sia part e baghegiar per cheu encunter sin siu prau a **Sudada** in faner per diever da quei fein, zuar senza donn e pregiudezi da tiaras personas.
6. Ha Lucas Caveng, giuven, da **Rueras**, dumandau sulom per baghegiar sia casa transportada da **Cavorgia** e zuar sin **Cadruvi** sper la remisa sur il stradun encunter il **Run** adina entelgiu cun dar repass alla vischnaunca u als vischins da **Sedrun** d'ira cun ses tiers si **Run** e carrabel per trer

giu da quel sablun e crappa cun dasperas declarar da buca star vid igl uorden stabilius, tgei pagar il fest per tala pastira, sondern remetter alla vischnaunca igl importo da quei sulom cun aunc surprender sursesez il transport da menar quella lenna, che president Lucas Caveng ha sin quei plaz suenter che la vischnaunca ha stabiliu e dau in auter plaz per metter quella lenna. Schigleiti sco la vischnaunca ei entrada tier tala conclusiun, sche ha Vigeli Berther, giuven, mess si per quei sulom 500 frs. era per bagheggiar. Nunsavend pia la vischnaunca ira vinavon, essend cheu stevan dus pretendents ed il davos passa ord sura la stipulaziun da nies uorden. Ha la vischnaunca encuretg da per igl emprem far igl uorden ord ils peis e lura metter quei sulom egl ingant.

Ei lura dalla vischnaunca vegniu mess avon, sch'ins vegli pia rumper igl uorden sur dils suloms, seigi quei en prau sco en pastiras. Ei pia cun il pli vegniu concludiu da star vid igl uorden veder e cunquei ha il president lura dumandau la vischnaunca sch'ella vegli ira vinavon, pia condar quei sulom als dus pretendents, qual hagi per la taxa sco stau tochen dacheu. Ha la vischnaunca cun il maun pli decretau da per il di dad oz refierer e lura sappien ins patertgar e cunquei ei la vischnaunca vegnida desliada.

(*A partir da cheu entochen ils 6 da zercladur 1881 ein ils protocols vegni nudai dublamein e quei els cudischs 1.2 e 1.4. Ils suandonts ein tenor cudisch 1.2*)

### 1875, ils 17 da matg

Eis ei teniu vischnaunca el solit liug e sedeliberau sco cheu suonda.

1. Eis ei vegniu mess avon alla vischnaunca il quen menaus da nies statalter regent Felici Monn ed ei lura vegnius approbaus dalla vischnaunca cun engraziamenti.
2. Eis ei vegniu fatg mundi ils tiers casa damaun ils 18 da quest e las cauras ed anseuls otg dis suenter.
3. Eis ei envidau en nos spirituals tier las elecziuns da leger ora obercheit, sco era la cumissiun da scola e da paupers. E suenter quels esser stai sin il plaz, sch'eis ei vegniu legiu ora igl emprem ils treis suandonts geraus:

1. gerau Giachen Antoni Schmet
2. gerau Lucas Caveng
3. gerau statalter Lurenz Giacomet

dil "Zusatz" (*cussegliers*):

1. statalter Paul Berther, „farner“ e salter
2. Gion Mihel Monn, statalter regent
3. Vigeli Berther da Giachen Martin
4. statalter Fidel Venzin da statalter Giachen
5. Christian Muggli
6. Luis Hendri

4. Suenter da quei eis ei vegniu legiu ora gerau militar Gion Antoni Schmet.

5. Suenter da quei eis ei vegniu approbau ils veders, ton tier la cumissiun da scola, sco tier la cumissiun pauperila e tier la cumissiun da quens.

Cunquei ei la vischnaunca vegnida desliada, cun aunc far da saver, che dumengia ils 23 da matg seigi puspei vischnaunca.

### 1875, ils 23 da matg

Eis ei teniu vischnaunca el solit liug ed ei sedeliberau sco cheu suonda.

1. Eis ei vegniu legiu ora dus "Stimenzeller" e quei gerau statalter Stoffel Riedi e gerau statalter Lurenz Giacomet per lura schar scrutinar sur dils dus novs pugns dalla constituziun e quei sch'ins vegli prender si la letg civila e l'auter sch'ins vegli schar votar tut ils Svizzers che «scheien» sco „beises“ per las vischnauncas entuorn sur tut ils fatgs d'economia. Sch'eis ei lura sin vischnaunca cumpariu votants sin la gliesta 232 ed en quei eis ei stau treis da **Mustér**, ils quals han scrutinau per refusar, ton ina lescha sco l'autra cun na 201 e per prender si quella eis ei stau buc in.

2. Eis ei vegniu decretau da dar la sort lenna da fiug ellas schetgas sco igl onn vargau, il trer la sort duei vegnir sedeliberau dil vischinadi, sch'ei vulan star sco igl onn vargau cun el medem

temps fatg notari che tuttas lennas da baghegiar, sco era far visitar ils baghetgs duei veginr fatg entochen dumengia e sinquei ch'ei sappi veginr dau ora quella e quei duei daventar igl otgavel Sontgilcrest.

3. Eis ei veginiu concludiu da prender plirs cavals ad jarva la stad cun la primavera parter empau, priu quels e zuar aschia, si **Valtgeva** e la pastira da **Camischolas** e vi **Surrein** ed instanziau ein dus cavals da **Sursaissa** e treis da **Glion** cun pagar aschia:

1. ina cavalla cun pulein 25 frs.
2. cavals e puleins envernai, magari mo in onn 20 frs.
3. ultra da quei purtar giu tuts pustretschs, ton dalla primavera sco dalla stad, era per il mascal.

4. Eis ei veginiu petiziunau ch'il pertgirar igl uaul **S.Brida** vegni mess en concurrenza e tgi che vegli pertgirar quel, duei dar en als treis geraus per con a di ei pertgirien e lura il meins da zercladur duei veginr dau giu sco sin ingant, cun ordavon schar saver qual di quei daventi.

5. Eis ei veginiu legiu ora otg "valmeners" per ir a **Trun** ils 6 da zercladur e leger ora la dertgira d'appellaz ch'ein sco suonda:

1. gerau Schmet
2. statalter Gion Andriu Berther
3. Duri Berther
4. Thomas Huonder
5. Giachen Antoni Schmet
6. capitani Mugli
7. statalter Sep Maria Monn
8. Battesta Vallier

e sia pagaglia ei 2 frs

6. Eis ei concludiu dalla vischnaunca da dar las lattas suenter la via e sch'igl ei pusseivel da metter en mo ina per petga ed igl atun prender ora, essend la raschun stada da rumper las petgas da ver en sin treis petgas lattas entiras e duei veginr dau en contas lattas scadin drovi a statalter Gion Paul.

7. Ha Placi Giacomet dumandau da brattar sulom si **Milez** e schar ira sut ils dus nuegls da sedisch armauls staus baghegiaus da gerau Lucas Caveng e metter tscheu enasi sin il plaz dil baghetg staus da statalter Gion Bistgaun Monn cun reserva da schar visitar quels dus suloms e pendorar sch'ei vegni duvrau pastira.

8. Eis ei concediu a Gion Battesta Beer da schar trer grad il mir dadens la purteglia da siu curtain e lura dar speras si pastira, ton sco quei ch'el lai ira sut, mettend il mir sil prau e per trer grad quei mir duei gerau Schmet ed in vischin da **Sedrun** esser e mesirar giu.

9. Eis ei veginiu fatg in uorden per las lavurs cuminas cun lura, per entochen oz, better tut dabien e daschliet ch'era e fatg e stabiliu sco suonda:

En mintga vischinadi duei veginr legu ora in ni dus, ils quals tegnan quen la lavour cumina e da particular quels che veginan avisai e van buca, ils auters aber che veginan buca avisai, ei adina da tener a quen e far ira quels tochen la roda ei finida e per castitg da quels che veginan avisai tier lavour cumina e cumparan buca, ston igl atun pagar castitg 2 frs. a di e duei veginr dau quei da trer en al statalter regent.

Ils destinai umens per quei ein ils suandonts:

<b>Tschamut</b>	statalter Stiafen Schmet
<b>Selva</b>	statalter Gion Antoni Peder
<b>Rueras</b>	Gion Antoni Caveng
<b>Camischolas</b>	Giachen Antoni Berther
<b>Gonda</b>	Gon Bistgaun Beer
<b>Sedrun</b>	statalter Bruno Soliva
<b>Bugnei</b>	Vigeli Deragisch
<b>Surrein</b>	Giachen Antoni Monn
<b>Cavorgia</b>	Luis Hendri

Per la cumissiun d'alps eis ei legiu ils sequents:

1. gerau Gion Antoni Caveng
2. Vigeli Caveng

### 1875, ils 13 da zercladur

Eis ei teniu vischnaunca el solit liug e sedeliberau sco suonda.

1. Eis ei vegniu mess avon ina petiziun dils vischins da **Cavorgia** u dils possessurs dils praus encunter la gassa da **Cavorgia Sura**, ils quals petiziuneschan da schar ira sut quella entira gassa, il qual ei allura dalla vischnaunca vegniu dau tier da schar ira en la gassa e prender naven la seiv dils particulars cunfinonts dils praus sut las suandontas cundiziuns:

A. Dueien ils possessurs che han ils praus dadens il begl da **Cavorgia Sura**, sco la seiv sisura taglia si encunter quella giusut, schar ina purteglia da geina eds in passasch da pei da veginr dalla gassa ora tier ils baghetgs da **Cavorgia Sura** ch'ei leu dus baghetgs ed in leu viagi e per diever dil begl per quels treis baghetgs.

B. Dadora sidengiu encunter ils cunfins u gassa da **Mustér** hagien ils dus frars Rest Giusep e Gion Antoni Giacomet da clauder ora suenter ils cunfins e tiarms quella buccada pastira dador ils suloms dallas casas, bein aber era schar leu ina purteglia da geina cun lura puder trer a quen fest gassa che va en senza pagar la taxa stabilida dalla vischnaunca pli baul digl onn 1864, ils 3 da mars.

C. Sisur la punt da **Cavorgia Sura** giudem el plaz dil prau da Gion Antoni Giacomet agradora encunter la seiv da gerau Maissen da **Cuoz**, sto Gion Antoni Giacomet schar ina purteglia cun geina cun lura puder trer giu classena che va en.

D. Ton dalla gassa sur la punt che va a **Cavorgia Sura** e dador il sulom dalla casa, ei resalvau in passadi da tut temps per diever dils funs e baghetgs da **Cavorgia Sura**, sco era per quei a **Clavau** ch'ei territori da **Mustér** e gudiu e dieschmau da nos vischins.

E. Ei schau sura dalla vischnaunca da serugalar giu cun ils vischins da quels funs e clavaus al gerau Schmet en interess dalla vischnaunca.

2. Eis ei vegniu mess avon alla vischnaunca che Lucas Caveng da **Rueras** e Vigeli Berther, giuven, da **Camischolas** petiziuneschien per suloms sin pastira da bagheggiar e zuar quei toc denter la via vedra ed il stradun anen entatier il **Run** sut la remisa da gerau Lucas Caveng, mo tenor nies uorden da 1866, 21 da matg, sappi quei buca daventar da survir a dus cun quei pign toc sulom e stetti negin mettel auter da mirar, sche la vischnaunca vegli buca rumper igl uorden dils suloms e lura metter quei plaz egl ingant, sche quel vegni ruts. Ei allura dalla vischnaunca vegnius approbaus igl uorden en siu entir cuntegn, priu ora mess vitier, che aschigleiti sco igl ei dus pretendents vid in sulom che vegn dumandaus sin pastira, seigi nua ch'ei vegli e cul num da sulom sco ch'ei vegli, sche dueien tals suloms vegnir mess en ingant e dau giu a quel che dat il bia da cheu naven, il qual ei lura suenter vischnaunca vegnius vergantaus *ingantaus* e daus al Vigeli Berther da **Camischolas** sco muossa ina brev da marcau cheu el protocol davos tier per 450 frs., mirei el II. cudisch da marcaus pagina 10. nr. 19, che plaida leu cunfins ed obligaziuns.

3. Eis ei vegniu clamau da dar en ils tiers per lura ulivar las alps il di da s. Gions.

4. Eis ei publicau ch'ins vegni a vender las lennas ellas schetgas e zuar entschiet ils 21 da quest e quei ord raschun ch'ins lessi prender ora in ton lenns da clavau ord las schetgas ch'ein seders igl emprem, e quels dueien pagar alla vischnaunca 1 fr. il toc, aschilunsch sco ei tonscha, cun lura entras il bostger vegnir teniu quen quels che retscheivan quels.

5. Eis ei mess avon nua ins vegli bagheggiar il local dallas sprezzas. Ha la vischnaunca anflau per il meglier da dar enta **Rueras** ina gronda sprezza ed ina gronda a **Sedrun** e mirar da far plaz els tschalers da scola, ton leuen sco tscheuora e las duas outras sprezzas dar ina da **Maun Sut** ed ina **Dadens gl'Uaul**.

6. Eis ei fatg attents ch'ils frisachens ch'ein da certs vischinadis buca vegni fatgs en, dueien vegnir immediat fatgs en e che scadin vischinadi miri ch'el hagi scalas e lura dueien quels ch'ein destinai per il fiug, che visetan, dar rapport sch'ei seigi reparau e mess en uorden quei che muncava.

### 1875, ils 4 da fenadur

Eis ei teniu vischnaunca el solit liug e sedeliberau sco suonda.

1. Eis ei vegniu mess avon cura ins vegli cargar ad alp e quei ei lura decretau aschia, las nuorsas eis ei schau sura als geraus da far cargar questa jamna tenor sco l'aura fa. Ils tiers gronds dueien

vegnir cargai, ils stiarls e stiarlas e vadials ils 12 da fenadur e las vaccas e genetschas ils 13 da fenadur.

2. Ha Lurens Schmet dumandau la vischnaunca lubientscha da baghegiar siu baghetg niev si **Cungieri** enstagl da crap cun da lenna ord raschun ch'il terren tschessa e las miraglias dattan en.

3. Ha fegl da Paul Schmet mess ina protesta, ch'ei vegni cargau stiarls ell'alp da **Maighels**, che hagein buca dretgs e vegni a tals far garants e responsabels per ses tiers.

### 1875, ils 18 da fenadur

Eis ei teniu el solit liug ina radunanza da vischins u vischnaunca nua che tier quella ei vegniu mess avon sch'ins lessi buca petiziunar per in agid per la catastrofa da tempiesta stada ils 7 da fenadur la quala ha bombardau sur en ed ora da **Tujetsch**, prius a quen da 40'000 entochen 50'000 frs., cun lura schar vegni tier tut quei agid alla classa mesauna che han pitiu donn en tala catastrofa. Ha la vischnaunca unitamein approbau da petiziunar per tal agid e tut quei che vegni, duei schar vegni tier alla classa mesauna sco il comite d'agid anfli per bien e lura sin quei eis ei vegniu elegiu ora il comite ils suandonts persunals.

1. signur president Plazi Condrau

2. signur Lucas Caveng

3. gerau Giachen Antoni Schmet

Suenter da quei eis ei moviu ch'ins duei petiziunar tier igl „oberfarner“ per la lubientscha da schar far empau dascharina cun ina scua, essend igl onn present entras tala catastrofa seigi fetg da basegns per da stiarner e lura ei la vischnaunca stada cuntenza da far tala petiziun cun aunc mirar pli tard da schar segar palius ed auter pavel da stiarner.

Finalmein ha Lucas Caveng da **Rueras** dumandau sulom per baghegiar ina casa a **Sontget** sin siu prau sco era talina. Ha lura la vischnaunca concediu quei sulom senza predgiudezis da tiarzas persunas e lura sin quei ei la vischnaunca desliada si.

### 1875, igl 1. d'uost

Eis ei vegniu teniu vischnaunca el solit liug, sin petiziun d'ina numerusa radunanza da vischins, tarmessa entras statalter Gion Andriu Berther, ils 25 da fenadur onn present, tier il „forstand“ senza lura dar en il causal, pertgei tala vischnaunca duei vegni tenida. Sche suenter ver pia radunau la vischnaunca sco sura detg, eis ei dil „forstan“ vegniu dumandau si statalter Gion Andriu Berther ni in part da quella cumissiun da metter avon alla vischnaunca.

Sche suenter ina pintga pausa ha il giuven Giachen Antoni Schmet mess avon ch'en l'alp da **Maighels** e quella dil **Tgom** seigi vegniu cargau fetg bia stiarls, che hagien en quella negins dretgs, da maniera che la vischnaunca vegni tals pursanavels a far metter naven tuts tiers che seigien en vischnaunca sur dretgs.

Sche suenter ver giu dau tala declaranza, ha la ludeivla vischnaunca dumandau si ils vischins, sch'ins vegli schar quei surpli da tiers en vischnaunca ni buc. Ha la vischnaunca quasi unitamein decretau da schar tut quei surpli cheu ellas alps.

Plinavon ha lura la ludeivla vischnaunca mirau tgei taxar quels tiers ultra digl arvè, sche suenter ver udiu differents meinis ha Giachen Antoni Giossi declarau in usit digl obercheit ni ina conclusiun pli baul prida dalla vischnaunca che tut ils surpassaders per arvès da tiers, vegneva ei adina quintau il dubel, ultra digl arvè, la quala proposiziun ei lura veginida sustenida da statalter Sep Maria Monn ed ils stiarls metter 4 frs. il tgau, ultra digl arvè, cun aunc lura vegni censurai per lur malfatg digl obercheit. Ei lura dalla vischnaunca vegniu decretau e concludiu sco sura detg.

Finalmein ha la vischnaunca decretau da metter tut quei che vegn en per quels tiers, seigi il schon taxau sco il castitg en cassa da vischnaunca. Plinavon han gerau *Giachen Antoni Schmet* e gerau Lucas Caveng priu la decisiun sco geraus cun declarar che dacheuanavon vegnien els a far nuot pli da siu uffeci da quei mument naven e la vischnaunca pia duei remplazzar cun auters en siu stagl e cun quei ei la vischnaunca ida in ord l'autra.

### 1875, ils 15 d'uost

Ei la ludeivla vischnaunca stada radunada el liug solit per sedeliberar e mirar cura ins vegli

schar ir a segar el **Cuolm Ault**. Igl ei lura vegniu concludiu da schar ira il mardis sissu, ils 17 d'uost, aber mo in per fiug, pagond 1 fr. per um e quei sco ils onns vargai entochen s. Mihel. Suenter da quei ha la ludeivla vischnaunca stuiu passar tier novas elecziuns da geraus e sco tals ein eligi: signur gerau Lurenz Jacomet da **Camischolas** sco president, Bruno Soliva da **Sedrun** sco secund gerau statalter e Giachen Antoni Wenzin da **Rueras** sco tierz gerau. Finidas ch'ein stadas las sura elecziuns ei la vischnaunca per quella gada sesliada si.

Il sura protocol ei vegnius legius avon ed approbaus ils 3 d'october 1875, attesta J. Bruno Soliva, „Protocollführer“.

### 1875, ils 3 d'october

Ei la ludeivla vischnaunca stada radunada el liug solit ed ei vegniu concludiu sco suonda.

1. Eis ei vegniu mess avon da nies signur president ch'il „Wegher“ vegli far trer il chis e schebein ins vegli quel trer da lavur cumina ni sch'ins vegli marcadar vi sco ils onns vargai. Igl ei lura vegniu concludiu da schar dar en als geraus tgi che vegli trer quel e quels dueien marcadar cun quels particulars tenor bein manegiar aschi bienmarcau sco pusseivel.
2. Eis ei en consideraziun ch'ei seigi uonn pauc sternem, ei vegniu concludiu da schar ir dus dis in per fiug a far discharina, culla cundiziun ch'ei vegni mess in per vischinadi che miri sissu ch'ei vegni cheutras buca fatg donn als uauls. Uaffens duei cheutier vegni priu negins auter ch'in risti ni ina scua. Era duei quella discharina che vegr fatga en quels dus dis vegnir rabbitschada ord igl uaul sper la via el medem temps.
3. Ha la vischnaunca concludiu da schar ira in di in per fiug a schubergiar ora lenna sedersa els uauls cumins pagond 1 fr. per fiug, quella aber giu gl'**Uaul Cavorgia** ch'ei bessa entuorn dalla lavina, duei restar leu.
4. Eis ei vegniu purtau avon, schebein ins vegli era aunc vender la lenna sedersa en schetgas ni buc. Ha la vischnaunca concludiu da schar leu ella tochen sin in auter onn.
5. Eis ei fatg attents ch'ei duessi esser vi d'**Ursera** da nossas nuorsas ed ei duei entras la suprastanza vegrnir tarmess via ina brev e dumandau si il „Vorstand“ da leu, schebein ei seigi leu da nossas nuorsas ni buc.
6. Eis ei da nies president vegniu avisau scharfamein entgins vischins da **Tschamut** e **Camischolas** ch'ei mirien sisura sin sia buobanaglia che mondien buca pli suenter la signaria a betlergiond ch'ins stoppi da quellas varts buca pli udire reproschas e sche quei duessi aunc severificar, vegrnan ils geniturs da tals affons castigai scharfamein.
7. Eis ei, essend che las talpas prendien pli e pli il surmaun, concludiu da schar scriver ora ella gasetta per in pegliatalpas, per empruar sch'ins savessi quellas empau pli bein ragischar ora.
8. Ha la vischnaunca concludiu da schar lartg ils tiers gronds e las cauras gievgia proxima ils 7 d'october fagend l'aura quels treis dis e las nuorsas otg dis suenter, nunfagend aber bialaura, che la glieud sappien prender si il fretg, eis ei schau sura als geraus cura dar lartg. Pervia da schar lartg ils s.v. tiers casa eis ei refretg tochen dumengia proxima.
9. Eis ei vegniu fatg attents tuts visitaturs da fiugs ch'ei dueien esser attents e mirar sissu ch'ei seigi bien uorden e nua che quei seigi buca il cass dueien ei castigar e far ch'ei vegni meglier.

Il sura protocol ei vegnius legius avon ed approbaus ils 24 d'october, attesta J. Bruno Soliva, gerau.

### 1875, ils 10 d'october

Ein ils vischins stai radunai en **S. Giachen** e concludiu sco suonda.

1. Eis ei vegniu fatg da schar lartg ils tiers casa gliendisdis, ils 11 d'october.
2. Eis ei concludiu da dar a Marti Walier ina buccada cavriu senza pagar enzatgei persuenter.
3. Eis ei vegniu concediu in sulom a Giachen Antoni Giossi da **Rueras** per far in pistregn vin Suloms senza donn e pregiudezi d'in tierz e cun schar mussar ils vischins da **Rueras** nua ch'el hagi da cavegiliar quel.
4. Han ils vischins concludiu da schar ir in di a segar paliu nua ch'ins vul in per fiug tut quels che hagien entras il donn dalla tempiesta stuiu segar giu ses èrs. Tut quels che veglien prender part da quei dueien dar en als geraus, ils quals han da decider schebein els s'audien era tier

quella classa ni buc.

Il sura protocol ei legius avon ed approbaus ils 24 d'october, attesta J. Bruno Soliva, gerau.

### 1875, ils 24 d'october

Ei la ludeivla vischnaunca stada radunada el liug solit ed ei vegniu sedeliberau sco suonda.

1. Eis ei mess avon ils dus pugns da recapitulaziun ch'il Cussegl Grond ha scret ora pil pievel sur dils quals igl ei vegniu votau giu sco suonda. Per igl emprem, numnadamein pervia las separaziuns da letgs, eis ei stau 96 encunter e neginas pro. Per il secund, numnadamein pervia da far il „hausieren“, ei stau votants 63 pro e negin encunter.
2. Eis ei vegniu schenghegiau a Gion Battesta Beer da **Sedrun** igl arvè d'ina vacca, havend el giu piars in'autra.
3. Eis ei sin petiziun da vischins da **Rueras** vegniu concludiu d'entras la suprastanza scriver al Cussegl Pign pervia da tschentar la fiera da **Rueras** che curdass schiglioc sils 11 d'october sin in pli adattau di, il qual ei schau sura als geraus sin qual di metter.
4. Eis ei vegniu concediu als frars Hitz da **Rueras** in sulom da baghegiar ina talina vin **Dieni** dadens siu clavau sin prau.

Legiu avon il sura protocol ed approbau ils 31 d'october, attesta J. Bruno Soliva, gerau.

### 1875, ils 31 d'october

Ei la ludeivla vischnaunca stada radunada el liug solit ed ei vegniu sedeliberau sco suonda.

1. Ha la vischnaunca giu da passar tier l'elecziun dils cussegliers naziunals. Mintga votant sur 20 onns ha survegniu in cedel, sin il qual el ha libramein saviu scriver si ils numbs da dus cussegliers naziunals, ils quals el tenor perschuasiun manegia ch'ei seigien il pli adattai per quei uffeci e lura ha mintgin stuiu dar giu siu cedel als geraus, ils quals ein lura vegni dumbrai. Igl ei vegniu legiu ora dus dumbravuschs, numnadamein gerau Giachen Antoni Wenzin e statalter Gion Paul Berther ils quals han giu da dumbrar ils votants. Il resultat final dils cedels e dils votants ei staus:

205 per cusseglier guvernativ Toggenburg e

205 per cusseglier naziunal Casparis

En quei ei stau sis jasters ord vischnaunca.

2. Ha la vischnaunca giu da leger ora ils sis geraus federals, ils quals igl ei vegniu votau en ina ga ed ei stau votants 150 ed ein ils sequents:

Gion Andriu Berther, giuven, da **Tujetsch**

Landrehter Condrau da **Mustér**

Gerau Beeli da **Medel**

Mistral Arpagaus da **Sumvitg**

Sep Ludwig Decurtins, **Trun** e

Gion Mathias Capaul da **Breil**.

3. Ei Vigeli Peder da **Selva** vegnius legius ora sco cusseglier enstagl digl absent Fidel Wenzin, ch'ei ius egl jester.

Igl avon protocol ei vegnius legius avon ils 21 da november 1875 ed approbaus en siu entir cuntegn, attesta J. Bruno Soliva, gerau.

### 1875, ils 21 da november

Ei la ludeivla vischnaunca stada radunada el liug solit, nua ch'igl ei vegniu concludiu il sequent.

1. Ha la vischnaunca danovamein, per la secunda gada stuiu votar per in cusseglier naziunal, essend vegnius en igl absolut pli mo per in. Igl ei sco la gada avon vegniu dumbrau ils cedels e votants ed ei stau en tut 199 votants, 190 per Casparis e 9 per Steinhäuser.
2. Eis ei vegniu mess avon alla vischnaunca, schebein ins vegli star tier igl uorden veder pervia dils arvès ni sch'ins vegli quel reveder, il qual ei vegniu concludiu sin sequenta moda:

1. Naven dil marcau november entochen il marcau avrel, cumpriu en lez, eis ei schau tier il veder, numandamein:

in cavagl	15 frs.
ina vacca	6 frs.
ina mugia	5 frs.
stierl, stiarla	4 frs.
vadi sur sis jamnas	3.40 frs.
vadi giuven	50 raps
cauras e nuorsas	1 fr.
salvanoris dad in onn	1 fr.
salvanoris sur in onn	2 frs.

2. Immediat suenter il marcau avrel dueien quels tiers pagar arvè, che vegnan en suenter quei marcau, il sequent:

in cavagl	20 frs.
ina vacca paga	8 frs.
ina mugia paga	6.50 frs.
stierl, stiarla paga	5.50 frs.
vadi vegl paga	4 frs.
vadi giuven paga	1 fr.

Cauras e nuorsas e pors eis ei schau tier il veder, era suenter quei marcau.

3. Astga vegnir brattau sidengiu negins tiers, sut negin pretext, priu ora sch'ins piarda in tier, astga quel vegnir en cun in auter dalla medema qualitad d'arvè egl interval d'in marcau entochen l'auter.

4. Dueien tuts tiers d'arvè, naven dil marcau november, vegnir dai en immediat suenter il marcau avrel, sinaquei ch'ins sappi tener sur da quels in separau quen dils auters che vegnan en suenter quei marcau, tgi che negligescha da dar en ses tiers sin il sura fixau termin, duei pagar il dubel da quei ch'ei mess si dalla vischnaunca.

5. Eis ei schau tier da vegnir en cun sis tiers per fiug, buca aber in per l'auter.

NB. Ei quei uorden stabilius mo per in onn.

3. Ei vegniu concludiu da schar trer si ina collecta, casa per casa pervia dil donn pitius entras la tempiasta e tarmetter tier quella agl uffeci da cumin per schar reparter quella tenor beinmanegiar dil sura obercheit da cumin.

4. Ha la vischnaunca concludiu da dar enzatgei lenna ad entgins particulars per pagar, ils quals ein ils sequents:

Gion Antoni Pali

Lisabeth Lorez

Bartholome Geronime

Martin Riedi

Gion Martin Peder, Fidel

Chatrina Sievi

Culastia Andriuet

Stiaffen Schmedt.

5. Eis ei vegniu fatg attents, che tgi che hagi lennas dador **Bugnei** en via, duei ton pli spert ira cun quella, schiglioc vegni quella bessa giu ord via.

6. Eis ei vegniu mess cautegias ellas alps da schetgs.

per **Strem** statalter Gion Paul Berther

per **Mila** Thomas Huonder

per **Maighels** statalter Fidel Wenzin

Ligius avon il sura protocol ils 30 da schaner 1876, attesta J. Bruno Soliva

**Igl onn 1876**

**1876, ils 30 da schaner**

Ei la ludeivla vischnaunca stada radunada el liug solit ed ei vegniu sedeliberau sco suonda.

- Eis ei vegniu mess avon ch'ei seigi da leger ora in visitatur da tiers cun aunc in suppleant vitier, ils quals han da dar ora las bullettas dacheudenvi enstagl dils geraus sco tochen dacheu. Igl ei sin garegiar dalla vischnaunca vegniu confirmau ils dus sequents, numnadamein signur president Lorenz Jacumet e sco suppleant signur gerau Gion Andriu Berther, giuven.
- Ha la vischnaunca giu da leger ora ils visitaturs da carn e quels ein ils sequents:  
 per **Sedrun** Gion Antoni Deragisch  
 per **Camischolas** Giachen Antoni Berther  
 per **Rueras** Sep Antoni Hetz  
 per **Selva e Tschamut** statalter Peder  
 per **Surrein e Cavorgia** Giachen Antoni Monn  
 Per **Sedrun** e **Rueras** eis ei aunc vegniu mess dus suppleants, numnadamein Hans Giachen Decurtins e per **Rueras** Gion Battesta Peder.
- Eis ei vegniu fatg attents che nus stueien procurar per in local da metter giudamaun las buis pil cass ch'ei fuss milissiers che massen naven e havessen buc a casa sia in schetg e sufficient local per quels uaffens. Ins ha ad intem saviu prender negina conclusiun da quellas varts, bein aber eis ei schau sura al gerau militar da metter giudamaun quels effects entochen Tschuncheismas nua ch'el anfla per bien e ch'ei stettien il meglier, tochen lura sappien ins patertgar puspei co serugalar da quellas varts.
- Ei schau sura als geraus da marcadar cun Steger da barschar caltschina per plirs onns mettend el ina sufficienza segironza ch'el fetschi ora ils onns.
- Ei sin garegiar da signur assistent Schmedt vegniu mess in suppleant ella persuna da siu fegl Gion Antoni Schmedt sco registratur vid ils cudischs da hipotecas pil cass ch'el fuzzi absents.
- Eis ei dil "Camifeger" vegniu lamentau ch'el fetschi buca pli giu ils tgamins, essend che biars paghien buca persuenter ed ei sepurschius da schenghegiar alla vischnaunca il "Wargeld" sch'ella surprendi da trer en la pagaglia per far giu il fulin. La vischnaunca ha sin quei concludiu da trer en dils vischinadis anora. Mintga vischinadi duei suenter quei ch'il "Caminfeger" ha dau amauns la gliesta con e tgei seigi da trer en, procurar ch'ei vegni tratg en stediamein.
- Eis ei concludiu da dar a Tumaisch Huonder da **Rueras** in lenn da slondas per pagar, per rugalar si il tetg dalla casa dil Brucher.
- Ein vegni fatg attents tuts visitaturs da fiug da mirar sissu ch'ei seigi dapertut bien uorden e segir pervia dil fiug, era quels vischinadis che hagien aunc da metter tier scalas e frisachens, dueien mirar ch'ei vegni fatg ton pli spert.
- Ei vegniu mess cautegia per l'alp dil **Tgom** e per l'alp da cavals. Per **Tgom** ei mess Giachen Antoni Soliva e per da cavals Giachen Antoni Beer, muliner.
- Ei concludiu da schenghegiar miez igl arvè d'ina vacca a Sep Antoni Huonder da **Sedrun**.

Il sura protocol ei vegnius legius avon ils 9 d'avrel 1876, attesta J. Bruno Soliva.

### **1876, ils 10 da mars**

Eis ei fatg star anavos ils vischins sur baselgia per pladir nurser dalla stad. Igl ei stau dus pretends, numnadamein Vigeli Giusep Monn e Sep Antoni Beer. Sin omisdus ei vegniu fatg tscharna, nua ch'igl ei vegniu decidiu che Vigeli Monn da **Rueras** hagi il pli, aschia ch'igl ei vegniu surdau ad el da pertgirar las nuorsas la stad per 33 raps il tgau pagaglia senza sal. Sal astga vegniir dau negin uonn, num ch'ins damogni buca ellas senza sal, ed en gliez cass stuess il nurser pagar il sal che vegni daus ord siu sac, giu da quella pagaglia ad el fixada.

### **1876, ils 9 d'avrel**

Ei la ludeivla vischnaunca stada radunada el liug solit nua ch'igl ei vegniu sedeliberau sco suonda.

- Ha la vischnaunca giu da votar sur dalla nova constituziun cantunala luvrada ora e messa avon al pievel da nies Cussegl Grond. Igl ei suenter il solit vegniu legiu ora dus dumbravuschs, numnadamein signur gerau Giachen Antoni Wenzin e statalter regent Gion Michel Monn ed ei stau votants per refusar la sura constituziun 176 e per acceptar negins.
- Ei vegniu concediu a Sep Antoni Lorez in sulom da far si in faner sin prau enta **Mila**.

3. Ei vegniu fatg attents ch'ins duei mirar da dar en ils tiers d'arvè ch'ein vegni en entochen il marcau avrel cumpriu en lez, sinaquei ch'ins sappi tener quen separau dils auters che vegnan en suenter.
4. Ei vegniu lamentau ch'il "Caminfeger" fetschi plaun cun far giu il fulin, ins duei avisar ch'el mondi ton pli gleiti a schubergiar ils tgamins.

### **1876, ils 23 d'avrel**

Ei la ludeivla vischnaunca danovamein stada radunada el liug solit ed ei vegniu sedeliberau sur dil sequent.

1. Eis ei stau da votar sur dalla nova lescha da bancnotas ch'ei vegnida scretta ora pil pievel, nua ch'igl ei stau cedels e votants 187 per refusar quella e negins per acceptar.
2. Ei vegniu concediu a Giachen Antoni Schmedt da **Camischolas** da schar vegnir en cun duas vaccas ultra dils sis tiers ch'el ha schiglioc dretgs, pagond igl arvè en consideraziun ch'el ha giu vendiu buca daditg duas outras.
3. Ei concediu a Luis Hendri da **Cavorgia** da baghegiar si in nuegl da dudisch armauls da lenn orasi la **Paliu Crap**, enstagl si **Mises Grond**, sco el haveva pinau ni destinau da baghegiar.
4. Ei vegniu concludiu da prender si nov cavals sillla jarva la stad cun schar pagar per scadin 20 frs. e sch'ei fuss da quels cun pulein 25 frs., ultra dil pustretsch ed outras spesas che pudessen curdar tier.
5. Ei vegniu fatg attents che tgi che drovi caltschina duei entochen dumengia proxima, ils 20 da quest, dar en ad in digl obercheit.

### **1876, ils 7 da matg**

Ei la ludeivla vischnaunca stada radunada el liug solit, nua ch'igl ei vegniu concludiu il suandont.

1. Ei vegniu concludiu da schar far barba muort scartezia da fein da **Maun Sura e Sut** nua ch'ins vegli e zuar entochen che la vischnaunca vegn puspei d'accord da serrar. Era ei el medem temps vegniu concediu da schar far dascha cun maun senza negins uaffens. Igl ei dalla vischnaunca vegniu fixau ils loghens nua ins astgi far quella e quels ein ils sequents: ella **Foppa Tschuppina** sut via, gl'**Uaul Nual** dafuns en ed ora, giu gl'**Uaul Surrein** sut via e giu **Tarviarsas**, en dadens **Nacla**, sil **Busch**, giu davos **Baglieglia**, olla **Tscheppa** e sillla **Val Bugnei**. Da schar far dascha ei dau tier mo sis dis e quei naven dils 8 da matg entochen ils 13.
2. Ei vegniu concediu a Sep Antoni Hendri da **Surrein** da brattar sulom d'in chischner giud siu prau e puspei turnar a metter sin siu prau
3. Ei vegniu votau per la revedida lescha da taglia ed ei stau votants 26 per acceptar e 102 per refusar quella.

Legiu avon ed approbaus ils 27 da matg 1876, attesta J. Bruno Soliva.

### **1876, ils 27 da matg**

Ei la ludeivla vischnaunca stada radunada el liug solit e per mirar cura ins vegli far mundi.

1. Essend aber schliata aura e pauc terrein, han ins ad interim buca saviu far ir ord ils praus ils tiers, priu ora ils s.v. tiers casa eis ei vegniu concludiu da far ira gliendisdis sissu che fuss ils 9 da matg.
2. Eis ei vegniu moviu, schebein ins lessi buca prender si il meister-mustregia per plirs onns, essend el tochen dacheu buca veramein prius si dalla vischnaunca, da maniera ch'el fuss buca staus obligaus da vegnir en **Tujetsch** per rugalar las s.v. liufas. La vischnaunca ei sin quei unanimamein vegnida perina da prender si il sura mustregia per diesch onns. El s'oblighescha da vegnir en treis gadas ad onn e per mintga gada sto la vischnaunca pagar in „Wargeld“ da 5 frs. ed il particular paga 50 raps per liufa.
3. Eis ei concludiu da rugalar la via da **Cavorgia** ch'ei sbuada giu, ins duei dar diesch umens, mintgamai quels che seigien anavos culla lavour cumina e quels dueien mirar da rugalar quei scosauda.
4. Eis ei vegniu fatg attents ch'ei vegni en certs loghens fatg memia grop cun far dascha, ins duei dacheudenvi haver megliera precauziun da quellas varts.

5. Eis ei schau tier a gerau Sep Antoni Muggli da veginir en cun dus stiarls sillar jarva ultra da quels sis ch'el ha schiglioc dretgs. Il con far pagar ei nuota fixau.

Legiu il sura protocol ils 4 da zercladur 1876 ed approbaus, attesta J. Bruno Soliva.

### 1876, ils 4 da zercladur

Ei la ludeivla vischnaunca danovamein stada radunada el liug solit, nua ch'igl ei vegniu sedeliberau sur dil sequent.

1. Ei vegniu legiu avon il quen da vischnaunca menaus da statalter Gion Michel Monn, il qual ei dalla sura vegnius approbaus cun engraziament. Il president dalla cumissiun da quens, signur gerau Duri Wenzin, il qual ha giu da dar giu il rapport en num da quella, ha fatg attents tuts ugaus da scolas, pervendas e caplanias, sco era tals, ils quals han da survigilar cura ch'ei vegn baghegiau tegias ellas alps, ch'ei duessien, sche pusseivel ei, adina marcadar ordavon talas lavurs, essend che cheutras spargni alla vischnaunca gronds cuosts e che mintgin, il qual lavuri sin quen dalla vischnaunca duei dar al statalter regent il quen specificau, sinaquei ch'el sappi quel specificadamein dar amauns alla cumissiun per schar ir atras.

2. Ei statalter Gion Mihel Monn danovamein vegnius confirmaus sco cassier da vischnaunca per 1876 sin 77.

3. Ha la vischnaunca priu si il pugliatalpas per quater onns cun in salari da 210 frs. – duatschien e diesch – sco era aunc procurar per loschi, ton ch'el sappi cuschinari ed in letg.

4. Ei vegniu mess avon in project pervia da quella aua ellas **Sorts**, schebein la vischnaunca lessi buca seschar en da far ina turrera per trer ensemens quella aua. La vischnaunca ha ad interim concludiu d'entrar en nuot en quella fatschenta, num ch'il cantun obliqueschi leutier e per lura veglien ins mirar, sch'ella seigi obligada da surprender tala lavur ni buc.

5. Ei concludiu da far mundi las cauras mesjamna ils 7 da quest.

6. Ei concediu a Battesta Walier e Thomas Huonder da veginir en cun 3 – 4 stiarls per in sillar jarva, ultra dils sis tiers ch'els han dretgs, cun schar pagar 1 fr. dapli che la taxa digl arvè ch'ils auters pagan suenter il marcau avrel, ils quals han dretgs.

7. Ei aunc concludiu da prender si dus cavals ad jarva culla condiziun da schar veginir per calonda fenadur.

8. Ei concludiu da turnar a dar per uonn la lenna da fiug en schetga cun lubentscha dil „Förster“.

9. Ei vegniu fatg attents che tgi che vegli lennas da baghegiar duei entochen dumengia proxima ils 11 da quest, far urentar lur baghetgs ed haver dau en tala, suenter vegrn dau negina lenna pli.

10. Ei vegniu lamentau ch'en certi loghens vegni teniu memia bia nuorsas da cauras. La vischnaunca ha sin quei concludiu da schar tener mo ina nuorsa cun in tschut da tetta vitier ni sch'igl ei schumellins dus e quei aber mo aschi ditg sco ei tettan la nuorsa, suenter dueien veginir mess cun las otras nuorsas. Era dueien tals che vulan tener da quellas nuorsas pagar il nurser dalla primavera e dalla stad, ultra dil vischinar a casa cun las cauras.

### 1876, ils 25 da zercladur

Ei la ludeivla vischnaunca stada radunada el liug solit, nua ch'igl ei vegniu sedeliberau sur dil sequent.

1. Ei vegniu moviu schebein ins vegli star tier igl uorden veder pervia dils bischels, ni sch'ins vegli quel rumper, essend ch'ins veva schon da plirs onns enneu buc observau quel, sche ha la vischnaunca unanimamein concludiu da rumper quei uorden, aschia ch'ils bischels ston dacheudenvi veginir dai dalla vischnaunca gratis senza pagar, num che la vischnaunca prendi da quellas varts pli tard outras conclusiuns.

2. Ei concludiu, essend plirs particulars che levan duas sorts enna da fiug, da dar dacheudenvi a negin pli che ina.

3. Ei sin petiziunar dalla „Hebama“ Monn da **Zarcuns** concludiu da dar in toc lenna da fiug si da **Maun Sura**, nua ch'ins anfla per bien, che detti circa 3 – 4 vaultas lenna.

4. Ei sin garegiar da plirs particulars, ils quals han dau en memia tard lur lenna da baghegiar, vegniu purtau avon alla vischnaunca, schebein ella garegi ch'igl obercheit vegni aunc inagada ensemens per dar ora quella lenna, la quala ha lura cun il pli concludiu da dar per igl onn d'uonn a negin pli lenna da baghegiar, num en in cass nunprovediu.

5. Ha la vischnaunca concludiu che tgi che drovi lattas da clauder suenter il stradun, duei sigl avegnir far urentar, schebein ei seigi da basegns da dar talas ni buc e quellas dueien era vegnir dacheudenvi dadas en cun la lenna da baghegiar. Era duei quel, il qual urenta quella classena mirar, nua ch'ei fagess buca da basegns da metter en duas lattas, da schar stgisar mo cun ina, per cheutras spargnar ina plonta.
6. Eis ei fatg da schar vender enqual lenn els uauls cumins da tut temps, sco cavrida, ni era enqual auter pusau ni rut surora, il qual ei era dau tier ellas schetgas cura ch'ins mondi entuorn a vender la sedersa; adina duei aber vegnir risguardau ils loghens, nua ch'ei fussi prighel da lavinas.
7. Ei concludiu da sils 9 da fenadur vegnir ensemen per ulivar las alps ed entochen lura dueien ins haver dau en ils tiers mintgamai als cautegias.
8. Ei vegniu purtau avon, schebein ins lessi buca rischlar ensemen las sorts da fiug mintgamai vischinadi per vischinadi il numer ault cun il bass. Igl ei lura vegniu fatg duas tscharnas e quella da rischlar ensemen ha giu il pli. El medem temps ei era concludiu da far ina via naven da **Plauns**, anenasi, sinaquei ch'ins stoppi buca far tochen giudem gl'aul tut la lenna e quei ch'ei aunc pli avantagius ch'ins sappi era guder e rabbitschar oragi la roma.
9. Ei concediu da schar dar lenna per baghegiar il baghetg da pervenda si **Milez**.
10. Ei vegniu fatg attents, schebein ins lessi buca rugalar la via da **Sudada** sidengiu, ton ch'ins savessi ira cun in bov ed ina sliusa e cheutras calar si da far donn sin praus da particulars. La vischnaunca ha per quei di saviu prender negina positiva conclusiun da quellas varts, bein aber ei concludiu da trer tier ina cumissiun per mirar co ins savessi il meglier vegnir tier in plan pervia da quella via. Tier quella cumissiun ei schau sura als geraus da clamar tgi ch'els manegian, in tons per vischinadi.
11. Ei concediu a Duri Berther da **Dieni** da brattar sulom da sia tegia enta **Mila**.
12. Ei vegniu schenghegiau igl arvè da duas vaccas, ina a Sep Antoni Beer da **Gonda** e l'autra a Vigeli Biart da **Sedrun**. Agl emprem eis ei fatg per l'amur da Diu ed a l'auter en consideraziun ch'el ha giu piars in'autra.

### 1876, ils 9 da fenadur

- Eis ei vegniu teniu vischnaunca el liug solit ed ei vegniu sedeliberau sur dil sequent.
1. Ei vegniu votau sur dalla lescha pervia da secumprar liber dil militar, nua ch'igl ei stau votants per refusar quella 167 e negin per acceptar.
  2. Ei concludiu da sils 12 da quest ir a lavour cumina vid la via giu gl'**Uaul Surrein**, la quala era schon avon decretau da far ed ei schau sura agl obercheit da tarmetter giu dus umens in di avon per stagiar ora quella, sinaquei che la glieud sappien luvrar cura ch'ei vegnien sil plaz, sco era duei vegnir cumandau enzatgi che miri sissu ch'ei lavurien e nodi si exactamein duront che quella vegni fatga.
  3. Ei concludiu da trer si ina collecta en baselgia pils donnegiai dall'aua ella **Svizra**, pils quals igl ei schau ira ora in clom d'agid. La vischnaunca ha fixau da dar 50 frs., duess ei vegnir memia pauc mo cun la collecta che vegn tratga si en baselgia, sche dueien ins dar quei che maunchi dils 50 frs. ord cassa da vischnaunca.
  4. Ei vegniu concediu a gerau Sep Antoni Muggli da **Sedrun** da schar baghegiar ses nuegls sur casa da lenna, en consideraziun ch'el havess schiglioc stuiu strenscher e lavagar ses nuegls entras far da mir, bein aber duei Muggli schar urentar siu sulom in digl obercheit, il qual duei dar la decisiun, schebein ei seigi necessari ni buc. Era duei Muggli mai haver il dretg da pretender lenna dalla vischnaunca per sias preits nuegl, auter che sco igl ei il solit, cura ch'ei vegn baghegiau da mir, num ch'ei vegni pli tard dalla vischnaunca fatg in auter uorden pervia dil baghegiar.

### 1876, ils 16 da fenadur

- Ei la ludeivla vischnaunca stada radunada per sedeliberau cura cargar ad alp, sur dil qual igl ei concludiu sco suonda.
- Las nuorsas dueien vegnir cargadas mardis, ils 18 da quest, la biestga schetga gliendisdis sissu che fuss ils 23 da quest e las vaccas ils 24.
- Plinavon ei vegniu concediu a Tumaisch Huonder da **Rueras** da vegnir en cun in vadi sur

dretgs. El medem temps ei era vegniu fatg attents che negin duei pinar ora draussa giu gl'**Uaul Surrein** entochen che la vischnaunca prendi buc otras conclusiuns da quellas varts.

### 1876, ils 22 da fenadur

Ei la ludeivla vischnaunca stada radunada a **Zarcuns**, nua ch'igl ei vegniu sedeliberau sur dil sequent.

1. Ha la sura giu da votar sur dil pugn da recapitulaziun appartenent tier la lescha da catscha, nua ch'igl ei stau votants per acceptar quella tschien e per refusar 14.
2. Ei vegniu mess avon alla vischnaunca ina petizion da „Pontsweibel“ Riedi, sesents a **Cuera**, il qual damonda dalla vischnaunca la summa daners da 3300 frs. sinaquei ch'el sappi serugalar cun ses deivets, cass cuntrari, che la vischnaunca vegnessi buca a far quei, sche stoppi el schar ira tut e vegni tenor lescha era aunc cassaus da siu survetsch. La vischnaunca ha da quellas varts vuliu entrar en nuot, aschia savessi mintgin far si enzacons mellis deivets e lura vegnir a better a dies alla vischnaunca e schar pagar quella els.
3. Ei concludiu da metter vi **Nual e Tgom** las genetschas da **Val e Val Giuv**, era quellas da **Cuolm Cavorgia**, sch'ei veglien prender part cun aunc schar vegnir si in per particulars cun ses vadials che vevan dau en quels da cargar e savevan buca nua metter quels. Plinavon ston ils tiers da **Val Val e Val Giuv**, genetschas e vaccas, sco era ils vadials che vegnan cargai si, prender giu las spesas da 120 frs., ils quals ins ha stuiu dar al pastur da vadials, essend el seschaus sin quei paun, nua che quel, savend da quei avon, havess saviu ir en in auter liug a fadiar.

### 1876, ils 13 d'uost

Ei la ludeivla vischnaunca stada radunada en **S. Giachen**, nua ch'ella ha concludiu da schar ir a segar els **Cuolms Aults** ils 17 d'uost e zuar mo in per fiug pagond 1 fr. per um. Era ei el medem temps vegniu fixau da vender las pastiras sin ils 27 d'uost. La proposiziun da Muggli pervia da reparter las pastiras e buca far pli il „Verganten“ ei ad interim vegnida refretga.

### 1876, igl 1. d'october

Ei la ludeivla vischnaunca stada radunada el liug solit nua ch'igl ei vegniu sedeliberau sur dil sequent.

1. Ei vegniu mess avon alla vischnaunca ch'il „Wegher“ vegli far trer il chis, schebein ins vegli trer quel da lavur cumina, ni sch'ins vegli sco ils onns vargai marcadar via. Igl ei lura vegniu concludiu da schar trer quels dils cavals cun ils quals ils geraus dueien marcadar aschi bienmarcau sco pusseivel.
2. Ei vegniu concediu a Vigeli Cavegn in sulom d'in chischner ols **Alis** si per siu baghetg senza donn e pregiudezi dad in tierz.
3. Ei vegniu concediu da dar igl „Entlassen“ a Gion Antoni Deflurin, sesents el **Württemberg**.
4. Ei concludiu da descargar ils tiers gronds venderdis ils 6 d'october e sco era las cauras, ils tiers casa dueien vegnir lartgs per il gliendisdis, ils 9 d'october. Las nuorsas dueien star tenor uorden otg dis suenter las vaccas fagend bialaura, duess ei aber semussar ruh, sche dueien era quellas vegnir zavradas gliendisdis che fuss ils 9 d'october.

### 1876, ils 19 da november

Ei la ludeivla vischnaunca stada radunada el liug solit ed ei vegniu sedeliberau sur il sequent.

1. Ei vegniu moviu pervia dils arvès, schebein ins vegli star tier igl uorden digl onn vargau, ni sch'ins vegli prender otras conclusiuns da quellas varts.

Igl ei lura cun il pli concludiu da schar vegnir en mo cun quater tiers per fiug e zuar buca in per l'auter. Quels tiers dueien pagar arvè tenor qualitat sco cheu suonda:

in cavagl paga	15 frs.
ina vacca paga	6 frs.
ina mugia paga	5 frs.
in stierl ni stiarla	4 frs.
in vadi sur sis jamnas	3.40 frs.
in vadi giuven	50 raps
cauras e nuorsas	1 fr.

salvanori sur in onn	2 frs.
salvanori dad in onn	1 fr.

Tuts tiers che vegnan en suenter il marcau november dueien pagar la sura taxa. Era ei schau tier da brattar in tier dalla medema qualitad d'arvè egl interval dad in marcau entochen l'auter, aber bein capiu, mo in tier per fiug e mo ina gada astga quei daventar.

El medem temps ei era vegniu concediu, principalmein en avantatg dalla paupra glieud, da schar vegnir en cun duas cauras per fiug senza arvè.

2. Ei vegniu dumandau si, schebein ins duei far pagar quels particulars, ils quals ein anavos culla lavur cumina la taxa ch'ei messa si dalla vischnaunca ni sch'ins vegli per uonn aunc schenghegiar. Suenter haver dumandau si ils meinis ei vegniu fatg duas tscharnas, ina da far pagar senza perdun e l'autra da per igl onn d'uonn aunc schenghegiar. La davosa da quellas duas ha giu il pli, numnadamein da per uonn aunc graziar culla clara cundizion, che quels tals ch'ein anavos culla lavur cumina dallas alps, stoppien gl'emprem ed ordavon luvrar entochen ch'ei seigien adual ils auters.

3. Ei vegniu fatg attents ch'el vitg **Sedrun** seigi memia bia lenna sterniu per tuttanavon, ins duei mirar da rugalar naven empau quellas, essend ch'ei vegni cheutras teniu sut memia bia pastira e seigi schiglioc era aunc en auters risguards malsegir e malcumadeivel.

4. Ha la vischnaunca concludiu da dar dacheudenvi ils begls gratis senza pagar, seigi quei lura en vitgs ni en aclas. Bein aber dueien tals particulars, ils quals drovan begls, sco era ils vischinadis, far urentar in digl obercheit, il qual duei decider, schebein ei seigi basegns da dar tals ni buc. Era ston quels, sco autra lenna, vegnir dai e numerai dil „förstner“.

5. Ei sin petiziunar dils vischins da **Rueras**, ch'els hagien ina memia magra pervenda e survegnien aschia buca pli caplon, vegniu concludiu da carschentar sin ina moda ni sin l'autra quella pervenda da maniera ch'in caplon hagi undreivlamein da vegnir atras. Il con carschentar e nua recavar quei ei schau sura alla cumissiun, la quala ei veginida legida ora il medem di sin vischnaunca, bein aber sto quella repurtar siu pareri sin vischnaunca, la quala ha aunc adina la libertad d'approbar, ni disapprobar quei che la cumissiun ha fatg e mess avon. Tier quella cumissiun ein elegi ils treis geraus, Tumaisch Huonder, Stoffel Riedi, assistent Schmed, tut ils ugaus baselgia ed il segnerfarrer.

6. Finalmein ei aunc vegniu concludiu da far il "Verganten" culla pasculaziun dallas **Vals Curnera**, ils 25 da november, en casa da signur Lorenz Jacumet, il qual ei era daventau sin sequenta moda:

Furrer da **Hospenthal** ha priu quellas per tschun onns e paga 94 frs. per onn. La vischnaunca ha aber aunc adina ils dretgs sco ils onns vargai, inagada che Furrer ha naven ses tiers, da segar sch'ei plai ad ella. Duri Deflorin ha priu quellas en num da Furrer e vegn persuenter ad esser responsabels.

**Camischolas**, ils 25 da november 1876

Igl accord cun Furrer entscheiva gl'atun 1877 e finescha da pagar gl'atun 1881 inclusiv.

Vendider: gerau Lorenz Jacumet

Cumprader: Duri Deflorin

## Igl onn 1877

### 1877, ils 7 da schaner

Ei la ludeivla vischnaunca stada radunada el liug solit per sedeliberal sur dil sequent.

1. Ei vegniu concludiu che tgi che drovi begls, seigi particulars ni vischinadis, dueien stuer pagar al "förstner" per ira a numerar ora quellas, sinaquei che la vischnaunca stoppi buca aunc pagar quel tier dar la lenna gratis.

2. Ei vegniu legiu avon il pareri luvraus ora dalla cumissiun pervia da carschentar la caplania da **Rueras**, il qual la vischnaunca ha acceptau tal e qual sco la cumissiun haveva luvrau ora cun excepziun d'in artechel, numnadamein quel da schar vegnir en cun in tier per fiug, il qual era calculau che pudess purtar en in capital da 600 frs., ha la vischnaunca anflau per pli avantagius da grad pagar ils 600 frs. ord cassa e lura mirar da recavar quels sin in'autra moda sco ella anfla per bien. La vischnaunca ha aschia da pagar ord cassa per augmentaziun dalla caplania da **Rueras** il capital da 1200 frs., ils quals ella ha il dretg da pagar giu cura ch'ella anfla per bien.

3. Ei vegnius prius si dalla vischnaunca per in onn il "Caminfeger" Maissen da **Mustér** per la

medema pagaglia sco ils onns vargai, numnadamein 17 raps per tgamin.

4. Ha student *Stiafen* Schmed danovamein turnau a petiziunar tier la vischnaunca per ina segironza, sinaquei ch'el survegni cheutras in stipendi, senza il qual ei seigi ad el buca pusseivel da saver finir ses studis sco scolast, il qual fussi per el in grond donn. La vischnaunca ha suenter ditg haver ponderau la caussa concludiu dad ad interim refierer quella e dumandar si il directur dil seminari scolastic pli detagliadamein per con capital la vischnaunca stoppi star segironza pil cass ch'ella vegness sin quei patratg.

5. Ei statalter Fidel Wenzin da **Selva** vegnius legius ora sco commember dalla cumissiun da scola enstagl dil defunct Giachen Antoni Deflorin da **Tschamut**.

6. Ha la vischnaunca concludiu da dar en ina petiziun al Cussegl Pign per vegnir libers pervia dils tetgs dirs, manegiond che la vischnaunca in corpore pudessi haver pli gronda suatientscha che traso quella mulesta dad in ni l'auter particular.

7. Ei vegniu concludiu da schar per igl onn d'uonn **Tgom** e **Nual** cun **Val Val** e **Val Giuv**, sco era quei che po tuccar suenter tiers al **Cuolm Cavorgia** sch'ei plai da vegnir e quellas treis alps dueien lura serugalar denter ellas sco ellas anflien per bien, bein aber duei in e scadin particular haver il dretg da metter si vadials sin quala ch'igl ei da quellas duas alps senza far pastur.

8. Ei vegniu mess cautegias per las alps da schetgs. Per **Maighels** Giachen Antoni Schmed da **Camischolas**, per **Mila** statalter Lurens Wenzin, **Rueras**, per **Strem** Gion Fidel Riedi da **Zarcuns**.

9. Ha la vischnaunca concediu a Giachen Antoni Schmed da **Camischolas** da schar segar d'atun proxim la sort pastira ch'el haveva cumprau gl'atun vargau e buca saviu segar cun pagar aunc 20 frs. dapli.

10. Ei vegniu concediu a Sep Antoni Balzart da schar far en 3 - 4 quaders preit da lenn en siu nuegl sper casa, sepurschend el da mulestar la vischnaunca per negina lenna da quellas varts.

11. Ei vegniu fatg giu a Gion Antoni Curschellas da **Bugnei** 22 frs. giud la schazegiada dil donn fatgs entras far giu sia lenna dil **Bostg**, vendida ad **Ursera**.

12. Finalmein ei aunc sin proposiziun da gerau Sep Antoni Muggli, fatga schon la stad vargada pervia da parter ils fein a pastgs, vegniu repurtau alla vischnaunca, schebein ella vegli entrar en en quella ni buc e la vischnaunca ha unitamein concludiu da repater quei dil **Cuolm Ault** e **Bass**. Mintga vischinadi duei tarmetter enzacons umens tier ina cumissiun sonda sera che fuss ils 13 da schaner, la quala cumissiun duei tschentar si in pareri e lura repurtar quel alla vischnaunca.

## 1877, ils 28 da schaner

Ei la ludeivla vischnaunca stada radunada el liug solit ed ha concludiu sco suonda.

1. Ei vegniu legiu avon il pareri che la cumissiun ha giu tschentau si, la quala era stada radunada per mirar co reparter il fein a pastg. Manegiond ch'ei porti buca neu da far quella breigia da reparter il fein a pastg, essend ch'ei tuca memia pauc per fiug, ei quella cumissiun vegnida sin il patratg da silmeins far stagiar ora las pastiras e fein a pastg che vegnan segai inagada per adina, sinaquei che la vischnaunca hagi buca cuosts mintg'onn da quellas varts. Era ei quella cumissiun vegnida perina da schar intercurir e metter a protocol tut ils cuosts che la vischnaunca ha giu cun baghegiar tegias ellas alps sco era aunc vid auters beins communals, il qual ei surdau al president Lorenz Jacomet e signur assistent Schmed, ils quals dueien metter quei en uorden, sinaquei ch'ins sappi oz e damaun, vegnend forsa neutier jasters, era far contribuir a proporziun, aschilunsch sco lescha e dretg laian tier ils cuosts e lavur ch'ins ha giu cheutras.

La vischnaunca ha acceptau il conclus dalla cumissiun tal e qual sco el ei vegnius legius avon ed ha legiu ora dus umens, numnadamein statalter Giachen Decurtins e Giachen Antoni Berther, ils quals dueien stagiar ora las sura numnadas pastiras inagada per adina, il qual duei esser fatg sin gl'emprem uost, sinaquei ch'ins sappi lura vender quellas e buca schar aschi tard sco auters onns.

2. Ei vegniu pladiu nurser dalla stad ils feglis da Tumaisch Beer da **Rueras** per la medema pagaglia sco igl onn vargau, numnadamein 33 raps il tgau senza sal. Vul la vischnaunca schar dar sal sche sto ella procurar e pagar quel.

## 1877, ils 2 d'avrel

Ei la ludeivla vischnaunca stada radunada el liug solit e sedeliberau sur dil sequent.

1. Ei vegniu mess avon dil signur president il conclus prius a **Mustér** d'entgins deputai dallas treis vischnauncas **Mustér**, **Medel** e **Tujetsch**, ils quals ein leu seradunai per mirar da saver unir quellas treis vischnauncas ensemens per haver mo in "Förstner" patentau sin tuttas treis e spargnar cheutras ina gronda spesa. Quella cumissiun ei alla finala veginida unitamein perina ed ha legiu ora sco "Förstner" patentau per quellas treis vischnauncas Maissen da **Mustér**, cun in salari annual da 1100 frs. - dils quals nossa vischnaunca sto pagar 320 frs. -. Persuenter sto il sura "Förstner" dar ora e numerar ora tuttas lennas, aschia che la vischnaunca duei haver negins cuosts auter da quellas varts. Quei accord serraus giu denter quellas treis vischnauncas ha vigur per tschun onns, suenter che quels ein spirai, ei scadina da quellas puspei libra e sa sch'ei plai ad ella sedevider si ni era sch'ellas veginan perina, turnar a seunir danovamein.

Suenter haver ditg discussionau, ha la vischnaunca approbabu il sura numnau pareri, manegiond ch'ei seigi mal prender ora bien ord schliet e ch'ins fetschi aunc meglier da seunir, che forsa alla finala veginir sfurzai d'haver mo nossa vischnaunca in "Förstner" cun ina paga semeglionta.

2. Ei vegniu legiu avon igl accord serraus cun Steger pervia da barschar la caltschina, il qual ei vegnius approbaus tal e qual sco el ei secrets.

3. Ei vegniu fixau d'enteifer otg dis haver dau en tgi che drovi caltschina, sinaquei ch'ins sappi, sch'ei vegni en il quantum salmès da maniera ch'ei porti neu da barschar ni buc.

4. Ei vegniu concediu als cheu suandonts numnadamein: a Tumaisch Huonder, Battesta Walier, Gion Antoni Pali, Giachen Antoni Schmed, da schar veginir en cun sis tiers per in, starls ni vadials, ultra dils quater ch'els han dretgs, sco era gerau Muggli cun pagond 1 fr. dapi ch'igl arvè mess si dalla vischnaunca pils auters.

5. Ha la vischnaunca concludiu da schenghegiar il castitg daus digl obercheit a Sep Antoni Beer da **Gonda** per haver giu treis tiers a casa la stad, secartend el ch'ei seigi sufficient cun dumandar ils vischins da **Gonda**, senza salidar la vischnaunca.

## 1877, ils 29 d'avrel

Ei la ludeivla vischnaunca stada radunada el liug solit, nua ch'igl ei vegniu sedeliberau sur dil suandont.

1. Ei dil signur president vegniu supplicau che dumengia proxima, ils 6 da matg, vegni tenor usit teniu cumin.

2. Ei suenter ditg haver discussionau, pervia da quella aua ellas **Sorts**, che mondi giu e fetschi donn sin praus da particulars, nua ch'ella hagi negins dretgs, vegniu tratg ora ina cumissiun consistenta ord treis commembers, numnadamein signur assistant Schmed, president Lorenz Jacumet e Bruno Soliva, ils quals dueien ira en sil plaz e mirar sche pusseivel da vegin tier ina entelgientscha da quellas varts e da sche pusseivel seigi mirar da dar in vau stabel a quella aua, nua ch'ei seigi el mender donn e cun aschi pintga spesa sco seigi pusseivel.

3. Ei concludiu da dar finalmein segironza per il student Stiafen Schmed, sinaquei ch'el survegni il stipendi e sappi aschia cunquei finir ses studis sco scolast. Alla vischnaunca ein stai segironza signur assistant Schmed e Bruno Soliva, pil cass ch'il sura student Schmed duess buca survir ils onns fixai en nies cantun sco scolast.

4. Ei vegniu dumandau si la vischnaunca schebein ella vegli ruchiar la pagaggia dil „Caminfeger“ da 17 raps sin 20 raps, essend che Maissen hagi declarau, che per quella pagaggia possi el buca far giu pli il fulin, il qual ei schau sura als geraus d'accordar cun tgi ch'els manegien e sco els anflien per bien aschi bienmarcau sco pusseivel, bein aber da far attents quel, che surprendi, ch'el fetschi giu e schubregi ils tgamins en uorden.

6. Ha la vischnaunca concludiu da buca schar veginir pli il pegliatalpas digl onn vargau, havend quel buca fatg sia obligaziun, il qual fuss schiglioc staus prius si per quater onns. Ins duei empruar da marcadar cun enzatgi auter, sin ina moda ni l'autra.

7. Ei vegniu concediu a gerau Muggli in sulom per ina talina da lenna dador casa sin siu prau, sedecclarond Muggli ch'el damondi ni mulesti la vischnaunca cun negina lenna da quellas varts.

8. Ei vegniu concediu a statalter Felici Monn da **Zarcuns**, da schar far da metter a sust sia lenna da baghegiar e schar far tetg aber mo provisiamein, aschia che la vischnaunca duei haver ils

dretgs da far better giu tala suschna cura ch'ei plai ad ella, essend ch'ei vegn dau negins suloms permanents da far suschnas per tala moda.

9. Ei finalmein aunc vegniu fatg da dar in subsidi dalla vischnaunca anora als vischins da **Sedrun** per vegnir neutier cun sia aua en bischels da ghisa, en consideraziun, che quei spargnassi alla vischnaunca ina massa plontas giuvnas per onn. Il con dar ei nuota fixau, ils vischins dueien gl'emprem mirar da vegnir perina denter els da metter en tals bischels e per lura vegn la vischnaunca a fixar con dar ord cassa.

### 1877, ils 21 da matg

Ei la ludeivla vischnaunca stada radunada el liug solit, nua ch'igl ei vegniu sedeliberau sur dil suandont.

1. Ei vegniu concludiu da far mundi ils salvatoris tiers casa mardis ils 22 da quest, ils auters tiers ei vegniu refretg da fixar entochen dumengia, ils 27 da matg.

2. Ha la vischnaunca cun il pli concludiu, nunvegnend tier ina entelgentscha autruisa, da per igl onn d'uonn, schar pigliar talpas tgi che vegli e nua ch'ei veglien, pagond per scadina ord cassa da vischnaunca 50 raps.

3. Ei vegnius legius avon il pareri tschentaus si pervia da quell'aua ellas **Sorts**, nunvulend aber la vischnaunca entrar en en quel, ei ad interim vegniu refretg quella questiun.

4. Ha il signur president fatg da saver ch'il „Creisförstner“ hagi tarmess tier a nossa vischnaunca entgins tschiens plontas, las qualas stoppien immediat vegnir plantadas en, la quala lavur ils da **Selva** e **Tschamut** han surpriu da far da lavur cumina sut survigilonza da nies „Förstner“ Maissen.

5. Ei vegniu concediu da brattar in sulom d'ina tegia a Vigeli Hendri sin siu prau, la quala el tuorna a metter sin siu prau.

6. Ei vegniu concediu in sulom d'ina tegia vi **Surrein** a statalter Peder da **Selva**.

7. Ei vegniu concediu a Martin Schmed da **Sedrun** da schar far si in chischner cun treis aposts enstagl mo in da dus sco ei era avon.

8. Ei vegniu concediu a gerau Lorenz Jacumet in sulom per in chischner sin **Giuv** si per siu baghetg.

9. Ei vegniu concediu a gerau Muggli da schar ruchiar per in bratsch anen il sulom da siu baghetg sisur casa culla clara remarka e cundiziuns, ch'era il baghetg dadens quel da Muggli, appartenent tier ad artavels Duri Monn e statalter Gion Bistgaun Monn, hagi era ils medems dretgs sco quel da Muggli, numnadamein da seruchiar in bratsch anora, cura ch'ils sura numnai artavels vulan baghiar quel. La streglia denter ils sura numnai baghetgs ei dapresent sis bratscha, aschia sto cheu adina vegnir mirau ch'ei resti ina distanza denter quels dus baghetgs, da quater bratscha per transit da carr ni da sliusa. Era astga sut quellas grundas da quels dus baghetgs buca vegnir lennau pli suenter haver ruchiau il sura fixau.

10. Ei vegniu concediu a Vigeli Monn da **Surrein**, da schar ruchiar anora siu baghetg a **Burganets**.

11. Ha la vischnaunca tenor usit legiu ora ina deputaziun per tarmetter tier nos signurs spirituals ed envidar en quels da cumparer tier las elecziuns e quels ein stai gerau J. Anton Wenzin e statalter Gion Mihel Monn. En quei interval ei vegniu legiu avon il resultat dil quen da vischnaunca, menaus da statalter Gion Mihel Monn, il qual ei da quella vegnius approbaus cun engraziamenti.

12. Arrivai che ein stai ils signurs spirituals, ei per gl'emprem vegniu confirmau igl obercheit veder tal e qual sco el ei staus ils dus onns vargai, cun excepziun dil statalter, il qual ei enstagl da statalter Gion Mihel Monn, nunvulend quel far pli, Christian Muggli da **Rueras** ei vegnius legius ora e saramentaus.

Tier la cumissiun da scola ein elegi ils sequents: Gion Andriu Berther, Lezi Huonder, Vigeli Deragisch, Thomas Schmed, giuven, Gion Antoni Berther e statalter Fidel Wenzin.

Tier la cumissiun pauperila ei dau neginas midadas, aschia che restan ils medems. Tier la cumissiun da quens ein ils suandonts: signur assistent Schmed sco president da quella, Lucas Cavegn, statalter Josef Antoni Deragisch, gerau Stoffel Riedi, Lucas Cavegn, giuven, Vigeli Berther, giuven, Lezi Balzart, Giachen Antoni Monn, gerau Duri Wenzin, statalter Fidel Wenzin, statalter Stiafen Beer e scolast Soliva.

13. Finidas ch'ein stadas las sura elecziuns ei aunc vegniu publicau, che tgi che drovi lenna da baghegiar, duei enteifer questa jamna far urentar e sin dumengia che fuss ils 27 da matg haver dau en quella e lura ei la vischnaunca vegnida sligida si.

### 1877, ils 27 da matg

Ei la ludeivla vischnaunca stada radunada el liug solit e concludiu sco suonda.

1. Ei vegniu fatg da vender la lenna vanzada dalla punt da **Surrein**.
2. Ha la vischnaunca concludiu da far mundi las nuorsas ils 28 da matg e las cauras ed anseuls tenor uorden otg dis suenter che fuss stau ils 4 da zercladur.
3. Ei vegniu cun il pli concludiu da star tier igl uorden veder pervia dallas lennas da baghegiar. Silla sort da fiug aber ei bess giu 50 raps, aschia ch'ins paga per quella mo 1 fr., enstagl sco vivon 1.50 frs. Quei che appartegn tier ils chischners, ei vegniu fatg da dar ils posts en schetga, persuenter aber oblighescha la vischnaunca quels particulars che vulan baghiar chischners dacheudenvi da far tetg sin quels, sco era nua che pusseivel ei metter quels si per preit encunter baghetgs. Era il baghiar chischners cun tetg vegrn obligau mo en aschilunsch, sch'il sulom per in tal sa vegrn expropriaus sin ina moda raschuneivla, buca aber sch'il particular che vul baghiar in tal chischner cun tetg, stoppi surpagar il sulom, aschia ch'en gliez cass fuss in tal perstgisaus da saver baghegiar e derscher si siu chischner senza far tetg sin quel.
4. Ei vegniu dumandau si schebein ins lessi buca era schar numerar ora la lenna els uauls cumins, il qual ha aber buca pigliau il pli, aschia ch'ei resta sco ils onns vargai, che mintgin sa pinar da mintga specia tenor plascher la lenna che vegrn concedida els uauls cumins da baghegiar e reparar. Ei fatg per diesch onns.
5. Ei per la tiarza gada vegniu moviu pervia da quell'aua ellas **Sorts** e dumandau si la vischnaunca sin tgei moda e maniera ins vegli prender ina conclusiun da quellas varts. Cheu ein principalmein ils particulars che han prau giu **Pazzola** e **Mila** sedoli il pli fetg, manegiond che sch'ins tili ensemens l'aua sisum e meini quella giu cun dutg, sche seigi ei pli grond donn per ses praus e survegnien pli bia aua che da schar serasar quella sco vivon. Vulend aschia negin vertir l'aua sin praus, ei la vischnaunca quasi stada sfurzada da prender la conclusiun ch'ella ha priu, numnadammmein da menar il tumbin entraviers e schar ira l'aua dalla **Gassa Vedra** enagiu.
6. Ei vegniu concediu ad assistent Schmed da schar ira ina nuorsa da vaccas culs tiers entochen d'atun.
7. Ha la vischnaunca concediu suloms als suandonts. A Sep Antoni Balzart da carschentiar il sulom da siu nueglet sper casa, sco era ei vegniu concediu enzatgei lenna vid quei baghetg.
8. Duri Deflorin concediu da schar brattar sulom da siu baghetg si **Sum Praus** per segirezia dalla lavina. El medem temps ei era vegniu concediu al sura Deflorin enzacons lenns da clavau si gl'**Uaul Tschuppina**, pagond quei che vegrn schazegiau dil „Förstner“.  
Hans Giachen Caduff concediu vin **Suloms** da far ord in nuegl da dudisch ed ina zona dus nuegls da dudisch. A frars Hitz concediu sulom per far in stebli sil plaz dalla suschna da sia cas a vedra. Ad artavels Vigeli Berther, **Camischolas**, concediu da far ord in nuegl da dudisch ed in a zona in nuegl da sedisch. Lezi Muggli concediu da schar far in chischner cun treis posts a **Mil** a enstagl mo da dus sco era vidavon. Margheta Schmed da **Gonda** concediu da carschentiar il sulom da siu nueglet a talina sper casa. Giachen Giusep Jacumet da schar seruchegiar in toc plindengiu cun siu chischner sisum il vitg.  
Tut quels suloms, s'enteli, ein concedi senza donn e pregiudezi d'in tierz.
9. Finalmein ei aunc concludiu da schar dumandar si entras nies gerau militar Gion Antoni Schmed, schebein la casa da scola a **Rueras** fussi buca in local sufficient per salvar si ils effects militars, sco arsenal, ni sch'ei stoppi extra vegrn baghegiar in local da quellas varts.

### 1877, ils 17 da zercladur

Ei la ludeivla vischnaunca stada radunada el liug solit, nua ch'igl ei vegniu sedeliberau sur dil sequent.

1. Ei vegniu concediu al „Fuhrmann“ Alig da schar metter in siu cavagl malsaun per in temps

cheu silla jarva pagond el persuenter tgei che vegr garegiau.

2. Ha la vischnaunca concludiu da prender si aunc treis auters cavals jasters silla jarva la stad.
3. Eis ei vegniu fatg attents ch'igl „Inschinier“ Peterelli vegni ad arrivar cheu gliendisdis, ils 18 da zercladur, per intercurir sch'ei dessi plattas da far tetg e la vischnaunca stoppi aunc dar in ni dus umens, ils quals mondien cun el. Cheutier ein vegni tratgs ora signur president Lorenz Jacumet e signur assistent Schmed, ils quals dueien far quella cuorsa cul „Inschienier“.
4. Eis ei vegniu concludiu d'ulivar las alps sin sonda, ils 30 da zercladur.
5. Ha la vischnaunca concludiu da dar in subsidi da 50 frs. als donnegiai dil fiug da **Trun**, il qual subsidi duei vegr tier alla famiglia basignusa. Gi'emprem duei vegrnir tratgs si ina collecta en baselgia e quei che maunca duei vegrnir mess vitier ord cassa da vischnaunca.
6. Eis ei vegniu giavischau e concludiu da mirar sch'ins savessi marcadar cun Steger da barschar la caltschina oragiu la punt, ord motiv ch'ins savessi sin lezza moda haver pli baul la caltschina.
7. Ei vegniu fatg attents ch'il „Förstner“ hagi dau ora las sorts da fiug en duas partidas giu gl'**Uaul Surrein**. Per **Rueras** e **Camischolas** seigi dau entadem e per **Sedrun** e **Gonda** e **Surrein** oradem gl'**Uaul Surrein**; ussa seigi mo la damonda, sch'ins vegli trer la sort da cumionza, ni sch'ils vischinadis veglien star cun veglia sco seigi vegniu numerau ora dil „Förstner“, il qual ei cul pli vegniu concludiu da prender ils **Dadens** entadem ed ils **Dadora** oradem.
8. Ei vegniu concediu a Lezi Balzart da schar tener duas nuorsas cun las cauras tochen d'atun.
9. Ei vegniu concediu a president Lorenz Jacumet da schar vegrnir en cun dus tiers, a Paul Schmed cun quater tiers e Gion Antoni Pali cun ina vacca sur dretgs silla jarva, pagond els igl arvè ch'ei mess si dalla vischnaunca.
10. Ei vegniu fatg attents che Gion Antoni Berther da **Rueras** hagi priu il recuors tiel Cussegl Pign visavi la conclusiun prida dalla vischnaunca pervia da quella aua ellis **Sorts**, e probabel vegni il Cussegl Pign en cuort a dumandar il „Vernehmlassen“ e la vischnaunca stoppi numnar enzatgi che rispundi a quel. Suenter esser seteni si empau sur da quella caussa, ein nunspitgadamein Gion Antoni Pali e Giachen Franzestg Berther da **Rueras** seschai si e declarau avon l'entira vischnaunca ch'els, per far fin a tuttas dispetas, seigien cantlis da schar ira l'aua giu atras ses frusts senza negina bonificaziun, laschien aber persuenter sura alla cunsenzia da quels tals, ils quals seigien la cuolpa, ch'els stoppien ussa haver in'aua sin ses praus, la quala els hagien mai giu.
11. Ei vegniu concediu agl Augustin Riedi da **Tschamut** in sulom per far ina hetta da vinars sin siu prau, per la quala aber il sura Riedi duei dacheudenvi mai haver dretgs da pretender per lenna dalla vischnaunca en consideraziun ch'el ha vendiu quella ch'el veva enta **Milez**. Plinavon ei vegniu concediu als artavels da Giachen Martin Berther da **Camischolas** da schar ruchiar il sulom d'ina tegia sil **Tgom**, circa treis bratscha, persuenter aber laschien els ira sut igl entir sulom d'ina autra tegia era sil **Tgom**. A Luis Hendri da **Cavorgia** concediu da brattar giu sulom d'in fuorn. A gerau Lucas Cavegn concediu da schar metter sia lenna da baghegiar o dador il sontget, sut il stradun sin pastira e schar far tetg sin quella, aber mo provisoriamein, schia che la vischnaunca ha il dretg da far dustar quella, cura ch'ei plai ad ella. A Lucas Cavegn, giuven, concediu da schar vegrnir en cun in cavagl ch'ei envernaus in onn en campi dil pulein ch'el ha piars. A Luis Hendri da **Cavorgia** concediu da schar prender en in auter stierl silla jarva, in dils Palis da **Medel** en consideraziun ch'el ha piars in ch'el veva vendiu als sura.

### 1877, ils 8 da fenadur

Ei la ludeivla vischnaunca stada radunada el liug solit per sedeliberar cura cargar ad alp ed ei vegniu concludiu sin sequents dis: mardis ils 10 da quest dueien las nuorsas vegrnir cargadas, gliendisdis sissu, che fass il 15 da quest ils schetgs e mardis il 16 las vaccas.

Suenter da quei ei vegniu concediu a Martin Peder da **Cavorgia** da schar tener in tier sur dretgs a casa cun cuntentientscha dils vischins da **Cavorgia**.

Plinavon ei vegniu concediu a Sep Antoni Giossi da **Rueras** in sulom da baghegiar si ina talina sisur sia casa.

Era ei el medem temps vegniu concludiu da dar in toc lenna per onn, cira 3 – 4 vaultas da barschar alla „Hebama“ Monn da **Zarcuns** e quei mo per schiditg sco la sura survechesa en nossa vischnaunca.

Finalmein ei aunc vegniu fatg attents che tuts particulars, che hagien pinau lenna da baghegiar, dueien dar en nua els hagien pinau e tgei noda seigi fatg sillla lenna, sinaquei ch'il „Förstner“ sappi quella verificar e cheutras prevegnir che mintgin peini mo quei ch'el ha dretgs e quei duei vegnir dau en ad in u l'auter commember digl obercheit, ils quals vegnien lura a surdar quellas gliestas al „Förstner“.

### 1877, ils 15 da fenadur

Ei la ludeivla vischnaunca stada rimnada per votar ariguard la plazza d'armas a **Cuera** ed ei stau votants 141 encunter e negins pro. Plinavon eis ei ils 18 d'uost en **Zarcuns** suenter messa fatg star anavos ils vischnins per concluder cura schar ira a segar el **Cuolm Ault**, il qual ei fixau sco ils onns vargai da schar ira in per fiug, pagond 1 fr. per um ed entscheiver mardis, ils 20 da quest entochen s. Mihel.

### 1877, ils 30 da setember

Ei la ludeivla vischnaunca stada radunada el liug solit e concludiu il sequent.

1. Ei vegniu legiu avon la conclusiun prida davart dils treis muliners, Giachen Antoni Beer, Lurens Schmed e Sep Antoni Giossi, ch'els vegnien dacheudenvi ad alzar las multiras e prendien aschia dad ussa naven mintga 16 kilos in per moler.
2. Ei concludiu da schar lartg tuts tiers ils 4 d'october, resalvond ils s.v. tiers casa, ils quals dueien vegnir dai per ils praus per ils 6 d'october.
3. Ha la vischnaunca, sco ils onns vargai, puspei concludiu da schar marcadar cun quels dils cavals da trer il chis.
4. Finalmein ei aunc vegniu fatg attents, che tgi che hagi raschuns sufficientas da far far midadas vid la giesta da taglia cantunala, duei ton pli gleiti dar en al president da vischnaunca, sinaquei ch'el sappi metter avon alla cumissiun da taglia, la qualla pudessi vegnir surura.

### 1877, ils 21 d'october

Ei la ludeivla vischnaunca stada radunada el liug solit e sedeliberau sur dil sequent.

1. Ei tenor usit vegniu ligius avon il protocol dalla davosa vischnaunca, il qual ei vegnius approbaus tal e qual, priu ora la conclusiun prida da nos treis muliners, ei ad interim dalla vischnaunca buca vegnida acceptada, bein aber ei per quei intent vegniu tratg ora ina cumissiun existenta ord dus, treis ni plirs umens da mintga vischinadi, ils quals dueien seradunar il di dallas olmas suenter ils uffecis per mirar da saver vegnir tier in' autra entelgentscha da quellas varts.
2. Ei suenter da quei stau da votar per treis leschas federalas, per qualas igl ei stau votants sco suonda:
  1. per la lescha da fabricas
  2. per la lescha dall'imposiziun militara
  3. per la lescha sur dil dretg da votar
3. Ha la vischnaunca confirmau danovamein Gion Antoni Schmed sco gerau militar per treis onns, il qual ei aber seschaus en cun quella cundiziun, che la vischnaunca detti ad el in sufficient local per metter giudamaun ils effects militarics ch'el ha da survigilar.
4. Ei concludiu da puspei contrahar cun Stoffel da far giu il fulin, cun la clara remarca, che tgi che detti duront quei temps bubrondas spirituosas al sura, seigi vin ni vinars, duei vegnir castigiaus.
5. Finalmein ei aunc cun il pli vegniu concludiu da trer si ina collecta casa per casa per ils disgraziai entras il fiug a **Diriel**, il qual ei schau sura a mintga vischinadi da haver quitaui ch'ei vegni fatg ei.

### 1877, ils 18 da november

Ei la ludeivla vischnaunca stada radunada el liug solit e sedeliberau sur dil sequent.

1. Ei vegniu moviu pervia dils arvès, schebein ins vegli star tier igl uorden digl onn vargau ni sch'ins vegli quel reveder, il qual ha aber pigliau il pli da star tier il veder, aschia che mintga fiug ha puspei dretgs per 1878 da vegnir en cun quater tiers per fiug, buca aber in per l'auter, ils quals dueien pagar arvè alla vischnaunca tenor specia e qualitat sco cheu suonda:

in cavagl paga	15 frs.
ina vacca	6 frs.
ina mugia	5 frs.
in stierl ni stiarla	4 frs.
in vadi sur sis jamnas	3.40 frs.
in vadi giuven sut sis jamnas	50 raps
cauras e nuorsas	1 fr.
salvanoris sur in onn	2 frs.
salvanoris sut in onn	1 fr.

Era ei sco igl onn vargau schau tier da vegrin en cun duas cauras per fiug senza arvè, astga aber era sco sura schon detg buca daventar in per l'auter, sco era astga vegrin brattau ina gada in tier dalla medema specia egl interval d'in marcau entochen l'auter.

2. Ei vegrin concludiu da trer si ina collecta en baselgia per ils disgraziai entras il fiug a **Schuls** e lura ei schau sura als geraus da reparter quella cun igl auter ch'ei vegrin tratg si empau per in en omisdus loghens ton a **Diriel** sco era a **Schuls** tenor beinmanegiar.

3. Finalmein ei aunc vegrin legiu avon sin publica vischnaunca il quen daus giu da Gion Antoni Berther da **Rueras** per las expensas fatgas pervia da quella aua dallas **Sorts**, ch'ei vegrin dumandau si la vischnaunca, schebein ella seigi cantlia da pagar las sura menziunadas spesas ni buc, la quala ha aber cun il pli concludiu da buca pagar talas spesas ni bia ni pauc e cun quei ei lura la vischnaunca per quei di stada sligida si.

### Igl onn 1878

#### 1878, ils 20 da schaner

Ei la ludeivla vischnaunca stada radunada el liug solit e concludiu il sequent.

1. Ei vegrin tratg ora ina cumissiun, la quala duei empruar da vegrin perina e rugalar giu definitivamein cun Tumaisch Huonder e Gion Antoni Berther pervia dalla pretensiun fatga da quels dus particulars visavi la vischnaunca pil deivet naschius entras la questiun dall'aua dallas **Sorts**. Tier quella cumissiun ein numnai ils sequents: ils treis geraus, signur Lucas Cavegn, statalter Stiafen Beer, Gion Andriu Berther, gerau Muggli, assistent Schmed, Gion Antoni Pali e Giachen Franzestg Berther.

2. Ha la vischnaunca cul pli concludiu da metter **Tgom** e **Nual** cun **Val Val** e **Val Giuv** e zuar quei per tuts tschun onns ch'il present uorden dallas alps exista e lura schar serugalar denter quellas duas alps sco ei anflan per bien, sco era duei mintgin haver dretgs da metter si vadials sin quellas duas alps tuts tschun onns.

3. Ei concludiu ch'en mintga vischinadi duei vegrin dau vischins e tarmess dus tochen treis umens per vischinadi tier ina cumissiun, la quala cumissiun duei empruar da tschentar si in pareri co serugalar en cun la dieschma e spenda, essend che quei stoppi ussa vegrin mess neu en daners e buca pli vegrin dau il graun sco vivon.

#### 1878, ils 10 da fevrer

Ei la ludeivla vischnaunca stada radunada el liug solit e sedeliberau sur dil sequent.

1. Ei vegrin fatg attents sin garegiar dil „Wegher“, che tgi che hagi lennas vi **Sontget** sil stradun, duei enteifer treis dis mirar da dustar quella, sco era duei buca pli vegrin ruclau buoras dalla scarpa giu sisur la resgia.

2. Ei concludiu da pagar a Steger per barschar la caltschina oragiu la punt da **Pardatsch** nua che Steger sto sez rabbitschar oragiu la crappa 4.75 frs. il salmè cun la cundiziun che Steger brischi la caltschina aschigleiti sco seigi terrein.

3. Ei finalmein aunc vegrin concludiu da pagar ord cassa da vischnaunca ils formulars tarmess tier dil cussegli d'educaziun per far il „zeichnen“ e zuar aschibein quels dalla scola romontscha sco quels dalla tudestga, ils davos aber per buontad, buc aber per obligaziun.

#### 1878, ils 3 da mars

Ei la ludeivla vischnaunca stada radunada el liug solit e sedeliberau sur dil sequent.

1. Ei vegrin legiu avon la petizion dil segnerfarrer Maurus Desax, il qual damonda la vischnaunca da far ad el la lenna gratis, la quala grevezia schischeva entochen ussa sill a farria e

stueva vegrug pagau ord la rendita dalla pervenda. La vischraunca ha suenter haver ponderau empau quella caussa cun il pli concludiu da vegrug encunter al giavisch dil segnerfarrer e far la lenna al sura da lavur cumina. Il co reparter giu da far quella ei ad interim vegniu refretg e nuota fixau.

2. Ha la vischraunca concludiu da tarmetter sin quen il president circuital en uffeci Decurtins per schar rispunder al plogn d'Andriu Beer encunter sia consorta Agatha Beer, nata Riedi, il qual garegia separaziun da letg e ha cheu encunter dau en sias lamentaschuns visavi da sia consorta.

3. Ei vegniu mess cautegias ellal alps da schetgs sco suonda:

per Maighels	Duri Deflorin
per Mila	Gion Rest Monn
per Strem	assistent Schmed

Cautegia da cavals ei Tumaisch Berther numnaus.

### 1878, ils 24 da mars

Ei la ludeivla vischraunca stada radunada per votar sur in pugn da recapitulaziun appartenent tier l'amortisaziun dil deivet cantunal, nua ch'igl ei stau votants pro 14 ed encunter 82.

### 1878, ils 22 d'avrel

Ei la ludeivla vischraunca stada radunada el liug solit e priu sequentas conclusiuns.

1. Ei vegniu fatg attents pervia dalla malsogna dils tiers casa, la quala tuorni danovamein a grassar principalmein el vischinadi da **Sedrun**, sur dalla quala ins duei tenor camond dil docter dacheudenvi haver megliera precauziun. Era ei per quei intent vegniu concludiu da schar vegrug dalla vischraunca anora entgins sacs „Glaubersalz“, sco era „Clorcalk“ per fimentar ora quels nuegls cura ch'ei vegrug piars tiers casa da quella malsogna. Ton il „Glaubersalz“ sco era il „Clorcalk“ vegnan tarmess tier al president da vischraunca, tier il qual mintga particular, che vul e sto profitar da quels, sa retrer in sufficient quantum per siu diever cun naturalmein pagar quei che cuosta alla vischraunca, sinaquei che quella vegrug buc en donn.

2. Ei vegniu moviu pervia dalla lenna dil segnerfarrer, schebein ins vegli far da lavur cumina, ni sch'ins vegli quella marcadar e pagar persuenter. Suenter haver dumandau si ils divers meinis eis ei cun il pli vegniu concludiu da marcadar via quella, sch'ins sappi quei far pervia da raschun. Aspirants che veglien surprender quella, dueien el termin dad otg dis dar en ad in dils geraus sut tgei condiziuns ei veglien surprender da far quella lenna, ton quella dil farrer sco era quella dil caplon, sinaquei ch'ins sappi repurtar alla vischraunca l'emprema gada che quella vegrug radunada. Cheu ei lura aber bein da capir, ch'ei vegrug buca pagau ord cassa da vischraunca per far quella lenna, mobein che quei vegrug priu quen ils fiugs e mintga fiug paga quei che tucca ad el, enstagl far lavur cumina.

3. Ha la vischraunca legiu ora sis umens, ils quals dueien prender part da quella conferenza che serimna a **Trun** ed ha per finamira da promover ch'ils dretgs dil pievel vegrug risguardai e dacheudenvi empau meglier. Cheutier ein stai eligi sequents: numnadamein ils treis geraus en uffeci, assistent Schmed, gerau Muggli e gerau Gion Andriu Berther.

4. Ei concludiu da puspei, sco ils onns vargai, prender si sis cavals sillar jarva, ils quals dueien vegrug pri empau per il davos zercladur, ni gl'emprem da fenadur, sco era ei el medem temps concediu als cheu suandonts particulars da vegrug en cun sequents tiers ultra da quels ch'ei havevan schiglioc dretgs: Giachen Antoni Schmed cun diesch, Vigeli Cavegn cun quater, Battesta Valier cun tschun, Huonder cun quater, Muggli cun sis e Gion Antoni Pali cun dus. Tut quels tiers dueien pagar 1 fr. dapli ch'igl arvè ordinari sch'igl ei stiarls ni vadials, quei ch'ei vaccas e genetschas 1.50 frs.

### 1878, ils 12 da mars

Ei la ludeivla vischraunca stada radunada el liug solit e priu sequents conclus.

1. Ei suenter ch'il signur president ha giu legiu avon pressapauc la petizion appartenent ils dretgs dil pievel, la quala vegrug messa avon al Cussegli Grond tier sia proxima sesiun, ei lura vegrug votau giu e dumbräu ils votants ed ei stau pro, pia per dar en quella petizion al cussegli 108 e neginas encunter.

2. Ei sin moziun da plirs particulars en entelgentscha cun nos signurs spirituals vegniu dumandau si la vischnaunca, schebein ins lessi buca far enzatgei bien pervia dallas talpas, las qualas prendien tier en loghens da tala maniera, che senza agid da surengiu, seigi nunpusseivel da reducir e sminuir igl immens diember da quels tiers.

La vischnaunca ha lura unanimamein concludiu da schar sura als signurs spirituals cura e sin tgei moda ch'els manegian da fixar e far quella devoziun.

3. Ei vegniu fatg attens che tgi che drovi lennas da baghegiar e da clauder, duei ton pli spert dar en quellas.

4. Ha la vischnaunca fixau da far mundi ils s.v. tiers casa ils 13 da matg, las nuorsas ils 16 e las cauras tenor usit ed uorden otg dis suenter, che fuss pia ils 22 da matg.

Suenter da quei ei aunc vegniu concediu a Sep Antoni Lorez da brattar giu sulom d'in chischner enta **Selva** dadora il vitg, sco era ei vegniu concediu a Lezi Jacumet da **Surrein** sulom per far si ina talina da lenna sper sia casa, per la quala il sura sededlara ch'el vegni a mulestar la vischnaunca per negina lenna e quels suloms, s'entelli ein concedi dalla vischnaunca senza donn e pregiudezi d'in tierz.

### 1878, ils 19 da mars

Eis ei fatg star anavos ils vischins sur baselgia, nua ch'igl ei suenter entginas publicaziuns vegniu marcadau entras public ingant da far la lenna al segnerfarrer, sco era quella dil signur beneficiat da **Rueras** e zuar sin sequenta moda: als suandonts, Giachen Antoni Schmed, fegl da Paul Schmed ha supriu per in onn da far la lenna al segnerfarrer per la summa da 80 frs., ditgel otgonta francs, la quala lenna duei vegnir dada e numerada dil "Förstner" dador **Bugnei**. Duri Berther da **Dieni** ha supriu da far la lenna era per in onn al signur beneficiat da **Rueras** per la summa da 85 frs., ditgel otgontatschun francs, domisdus accords entscheivan cun s. Andriu 1878 e fineschan cun s. Andriu 1879. La sura lenna vegn dada gratis dalla vischnaunca.

### 1878, ils 26 da matg

Ei la vischnaunca stada radunada el liug solit e concludiu sco suonda.

1. Ei vegniu tratg ora otg umens d'ir a **Trun** sils 2 da zercladur per leger ora la dertgira digl appellaz e quels ein ils suandonts: president Lorenz Jacumet, Bruno Soliva, Gion Antoni Schmed, Vigeli Berther, giuven, Tumaisch Berther da Giachen, Duri Berther, statalter Christian Muggli e Vigeli Peder.

2. Ha la vischnaunca concludiu, aschinavon sco tuttas lennas ston uonn vegnir numeradas ora dil "Förstner", da puspei arver las schetgas serradas avon entgins onns a **Cavorgia** dado la **Vallatscha** a motiv ch'ins stoppi schanegiar empau ils auters uauls cumins, essend ch'ei vegni en certs loghens darsentau quels memia fetg.

3. Ha la vischnaunca concludiu sin supplica da nies "Förstner" da dar 5 - 6 dels da lavur cumina in di per plantar en in ton sem badugh enasi gl'**Uaul Camischolas** ed en **S. Brida**.

4. Ei vegniu concediu suloms als sequents particulars:

A Tumaisch Monn da far si in nuegl da dudisch armauls orasil **Drun** sut siu faner ch'era schon leu vidavon. A Giachen Franzestg Berther sulom d'in chischner giu **Mila** sin prau dadens siu clavau. A Vigeli Monn da **Rueras** sulom per far dus nuegls da sedisch ord in da dudisch ed ina zona. A Vigeli Monn da **Surrein** sulom per far si ina talina sper sia casa. A Giachen Monn concediu da transportar siu baghetg enasi **Mulinatsch** ch'ei sin prau e metter sin pastira dus nuegls da \*.

5. Ha la vischnaunca concludiu da vender a frars Cavegn in pez pastira si **Liez** per saver trer grad sia classena, il qual ei schau sura ad in digl obercheit da mesirar e schazegiar quella, era ei als sura vegniu concediu da schar ira per quella stad ina nuorsa cun las vaccas.

6. Ei finalmein aunc vegniu concediu als suandonts particulars da vegnir en cun tiers ultra da quels quater ch'ei havessen dretgs tenor uorden da vischnaunca: Bruno Soliva cun in, Vigeli Berther, **Sedrun** cun in e Battesta Valier cun treis, pagond sco schon fixau el protocol dalla vischnaunca d'avon.

7. Ei aunc vegniu concediu ad artavels da Giachen Antoni Deflorin, **Tschamut**, in sulom per far si ina tegia sin pastira da casa, il qual ei aber vegniu dau sut condizion ch'el baghegi mo per siu diever e buca sin speculaziun da vender ni schar via ad auters (*cun rispli*: schau ira sut vi

## Tgatlems).

8. Ha la vischnaunca concludiu da schar pigliar las alpas per igl onn d'uonn tgi che vul cun pagar 50 raps persuenter. La vischnaunca paga mo 25 raps ina ord cassa, l'autra mesadad ston quels che peglian talas sefar pagar dils particulars che han praus en quellas squadras e territori sin il qual els peglian. Per quella fin ein tals che peglian uonn talpas obligai da cunsienziusamein tener quein contas vegnan pigliadas en quella squadra e contas en in'autra, sco era enqual mises ed aclas.

## 1878, ils 10 da zercladur

Ei la ludeivla vischnaunca stada radunada el liug solit e concludiu il suandont.

1. Ha signur assistent Schmed, sco president dalla cumissiun da quens, dau giu il rapport en num dalla cumissiun ariguard il quen da vischnaunca, el qual el fa attents sur dils snueivels cuosts ed expensas che la vischnaunca hagi onn per onn, el medem temps recamonda el era, che tut tgi che lavuri per la vischnaunca, seigi mistergenrs ni auters, duessien esser empau pli raschuneivels cun lur pagaglias. Suenter da quei ei vegniu legiu avon il total tratg en e dau ora dalla vischnaunca per 1878, il qual ei vegniu approbau dalla vischnaunca.

2. Ei statalter Christian Muggli danovamein vegnius confirmaus sco cassier da vischnaunca pigl onn futur.

3. Ei concludiu da schar vegnir en culs cavals jasters pri si dalla vischnaunca s. Gions, che fuss ils 24 da zercladur.

4. Ha la vischnaunca concludiu da scriver ora ella gasetta per in nurser dalla stad, essend che negin en vischnaunca vegli seschar neu da pertgirar las nuorsas sillia **Pizza**.

5. Ei sin supplica da capitani dalla cumpignia da mats Alois Cavegn, il qual damonda la vischnaunca in subsidi ella cassa dils mats. Vegniu concludiu da per uonn dar negin subsidi en daners, bein aber ei sin moziun da signur assistent Schmed concludiu da schar cumprar la cumpignia da mats quater murters sin quen da vischnaunca, culla cundizion che tut sittar cun buis, seigi sin fiastas ni sin nozzas, duei vegnir dismess ed esser scumandau.

6. Ei concludiu da trer ord il cudisch da quen da vischnaunca tut ils „Loskaufs“ che la vischnaunca ha stuiu pagar per avdons egl jester che fussen stai obligai da survir sut militar e dar quels amanus al gerau militar, manegiond che quel pudessi forsa inaga ni l'autra pli tgunsch saver incassar in u l'auter da quels.

7. Ei vegniu concediu a gerau Gion Andriu Berther sulom per far si ina talina sin siu prau sur siu clavau sper casa.

8. Concediu als sequents particulars da vegnir en cun tiers sur dretg: Lurenz Jacumet cun 3 – 4, Gion Andriu Berther cun in, statalter Vigeli Jacumet cun in e Paul Schmed cun in.

9. Finalmein ei aunc sin moziun dalla cumissiun da quens, la quala ha anflau che a proporziun dils arvès, seigi ei si memia pintga taxa sil fein jester. Vegniu concludiu da metter si per quel 2 frs. la tschuncheisma enstagl dad 1 fr. sco era vidavon.

## 1878, ils 23 da zercladur

Ei la ludeivla vischnaunca stada radunada en **S. Giachen, Rueras**, e priu sequentas conclusiuns.

1. Ei vegniu pladiu nurser dalla stad Bianchi Cartoni e zuar per la pagaglia da 31 raps il tgau.

2. Ei concludiu da vegnir ensemen ed ulivar las alps s. Gions.

3. Ei vegniu concludiu d'era schar vender enqual lenn giud pei cura ch'ins mondi a vender la sedersa, quei s'entelli adina el mender donn e cun risguard sin basegns nua ch'ei fuss prighel da lavinas ni bovas etc.

4. Ei vegniu concediu a Giachen Monn da **Sedrun** da schar carschentar il sulom da siu baghetg a **Mulinatsch**, il qual igl ei era il medem temps vegniu concediu da schar dar la lenna concedida per quei baghet enasi gl'**Uaul Tschuppina** cun schar pagar empau dapli che la taxa els uauls cumins. Ei finalmein aunc vegniu concediu a Gion Antoni Jacumet da **Cavorgia** da schar brattar giu sulom da siu baghetg a **Mises Grond**, nua ch'il sura Jacumet lai ira sut il sulom dil nuegl veder e baghegia nuegl sil sulom sura che la tegia ei dapresent.

## 1878, ils 7 da fenadur

Ei la ludeivla vischnaunca stada radunada el liug solit e sedliberau sur dil sequent.

1. Ei concludiu da cargar ad alp e zuar ils sequents dis: las nuorsas dueien vegin cargadas ils 9 da fenadur, ils schetgs ils 15 e las vaccas il 16 da fenadur.
2. Ha il signur president fatg attents sin vischnaunca ch'ins duei dacheudenvi buca star pli sin **Cadruvi** da trer ensemens il latg, mobein ins duei seradunar ensemens sin in maun ni en ina casa, essend che quei seigi fetg scandalus, sco quei ch'ei vegin savens fatg caneras e segriu mintga fiasta e dumengia pervia da quels fatgs.
3. Ha la vischnaunca concludiu da dacheudenvi puspei schar pagar ina taxa raschuneivla per ils begls, seigi en vitgs ni en acras, ils quals dueien era vegin dai e marcai dil „Förstner“, il qual duei era schazegiar tgei duei vegin pagau per quella mintgamai suenter il toc lenn ch'ei drova. Era per ils bischels duei dacheudenvi vegin pagau 30 raps la plonta e per ils slusels 5 raps in.
4. Ei vegniu concediu ad assistent Schmed da vegin en cun in vadi senza pagar arvè en compi d'in auter ch'el veva piars, fuss staus vegnius en enzatgei dis pli tard che quei che fuss igl uorden da vischnaunca, sco era ei el medem temps vegniu concediu a Vigeli Berther da **Sedrun** da vegin en cun dus vadials sur dretgs pagond sco ils auters 1 fr. dapli ch'igl arvè.
5. Ha la vischnaunca concludiu da uonn puspei schar dar in sac sal per las nuorsas sillia **Pizza**.
6. Ei sin moziun da plirs particulars dumandau si la vischnaunca schebein ins vegli dacheudenvi buca observar igl uorden da zavrar las nuorsas avon cargar, essend ch'ils nurses dalla primavera fetschien negin stem per saver metter amauns las nuorsas cura ch'ei carga ni buc. La vischnaunca ha sinquei cun il pli concludiu da setener vid igl uorden e zavrar dacheudenvi las nuorsas avon ch'ira sillia **Pizza**, nua ch'il particular paga naturalmein mo per quellas ch'el survegn da zavrar avon ch'ira ad alp.
7. Ha la vischnaunca concediu a Gion Battesta Beer da **Sedrun** da schar far grad la classena da siu curtain suren ed ora e dadens giu mintgamai in cantun a l'auter entochen giu tier la geina che meina vi sper nuegl, pagond per quei che va giu pastira tgei che vegin schazegiau digl obercheit. Bein aber duei el medem temps era vegin mess tiarms denter la pastira e siu prau.
8. Ei unanimamein vegniu concludiu da far pagar anavos Hans Giachen Decurtins ils 10 frs. ch'el haveva fatg pagar ni teniu en dalla vischnaunca per prender giu las bullettas nossas duas fieras, essend stau s'entelgiu schon avon cun tut quels „Viehinspectors“ da schar ira in di lavur cumina da vischnaunca per mintga fiera a quel che pren giu las bullettas.
9. Finalmein ha la vischnaunca, essend stau lamentaschuns da plirs particulars. ch'ei vegni fatg memia grond donn sin ses praus entras ira cun bos temps da fretg da **Sudada** sidengiu ed ins duessi mirar sch'ins savessi u turnar a rugalar la via vedra, ni mirar sch'ins savessi buca far ina via communabla per tut quels mises ed alps cheuenasi, dalla Rufna viaden. Perquei intent ei vegniu numnau ina cumissiun consistenta ord ils treis geraus, ils quals dueien aunc trer tier treis, quater ni plirs umens, ils quals dueien mirar nua ins savessi sin la megliera moda e cun aschi pauc cuost sco pusseivel far ina via ton che mintgin sappi ira da tut temps senza far donn a particulars.

### 1878, ils 18 d'uost

Ei la ludeivla vischnaunca stada radunada el liug solit per deliberar cura schar ira a segar el **Cuolm Ault**, il qual ei vegniu concludiu sco igl onn vargau da schar ira in per fiug pagond 1 fr. e quei tochen s. Michel.

2. Ha il signur president fatg attents che tutt uauls communabels stoppien vegin terminai encunter uaul da particulars. Perquei intent ei statalter Gion Paul Berther vegnius legius ora sco terminatur, il qual hagi la megliera enconuschientscha da quellas varts.
3. Ei vegniu concludiu da vender las pastiras dumengia proxima, ils 25 d'uost suenter viaspas en **Camischolas** tenor solit.
4. Ei sin supplica dils pursanavels dall'**Alp Tschamut** vegniu concediu da schar star enzacons dis pli ditg las nuorsas sillia **Pizza**, las qualas vessen tenor uorden da vischnaunca stuiu ira vi l'**Alp Tschamut** ils 20 d'uost.

### 1878, ils 6 d'october

Ei la ludeivla vischnaunca stada radunada el liug solit e priu sequentas conclusiuns.

1. Ei concludiu da schar ir per ils praus ils tiers gronds e las cauras gliendisdis, ils 7 d'october, las nuorsas tenor uorden otg dis suenter ed ils s.v. tiers casa ils 11 d'october.

2. Ha la vischnaunca puspei per igl onn d'uonn concludiu da schar marcadar cun quels dils cavals da trer il chis, quei s'entelli aschi bienmarcau sco pusseivel.
3. Ei vegniu schenghegiau igl arvè da duas vaccas, ina a scolast Soliva e l'autra a Vigeli Biart da **Sedrun** en consideraziun che omisdus han giu il discletg da piarder ina per in.
4. Ei finalmein aunc vegniu votau per la nova lescha da taglia, per la quala igl ei stau votants pro negins, contra 155 e cun quei ei lura la vischnaunca per quei di stada sligliada si.

### 1878, ils 27 d'october

Ei la ludeivla vischnaunca stada radunada el liug solit nua ch'igl ei vegniu tractau sur dil suandont.

1. Ei vegniu dumandau si la vischnaunca schebein ella vegli suuttascriver quei di suenter vischnaunca las gliestas tarmessas tier dil „Referendungscomite“ da **Cuera** appartenent da far scriver ora sil pievel pervia dalla subvenziun dil **Gottard**, ni sch'ins vegli quellas tarmetter ora pils vischinadis entuorn, nua ch'cls vischins ein unitamein vegni perina da schar circular quellas pils vischinadis entuorn ch'ins gudogni sin lezza moda pli bia suuttascripziuns.
2. Ei vegniu concludiu, essend che la punt da **Cavorgia** stoppi vegnir fatga, da schar ira gl'emprem quels ch'ein anavos ella laver cumina.

3. Ha la vischnaunca giu da passar tiellas elecziuns da dus cussegliers naziunals, nua che sequents persunals han giu vusch:

docter Casper Decurtins	185
cusseglier naziunal Toggenburg	176
cusseglier naziunal Steinhäuser	12
Cajacob	1

Suenter esser fatg da saver alla vischnaunca il resultat dallas votaziuns ei la vischnaunca per quei di stada sesliada si.

### 1878, igl 1. da decembre

Ei la ludeivla vischnaunca stada radunada el liug solit e concludiu sco cheu suonda.

1. Ei vegniu moviu pervia dils arvès, sch'ins vegli puspei star tier igl uorden veder, ni sch'ins vegli quel reveder. Essend che la vischnaunca vegn onn e mintg'onn surcargada cun pli e pli bia expensas, sche han ins anflau per bien da metter si enzatgei dapli arvè sin ils tiers e zuar sco cheu suonda:

ina vacca paga	7 frs.
ina mugia	6 frs.
in stierl	4.50 frs.
in vadi vegl	3.40 frs.
in vadi giuven	1 fr.

cauras e nuorsas e s.v. tiers casa resta.

Tier igl uorden digl onn vargau, numnadamein 1 fr. il tgau, resalvond ils tiers casa sur in onn pagan 2 frs.; era ei da remarcar ch'ins astgi vegnir en cun neginas cauras senza arvè, sco ei stau il cass ils dus onns vargai. Il diember dils tiers ch'ins ha dretgs da vegnir en ei quater per fiug, buc aber in per l'auter, era astga vegnir brattau giu in tier dalla medema specia egl interval d'in meins, seigi quei lura ch'ins vendi in tier ni sch'ins ha il discletg da piarder in tal, sche han ins il dretg da remplazzar entras in auter dalla medema qualitat d'arvè, il qual astga aber daventaro inagada per fiug.

2. Ei vegni numnai ils cautegias ellal alps da schetgs:

per <b>Maighels</b>	Giachen Antoni Schmed
per <b>Mila</b>	Luis Cavegn
per <b>Strem</b> statalter	Gion Paul Berther

### Igl onn 1879

#### 1879, ils 19 da schaner

Ei la ludeivla vischnaunca stada radunada el liug solit e concludiu il cheu suandont.

1. Ei suenter esser legiu avon entginas publicaziuns ord igl „Amtsblatt“ stau da votar pervia dalla subvenziun pil **Gottard**, nua ch'igl ei stau votau encunter (pia buca conceder quei subsidi)

82 e negins pro.

2. Ei vegnius pladius nurser dalla stad Giochen Deflorin cun ina pagaglia da 30 raps il tgau senza sal. Era ei el medem temps scumandau al sura nurser da prender si tgaun da pertgirar las nuorsas.

3. Ei vegniu dumandau si la vischnaunca, schebein ella manegiassi buca da dar en ina petiziun e dumandar lubientscha ch'ei vegnessi concediu d'ira vinavon culla posta naven da **Rueras** a **Mustér**, enstagl mo in pot a pei, sco era avon paucs dis vegniu fatg da saver; detg giu ch'ei vegni dacheudenvi buca pagau per ira cun carr e cavagl, sunder mo per in pot a pei. La vischnaunca ha da quellas varts vuliu entrar en nuot ed ha cun in grond pli concludiu da dar en neginas petiziuns e da haver marvegliaas da quei nuot e cun quella conclusiun ei la vischnaunca per quei di stada sligiada si.

### 1879, ils 30 da mars

Ei la ludeivla vischnaunca stada radunada el liug solit e concludiu il suandon.

1. Ha la vischnaunca giu da votar sur ils treis pugns da recapitulaziun per ils quals igl ei vegniu votau sco suonda. Per gl'emprem pugn ariguard il manteniment dallas vias ei stau votants pro negins, contra 189. Il secund pugn ariguard il dismetter la pasculaziun dils tiers manedels ei medemamein stau pro negins, contra aber 183. Per il tierz pugn, appartenent tier la pescaria ei stau votants pro 44, encunter 121.

2. Ei entras igl uffeci circuital vegniu dumandau nossa vischnaunca in subsidi per ils dus disgraziae entras il fiug a **Breil**. La vischnaunca ha sinquei concludiu da tarmetter tier a quels dus 10 frs. e zuar duei vegnir tratg si gl'emprem ina collecta en baselgia, duess ei buca vegnir en ils 10 frs. cun quella, sche dueien ins metter vitier ord cassa da vischnaunca. L'autra collecta per ils disgraziae da **Meiringen**, cantun **Berna**, ha la vischnaunca anflau per pli adattau da refierer tochen sin d'atun proxim, manegiond che lura hagien la glieud plitost daners, ni era outras victualias.

3. Ei vegniu serrau e scumandau per sis onns da pinar badugna en **Pardatsch**, sulettamein ei schau tier da pinar tortas da scuas, buca aber da pinar giu tschupials.

4. Ha il signur president danovamein moviu pervia dalla dieschma, ch'ei stoppi cun la fin digl onn 1879 esser rugalau e capitalisau ed ins duessi mirar da vegnir tier ina entelgiantscha da quellas varts. La vischnaunca ha sin quei concludiu da surdar quei ad ina cumissiun, tier la qual mintga vischinadi duei tarmetter 2 – 3 umens, la qual cumissiun duei seradunar sonda proxima, ils 5 d'avrel, a **Sedrun** en casa da signur Lucas Cavegn, ed empruar da tschenttar si in pareri da quellas varts e lura rapportar quel alla vischnaunca cun l'emprema caschun.

5. Ei vegniu fatg da saver, che tgi che drovi caltschina, duei entochen dumengia proxima, ils 6 d'avrel, haver dau en quella, sinaquei ch'ins sappi sch'ei vegni en il quantum sco igl accord plaida.

6. Ha la vischnaunca concludiu che dacheudenvi vegnien ils scolasts e scolastas pladi entras ils commembers dil cussegl da scola en entelgiantscha pli u meins era cun quels che han da tarmetter lur affons tier quella scola.

7. Ei cun in grond pli vegniu concludiu da far onn e mintg'onn ina certa devoziun (*strihau*: per la quala ha per finamira da ragischar ora e tener naven da nos funs e praus tuts tiers nuscheivels, principalmein las talpas) pervia dallas talpas, che fan dapresent en certs loghens snueivels donns. Tgei far e cura far quella devoziun ei schau sura a nos signurs spirituals co els anflan per bien, bein aber duei vegnir quei di, entochen che quella devoziun ei finida, vegnir fatg firau.

8. Ei vegniu concediu a Vigeli Peder da **Selva** sulom da far si in faner a **Carmihut** sin prau, il qual sedecleta ch'el vegni a mulestar la vischnaunca per negina lenna.

9. Ha la vischnaunca concludiu da prender si uonn puspei nov cavals sillla jarva la stad cun schar pagar in senza pulein 25 frs. ed in cun pulein 30 frs.

10. Ei vegniu concediu a gerau Muggli ed a Battesta Valier da vegnir en cun otg stiarls per in, ultra dils quater ch'ei han schiglioc dretgs, per ils quals tiers Muggli e Valier ston pagar 2 frs. il tgau dapli ch'igl ordinari arvè, pia 7 frs. il tgau.

## 1879, ils 14 d'avrel

Ei la ludeivla vischnaunca stada radunada el liug solit e priu sequentas conclusiuns.

1. Ei vegnius legius avon il pareri pervia dalla dieschma, luvraus ora e tschentaus si d'ina cumissiun, la quala ei stada representada ord 2 – 3 ni era plirs commembers ord tut ils vischinadis, ils quals ein la finala vegni perina da tschentar si il sura menziunau pareri per rapportar quel alla vischnaunca alla quala ei steva sura d'approbar ni disapprobar quel. Suenter haver legiu avon quel ei vegniu dumandau si ils meinis, nua che principalmein signur assistent Schmed ei seschaus si encunter quei pareri e protestau che la vischnaunca hagi tenor lescha negin dretg d'ira per quella via e far pagar la dieschma sin quella moda ed el sco particular resalvi ses dretgs e vegni mai e pli mai a pagar la dieschma tenor quei pareri. Suenter ditg haver discussionau sur da quei, ei vegniu fatg si las tscharnas, ina da star dil pareri e l'autra da fierer quel e l'emprema, numnadamein da star dil pareri, ha giu in grond pli. Sinquei ei vegniu concludiu che mintga vischinadi duei trer ora ina cumissiun, la quala hagi da prender si las mesiras dils praus e classificar quels tenor pareri, il qual duei tut esser fatg sigl emprem fenadur.
2. Ei vegniu concediu als suandonts dus particulars ils sequents suloms: a Giachen Antoni Schmed da far si ina talina sil **Busch** sper siu baghetg sin prau, a Gion Antoni Monn da far si ina talina a **Foppas** sper sia casa sin prau, quei s'entelli ch'ei dau senza donn e pregiudezi d'in tierz.
3. Ei per buontad, sur uorden da vischnaunca, vegniu concediu a Giachen Fidel e Hans Giachen Caduff da far si ses dus nuegls sin suloms in ton da lenn, culla clara remarca aber, ch'ei hagien mai il dretg da pretender dalla vischnaunca per lenna vid sias preits nuegl, per aschiditg sco exista quei uorden en vischnaunca ariguard il baghegiar.
4. Ei finalmein aunc vegniu concediu a Vigeli Cavegn da schar ira per questa stad in tschut cun las vaccas.

## 1879, ils 18 da matg

Ei la ludeivla vischnaunca stada radunada el liug solit e priu sequentas conclusiuns.

1. Ei stau da votar per ina lescha federala ariguard il pugn dalla peina da mort, schebein ins vegli quella puspei acceptar ni refusar, nua ch'igl ei stau votants per prender si quella 196 e per fierer quella 7.
2. Ha il signur president legiu avon ina brev dil „reisförstner“ Liesch, il qual camonda a nossa vischnaunca da plantar en in tschuppel tschiens plontas uaul ora si gl'**Uaul Niregl** ed en **S. Brida**. La vischnaunca ha sin quei concludiu da far scriver al sura „Förstner“ per empruar da veginr libers silmeins da quellas digl **Uaul Niregl** e sche pusseivel fussi da tuttas.
3. Ha la vischnaunca cun in grond pli puspei concludiu da puspei petiziunar per survegnir la posta d'ira sur tut onn cun cavagl naven da **Rueras** a **Mustér**, ed ins duei far tut pusseivel per survegnir quella, essend quella per il general da grond avantatg.
4. Ei vegniu moviu ariguard il far mundi, il qual ins ha aber anflau per bien da refierer entochen dumengia proxima, ils 25 da matg, resalvond ils s.v. tiers casa ei concludiu da far mundi venderdis, ils 23 da matg.
5. Ei vegniu fatg da saver che tgi che drovi lennas da clauder, duei enteifer il termin d'otg dis haver dau en ad in digl obercheit.
6. Ha Duri Deflorin dumandau encunter uorden da vischnaunca da schar veginr en senza arvè cun in stierl, encunter ina vacca, ch'el veva vendiu, il qual ei aber vegniu snegau al sura, manegiond che quei seigi buca per igl interess dalla vischnaunca.
7. Ei vegniu concediu ils sequents suloms: a Gion Martin Peder, Helleners, in sulom d'in faner a **Carmihut** sin prau, il qual damonda negina lenna dalla vischnaunca. A Franz Loretz da brattar sulom dalla tegia vi **Surrein**, per metter quella sil sulom dalla ustonzia. A Tumaisch Schmed e Luis Hendry, da brattar sulom da siu baghetg giul **Plaun**, sco era ei concediu a quels da schar far ses nuegls in ton da lenn. Bruno Soliva concediu sulom per dus nuegls da sedisch armauls a **Valtgeva**, al qual igl ei era vegniu concediu da far ils nuegls in ton da lenn. Il sura lai ira sut in auter baghetg, era si **Valtgeva**. Quei che appartegn las preits nuegl dils dus sura numnai baghetgs, s'entelli ch'ei han negins dretgs da pretender per lenna dalla vischnaunca, per aschiditg sco la vischnaunca ha il present uorden ariguard il baghegiar, era ein tut quels suloms

vegni concedi dalla vischnaunca senza donn e pregiudezi d'ina tiarza persuna.

### 1879, ils 25 da matg

Ei la ludeivla vischnaunca stada radunada a **S. Antoni** e priu sequentas conclusiuns.

1. Eis ei concludiu da far ira ord ils praus las nuorsas sonda proxima, ils 31 da matg e las cauras tenor uorden otg dis suenter, fagend bunaura.

2. Ei vegniu concediu a statalter Gion Battesta Monn in sulom da far si ina talina sper siu clavau a **Sedrun**.

3. Ei vegniu concediu a Sep Antoni Beer in sulom da far si ina talina sin **Gonda** sin pastira, veggend perina culs vischins pervia dil plaz e sche quei buc, sche baghegi el quella en siu iert.

4. Concediu a Hans Giachen Decurtins da vegrir en cun tschun tiers, a gerau Muggli cun treis ed a Tumaisch Huonder cun quater tiers, ultra dils quater ch'ei han schiglioc dretgs, pagond la taxa ch'ei messa dalla vischnaunca.

### 1879, ils 2 da zercladur

Ei la ludeivla vischnaunca stada radunada el liug solit e concludiu il suandont.

1. Ha il signur president fatg attents, che la vischnaunca stoppi d'atun proxim buc aunc surprender il deivet dallas scolas, mobein per sin d'atun ed in onn.

Suenter da quei ha il medem fatg la damonda tier la vischnaunca, schebein ella garegi ch'ins legi giu il quen da vischnaunca specificadamein ni mo il resultat da quel. Sinquei ein plirs vischins seschai si e detg che quei fetschi negin basegns, essend che la vischnaunca hagi perquei intent legiu ora la cumissiun da quens, la quala duei ir atras ils quens stediamein, il qual els secreian che quei seigi era daventau uonn. Sin quei ei vegniu legiu avon en „blocco“, ton il priu en sco il dau ora ed era il deivet che la vischnaunca ha aunc dapresent. Suenter da quei ei il signur president dalla cumissiun da quens vegnius dumandaus si, schebein el hagi da far remarcas ariguard il quen da vischnaunca. Quel ha sincerau alla vischnaunca, en num dalla cumissiun, ch'ins hagi anflau il quen menaus da statalter Christian Muggli igl onn 1878 exact ed en uorden, era davart digl entir obercheit, hagi la cumissiun anflau e viu en ch'ei seigi stau spargn e seigi vegniu teniu casa per la vischnaunca, da maniera che quella astgi approbar il quen cun engraziament, era astgi el recumandar alla vischnaunca da turnar a confirmar vinavon igl obercheit. Plinavon ha el fatg attents la vischnaunca sillae grondas spesas che crodien di e mintgadi sillae vischnaunca, las qualas creschien onn per onn, da maniera ch'ei seigi nunpusseivel da saver sminuir il deivet da vischnaunca, ei vegli da tener bein casa, mo da tener sut il current. Conclusivamein ha el aunc fatg da saver alla vischnaunca ch'el vegni buc a cumparer pli tier la cumissiun da quens, aschia che quella sappi leger ora in auter president en siu stagl.

Signur scolast Soliva ha sco ufficial civil fatg la remarca alla vischnaunca, ch'ei fussi bien e necessari che la vischnaunca tenessi dacheudenvi in exact protocol dils „Heimatscheins“, che veggan dai ora, per evitar cheutars cugliunarias, il qual la vischnaunca ha era concludiu, che dacheudenvi dueien tuts „Heimatscheins“ e „Passbewilligungs“ vegrir registrai e protocollai. Suenter da quei ei vegniu approbabu il quen da vischnaunca menaus da statalter Christian Muggli cun engraziament.

2. Ei concludiu da far ira ord ils praus las nuorsas mardis, ils 3 da zercladur e las cauras sonda, ils 7 da zercladur.

3. Ei vegniu concediu ils suandonts suloms: a Martin Schmed sulom per ina talina sisur sia casa, a Sep Antoni Schnoz sulom per in faner a **Carmihut**, a Vigeli Berther ei vegniu concediu da far ord dus nuegls da dudisch armauls, dus da sedisch, sco era brattar sulom da sia tegia si **Mulinatsch**. A frars Caduff, **Rueras**, concediu sulom da far si ina talina sut sia casa. A statalter Gion Battesta Monn, da carschentar siu baghetg a **Valtgeva** per in nuegl da sedisch armauls.

4. Ei vegniu concediu a Vigeli Cavegn e Vigeli Berther da vegrir en cun tschun tiers, ultra dils quater ch'ei han dretgs,

5. Ei concludiu da schenghegiar miez igl arvè d'ina vacca a Battesta Valier, la quala el ha piars.

6. Ei sin lamentaschun dils nursers dadora vegniu fatg in uorden ariguard il stavlar las nuorsas cura ch'ei vegn fatg mundi, il qual ei sco suonda.

Allas endisch uras da miezdi, quei di che vegn fatg mundi, dueien omisdus nursers, ton quel da

**Rueras**, sco il dadora, vegrir ensem en **Dutg Grond**, aschia che mintgin vesi lura e seigi segirs che l'auter prendi buca nuorsas giud siu territori e nua che las nuorsas crodan da quellas uras, dueien ellas vegrir stavladas e duein era pagar en tal liug.

Era dueien tuttas nuorsas vegrir ligiadas e zavradas avon cargar ad alp e zuar vegrin ellas zavradas avonmiezdi enagiu **Surrein** e suentermiezdi ora si **Valtgeva**. Duess ei esser particulars negligents che zavrassen buca las nuorsas, sche dueien quellas nuorsas che vonzan vegrir ligiadas e messas a ferm entochen ch'ellas vegrin a patrun e per scadina ei mess si 50 raps castitg, ultra dallas spesas che pudessen aunc curdar tier da quellas varts cun forsa stuer scriver ora ella gasetta etc. Medemamein ein quels tals sut castitg digl obercheit, ils quals vulessen sias nuorsas ni nera quellas dad auters particulars quei di che vegr fatg mundi, ni era ils dis avon, seigi lura sin qual maun ch'ei vegli, essend che quei pudess esser da grond pregiudezi ad in u l'auter pastur.

7. Ei vegniu legiu ora ina deputaziun per tarmetter tier nos signurs spirituals per envidar en quels tenor vegl usit tier las elecziuns. Tier quella deputaziun ein stai eligi signur gerau Giachen Antoni Venzin e statalter Christian Muggli. Essend ils signurs spirituals stai arrivai, ei gl'emprem vegniu legiu ora ils treis geraus, sco president Lorenz Jacumet, per secund statalter Christian Muggli e per tierz gerau statalter Gion Battesta Monn.

Per cussegliers ein elegi ils sequents: statalter Gion Paul Berther, Gion Antoni Monn da Stiaffen, Gion Antoni Berther, giuven, Vigeli Berther, Luis Hendri e Vigeli Peder. Orda quels sis cussegliers ein vegni legi ora Vigeli Berther, giuven, sco cassier da vischnaunca e Gion Antoni Berther, giuven, sco salter.

La cumissiun pauperila resta la medema, resalvond il president da quella. Nunvulend statalter Giachen Antoni Beer funcziunar pli sco president, ei en siu stagl, Giachen Antoni Berther da **Camischolas** numnaus sco president. Il sura Giachen Antoni Beer resta aber tonaton vinavon sco commember dalla sura cumissiun.

Tier il cussegl da scola ein confirmai ils veders.

La cumissiun da quen resta la medema, resalvond enstagl da Vigeli Berther, giuven, ei gerau Gion Andriu Berther, giuven, vegnius eligius.

Tier la cumissiun dallas alps ein statalter Gion Paul Berther, Gion Antoni Berther, Gion Mihel Monn e Vigeli Peder.

Quels che han da tener las lavurs cuminas ein confirmai ils veders.

Conclusivamein ei aunc vegniu fatg da saver davart dil president, che tgi che drovi lennas da baghegiar, duei enteifer il termin dad otg dis haver dau en quellas ad in u l'auter commember digl obercheit

Augurond in bien appetit tier il gentar ad in e scadin, ha il signur president declarau la vischnaunca quei di per sligliada si

## 1879, ils 22 da zercladur

Ei la ludeivla vischnaunca stada radunada el liug solit ed ei sedeliberau sur differents pugns sco suonda.

1. Ha signur scolast Soliva fatg ina remarca davart ils suloms concedi, nua ch'el manegia ch'ei vegni concediu biars, mo la vischnaunca hagi da trer en pagaments per paucs ed ins duessi aschia schar mirar da trer suenter e far mesirar quels pli exactamein. En quei tema dils suloms ei lura el medem temps levau si la damonda, co ei stetti cun ils suloms da suschnas da lenna, che seigien concedi per in temps nundeterminau sin pastira, e suenter ditg haver discussionau da quellas varts, ha la vischnaunca concludiu cun grond pli da conceder negins suloms per suschnas pli ed era che las schon existentas dueien el decuors d'in onn esser giud pastira.

2. Ha il president schau saver, che tgi che drovi aunc lennas da baghegiar duei immediat suenter vischnaunca dar en agl obercheit per quella ed era tenor conclus da quel, dumandau, sch'ins vegli schar pinar mintgin sez senza numerar ora, ils lenns d'aissas e slondas els uauls cumins ed era sch'ins vegli schar pinar quels en la schetga nova da **Cavorgia** ni buc. La vischnaunca ha concludiu da schar pinar mintgin sez sco el vegli, mo da buca schar taccar la numnada schetga.

3. Ei vegniu concediu a signur Gion Antoni Berther da **Camischolas** da schar baghegiar sur sia talina dador sia casa en combras etc., sco ei plai ad el, mo senza donn e pregiudezi d'in tierz.

4. Ei vegniu dumandau la vischnaunca, schebein ella garegi ch'ei vegni encuretg ensemens ils uordens e statuts da vischnaunca per haver ina clara survesta da quels ed era per saver leger quels ina gada per onn sin vischnaunca, sco fuva la vischnaunca avon stau moviu da signur gerau Gion Antoni Venzin. Suenter haver tedlau divers meinis han ins manegiau, che quei seigi commensurau e necessari e concludiu cul pli da far prender amauns quella lavour.
5. Ei fixau da schar vegnir en cun ils cavals pri si sillar jarva da quei di naven, aschigleiti sco enzatgi vegli vegnir.
6. Ha il signur president fatg attents, che sonda, ils 28 da zercladur, vegni a vegnir urentau tetgs e classenas.
7. Ei vegniu concediu a Gion Antoni Monn da Stiaffen Monn per in faner si **Milez** sin prau. A Martin Peder da **Cavorgia** sulom sin pastira ni sin prau per far in nuegl da dudisch armauls ora si la **Paliu Crap**, omisdus suloms sco adina senza donn e pregiudezi d'auters.
8. A Vigeli Berther da **Sedrun** ei concediu da schar far in ton da lenna las preits da ses nuegls si **Mulinatsch**, culla remarca ch'ei vegni aber per quellas dau negina lenna ni quella ni outras gadas, schiditg sco il present uorden da baghegiar exista. A Vigeli Schmet da **Rueras** ei lubiu da schar ir in tschut cun las vaccas. A Duri Deflorin concediu da schar vegnir en cun in stierl ed in vadi, ultra dils quater dretgs, sco era a Vigeli Monn da **Rueras** cun in vadi.
9. Ei vegniu dumandau si la vischnaunca, sch'ella vegli, sco ei seigi da vegl enneu stau usitau da reveder e renovar ils tiarms denter **Curnera** e **Maighels** mintaga diesch onns, era incumbensar enzatgi uonn, da far quella revisiun, essend che quei seigi daventau la davosa gada 1868. La vischnaunca ha anflau per bien da reveder ils tiarms en incumbensar leutier signur president e Christian Muggli cun aunc schar trer tier in giuven, tgi ch'els manegien.
10. Ei concludiu d'era vender enqual lenn ord schetgas giud pei, s'entelli el mender donn e pusseivel.
11. A Stiaffen Beer ei concediu miez igl arvè d'ina mugia en consideraziun ch'el ha piars siu taur.
12. Ein ins vegni perina da dar per uonn, sco era da far per quella in'atgna lavour cumina, la lenna dils signurs spirituals da lavour cumina, enstagl pagar a particulars per far quella, sco igl onn vargau.
13. Concernent las talpas, ha il signur president en num dils possessurs da funs dalla squadra da **Rueras** e **Zarcuns** dumandau la vischnaunca per in subsidi ord cassa da vischnaunca, il qual ei cul pli vegnius concedius cun las sequentas condiziuns e sin sequenta moda. La vischnaunca paga 50 frs. per onn per quels sis onns che nies contract cun il pegliatalpas cuoza, aschia en tut 300 frs., pia ina quarta part dall'entira summa ch'ei a quel da pagar ora. Vegness ei fatg accords semegliants per outras cuntradas en vischnaunca, sche vegn ei era pagau la quarta part dil marcadau pagament; num ch'ei vegness marcadau per in ton la talpa, el qual cass la vischnaunca pren giu la quarta part mo lura, cura ch'ins paga per talpa buca dapli che 50 raps.
14. Finalmein ei concludiu d'entscheiver a pinar la lenna els uauls cumins, mesjamna, ils 25 da zercladur.

### **1879, ils 29 da zercladur**

Ha la vischnaunca el liug solit priu sequents conclus.

1. Da baghegiar la tegia ella **Val Mila** e quella si **Caschlè**.
2. Da tener quen in'atgna lavour cumina, il far la lenna als spirituals ed era ch'ils da **Rueras** sappien far la lenna a lur caplon e quels dador **Dutg grond** al caplon da **Sedrun** e segnerfarrer.
3. Ei fixau da far dar en ils tiers sin dumengia, ils 6 da fenadur, sinaquei ch'ins sappi quei di ulivar las alps.

### **1879, ils 13 da fenadur**

Ei la ludeivla vischnaunca passada e radunada el liug solit per concluder cura cargar ed ha stabiliu da cargar sco suonda: Essend ch'ei havess tenor igl uorden, ch'existevo vidavon dallas nuorsas, stuiu cargar quellas otg dis avon che tuts auters tiers sin la **Pizza** e quei saveva uonn strusch daventiar, essend aunc bia neiv si leu, sche han ins anflau per bien da rumper quei uorden dallas nuorsas, sco era ei sin ina petiziun dils pursanavels da **Val Giuv**, vegniu fixau, che las nuorsas dueien restar sin la **Pizza** entochen igl 1. settember, enstagl mo tochen ils 20

d'uost ed era ch'ellas dueien lura suenter star per quels diesch dis pli ditg giu l'**Alp Tschamut**. Suenter ei fixau da stavlar las nuorsas venderdis, ils 18, e cargar ellas ils 19 sin la **Pizza**. Ils schetgs dueien vegnir cargai gliendisdis, ils 21 e las vaccas mardis, ils 22 da fenadur.

### 1879, ils 3 d'uost

Ha il signur president fatg radunar ensemens ils vischins a **Camischolas** e lura rapportau alla vischnaunca, che quels particulars da **Bugnei**, ils baghetgs dils quals seigien entras fiug vegni intschendrai, damondien ussa dalla vischnaunca la necessaria lenna per baghegiar si in clavau e dus chischners e zuar havessen els bugen, ch'ins concedessi da dar quella egl **Uaul Bugnei**. La vischnaunca ei stada cuntenza da conceder la lenna, mo a raschun che quei drovi fetg bia plontas, han ins anflau per bien d'era far pinar silmeins la lenna da clavau els uauls cumins, cun animar, in e scadin che ha bos, ch'el duessi vid unviern gidar a trer quella lenna si da **Cavorgia**, quels particulars, sch'els damondien persuenter. L'autra lenna duei vegnir dada a **Bugnei** e la palaunca nua ch'il signur „förster“ anfli per commensurau, senza far grond donn.

### 1879, ils 17 d'uost

1. Ha la vischnaunca el solit liug concludiu da schar entscheiver a segar el **Cuolm Ault**, mardis, ils 19 d'uost entochen s.Michel, zuar mo sco entochen dacheu in um per fiug, pagond 1 fr.
2. Ei concludiu da vender las pastiras oz, ils 17 e sch'enzati garegi, era aunc metter dumengia proxima en ingant quellas che vonzien oz.
3. A Sep Antoni Balzart ei schenghegiau igl arvè d'ina caura.

Cun quei ei la vischnaunca per quei di vegnida sligiada si. Il sura protocol ei ils 5 d'october vegnius legius avon ed approbaus.

### 1879, ils 5 d'october

1. Ei la ludeivla vischnaunca stada radunada el liug solit per mirar cura ch'ins vegli schar lartg ils tiers ed ei ha pigliau il pli da dar lartg ils tiers gronds, sco era ils s.v. pors, gliendisdis ils 13 d'october e las nuorsas, mesjamna, ils 15 d'october.
2. Ha il signur president schau saver che nies „veger“ hagi puspei uonn pinau tier da far trer in ton chis. La vischnaunca sappi aschia mirar sch'ella vegli puspei schar trer quels dils cavals per uonn, ni sch'ella vegli dar uorden sin in'autra moda ch'ei vegni fatg quella lavur. Ins ha lura manegiau, che quels dils cavals fetschien pagar stagn bia per di ed ha sin quei concludiu da sin dumengia proxima schar scriver ora ella gasetta, sch'enatzgi vegli surprender da trer quei chis empau pli bienmarcau.

### 1879, ils 27 d'october

Ei la vischnaunca stada radunada el solit liug per votar giu sur da dus pugns da recapitulaziun e zuar.

1. Sur in project da lescha sur la construcziun da rempars encunter auas e bovas, per il qual 136 han votau contra e negin pro.
2. Sur in project da lescha pervia dil traffic e commers sin fieras ed il caseglier per las vischnaucas entuorn cun diversas raubas per il qual 92 votants han votau contra e 17 pro. Tier quella caschun ei da plirs vischins vegniu exprimiu il giavisch ch'ei vegnessi mintgamai, cura ch'ei vegni secret ora in pugn da recapitulaziun ni l'auter, dil president da vischnaunca dau in sclariment empau pli detagliau sur il senn e cuntegn da quel, essend ch'ei seigi a biars buca capeivel avunda, quei che vegn secret ora.

### 1879, ils 17 da november

Ei la vischnaunca stada radunada el liug solit per sedeliberar sur dils arvès pigl onn ch'ha da vegnir ed ei concludiu da star tier igl uorden veder, numnadamein: da schar vegnir en cun quater tiers per fiug e per il medem pagament sco onn, sulet la remarca, ch'ei vegni uonn concediu da brattar giu negins tiers e sut negin pretext, priu ora cura ch'ins piarda in tier, el qual cass ins sa quel remplazzar cun in auter.

Plinavon ei schenghegiau a Gabriel Beer  $\frac{1}{2}$  arvè d'ina vacca, a Sep Antoni Beer  $\frac{1}{2}$  arvè d'in stierl, a Vigeli Deragisch  $\frac{1}{2}$  arvè d'ina vacca e miez arvè da dus stiarls, a Lorenz Jacomet  $\frac{1}{2}$  arvè

d'ina vacca.

## Igl onn 1880

### 1880, ils 25 da schaner

Ha la vischnaunca el solit liug tractau sur dil sequent.

1. Ha la vischnaunca puspei pladiu Giochen Deflorin da **Rueras** sco pastur dallas nuorsas per la stad e dau pagaglia 30 raps per nuorsa.

2. Ha la vischnaunca concludiu da far pagar marcadont Furrer d'**Ursera** per haver gudiu diversas gadas da nossa pastira cun cauras e nuorsas 10 frs.

3. Ei vegniu mess cautegias per las alps da schetgs:

per **Mila** Gion Bistgaun Hetz da **Rueras**

per **Strem** Plazi Jacomet da **Sedrun**

per **Maighels** assistant Schmed

4. Ha il signur president dumandau si la vischnaunca, sin tgei moda ins vegli far da vegnir suenter alla lescha, che camonda ch'ins astgi buca schar ira las cauras en uauls senza pastur. La vischnaunca ha lura concludiu da schar sura a mintga vischinadi da far uorden che quei vegni fatg. Essend che la suprastonza da vischnaunca vegn en la respectiva lescha fatga responsabla per l'execuziun da quella, sche han ils geraus declarau ch'els stettien sut negina responsabladad per il cass che quei conclus da vischnaunca vegnessi buca renconuschius per sufficients.

5. Han ins suenter haver udiu plirs meinis cun il pli concludiu da far diever dil dretg che la acceptada lescha sur dil „Hausieren“ stat allas vischnauncas e concludiu da metter si enzatgei taxa als hermers, secund la valeta da lur rauba e l'extensiun da lur patenta cantunala e schau sura da far quei al signur president da vischnaunca.

### 1880, ils 8 da fevrer

Ha la ludeivla vischnaunca el solit liug priu sias conclusiuns en sequents pugns.

1. Ei dil presidi vegniu rapportau sin vischnaunca ina supplica da Gion Paul Riedi da **Tschamut**, respectiv da sias duas feglias, las qualas damondien dalla vischnaunca in subsidi da 500 frs. per saver emigrar en l'**America**, il qual petitum ei aber allas sura numnadas soras Riedi vegnius tschuncanaus giu, essend che quei seigi aunc duas persunas giuvnas che sappien aunc ussa schon fadiar cheu lur paun ed era perquei che quei fussi ina gronda expensa per la vischnaunca e che quella pudessi cun entrer en quella gada da dar in tal subsidi, esser exponida da fetg savens a semegliontas mulestas.

2. Fa il signur president da saver che la „Hebama“ Monn hagi declarau che siu accord cun la vischnaunca mondi gleiti alla fin e ch'ella ditschi aschia giu siu survetsch alla vischnaunca, sch'ins paghi buca ad ella la taxa tenor lescha fixada dil cantun per sias lavurs. Sin quei ein plirs vischins seschai si ed han manegiau ch'ei seigi cun quella fatg in detagliau accord e fixau cun sia entelgiantscha en quel las respectivas taxas e ch'ils suprastonts dueien intercurir e mirar co ei stetti scret en quei accord e con ditg el hagi vigur, il qual ei dalla vischnaunca aschia approbau.

3. Ei vegniu concediu a Sep Antoni Loretz, **Selva**, sulom sin prau dador casa giu ina talina da lenna; a Vigeli Cavegn sulom per far ina suschna da lenna sin siu prau dador siu clavau ols **Alis** giu, sco era ei concludiu da dar ad el cheu sin **Cadruvi** quella buccada intschess che croda naven cun trer grada lingia la pastira davontier da siu laupiet avon esch casa, cun la petga dalla pureteglia da siu iert dadens casa e schar pagar el enzatgei. Vigeli Cavegn s'oblighescha da temps d'unviern buca emplunar si lenna da maun sura per buca stgirentar la stiva da scola temps da scola.

4. Finalmein ha signur gerau Duri Venzin moviu sin vischnaunca pervia dil regulativ ariguard il rugalar giu inagada la questiun da pagar giu la dieschma. Ins duessi ussa tuttina far inaga las necessarias lavurs e buca schar scher quella caussa aunc pli ditg. Ins ha lura cheu udiu plirs meinis e la vischnaunca ha lura cun il pli incaricau ils vischinidis da dar uorden, ch'ei vegni dau en da scadin vischin enteifer quater jamnas a lur respectivas cumissiuns che seigien tratgas ora per prender si la mesira e classificar ils praus, la mesira da lur praus, tgi che hagi quels schon mesirau ed ils auters aschi gleiti sco pusseivladad seigi, da quels mesirar.

## 1880, ils 7 da mars

Ei la vischnaunca stada radunada el solit liug per sedeliberar sur il sequent.

1. Ha il signur president fatg da saver ch'il meister mustregia Baselgia, vegli buca mustregiar pli per il prezi da 50 raps per biestga, sondern damondi ussa 80 raps ina, dil rest vegli el ira la primavera els mises a mustregiar, sco tochen ussa. Il „Vargeld“ duei era esser sco tochen ussa 5 frs. per mintga gada ch'el sto vegrir. Tgi che hagi plirs purschals da schar schubergiar sappi mintga gada marcadar cun el. La vischnaunca ei stada cuntenza da prender si el sut quellas cundiziuns.

2. Ariguard la „Hebama“ Monn ha la vischnaunca incumbensau il signur president da mirar sut tgei cundiziuns ins savessi turnar a marcadar cun ella.

3. Ei vegniu concediu als Decrusch e Deragisch da **Bugnei** da carschentar il sulom da lur baghetg el vitg **Bugnei**, ch'ei igl onn vargau staus barschaus giu, era ei als medems vegniu concediu da far inton dallas preits nuegl da lenn, mo vegrin dau per quei intent negina lenna. Plinavon ei vegniu concediu als vischins da **Sedrun** sulom per baghegier si in local da senaria el vitg **Sedrun** sin pastira. A Gion Antoni Gereit, **Sedrun**, ei concediu sulom per ina talina da lenna sut sia casa sin pastira. A Hans Giachen Decurtins ei concediu da schar vegrir en cun in tier en campi d'in vadi ch'el ha piars, pagond il surpli digl arvè che po tuccar per in stierl.

## 1880, ils 4 d'avrel

1. Ei stau da votar giu, schebein ins vegli dacheudenvi ina regenza ni in Cussegli Pign da tschun commembers, ni sch'ins vegli, sco igl ei stau tochen ussa il cass, star vinavon tier ina regenza da treis commembers. Il resultat dalla votaziun ei staus 143 votants per treis commembers e 5 votants per tschun commembers.

2. Ha il president avisau che tgi che drovi caltschina, duei enteifer otg dis dar en ad in u l'auter digl obercheit.

3. Ariguard la „Hebama“ ha il signur president fatg da saver, ch'el hagi tschintschau cun ella ed ella damondi ussa la vischnaunca 40 frs. ed in lenn da barschar, resalvi lura da far pagar per sias lavurs, tenor sco ella mereta, cun segirar ch'ella vegrin buc ad esser malraschuneivla. La vischnaunca ei da quei buca stada cuntenza ed ha ordinau d'aunc ina gada far tschintschar cun ella, e sch'ella astgi buca dumandar sia pagaglia fixa, sche laschi la vischnaunca buca menar vi e neu pil nas pli ditg, ed ils geraus dueien dar uorden da ton pli gleiti s'adressar enzanua auter per „hebama“ e marcadar cun lezza.

4. Als vischins da **Rueras** ei concludiu da dar ord cassa da vischnaunca in subsidi, sch'els vegnien d'accord da metter en bischels da gisa per menar l'aua da lur fontauna el vitg. En considerazion ch'ei vegness cheutras spargnau biara biala lenna alla vischnaunca ei fixau da pagar ad els la quarta part della summa, che lur bischels cuostan ad els sil plaz, vul dir cun vitgira e tut. Patertgassen auters vischinadis d'era far talas lavurs, sche vegrin ei era pagau la quarta part da quei che cuosta e pil cass ch'ei vegness duvrau cement ni auter material dir, vegrin ei pagau la quarta part da quei che cuosta da metter ils bischels sil plaz, vul dir quei ch'ins stuess far far necessariamein jasters e savess buca vegrir fatg da lavour cumina.

5. A Felici Monn, **Zarcuns**, concediu sulom per far si ina talina da lenna el vitg **Zarcuns** dador sia casa, essend aber plirs che garegian quei medem sulom, sche duei quel, tenor uorden da vischnaunca vegrir mess en public ingant. A vieua Genoveva Hendri da **Cavorgia** ei era vegniu concediu sulom per ina talina giun **Cavorgia** giul **Plaun** sper siu baghetg niev sin prau.

## 1880, ils 25 d'avrel

Ei concludiu da far mundi ils s.v. tiers casa, mardis, ils 27 d'avrel e las nuorsas ils 30 d'avrel e las cauras sco il solit otg dis suenter.

## 1880, ils 2 da matg

Ha la vischnaunca el solit liug decidiu sur dil sequent.

1. Ei sin petizion dils vischins da **Rueras** vegniu concediu da rabbitschar lur nuorsas enagiu da **Valtgeva** e giu **Plaun Miez**, serugalond cul pastur da **Valtgeva**.

2. Ha il signur president schau saver ch'ei seigi plirs marcadonts e particulars, che vegenessen bugen en cun tiers, ultra dils lur quater dretgs. La vischnaunca ha concludiu da schar vegrir en

cun tals tiers, fagend pagar sco igl onn vargau in surpli da 2 frs. il tgau. Ariguard il fixar cun cons schar vegnir en, duei tgi che vul vegnir en dumandar sin vischnaunca.

3. Ei era concludiu d'uonn puspei prender si sin la jarva nov cavals, ei aber rebassau il prezi digl onn vargau, aschia ch'in cavagl cun pulein sto pagar 25 frs. ed in senza pulein 20 frs.

### 1880, ils 17 da matg

Ha la ludeivla vischnaunca el solit liug priu sequentas conclusiuns.

1. Ei dil president dalla cumissiun da quens, assistent Schmet, vegniu dau giu rapport alla vischnaunca sur l'administraziun da vischnaunca e sur dil quen menaus da statalter Vigeli Berther da **Camischolas**. Quel hagi menau ses quens cun exactedad e premura, aschia che la cumissiun da quens hagi quels saviu approbar cun engraziament, il qual ei era daventau davart dalla vischnaunca cun recumandar ch'el surprendi puspei la stathaltaria per in onn ed eligiu el per statalter pigl onn present. Era ha il president dalla cumissiun, en siu rapport, fatg attents sin la necessitat da luvrar ora in uorden correlativ allas respectivas leschas federalas e cantunalas, visavi als burgheis jasters che setegnien si en nossa vischnaunca e far pagar quels ina pintga taxa per renconuschientscha ch'els seigien jasters, schiglioc pudessi quei aunc haver consequenzas pli tard, sch'els vegnien teni mo sco ils auters vischins. El ei sepurschius da cun la cumissiun da quens, puspei seradunar quest jamna in di ensemble e luvrar ora in tal uorden, senza far perquei spesa alla vischnaunca. Quei ei vegniu approbau aschia, sco era la proposiziun, che la cumissiun da quens duei dacheudenvi seradunar ensemble quei di d'ira atras ils quens schon la damaun, enstagl per allas dudisch e retili dacheudenvi negina pagaglia per quei di, bein aber possi mintga commember per quei di quintar in di lavur cumina dallas alps.

2. Era ei aunc vegniu fatg la remarca, ch'ei vegni per bia lavurs e fadigias fatgas per la vischnaunca quintau stagn bia pagaglia ed en quella consideraziun ei concludiu ch'il quen da vischnaunca, silmeins il pagau ora, duei mintg'onn vegnir legius giu sin vischnaunca publicamein.

3. Ariguard ils tiers sur dretgs che la vischnaunca haveva pli baul concediu da schar vegnir en, ei en consideraziun, che plirs mises pudessen cheutras vegnir engraviai stagn fetg la primavera, vegniu fixau che quels vischins, che vegnien en cun tals tiers, possein salvar tier sesez en lur mises mo tschun tiers, ils auters stoppien ei serugalar da reparter ora en auters mises empau per fiug. A gerau Sep Antoni Muggli ei concediu da schar star leu ils otg tiers ch'el ha schon ussa en **Pardatsch**.

Da schar vegnir en cun tals tiers ei concediu als sequents:

Battesta Valier 10, Thomas Huonder 8, Duri Deflorin 4, Hans Giachen Decurtins 5, Giachen Antoni Schmed 10 e Christian Muggli 4.

4. Ha il signur president fatg attents che tgi che drovi lenna da baghegiar, da far urentar in u l'auter digl obercheit e dar en enteifer otg dis. Plinavon ha el notificau, ch'ei seigi tenor conclus da vischnaunca vegniu tratg ord ils protocols e secret ensemble ils uordens e statuts da vischnaunca ed el damondi aschia la vischnaunca cura ins vegli schar leger giu quels, il qual ei fixau sin dumengia proxima.

5. Ei concediu a Vigeli Berther da **Sedrun** da schar splanar giu empau quei crest sut la punt dil **Run** per survegnir empau material d'ulivar si siu iert visavi a quel, sco era da puder prender in ton da quei tratsch ch'ei bess sur la scarpa giu, sut il **Sontget**. Quei ei ad el vegniu concediu mo cun la remarca che signur gerau Gion Battesta Monn duei fixar con fetg schar sbassar il crest e cun con tratsch schar ira naven.

6. Ei vegniu concediu a sequents particulars. A Gion Antoni Geriet, **Sedrun**, sulom per in nuegl da sedisch ols **Alis** sin prau. A Sep Antoni Beer, **Gonda**, da far in nueglet sut sia talina en per la quala ei igl onn vargau concediu sulom. A Giachen Antoni Beer, sulom per ina talina si **Salins** sin prau. A Gion Antoni Pally, **Rueras**, concediu da schar far sin **Crestas** in chischner da treis enstagl mo cun dus posts. A Giachen Antoni Schmet, **Cavorgia**, sco al sura Pally in chischner a **Cavorgia**. A Gion Paul Berther, **Camischolas** sulom per in chischner niev a **Salins** cun treis posts sin prau. A Martin Peder, **Cavorgia**, concediu da far las preits da siu nuegl sill a **Paliu Crap** da lenn, senza dar dapli lenna che per far da crap. A Plazi Jacomet sulom per ina talina da lenna sper sia casa si pil baghetg da Lezi Huonder.

## 1880, ils 23 da matg

Ei la vischnaunca stada radunada el liug solit ed ei:

1. Vegniu votau giu sur il niev project da lescha cantunala ed ei stau 142 votants per acceptar quella e negins per fierer ella.
2. Ei da plirs particulars vegniu dumandau sin vischnaunca, da schar ira tschuts da vaccas cun ils tiers, enstagl cargar quels sin la **Pizza**. La vischnaunca ha lura concediu da schar metter quels per uonn enta **Maighels** culs stiarls, ni schar metter mintgin cun ses vadials. En alps da vaccas duei aber negin haver tschuts. Dacheudenvi duei aber inagada per adina esser scumandau da metter tals tschuts culs tiers gronds e star vid igl uorden, sco el fuva fatgs.
3. Ei concediu a Gion Antoni Pally, **Rueras** da schenghegiar igl arvè d'in s.v. tier casa, cul qual el ei vegnius en pli tard en campi d'in piertg ch'el haveva piars.
4. Ei vegniu concediu a Gion Battesta Giger e Giachen Martin Beer da **Rueras**, sulom per dus nuegls da sedisch armauls a **Mulinatsch** sin pastira cun tegia davostier. Giachen Martin lai persuenter ira sut in nuegl da dudisch enasils **Crests** e Giger siu baghetg staus da Gion Battesta Peder a **Mulinatsch**. Era eis ei a quels dus concediu da dar in ton lenna da baghegiar enasi **Tschuppina**, tonta sco igl obercheit anfli per bien, cun schar pagar pli che la taxa.

*1880 ils 23 de Matg ei la Iud. Va stada redunada  
el liug solit eteide:  
I Vegniu votau giu sur il niev project de lescha cantunala et ei  
stau 142 votants per accepter quella e negins per fierer ella.  
II Ei da plirs particulars vegniu dumandau sin Va de schar ira  
tschuts de vaccas cun ils tiers, enstagl cargar quels sin la **Pizza**. La  
Va ha lura concediu da schar metter quels per uon enta  
**Maighels** culs stiarls nor schar metter mintgin cun ses vadials.  
En alps de vaccas duei aber negin haver tschuts. Dacheudenvi  
duei aber inagada per adina esser scumandau da metter tals tschuts  
culs tiers gronds, sco quei che segi stau faze uorden.  
III Ei concediu a Gion Ant Pally de schenghegiar igl arre din s.v.  
Rueras casa, cul qual el ei vegnius en pli tard en campi d'in piertg  
ch'el haveva piars*

## 1880, ils 6 da zercladur

Ei dalla ludeivla vischnaunca el solit liug vegniu tractau sur dil sequent.

1. Ei concludiu da schar entscheiver a pinar las lennas els uauls cumins mesjamna, ils 9 da zercladur.
2. Da schar vegnir en cun ils cavals jasters sin sonda ils 12 da quest.
3. Ei concediu da dar a signur gerau Lucas Cavegn lenna per bischels vid siu acquaduct

encunter pagament.

4. A Vigeli Cavegn e Vigeli Jacomet ed a Plazi Jacomet ei concediu da schar vegrin en cun in tier perin sur dretgs.

5. A Gion Antoni Geriet ei lubiu da schar far las preits da siu nuegl ols **Alis** in ton da lenn, s'entelli senza dar ulteriura lenna, che sco per far da mir.

6. A Gion Antoni Cavegn, **Rueras**, sulom per far ina talina sur sia casa sin prau.

7. A Gion Antoni Berther sulom per ina talina da lenna sper casa stada da Sep Antoni Brugger.

8. Ei da nies president vegrin purtau avon che la vischraunca seigi sin d'atun proxim obligada da pagar ils scolasts ord cassa da vischraunca ed ins duessi ussa mirar, essend quei ina gronda expensa, sch'ins savessi buca recaltgar enzanua auter empau daners. La vischraunca ha concludiu da trer ora ina cumissiun. Tier quella duei mintga vischinadi tarmetter 2 – 3 umens e quels dueien lura, cun ils geraus ensemes, luvrar ora in pareri en quei senn, per metter quel tier la proxima radunanza avon alla vischraunca, la quala sappi lura quel acceptar ni buc.

9. Ei concludiu d'uonn puspei vender lennas ord las schetgas e zuar tuttas lennas derschidas sco era enqual lenn senza carschientscha ed el mender donn giud pei, sco il signur president anfli per bien, giu da **Maun Sut**.

### 1880, ils 20 da zercladur

Ei el solit liug vegrinu sedeliberau sur dil sequent.

1. Concediu a Gion Antoni Pally, **Rueras**, da schar vegrin en cun ina vacca e dus stiarls sur dretgs ed a Vigeli Berther, **Sedrun**, cun dus stiarls.

2. A Sep Antoni Gamboni da schar carschentar il sulom da sia talina sur casa e trer grad cun quella da Sep Antoni Balzart.

3. A Gion Battesta Beer da puder tener treis vaccas a casa.

4. Ei vegrinu legiu avon il pareri dalla cumissiun, per mirar co carschentar las entradas da vischraunca, mo ei per quei di buca entrau en quel.

5. Ariguard las lavurs cuminas dallas alps ei concludiu da per uonn schar luvrar dus dis per in, ed ei lura era reduciu e mess quater vaccas per in di.

### 1880, ils 24 da zercladur

Ha la vischraunca:

1. Ei als vischins da **Gonda** vegrinu concediu sin lur damonda, da schar ira enzacons umens e schar cavar ora e trer grad empau il vau dil **Run** sur il fallun, sco era la via che va sin **Gonda** e quei zuar per lavur cumina da vischraunca. Mo quei vegr fatg mo per beinvulentscha visavi ad els e buca per obligaziun da vischraunca, la quala sappi mai vegrin constrengschida da curreger il vau dil **Run**.

2. Ei da nies signur president vegrinu purtau avon, ch'il local da scola a **Sedrun** stoppi tenor ordinaziun dil cussegl da scola vegrin engrondius. Ins sappi aschia mirar, sch'ins vegli alzar la scola vedra ni baghegiar ina nova. Suenter haver udiu plirs e differents meinis ha la vischraunca concludiu da far quella caussa empau plaunsiu e schau sura alla cumissiun da scola cun ils geraus da planisar ed intercurir. Quei seigi la megliera moda per la vischraunca e lura dar giu da quellas varts alla vischraunca in respectiv pareri.

### 1880, igl emprem d'uost

Ha la vischraunca a **Camischolas** priu sequent conclus.

1. Ariguard il segar il fein el **Cuolm Ault**, numnadamein: da per uonn buca metter en ingant quel, sco fuva stipulau ni proponiu dalla cumissiun per carschentar las entradas da vischraunca, mobein da schar ira el **Cuolm Ault** tons sco veglien per fiug, pagond 2 frs. per um. Ariguard il temps ei fixau sco adina, digl emprem mardis suenter fiasta Nossadunna d'uost tochen s. Michel.

### 1880, ils 22 d'uost

Ha il signur president schau radunar ensemes ils vischins a **Zarcuns** ed ei leu vegrinu tractau sur dil sequent.

1. Ei vegrinu legiu avon ina brev da signur landrehter Condrai ariguard la schliata posiziun

finanziala, en la quala nies convischin da vischnaunca „Bundesweibel“ Berther a **Cuera** sesanfli. Per buca schar vegnir tier quel neutier il concuors, el qual cass el vegnessi a piarder sia piazza a **Cuera** e curdar cun sia famiglia a dies alla vischnaunca, insinuesch'el a quella da dar ad el 1000 frs., ils quals el vulessi plaun a plaun puspei turnar anavos cun schar trer giu enzatgei mintgagada da sia paga meinsila. La vischnaunca, suenter haver udiu divers meinis, ha concludiu d'entrar en quei nuot, sch'el stoppi vegnir tier nus, sche lein nus dar uorden dafertontier.

2. Ei concludiu da vender las pastiras dumengia proxima, ils 29 d'uost.

3. Sco era da tarmetter oragiу enzacons umens da latur cumina per menar il vau dil **Run** empau pli oragiу, sinaquei ch'ei vegni buca menau ton material el **Rein Grond**, aschi anen che quel savessi alzar si l'aua entochen che la **Punt Baselgia** pudessi ir dall'aua ora.

### 1880, ils 27 d'uost

Ei la ludeivla vischnaunca stada radunada a **Camischolas** e priu sequents conclus.

1. Igl ei da nies signur president vegniu dau giu il rapport, ch'ei seigi dil Cussegli Pign vegniu mess si considerabels castitgs a plirs da nos vischins, perquei ch'els hagien tier baghetgs novs e reparaturas buca fatg tetg cun plattas ni material dir, tenor la respectiva lescha e lura aunc constrenschiu d'en cuort termin vegnir da mirar da cuvierer quels tetgs cun material dir. Era hagien ei giu obteniu negina lubientscha da far tetgs cun slondas. La ludeivla vischnaunca ha en consideraziun dil sura allegau, incaricau la suprastanza da dar en ina petiziun al Cussegli Pign e cheu remarcar, che quels respectivs vischins seigien a dretg temps s'adressai tier las autoritads per la lubientscha da puder far tetgs da slondas, ch'ei seigi entochen ussa, cun dumandar quella, adina vegniu concediu da far tetg lom, e mo quella gada seigi a nus vegniu tier negina lubientscha, aber era negina scumandada. Aschia secarteien nus, che nos convischins duessien per quella gada vegnir schanegiai. Era secarteien nus da buca saver vegnir constrenschiu tier la construcziun da tetgs dirs, a raschun che nus haveien negin „lager“ da plattas ni auter material dir, sco igl expert cantunal, ch'ei per da quellas varts staus en nossa vischnaunca, hagi constatau ed aunc in motiv seigi quel, che la respectiva lescha ditgi claramein en §... ch'ins seigi buca obligaus da far tetg dir, nua ch'ins sappi mussar si ch'in tetg dir cuosti pli ch'il dubel d'in tetg lom, il qual nus sepurscheien da mussar si, ch'ei seigi tier nus il cass.

### 1880, ils 8 da settember

Ha lura il signur president puspei schau seradunar ensemble la vischnaunca el solit liug per communicar la risposta dil Cussegli Pign sin la sura numnada petiziun. Quella ei curdada ora en senn negativ. Las determinaziuns dalla lescha dueien vegnir tenidas sidretg era visavi a nossa vischnaunca, la quala sesanfli en la medema posizion sco biaras outras vischnauncas situadas sper il stradun e sappi menar neutier material dir, sche quel seigi buca d'anflar en vischnaunca ed ariguard il dubel cuost d'in tetg dir, vegni la lenna per in tetg lom per ordinari schazegiada memia bass e nus haveien cheu prestau negins sufficients mussaments. Ils sura allegai vischins sappien buca vegnir liberai ni dil castitg ni dalla determinaziun da metter neu tetg dir. La vischnaunca ha sin quei concludiu da puspei scriver al Cussegli Pign, da ad el, schi bein sco pusseivel seigi, presentar il detagliau calcul dil cuost d'in tetg dir e tetg lom tier nus, il qual stoppi ufficialmein esser accreditaus e suittascrets e lura indicar el medem temps, che nus vegnien, sefundont sin il sura numnau § , vegnien a far la caussa pendenta avon il Cussegli Grond, sch'ins vegli nus buca levgiar ni schar liber. Aschia ei la vischnaunca vegnida per quei di sligiada si.

### 1880, ils 19 da settember

Ei la vischnaunca stada radunada el solit liug ed ei vegniu tractau sur dil sequent.

1. Ei dil signur president rapportau che las suprastonzas dallas vischnauncas da nies cumin seigien sut datum dils 17 da settember stadas radunadas a **Mustér**, ensemblamein cun la dertgira circuitala ed ils mess dil Cussegli Grond da nies cumin, per leu mirar sin tgei moda ins savessi vegnir suenter allas damondas, las qualas igl avat da Nossadunnaun, sco president dalla congregaziun benedictina, tschenti al cumin dalla **Cadi** ariguard la scola reala per restaurazion dalla claustra. Quel garegia che la claustra vegni per ils emprems diesch onns a stuer dar negin

susteniment per la numnada scola, la quala ella fussi schiglioc obligada da mantener ed il cumin duei aschia per quels onns sez rabbitschar ensemens ils necessaris mettels leutier. La sura numnada radunanza ha concludiu da metter quei avon allas vischnauncas e proponiu da far sin sequenta moda:

Il daner per mantener quella scola duei vegrni prius

- I. ord il daner da scola
- II. ord ina collecta libra, la quala duei purtar en 500 - 600 frs.
- III. ord 600 frs. che dueien vegrni pagai dallas vischnauncas a proporziun da populaziun
- IV. igl eventual manco tier las sura summa duei vegrni prius ord cassa da cumin

La scola duei restar ils emprems treis onns a **Mustér** e suenter vegrni alternada a **Trun** e **Sumvitg** e la vischnaunca che ha mintgamai la scola paga 100 frs. ultra da quei che tucca ad els e metta neu gratis il local da scola e lenna per il scolast e per la scola. La vischnaunca ha acceptau quei pugn tal e qual sco el ei vegrni mess avon cun 157 vuschs pro e neginas contra.

2. Ariguard in susteniment per premiaziun da biestga feminina dumandaus da nus dalla suprsatonza dalla ludeivla vischnaunca **Trun** ei concludiu da quel tschuncar giu.

3. Ha il signur president fatg da saver ch'il „Veger“ vegli gleiti puspei schar trer il chis, il qual fuvi stau stipulau el pareri daus giu dalla cumissiun per carschentlar las entradas da vischnaunca da buca dar pli ord cassa da vischnaunca, ins sappi aschia mirar co ins vegli s'enschignar uonn. Ins ha lura concludiu da reparter giu quella laver suenter vischinadi e schar serugalar mintga vischinadi sco el vegli, quei che seigi da trer naven dalla tegia da **Surpalits** entochen sils cunfins da **Mustér**. Quei che seigi aber da **Surpalits** entochen sil cuolm duei ins per uonn empruar da marcadar vi cun quels dils cavals e lura suenter mirar sin tgei moda reparter il pagamento.

4. Ariguard la questiun dil modus co pagar giu la dieschma, ha il signur president rapportau sin vischnaunca, che seigi da signur Gion Andriu Berther e consorts vegrni dau en il recuors encunter il conclus da vischnaunca dils 14 d'avrel 1879, il qual ha sco enconuschen stipulau da pagar giu la dieschma suenter mesira da funs. El ha cheu schau saver tut ils pass ch'ein da quellas varts vegrni fatgs dad in maun e da l'auter, sco era las circumstanzias ch'il Cussegl Pign hagi tarmess in e delegau ella persuna da signur president Tuor da **Sumvitg**, il qual seigi sut datum dils 18 staus a **Sedrun** per metter las parts perina e rugalar giu la questiun amicablamein, il qual seigi aber buca reussiu, essend ch'ils signurs adversaris hagien buca vuliu desister da lur program, il qual fuva da semplamein da prender suenter ils tschun onns, dils quals ei exista registers cugl gl'onn dad uonn vitier, ni schar dar en mintgin libramein sco el vegli, tgei el havessi pudiu ver fatg graun en ils quendisch onns vargai.

La vischnaunca ha declarau da buca saver entrar el sura numnau project e danovamein concludiu aschia: La vischnaunca stat tier il conclus prius sut datum dils 14 d'avrel 1879.

Duessen ils recurrents, signur Gion Andriu Berther e consorts, buca vuler vegrni suenter a quei conclus, sche sforza la vischnaunca els buca leutier. Il sura conclus ei prius senza pregiudezi dalla posiziun dallas parts en pendent recuors encunter signur Gion Andriu Berther e consorts, essend che la vischnaunca tegn sidretg la legalitat e perfectibilitad dil conclus da vischnaunca prius sut datum dils 14 d'avrel 1879.

## 1880, ils 3 d'october

Ei la ludeivla vischnaunca stada radunada el liug solit ed ha priu ils sequents conclus.

1. Da schar lartg ils tiers gronds mesjamna, ils 6 e las nuorsas venderdis, ils 8, sch'ei vegrni tochen mesjamna in di ch'ins sappi rischlar si il fretg; fuss quei buca il cass sch'eis ei schau sura als geraus cura dar lartg ils tiers gronds e fixau da zavrar las nuorsas mardis, ils 12 d'october. Ils salvanoris ei dau lartg sonda ils 9 d'october.

2. Ei schenghegiau a Giachen Antoni Schmet da **Cavorgia** miez igl arvè dad ina vacca en campi d'ina genetscha ch'el ha piars.

## 1880, ils 24 d'october

Ei la ludeivla vischnaunca vegrniada radunada el liug solit ed ei vegrni tractau sur dil sequent.

1. Ei stau da votar giu per acceptar ni refusar treis pugns da recapitulaziun:

- I. In project da lescha sur la controlla da vivondas e spirituosas ed ei cheu stau votants

pro 109 e contra 4

- II. Project da lescha da polizia 6 pro ed 80 contra
- III. Project da lescha ariguard il manteniment dallas vias, pro negin e contra 129 votants
- 2. Ei vegniu legiu avon ina brev dil Cussegl d'educaziun a nies cussegl da scola, nua che quel vegn animaus da constrenschier affons e geniturs da buca star ord scola senza extrem basegns.
- 3. Plinavon ei vegniu legiu avon ina brev dil „Kreisförster“ en la quala igl ei fixau che tut nos uauls, priu ora gl'**Uaul Liez, Flurin, Uaul Cavorgia e Nual**, dueien ussa esser libers dalla pasculaziun dils tiers manedels ed era en ils sura allegai astgan ins schar ira negins tiers manedels senza esser sut pastur.

### 1880, ils 30 d'october

Ei la ludeivla vischnaunca stada radunada el liug solit per votar giu, schebein ins vegli ina revisiun dalla constituziun federala ni buc. Igl ei per quei intent stau 78 votants pro e 94 contra.

- 2. Ei vegniu confirmau sco gerau militar il veder Gion Antoni Schmet per la perioda da treis onns.
- 3. Ei vegniu legiu avon il pareri che la cumissiun per carscentar las entradas da vischnaunca veva a siu temps giu tschentau si per mirar sch'ins vegli quel acceptar, ni better ni forsa modificar el empau. Suenter haver udiu ils divers meinis, han ins priu il conclus da per igl onn d'uonn star vid las taxas sco tochen ussa per lennas e taglias, ins sappi allura mirar in auter onn co ei stetti cun las finanzas da vischnaunca e per lura luvrar ora in respectiv pareri suenter ils basegns.
- 3. Ei vegniu legiu avon la risposta dil Cussegl Pign sin recuors da Gion Andriu Berther e consorts.
- 4. Ei vegniu schenghegiau a Gion Antoni Beer da **Rueras**  $\frac{1}{2}$  arvè d'ina vacca en campi d'ina ch'el ha piars. Il semegliont a Gion Paul Berther da **Camischolas**.
- 5. Ei concludiu da buca tener ina gliesta aparti per la lavur cumina dil chis, mobein d'unir quella cun las otras lavurs cuminas da vischnaunca.
- 6. Als vischins da **Sedrun** ei vegniu schenghegiau il sulom da lur senaria el vitg, cun la cundiziun ch'ei vegni era fatg il medem en auters vitgs, sch'ei veglien baghegiar in tal local e che scadin vischin da vischnaunca che pudess eventualmein vegnir sesents a **Sedrun**, possi separticipar vid il dretg da guder quella, purtond suenter a proporziunadamein sia quota dil cuost mess per baghegiar.

### 1880, ils 21 da november

Ha la vischnaunca el liug solit concludiu.

- 1. Da star vid igl uorden veder ariguard la taxa dils arvès ed il diember da tiers che pon vegnir en.
- 2. Ei sin proposiziun da nies signur president concludiu da pagar alla farria gl'entir capital da dieschma, quei vul dir, era quels melli francs, ils quals fuvan stipulai da trer giu alla farria per las spesas da trer en la dieschma e lura surdar l'administraziun da quei capital dieschma alla farria u ugau da quella. Quei ei daventau sin cussegliar dil ludeivel Cussegl Pign, ord raschun che la vischnaunca pudessi da quellas varts vegnir engraviada.
- 3. Ha la vischnaunca incumbensau la cumissiun generala dalla dieschma da mirar sch'il segnerfarrer fagessi buca giu enzatgei da quels melli francs, che seigien vegni stipulai, per las spesas da trer en la dieschma. Quei duei aber daventar cun sia buna e cumpleina cuntentientscha e buca zunghiadamein.
- 4. Ei sin lamentaschun dil statalter regent, ch'ei seigi bein enqualin particular, che vegli buca pagar suenter la lavur cumina, ton generalas sco quellas dallas alps, vegniu concludiu da star digl uorden fatg e far pagar suenter ils negligents.
- 5. Ei fixau che la cumissiun da mesira da funs da dieschma duei seradunar ils 22 da quest la sera en casa da scola a **Sedrun** per far ora il quen tgei mintgin hagi da pagar capital e tscheins dieschma.
- 6. Finalmein ei dalla suprastanza vegniu fatg attents che scadin particular, che hagi buca pagau giu il capital dieschma da s. Martin 1881, stoppi quel segirar cun in sufficient „Unterpand“ e quei sin sias spesas.

## Igl onn 1881

### 1881, ils 6 da mars

Ei la ludeivla vischnaunca stada radunada el liug solit per

1. Leger ora dus cussegliers dil stan per nies cantun ed igl ei cheu seresultau 193 votants per ils signurs Peterelli e Romedi ed in votant per Hold e Bezzola.

2. Ei Giohen Deflorin vegnius pladius sco nurser dalla stad per 29 raps il tgau pagaglia.

3. Eis ei unanimamein concludiu da uonn cargar las stiarlas ensemens, enstagl intontas en **Val Mila** e las autras en **Strem**, e prender naven il **Cuolm da Vi** ed aschia schar ad ellas mo las duas vals cul **Caschlè**. Igl atun, cura ch'ellas ston vegnir ella bassa, duei ins midar giu empau per val per buca far in exclusiv donn mo alla pastira da casa d'in e l'auter vischinadi.

4. Ei vegniu mess cautegia per **Maighels** Duri Deflorin e per **Mila** Vigeli Joseph Berther da **Dieni**.

5. Ei vegniu legiu avon ina brev da landrehter Condrau, nua che quel ha puspei spluntau per in subsidi da 300 frs. ord cassa da vischnaunca per „Bundesweibel“ Berther, il qual ei aber puspei vegniu tschuncau giu.

6. Ei per **Selva** vegniu legiu ora sco commember dalla cumissiun pauperila signur statalter Fidel Wenzin en campi dil defunct Sep Antoni Peder.

7. Duei vegnir priu si ina collecta en baselgia per ils disgraziai digl intschendraru vitg da **Remüs**, sch'ella duessi aber curdar ora memia pintga, sch'eis ei schau sura als geraus d'aunc metter vitier enzatgei ord cassa da vischnaunca.

8. Ariguard il taxar la lenna da bagheggiar in ton il pei, sco quei che nies „förster“ districtual insinuescha a nus e concludiu d'entrar en quei nuot ad interim.

### 1881, ils 8 da matg

Ei la ludeivla vischnaunca stada radunada el liug solit ed ha priu sequents conclus.

1. Ariguard far mundi ei concludiu da far ord ils praus ils s.v. tiers casa gliendisdis, ils 9 e las nuorsas mardis, ils 10 da matg, ord ils praus. Era ei igl existent uorden dallas nuorsas vegnius ruts per puspei prender si il veder d'avon, nua ch'ei stipulau che quels dador **Dutg Grond** han da pagar al nurser da **Valtgeva** per lur nuorsas e quels da **Maun Sut** e dadens **Dutg Grond** al da **Rueras**, cun la remarca aber che mintga pursanavel possi suenter esser fatg mundi zavrav e metter sias nuorsas sut siu pastur, sch'ellas fussen curdadas en l'auter liug.

2. Ha il signur president rapportau che plirs particulars damondien da vegnir en cun zatgei tiers per in sur dretgs. Cheu ei la finala concludiu da prender quen e mirar cons stiarls ch'ei seigi dapresent en vischnaunca, per saver con ei cali dil stagiau e lura sappi la vischnaunca dumengia proxima fixar cun cons schar vegnir en, essend che da schar vegnir en cun in tons ha ei pigliau il pli.

3. Ei uonn puspei concludiu da prender si sin la jarva la stad tochen dudisch cavals jasters e zuar per il pagament sco igl onn vargau, numnadamein, cavals cun pulein 25 frs. l'in e senza pulein 20 frs.

4. Ha la vischnaunca approbau unanimamein la cumpra da sequentas mobilias, las qualas ils signurs geraus han cumprau giu dils artavels da signur farrer Maurus *Desax* per schar quellas per adina culla casa dalla farria, sin special giavisch da segnerfarrer Thomas Beer. Las mobilias ein quater letgeras novas dadas colur, il pult en stebli, ina scaffa da resti ed ina meisa liunga, tut ensemens per 88 frs., las sura mobilias ein nudadas e dueien restar proprietad dalla vischnaunca, respectiv dalla farria.

5. Ei vegniu concediu da carschentar suloms als sequents particulars:

A Sep Antoni Deplazes da carschentar sulom da sia truasch a **Surrein** sin pastira e far ordlunder ina talina, il qual sulom ei ad el vegnius schenghegiaus.

A Gion Antoni Geriet da carschentar sulom ols **Alis** per far encunter siu nuegl ina suschna d'iseglias, sin prau.

A Giachen Antoni Monn, **Surrein**, concediu da far ord in nuegl ed ina zona dus nuegls da sedisch el vitg da **Surrein** sin prau.

A Gion Pally, sulom per in chischner niev el vitg da **Camischolas** sper il clavau dils Berthers.

A scolast Duri Riedi da **Rueras** ei concediu da schar far las preits da sia zona sur sia casa encunter il clavau dils morts da lenn.

A Gion Antoni Schmet da **Gonda** ei concediu da schar trer grad sia classena en **Prau Strems** cun quella da Rest Valentin Monn, pagond enzatgei per quels fests pastira che crodan naven.

### 1881, ils 15 da matg

Ei la ludeivla vischnaunca stada radunada el liug solit ed ei vegniu tractau sur dil sequent.

1. Ei vegniu schenghegiau a vieua Genoveva Hendri da **Cavorgia** miez igl arvè d'ina vacca.
2. Ha il signur president rapportau sin vischnaunca, ch'il revendissim signur caplon da Sedrun havessi bugen, sche la vischnaunca fagessi tablegiar la stiva dalla pervenda en casa da scola. Sch'ei vegni priu amauns quella lavur, sche spetgi el entochen ch'ella seigi fatga da secasar en casa pervenda. Sinquei ei lura levau si la damonda, schebein ins vegli, sch'ei vegni adaquella d'engrondir ni metter neu in auter local da scola per **Sedrun**, far reparaturas vid la casa vedra da scola ni bagheggiar ina nova. Alla finala ei vegniu concludiu d'untgir dil stuer baghegair aschiditg sco seigi pusseivel, cun unir las scolas pintgas ton sco seigi pusseivel e prender tuttas pusseivlas mesiras per levgiar **Sedrun** per prevegnir al bagheggiar ina casa nova. Veginen ins aber sfurzaus da far midadas, sche lein nus bagheggiar da niev e buca metter cuosts per reparar la casa vedra e perquei ei era concludiu da far tablegiar la stiva dil signur caplon.
3. Ei concediu als marcadonts Huonder, Vallier, Muggli e Hans Giachen Decurtins da schar vegnir en els cun quater stiarls perin, ultra da quels dils dretgs, pagond sigl arvè in surpli da 2.50 frs. per tgau.
4. Ei concludiu da clauder ora cun lattas e palera la nova plontaziun d'uaul ora si **Niregl**.
5. Ei concediu a Plazi Jacomet da midar giu sulom d'ina talina el vitg **Sedrun** sper sia casa.
6. A frars Hetz a **Rueras** ei concediu sulom per ina talina encunter siu clavau a **Plaun Sutè**.
7. A Gion Andriu Berther da **Camischolas** da midar giu sulom da siu baghetg si **Surseivs** sin prau.
8. A Giuseppe Bianki, ei concediu sulom da bagheggiar si ina casa a **Rueras** sur la via nova sur casa da Giachen Fidel Caduff sin prau.

### 1881, ils 29 da matg

Ei la ludeivla vischnaunca stada radunada el liug solit per

1. Fixar ils umens che dueien sin gliendisdis ils 6 da zercladur serender a **Trun** per leu leger ora la dertgira districtuala. Quels ein numnai: gerau Muggli, Gion Antoni Pally, Thomas Huonder, Hans Giachen Decurtins, Giachen Martin Berther, Battesta Valier, statalter Stiaffen Beer e Duri Deflorin. Suppleants: Giachen Antoni Cavegn, Lezi Huonder e statalter Sep Lorenz Wenzin.
2. Ei vegniu concediu suloms als sequents particulars:
  1. Emanuel Deragisch, carschentar sulom per in nueglet sper sia casa el vitg **Sedrun** sin prau.
  2. A Gion Antoni Monn sulom per ina tegia si **Valtgeva** sin pastira.
  3. A signur assistent Schmet era sulom per far si in tschaler si **Valtgeva**.
  4. Statalter Gion Antoni Peder, **Selva**, concediu da brattar giu sulom d'in faner a **Carmihut**.
  5. A Battesta Beer **Sedrun**, sulom per far si ina talina da lenna ed iseglias el vitg da **Sedrun** sin pastira sur ni sut siu curtin.
  6. A Sep Lorenz Wenzin, **Rueras**, ei concediu da schar far in iert ord in ton da siu frust prau sur casa da Lezi Muggli sur il vitg, staus da fargliuns Wenzin.
3. Ei concludiu da prender si la stad circa 20 genetschas sillas alps da genetschas e schar vegnir en cun quellas entuorn S. Gions per in arvè da 10 frs. il tgau.
4. A Gion Antoni Pally ei concediu da schar vegnir en cun duas vaccas, ina mugia ed in stierl sur dretgs, s'entelli pagond il surpli sco ils auters marcadonts.
5. Ei concludiu da bagheggiar si ina suschna enta **Mira** sillla muschna dil **Dulezi**, sch'ei selai far, per en quella pazzar la sprezza, la quala signur Lucas Cavegn lai buca pli metter en sia remisa.

### 1881, ils 6 da zercladur

Ei la vischnaunca stada radunada el liug solit per oz tenor solit leger ora sia suprastonza.

1. Suenter haver tenor vegli usit tarmess ina deputazion en la persuna da signur gerau Gion Battesta Monn e signur statalter Vigeli Berther, tier ils signurs spirituals per envidar en els da

prender part da nossas elecziuns dil di dad oz, ha il president dalla cumissiun da quens, dau giu in detagliau rapport sur dil quen menaus da signur statalter Vigeli Berther ed exprimiu visavi a quel sco als geraus, en num dalla cumissiun da quens, siu engraziament per la demussada premura. Il quen ei suenter autras tractandas era da vart dalla vischnaunca vegnius approbaus cun engraziament.

La cumissiun da quen ha cun quella caschun era dau rapport e legiu avon in pareri, ariguard il modus, co tractar ils sesents, ch'ein secasai en nossa vischnaunca, ni che pudessen aunc secasar en quella. Quei pareri ei vegnius acceptaus tal e qual, sco ei vegnius tschentaus giu, cun la remarca aber, che en consideraziun, ch'ils schon ussa sesents, ils quals fussen plitost basignus, sappien dallas fixadas taxas veginir levgiai empau, sch'els damondien la vischnaunca persuenter.

2. Suenter ei la suprastonza vegnida constituida ord ils sequents signurs:

president da vischnaunca signur scolast Gion Antoni Soliva

secund gerau signur statalter Vigeli Berther da **Camischolas**

tierz gerau signur statalter Sep Lorenz Venzin da **Rueras**

Cussegliers

Thomas Berther da **Camischolas**

Gion Paul Berther da **Camischolas**, il qual surpren la stathaltaria

Giachen Martin Berther da **Rueras**

Vigeli Peder da **Selva**

Luis Hendri da **Cavorgia**

Giachen Antoni Soliva da **Sedrun**, il qual funcziunescha sco salter.

En la cumissiun pauperila ein confirmai ils commembers veders, priu ora Gion Antoni Berther, il qual ei cheu en campi da signur gerau Duri Wenzin.

Ella cumissiun da scola ein era confirmai ils veders, priu ora signur Duri Wenzin en campi da Gion Antoni Berther e Vigeli Venzin da **Selva**, il qual passa ella plazza da statalter Fidel Wenzin.

La cumissiun da quens ei representada els signurs assistent Schmet, signur president Lorenz Jacomet, signur statalter Fidel Wenzin da **Selva**, signur gerau Gion Battesta Monn e Christian Muggli.

En la cumissiun dallas alps figureschan ils veders, priu ora statalter Gion Paul Berther en campi dil qual ei elegius Thumaisch Berther da **Camischolas**.

Prevedend pli grondas expensas da vischnaunca che tochen da cheu, ei concludiu da leger ora ina cumissiun, per mirar co metter si, sin las utilitads da vischnaunca ina commensurada taxa per carschentear las entradas da quella.

3. Finalmein ei vegniu concediu suloms.

1. A Gion Antoni Schmet da **Gonda** da far si **Salins** ord in chischner da dus posts in da treis.

2. A Vigeli Beart, **Sedrun**, da carschentear e far ord in nuegl da dudisch armauls in da sedisch si **Valtgeva**.

## 1881, ils 19 da zercladur

Ei la ludeivla vischnaunca stada radunada a **Rueras** e priu ils sequents conclus.

1. Dueien tuttas alps veginir ulivadas S. Gions suentermiezd, nua che mintga vischin duei haver dau en ses tiers sil pli tard a l'ina.

2. Ei concludiu d'uonn puspei schar vender lennas ord las schetgas e zuar tuttas lennas derschidas, sco era aunc enqual lenn, pagond bein giud pei da **Maun Sut**, il qual ei schau sura al signur president sco el anfli per bien.

3. Dueien tuts cavals jasters che la vischnaunca ha priu si astgar veginir dad oz naven cura ch'eplai.

4. Eis ei concediu a Plazi Jacomet, da schar veginir en cun ina vacca sur dretgs, pagond il surpli sco ils auters.

5. Ei concludiu da schar entscheiver a pinar las lennas els uauls cumins mardis proxim, ils 21 da quest.

6. Ei vegniu concediu a Gabriel Beer da schar far ord sia zona sin prau a **Zarcuns** in nuegl.

7. A Duri Riedi ei concediu da schar carschentar ina zona el vitg **Rueras** circa  $\frac{1}{2}$  bratsch pli lada.
8. Ei vegniu fixau che quella cumissiun, che sedeliberescha co carschentar las entradas da vischnaunca, duei seradunar la dumengia suenter quella dil scapulier, ils 24 da fenadur suentermiezdi a **Sedrun**.
9. Ei vegniu fixau che sin sonda proxima ils 25 da quest vegn ei urentau tetgs e classenas.

### **1881, ils 3 da fenadur**

- Ei la vischnaunca seradunada el solit liug e sedeliberau sco suonda.
1. Duei statalter Fidel Wenzin da **Selva** esser commember dalla cumissiun pauperila e dalla cumissiun da scola.
  2. Ei elegiu ella cumissiun dad alps Giachen Fidel Cavegn da **Rueras** enstagl da Gion Antoni Berther.
  3. Ei statalter Felci Monn da **Zarcuns** vegnius elegius sco urentader da carn e da biestga enstagl dil defunct Gion Antoni Deragisch.
  4. Eis ei vegniu concludiu da mardis stavlar e zavrar las nuorsas e la mesjamna cargar ellas, ils tiers gronds eis ei refretg entochen dumengia proxima.
  5. Eis ei concediu da schar metter en **Pardatsch da Vaccas** 30 - 40 vadials, ultra dils cavals.
  6. Ei schau sura agl obercheit da far pagar tgei ch'ei manegian il "Vegher" Poltera per ina vacca dad arvè, ch'el ha giu schau ora silla pastira 10 - 12 dis.
  7. A Clau Giusep Schmet da **Cunel** ei concediu da schar metter en **Pardatsch da Vaccas** in s.v. tier casa, pagond enzatgei.
  8. A Rest Giusep Giacomet ei concediu da schar brattar giu in sulom dad in baghetg sin prau si **Mises Grond**.
  9. A Tomas Huonder ei concediu da schar salvar ina genetscha jastra ch'el veva schon en, en campi d'ina ch'el ha piars.
  10. Ei sin giavisch da segnerfarrer unitamein concludiu da sin la fiasta da s. Pieder e s. Paul (29 da zercladur) immediat suenter messa a **Tschamut** turnar anavos cun la processiun.
  11. A Gion Fidel Caduff ed a Martin Peder ei concediu da schar tener treis vaccas per in a casa.
  12. Finalmein ei aunc concludiu da cargar igl emprem las stiarlas ella **Val Strem**.

### **1881, ils 10 da fenadur**

- Ei la ludeivla vischnaunca stada radunada el solit liug e sedeliberau sco suonda:
1. Eis ei concludiu da cargar mardis, ils 12 da quest tut ils tiers.
  2. Eis ei unitamein concludiu d'acceptar ed approbar las cundiziuns fatgas da nies monsignur uestg, pervia dall'augmentazion dallas entradas dalla caplania da **Sedrun**.
  3. Sin dumandar dil starler da **Strem** ei concediu da schar vegrin en quel cun in siu stierl senza negin pagament.
  4. Eis ei, avon che la vischnaunca sligi si, aunc vegniu legiu giu da statalter Gion Paul Berther las lavurs cuminas dallas alps e da gerau Bruno Soliva las lavurs cuminas da vischnaunca.

### **1881, ils 17 da fenadur**

Ha la vischnaunca unitamein concludiu da sin mardis proxim, ils 19 da quest, ira cun processiun a **S. Antoni** per urbir ora da Diu fritgeivladad e benedicziun dils fretgs dil „feld“ ed en particular per ina fritgeivla plievgia.

### **1881, ils 7 d'uost**

- Ei la ludeivla vischnaunca stada radunada a **Camischolas** ed ha priu ils sequents conclus.
1. Eis ei concludiu da schar determinar nos uauls e sco terminatur ei concludiu da schar ira statalter Gion Paul Berther cun il „förster“ Maissen.
  2. Dueien ils signurs geraus Lorenz Jacomet, Christian Muggli cun il president Soliva surprender d'ira a **Curnera** e **Maighels** per tenor vegl conclus turnar a verificar ils tiarms cun ils da **Faido**.
  3. Eis ei concludiu d'oz suentermiezdi vender ils feins dils **Cuolms Aults** e zuar en public „fercantel“ *ingant*.
  4. Eis ei danovamein concludiu da far bien per l'aura e zuar ir entochen a **Marienhülf** cun

processiun ed entochen che quella devoziun ei finida far firau.

5. Eis ei sin la damonda, tgei schar purtar avon quei expert ch'il Cussegli Pign vegn a tarmetter pervia dall'agricultura, ei concludiu da ver marveglia da quei nuot.
6. Ei vegniu publicau ch'ins duessi buca vertir da schar ir affons da nossa vischnaunca, ni da quels ch'ein cheu sesents, a rugond d'ina casa a l'autra.
7. Eis ei concediu da schar ir ils vischins da **Sedrun** cun sias vaccas da casa si **Cuolm da Vi** en siu grond basegns da maglia entochen ch'ei vegn che plova.
8. Finalmein eis ei aunc concludiu da sonda proxima, ils 13 da quest, suenter messa leger giu las pastiras e las treis suentermiezdji vender ellas.

### 1881, ils 28 d'uost

Ei la ludeivla vischnaunca stada radunada el solit liug ed ha, muort la malemperneivla aura e muort la munconza da fetg biars umens, concludiu da refierer la votaziun che fuss curdada sin il di dad oz entochen dumengia proxima, ils 4 da settember.

Plinavon eis ei aunc sin la damonda dils pursanavels da **Nalps**, da schar vegnir cun ses tiers per untgida mo ora il **Plaun Schlaus**, enstagl ora il **Plaun dallas Cavorgias**, ei unitamein concludiu, ch'ei dueien sch'il basegns sforzi, ir ora sin sia veglia untgida dil **Plaun dallas Cavorgias**.

### 1881, ils 4 da settember

Ei la ludeivla vischnaunca stada radunada el solit liug ed ha concludiu sco suonda.

1. Ei vegniu votau giu sur ils treis pugns da recapitulaziun ils quals han giu il sequent resultat.

a) per il project dalla lescha da taglia ei stau	135 gie e negins na
b) per il project dalla lescha da representanza	117 gie e 18 na
c) per il project dalla iniziativa	135 gie e negins na

e sco dumbravuschs ein stai eligi ils signurs gerau Sep Lorenz Wenzin e statalter Gion Paul Berther.

2. Ei vegniu fatg da saver che tenor ordinaziun dil cussegli da sanadad, ch'ei seigi scumandau da schar ira tgauns e gats libramein entuorn senza buccari, a raschun, ch'ei seigi en plirs loghens tgauns vietis, ils quals hagien caschunau malemperneivlas consequenzas.

3. Eis ei concludiu da turnar las lennas ch'ein vegnidias fatgas empristadas per far si tegias ed auters baghetgs da vischnaunca.

4. Ha il signur president sclariu si clar ed entelgeivel las untgidias dallas alps da **Nalps**, ton quella dalla claustra, sco quella dils vischins da **Mustér**. Plinavon ha il signur president aunc fatg da saver che tgi che vegni en vischnaunca cun tiers jasters, duei dar giu las bullettas.

5. Ei sin damonda da Gion Fidel Berther e da vieua Turte Beer vegniu schenghegiau miez igl arvè d'ina vacca per in.

6. Ei sin la damonda da statalter Gion Paul Berther, sch'ins vegli denter igl uaul da **Tschuppina** ed il prau da **Sudada** metter duas retschas tiarms ni buc, numnadamein denter uaul e pastira e denter pastira e prau. Sch'eis ei concludiu da metter mo denter pastira e prau, bein aber, dad el protocol bein remarcar con lunsch igl uaul seigi naven dil prau.

7. Finalmein ei aunc vegniu legiu ora la cumissiun che duei mirar sissu e tener quen tuttas lavurs cuminas da vischnaunca e sco tals commembers ein eligi:

per <b>Rueras</b>	gerau Giachen Antoni Wenzin
per <b>Camischolas</b>	Giachen Antoni Giossi
per <b>Sedrun</b>	Alfons Jacomet
per <b>Bugnei</b>	Thumaisch Curschellas
per <b>Cavorgia</b>	Giachen Antoni Schmet
per <b>Surrein</b>	Giachen Martin Curschellas
e per <b>Selva</b> e <b>Tschamut</b>	Fidel da statalter Giachen Venzin

### 1881, ils 25 da settember

Ei la ludeivla vischnaunca stada radunada el liug solit ed ha ils sequents conclus.

1. Ariguard schazegiar ils funs per dar en la taglia cantunala ei concludiu da far giu ils praus grass en treis classas e vegnir perina da schazegiar sco suonda:

I.	classa ils buns	1.90 frs.
II.	classa ils buns	1.60 frs.
III.	classa ils buns	1 fr.

Ils maghers ein era vegni schazegiai in ton il blah ed era fatg en treis classas:

I.	ils buns maghers	20 frs il blah
II.	ils buns maghers	15 frs. il blah
III.	ils buns maghers	10 frs. il blah

Sco commeber e suppleant tier la cumissiun da taglia ein eligi ils signurs president Soliva ed assistent Schmet.

2. Ei concludiu da dumandar igl ault ludeivel Cussegl Pign per il cumentiment da tener nossa fiera a **Rueras**.

Finalmein ei era aunc concediu dad il di d'oz suenter ils uffecis schar rischlar e perquei di ei la vischnaunca sesligiada si.

### 1881, ils 2 d'october

Ei la ludeivla vischnaunca stada radunada el liug solit e concludiu sco suonda.

1. Ariguard schar lartg ils tiers eis ei concludiu, sche l'aura seigi favoreivla ch'ins sappi rischlar, da schar liber la mesjamna ils tiers gronds, la gievgia las nuorsas e la sonda ils s.v. tiers casa. En cass da plievgia e malaura, sch'eis ei schau sura agl obercheit.

2. Ei concludiu da schar vegnir oragiu cun las nuorsas en curtain pér quei di ch'ellas veggan zavradas.

3. Ariguard il carscentar las entradas da vischnaunca, sco quei che la avon entgin temps radunada cumissiun veva giu luvrau ora in pareri, ei concludiu sco suonda:

a) Ils 1000 frs. che la vischnaunca veva dau al segnerfarrer per incassar tuttas spesas dalla dieschma, ver marveglias nuot e star da quellas varts tier quei che la vischnaunca veva a siu temps giu concludiu.

b) L'amortisaziun dalla „Sparcassa“ cantunala aber eis ei vegniu perina da salvar ad interim per cuvierer ils deivets da vischnaunca ed il vanzament metter tier la augmentaziun dalla caplania a **Sedrun**.

c) Sin ils tiers eis ei concludiu d'augmentar la taglia la mesadad sco fuva si entochen uss, aschia ch'ei vegn da pagar

per in cavagl	1.50 frs.
per ina vacca	75 raps
per stiarls e stiarlas	38 raps
per vadials	23 raps
per tiers manedels	8 raps il toc

d) Ariguard las lennas ei concludiu da star vid las taxas veglias per aschiditg sco quei uorden cuozi aunc.

4. Ei concludiu da vender quellas lennas ch'ein sederschidas, bein aber duei vegnir priu ora quei ch'ins sappi per turnar quella ch'ei fatga empristada.

5. Ariguard il trer il chis ei secunvegniu da trer quel entras lavur cumina e zuar igl emprem sil cuolm cun quintar il dubel e lura giu suenter, bein aber duei mintgin esser las nov sil plaz da lavur.

6. Ei aunc vegniu fatg da saver ch'ei duei en mintga vischinadi sin dumengia proxima, ni aschigleiti sco ei seigi descargau, vegniu dau en tuts tiers da taglia, d'arvè, tuts tgauns, feins jasters etc.

### 1881, ils 9 d'october

Ei la ludeivla vischnaunca stada radunada a **Rueras** e concludiu da gliendisdis, ils 10, da schar lartg tuts tiers e per quella fin eis ei concediu da schar rischlar oz suentermiezdì.

Ariguard la supplica dils „hinderses“ da far giu enzatgei dil conclus prius ils 6 da zercladur digl onn present, eis ei schau sura ad in ludeivel obercheit da serugalar giu sco el anfli per dueivel.

### 1881, ils 30 d'october

Ei la ludeivla vischnaunca stada radunada el solit liug e priu ils sequents conclus.

1. Eis ei vegniu legiu ora ils commembers dil cussegli naziunal, ils quals han giu il total resultat sco suonda:

Signur president circuital dr. Casper Decurtins	214 vuschs
Signur statalter guovernativ dr. Johann Schmid	215 vuschs
Signur cusseglier naziunal Anton Steinhauser	2 vuschs
Signur cusseglier naziunal Toggenburg	1 vusch

2. Sco geraus federals ein vegni proponi ed eligi ils sequents signurs, numnadamein:

Signur president communal Johann Anton Soliva da cheu

Signur professer Placi Condrau da **Mustér**

Signur mistral Arpagaus da **Sumvitg**

Signur Seph Vic. Decurtins da **Trun**

Signur Mathias Capaul da **Breil**

Signur scolast Martin Paly da **Medel**.

3. Ei concludiu da trer si en baselgia ina collecta per ils disgraziai dad **Elm** cantun **Glaruna**.

Vess quella da curdar ora memia sempla, sch'eis ei aunc concediu da metter vitier enzatgei ord cassa da vischnaunca.

4. Eis ei vegniu schenghegiau igl arvè d'in vadi vegl a signur gerau Bruno Soliva en consideraziun ch'el veva pli baul giu piars in auter.

## 1881, ils 13 da november

Ei la ludeivla vischnaunca stada radunada el liug solit e sedeliberau sco suonda.

1. Per il subsidi dumandaus dil president circuital per slargiar la via da **Panaduz** a **Glion** ei concludiu da dar nuot.

2. Ariguard ils arvès ei concludiu da schar vegnir en cun quater tiers per fiug, aber buca in per l'auter, bein aber sch'in vess da piarder in tier, pudess el sco auters onns remplazzar quel cun in auter dalla medema specia. Las taxas ein era stadas tier las vedras. Ultra da quei eis ei aunc concediu da puder brattar giu, sch'in venda ord vischnaunca ina vacca encunter in'autra vacca, ina mugia encunter ina mugia ed in s.v. taur encunter in auter taur, bein aber sto quei daventar el termin dad in meins. In vischin, il qual fa diever da quei dretg ei obligaus d'aschigleiti ch'el ha vendiu in numnau tier, far da saver, ed aschigleiti sco el ha turnau a remplazzar cun in auter tier. Da cumprar il siu dretg eis el era obligaus da far enconuscent. Duess in ni l'auter buca far da saver, seigi lura per negligentscha ni emblidonza a dretg temps, sche piarda tal siu dretg e po aschia buca brattar giu tiers.

Il cheutier destinau che mira sura e tegn in exact protocol ei proponius e destinaus signur Giachen Antoni Berther da **Camischolas** per tut la vischnaunca.

NB. Era astga in vischin brattar giu mo inagada e mo d'ina dallas sura allegadas specias da tiers.

3. Eis ei concediu da dar in lenn sil **Bostg** a signur „Förster“ Maissen, pagond.

4. Sin la supplica dils vischins da **Bugnei** per in subsidi da gidar a pagar ses bischels da „gus“ ch'els ein intenziunai da metter en, eis ei concludiu da star vid igl uorden fatgs igl onn vargau sut il datum dils 4 d'avrel, il qual di: sch'ei vegn mess en en in vischinadi ni l'auter bischels da „gus“, ni duvrau cement ni auter material dir, sche duei la vischnaunca prender giu la quarta part dalla summa ch'ils bischels cuostan sil plaz cun vitgira e tut bein, aber da buca quintar quei che vegn fatg entras lavur cumina.

5. Ariguard il schar schubergiar igl uaul eis ei concludiu, che per igl onn present, star vid igl uorden veder.

6. Eis ei concediu a Gion Andriu Berther da schar brattar giu sulom da siu baghetg sin **Scharinas** sin pastira e da schar far in ton da lenna las preits dil numnau baghetg.

A Giachen Antoni Monn da **Sedrun** eis ei era concediu da schar far da lenna las preits da siu nuegl el vitg **Surrein**, bein aber ch'ils sura survegnien negina lenna per las preits.

7. Ariguard co pagar las spesas, ch'ins ha questa stad stuiu far si per las nuorsas, eis ei concludiu da tgi che secuntenti cun lavur cumina, schar trer giu sufficientamein tala, ils auters dueien aunc il di dad oz dar en, ch'ins sappi far quen e trer giu dil vanzament dil sal dallas nuorsas e quei che maunca lura metter vitier il pustretschi dallas nuorsas.

## Igl onn 1882

### 1882, ils 8 da schaner

Ei la ludeivla vischnaunca stada radunada el solit liug e priu ils sequents conclus.

1. Ei vegniu priu si il Walingher da **Schluein** sco meister mustregia per il pagament dad 1 fr. per liufa las grondas ed ils purschals per 70 cts in. El s'oblighescha da veginr duas gadas per onn, numnadamein igl emprem d'avrel e da miez zercladur.

2. Ei Hans Giachen Monn da **Rueras** vegnius pladius sco nurser dalla stad sillia **Puzza** per la pagaglia da 20 raps il tgau senza cumpriu en il sal.

3. Ein ils sequents signurs vegni legi ora sco cautegias per las alps da schetgs.

per **Maighels** Gion Antoni Paly

per **Mila** frars Riedi

per **Strem** Gion Bistgaun Beer

4. Ei aunc concediu a Vigeli Schmet da **Camischolas** da schar far da lenn las preits da siu baghetg era a **Camischolas**.

### 1882, ils 5 da mars

Ei la ludeivla vischnaunca stada radunada el liug solit e sedeliberau sco suonda.

1. Eis ei suenter ina liunga e lada discussiun davart ils pugns da recapitulaziun dil cumin dalla **Cadi** e suenter esser legiu avon il conclus prius a **Mustér** sut il datum dils 25 da fevrer, puspei vegniu concludiu da tener ina secunda radunanza a **Camischolas** ils 16 dil current per danovamein saver dilucidar e sentir ils meinis da nos signurs vischins, ch'ins sappi quels sin la secunda radunanza che vegin a vegin tenida a **Mustér** purtar avon.

2. Ei concludiu da far pagar negin arvè ils tiers che veginan cumprai digl emigrant Toni Derungs.

3. Ei Gion Battesta Valier vegnius numnaus cautegia da cavals per la stad.

4. Era ei ei vegniu fatg da saver che tgi che drovi caltschina, duei haver dau en sin calonda avrel. **Selva e Tschamut** a Vigeli Peder, a **Rueras** a signur gerau Lorenz Wenzin e dador **Dutg Grond** a gerau Vigeli Berther.

5. A Vigeli Beart da **Sedrun** ei concediu da schar far si **Valtgeva** ina zona encunter siu nuegl niev, enstagl da carschentar quel ord in da dudisch in da sedisch armauls, sco fuva pli baul vegniu concludiu.

6. Plinavon eis ei sut ils 14 da mars vegniu concludiu da tarmetter ils signurs geraus tier ils revendissims signurs spirituals, ch'ein stai tier nossa missiun, per a quels, en num dalla pleiv metter giu in dueivel engraziament per tutta premura e breigias e stentas ch'els han mussau duront ils dis dalla missiun visavi a nossa vischnaunca.

7. Era ei sin damonda da nies „Camifeger“ Stoffel concediu da dar ad el la sort lenna da fiug per il medem pagament sco quei che nus paghein, aber era cun la clara cundiziun, ch'el fetschi giu il fulin vinavon per il medem pagament sco entochen uss.

### 1882, ils 26 da mars

Ei la ludeivla vischnaunca stada radunada el liug solit e seconcludiu sco suonda.

1. Ariguard ils dus pugns da recapitulaziun dil cumin dalla **Cadi** eis ei suenter ver giu udiu ils differents meinis finalmein unitamein concludiu, che per il present di, dar negina votaziun sur da quels.

2. Havend „Hebama“ Monn remess anavos siu uffeci da „Hebama“ ad ina ludeivla vischnaunca, eis ei concludiu da scriver ora ella gasetta per mirar sch'ins survegnessi ton pli gleiti ina tala. Bein aber eis ei adina reservau che la numnada Monn stoppi, tenor entelgentscha fatga cun ella, aunc adina survir per il termin da miez onn, sch'ella vegness clamada.

Plinavon duei ins aunc mirar per ina brava ed adattada giuvna che emprendessi quei mistregn, ch'ins savessi quella tarmetter tier l'emprema scola che vegin dada per tala instrucziun.

3. Havend nies „Revierförster“ Maissen cun calond'avrel ora siu termin, eis ei concludiu da sevolver tier il „Kreisförster“, cun quel ed ensemens mirar e dumandar si igl ault ludeivel Cussegl Pign, sch'ei vegness buca concediu ad interim da surschar la survigilonza da nos uauls ed era sco „Förster“ ad in da nos adversai umens, per aschiditg sco nus vessen buca in agen „Förster“ patentau, il qual nus vegnessen era a mirar da saver tarmetter in giuven sigl emprem

cuors ch'ei dat da quellas varts.

4. Ei concludiu da prender si la stad circa 20 genetschas silla jarva per il medem pagament da 10 frs. sco igl onn vargau, ultra da tuttas spesas e vegnir cu ei carga en autras vischnauncas. Plinavon eis ei era concludiu da prender si la stad silla jarva 10 – 12 cavals, era per il pagament sco igl onn vargau. Ils numnai cavals dueien vegnir fixau in temps d'annunzia, da sinaquei ch'ins sappi prender si dalla vischnaunca anora in s.v. cavagl mascal entir, sch'ei duess vegnir en il fixau diember.

5. Finalmein eis ei aunc concediu a Vigeli Berther da **Sedrun** da schar emplenir si circa 5 – 6 fests da quella val dil **Run** giu sper siu prau si tier la scarpa e quei per il pagament da 5 frs., cun la cundiziun ch'el fetschi si ina seiv per segirezia dils tiers.

### 1882, ils 2 d'avrel

Ha la ludeivla vischnaunca unanimamein cun 172 vuschs acceptau il pareri, luvraus ora dalla sut datum digl 1. d'avrel radunda cumissiun, cun ina pintga midada digl ingress dil pareri ariguard il §40 dil vegl decret dil cumin dalla **Cadi**.

Per stabilir quella remadura dil sura numnau pareri ein stai numnai ils sequents signurs, ils treis geraus en uffeci cun ils signurs assistent Schmet, gerau Lucas Cavegn, gerau Lorenz Jagmet e scadin auter vischin che vul prender part.

Finalmein eis ei aunc vegniu fatg da saver, era tenor conclus dalla sura numnada cumissiun, ch'ins vegni a tarmetter tier agl ault ludeivel Cussegl Pign la risposta che la suprastanza, respectiv il president ha survegniu da nies „Kreisförster“ cun la copia dalla brev che nies president veva giu scret al numnau „Kreisförster“ ariguard nies „Revierförster“, essend che quella ei stau ina groppa, fina maltschecca e per part era malfundada risposta.

### 1882, ils 30 d'avrel

Ei la ludeivla vischnaunca stada radunada el liug solit e concludiu sco suonda.

1. Ei stau da votar sur da dus pugns da recapitulaziun, ils quals han giu, suenter esser fatg si ina tschara cun in unit pli da dar en il recuors il sequent resultat:

- a) Per il pugn ariguard la lescha dallas alps; pro negin e contra 210
- b) Per il manteniment dallas vias; pro negin e contra 213

2. Sin la repatida supplica da „Bundesweibel“ Berther a **Cuera** per in susteniment en ses basegns eis ei concludiu da quella gada empristar ad el 200 frs., ils quals dueien vegnir pri ord cassa da vischnaunca e tarmess tier a signur „Regierungsrath“ Dedual, il qual duei prender il sura sut sia survigilonza.

3. Ariguard las duas aspirantas „Hebamas“ eis ei concludiu da corrisponder cun omisduas per mirar quala s'offereschi cun las pli adattadas cundiziuns.

4. Ei concludiu da dar a nies „Seczionschef“ per tuttas breigias e cuorsas in annual salari da 60 frs. e libers dallas lavurs cuminas cun excepziun da quellas dallas alps.

5. Sin la supplica dils vischins da **Selva e Rueras**, ch'ins duessi danovamein turnar a pertgirar ora igl uaul da **S. Brida** sin quen da vischnaunca, eis ei suenter ina liunga debatta priu negin conclus, nua ch'igl ei aber aunc ina gada dil signur president vegniu fatg da saver, che mintga vischinadi stoppi esser responsabels sche sias cauras fetschien donn en in u l'auter uaul e las supremas autoritads vegnessien a castigar la vischnaunca, sche vegni quella directamein a far pagar ils respectivs vischinadis.

6. Eis ei aunc concediu a Giachen Antoni Schmet da **Camischolas** da schar vegnir en cun duas vaccas ed a Vigeli Cavegn e Sep Flurin Huonder cun treis stiarls sur dretgs, pagond in surpli da treis francs il tgau.

### 1882, ils 7 da matg

Ei la ludeivla vischnaunca stada radunada el solit liug e sedeliberau sco suonda.

1. Ei concludiu da far mundi e zuar gliendisdis las nuorsas ed ils s.v. tiers casa e la sonda las cauras.

2. Curdond nossa fiera dil zerladur uonn sin Sontgilcrest, sch'eis ei concludiu da scriver ora quella sin il di avon.

3. Ei concludiu d'aunc prender si la stad silla jarva circa 30 stiarls ni vadials e quels tiers metter

enta **Maighels** cun nossa stiarlas e quei per igl arvè da per las stiarlas 8 frs. ed ils vadials 6 frs. il tgau. Ils sura tiers astgan vegnir aber per cura ch'ei carga en outras vischnauncas.

4. Ei schenghegai a Sep Antoni Gamboni igl arvè da sia vacca per schar ora quella zacons dis sin nossas pastiras.

5. Ei dil signur president vegniu fatg da saver ch'el cun il segnerfarrer hagien concludiu che quei di ch'ei vegni iu cun processiun per la benedicziun dils funs, era da dedicar las sontgas messas per quei intent cun consentiment dalla vischnaunca, la quala ha era dau siu consentiment.

6. A signur Gion Andriu Berther eis ei concediu in sulom per ina tegia si **Milez** per diever dalla primavera sin pastira en consideraziun ch'el ha schau ira sut il sulom da dus nuegls ed ina tegia era a **Milez**.

Suenter eis ei aunc vegniu legiu entgins uordens da vischnaunca, nua ch'igl ei davart las nuorsas danovamein vegniu concludiu da zavrar ellas era cura ch'ei carga e zuar las 10 a **Plaun Miez** e las duas a **Valtgeva**. Cun ils negligents eis ei da star vida quei sco igl uorden plaida.

### 1882, ils 29 da matg

Ei la ludeivla vischnaunca stada radunada el liug solit e concludiu sco suonda.

1. Eis ei dil signur president dalla cumissiun da quens, assistent Schmet, vegniu dau giu in clar rapport sur dils quens da vischnaunca cun far tuttas remarcas che la cumissiun ha anflau per necessarias, plinavon ha el era mess giu in grond engraziament al signur statalter per sia gronda premura e stenta demussada, sco era davart d'ina entira suprastanza. Suenter quei rapport eis ei lura aunc vegniu legiu giu il dau ora dalla vischnaunca, sinaquei che mintga vischin sappi nua che quei enorm daner che la vischnaunca tila en mondi, ed il quen ei lura suenter entginas remarcas era dalla ludeivla vischnaunca vegnius approbaus.

2. Ei signur Gion Paul Berther danovamein vegnius confirmaus sco statalter per igl onn futur.

3. Ariguard nies „Waltförster“ eis ei concludiu da igl onn dad uonn buca seschar en cun nies vegl „Revierförster“ Maissen, sonder sch'ei selaschi da contractar cun Martin Paly da **Medel**, cass cuntrari duei ins encuir in auter.

4. Davart la circulara digl uffeci da cumin, ariguard ils decrets da cumin, eis ei concludiu da dar ina sempla risposta, che nus respecteien quella circulara nuot e che nus steien vid quella conclusiun che nus veien a siu temps tarmess tier agl Uffeci da cumin.

5. Ariguard la moziun dil cussegl d'educaziun cun l'ordinaziun da ver ton pli gleiti semtgau in plaz da „Turnen“ eis ei concludiu da ad interim schar trer sco ei tila ed aunc schar visar ina gada.

6. Eis ei concediu suloms a sequents particulars:

1. A frars Cavegn vi **Sumpulemas** da far ord nuegl e zona da dudisch dus nuegls da dudisch.

2. Gion Antoni Giacomet a **Cavorgia** da far las preits da siu baghetg da lenn.

3. A Gion Antoni Schmet da **Cavorgia** da far ord ina zona da sedisch in nuegl da sedisch armauls.

4. A Lucas Cavegn, **Rueras**, da far la sia tegia a **Liez** encunter siu nuegl.

5. A Gion Andriu Berther a **Scharinas** da far sia tegia encunter il baghetg.

6. A Giachen Antoni Wenzin a **Mulinatsch** da puder untgir ora in grep cun siu baghetg ed era aunc carschentar enzatgei.

7. Eis ei aunc dau l'autoritat alla suprastanza d'astgar agitar il „Kreisförster“ en cass da necessitat.

### 1882, ils 10 da zercladur

Ei la ludeivla vischnaunca stada radunada a **Rueras** e priu ils sequents conclus.

1. Nunschend tier Martin Paly sco nies „Revierförster“, eis ei schau sura alla suprastanza cun trer tier signur assistent Schmet da marcadar cun signur scolast Deplazes, fegl, da **Surrein-Sumvitg** aschi favoreivlamein sco pusseivel per nies „Revierförster“ per igl onn present.

2. Sin la damonda, nua schar marcar ora la lenna da fiug, eis ei concludiu d'uonn turnar a dar quella ellas schetgas.

3. Ariguard ils dispiteiveis vadials che fuvan pri si per **Maighels**, eis ei concludiu da far ira quels nua ch'ei audien, quei ei a **Maighels**.

## 1882, ils 24 da zercladur

Ei la ludeivla vischnaunca stada radunada el liug solit e concludiu sco suonda.

1. Ei sin la remarca dil protocol dils 29 da matg concludiu da far pagar anavos per il transport d'ira e vegrin da scolasta Caplazi da **Surrein**.
2. Dueien tuts tiers che vegrin cargai, esser dai en als respectivs cautegias sin dumengia, ils 25, ed allas duas suentermiezdi vegr ei lura ulivau las alps.
3. Eis ei dalla ludeivla vischnaunca, tenor conclus digl obercheit, concediu da schar pinar mintgin nua ch'el vegli ils quaders e lenna d'aissas els uauls cumins e d'astgar entscheiver a pinar mardis, ils 27 da quest.
4. Eis ei dil signur president vegrin fatg da saver che quest settember proxim vegr ei a vegrin ina brigada schuldada cheu atras, nua che la vischnaunca ei necessitada da mirar da saver schar maner quels umens en loghens sco igl ei declarau. Tgi che sa prender si da quels umens, sto far da saver a **Sedrun** e **Gonda** al „Seczionschef“ Schmet, a **Camischolas** a Vigeli Berther, **Rueras** a gerau Sep Lorenz Venzin ed a **Selva** e **Tschamut** a Vigeli Peder.
5. Ha la vischnaunca concediu a sequents particulars da schar tener treis vaccas per in a casa la stad, numnadamein vieua Lorenz Schmet, Sep Antoni Wenzin, Genoveva Hendri e Martin Peder.
6. Eis ei a Vigeli Monn da **Surrein** ed a Giohen Deflorin vegrin schenghegiau miez igl arvè d'ina vacca per in.
7. Eis ei concediu a Fidel Peder da **Tschamut** d'astgar tagliar si tschespets sillia **Crusch** per barschar, nua ch'el sto lura cun la medema cundiziun era spelar si in ton bostga. Quella lubientscha ei era concedida a scadin auter vischin da **Tschamut**, dumandond la vischnaunca persuenter.
8. Eis ei concediu ad Augustin Riedi da **Tschamut** in sulom per in baghetg da sedisch armauls dadens sia casa, mo avon che far diever dalla lenna concedida, duei el ver rugalau pervia dil sulom.
9. Ei concediu a Gion Battesta Monn da brattar giu sulom d'in chischner sisum il vitg **Sedrun**. Finalmein eis ei aunc concediu enqual cavriu el mender donn giud pei.

## 1882, ils 2 da fenadur

Ei la ludeivla vischnaunca stada radunada el liug solit e concludiu sco suonda.

1. Davart il cargar eis ei concludiu da mardis stavlar e zavrar las nuorsas e la mesjamna cargar ellas, ils schetgs dueien vegrin cargai la sonda e las vaccas il gliendisdis.
2. Ei concludiu da schar metter en **Pardatsch da Vaccas** 35 vadials cun ils cavals, pagond 1.50 frs. il tgau en cassa da vischnaunca. Tgi che vul metter en vadials en il numrau liug, duei aunc oz dar en a Vigeli Berther ed era aunc oz allas 6 vegr ei lura ulivau cun la sort, sch'ei vess da vegrin en pli ch'il diember.
3. Eis ei sin l'invitaziun tarmessa tier a nus dil comite dallas vias commercialas, suenter ver udui ils differents meinis, concludiu d'era nus star tier e prender part da quei process ch'ils sura numnai vegrin a tener encunter il cantun, a raschun, ch'igl ei a nus vegrin sfurzau encunter tuttas veglias entelgentschas il manteniment d'in toc da nies stradun.
4. Eis ei vegrin schenghegiau a Sep Antoni Gieriet miez igl arvè d'in cavagl ed a Gion Fidel Berther, vegl, miez gl'arvè d'ina vacca.
5. Eis ei concediu a president Soliva ed a Battesta Valier da schar metter cun ils vadials ina nuorsa perin, sedeclarond els, che d'atun proxim vegrin els a far naven quellas nuorsas. Finalmein eis ei aunc vegrin fatg da saver che gliendisdis vegr ei entschiet a vender lennas e zuar gl'emprem ora igl **Uaul Bugnei**.

## 1882, ils 30 da fenadur

Ei la ludeivla vischnaunca stada radunada el liug solit ed ha votau giu sur dus pugns da recapitulaziun, ils quals han giu il sequent resultat:

1. pugn ariguard las epidemias 193 na
2. pugn ariguard supplement 3 gie e 188 na

Suenter eis ei aunc vegrin legiu avon entgins uordens da vischnaunca e finalmein eis ei aunc concediu da schar dar ad entgins vischins enzatgei pastiras.

## 1882, ils 13 d'uost

Ei la ludeivla vischnaunca stada radunada a **Rueras** e concludiu da sonda proxima leger giu las pastiras e dumengia vender ellas.

Secundariamein eis ei vegniu legiu ora ina cumissiun che fixescha in prezi general con far pagar il donn che la schuldada fetschi cheu e quella cumissiun duei consiste ord ils sequents signurs: ils treis geraus en uffeci, assistent Schmet, statalter regent e statalter Fidel Wenzin.

Sin la brev, vegnida tier dil cussegl d'educaziun ariguard la casa da scola a **Sedrun**, eis ei concludiu da rispunder, ch'ins vegli mirar da saver ira cun ina classa affons naven da **Sedrun** e tarmetter a **Camischolas** e lura mirar sch'ei seschassi buca serugalar sin quella moda.

Finalmein ei aunc concediu la jarva ad in s.v. tier casa da Vinzens Candinas, pagond.

## 1882, ils 27 d'uost

Ei signur gerau Duri Wenzin vegnius eligius sco commember dalla cumissiun dils paupers ella plazza dil defunct Gion Antoni Berther.

## 1882, ils 17 da settember

Eis ei muort quella neiv vegniu concediu da schar ira mintgin cun ses tiers ensemes, sch'ei plai, bein aber mo sin sia pastira da casa ni en sia alp da vaccas. Milsanavon eis ei aunc concludiu da dar entgins umens sin quen dallas nuorsas per encuir quellas che mauncan aunc.

## 1882, ils 24 da settember

Eis ei concludiu da per la suandonta jamna schar sura a mintga vischinadi da far tgei ch'ei veglien cun sias nuorsas, bein aber da mirar da tener quellas ord alps da vaccas.

Secundariamein eis ei danovamein concludiu d'aunc schar ir in di quater umens per mirar sch'ei anflassen aunc pliras nuorsas. Nuorsas ch'ein vegnidas anfladas e catschadas tier suenter la neiv ni vegnissen en quei cass dacheudenvi dueien pagar 1 fr. il tgau e las spesas ch'ei va si dapli, quei vul dir, che la bonificaziun da quellas che vegnan anfladas tunschessan buc ora, duei vegnir repartiu sin l'entira muntanera. Gl'emprem d'october ei concludiu da cintinuar vinavon cun igl uorden dallas nuorsas.

Plinavon eis ei aunc unitamein concludiu da dar negin subsidi per la premiaziun della biestga feminina che vegn tenida a **Trun** e sin supplica dalla ludeivla suprastanza da quei liug.

## 1882, ils 15 d'october

Ei la ludeivla vischnaunca stada radunada el liug solit e concludiu sco suonda.

1. Ei concludiu da mardis schar lartg tuti tiers cun excepziun dils s.v. tiers casa, ils quals dueien vegnir dai lartg gievgia.
2. Ariguard il chis che la vischnaunca ei obligada da trer, eis ei concludiu da trer da lavur cumina e da schar quintar sco igl onn vargau e d'esser las nov sil plaz.
3. Essend igl accord da barschar caltschina alla fin, sch'eis ei schau sura alla suprastanza da contractar cun tgi che s'offereschi sut las meglieras cundiziuns ed il pli bienmarcau.
4. Finalmein eis ei aunc concludiu da sonda proxima vender quellas lennas ch'ein sederschidas e zuar entscheiver sigl **Uaul Camischolas**.

## 1882, ils 2 da november

Ha la vischnaunca concludiu da far neginas lavurs ni bonificaziuns ariguard il manteniment da nies stradun entochen ch'ei seigi buca ora la sentenzia dil present process vial.

Suenter ei igl accord cun ils brischacaltschina vegnius legius avon ed approbaus.

## 1882, ils 26 da november

Ei la ludeivla vischnaunca stada radunada el liug solit e priu ils sequents conclus.

1. Ei stau da votar sur dalla lescha da scola federala, la quala ha giu il sequent resultat:  
Per prender si ella han detg gie 1, per refusar ella han detg na 225.
2. Ariguard ils arvès ei concludiu da star vid igl uorden digl onn vargau.
3. Ariguard nies process vial ei concludiu da dumandar si il president dil comite Soldani, sche nossa protesta duessi buca schar prolunghir il temps sufficient senza resca da piarder nos

dretgs tiel process, sche vegni la vischnaunca grad a semetter ussa en il process cun las vischnauncas dallas vias commercialas.

4. Ei aunc concediu in solum per in chischner da dus posts a Sep Antoni Beer sin **Gonda** si sper sia talina nova.

### Igl onn 1883

#### 1883, ils 14 da schaner

Ei la ludeivla vischnaunca stada radunada el liug solit e concludiu sco suonda.

1. Sin gl'avis dil ludeivel Cussegl Pign da pagar igl importo tarmess tier per il manteniment dalla via, sco la lescha pretendi, cass cuntrari vegrins tras la polizia a schar stumar ora quei importo, ei concludiu da grad pagar per cura ch'ins stoppi cun la forza e schar vegrin ils stumadurs.

2. Ariguard las lennas derschidas a **Pardatsch** ed en auters loghens tras lavinas e suffels ei concludiu da schar ella entochen primavera grad eri e lura cura che la neiv ei ora ch'ins vesa, duei ei vegrin dau ora per lenna da diever, quei ch'ei pusseivel, per spargnar autra ch'ei sidretg.  
3. Sin supplica da meister mustregia Walingher ei ad el vegrini dau il „Wahrgeld“ da 10 frs.  
4. Ariguard il protocol da funs, ch'ei dil ludeivel Cussegl Grond vegrinus obligaus da prender si, ei concludiu dad ad interim ver neginas marveglias e mirar sch'ins savessi instradar il referendum encunter quella lescha.

5. Ei signur scolast Deplazes danovamein vegrinus prius si sco nies „Revierförster“ e zuar per treis onns e sut las medemas cundiziuns sco igl onn vargau, resalvond la schurnada, quella ei quels onns 5 frs., tschun, a di.

6. Ei aunc concediu da schar dar a Plazi Jagmet enzatgei palaunca derschida entuorn, pagond persuenter.

#### 1883, ils 11 da fevrer

Ei la ludeivla vischnaunca stada radunada el liug solit e priu ils sequents conclus.

1. Eis ei danovamein stau da contractar sur da nossa presenta questiun stradala, nua ch'igl ei vegrini legiu avon ina brev sin supplica, tarmessa tier dil president dil Cussegl Pign Dedual, zuar mo sco bien amitg e suenter ver tedlau quella e lura era madiramein ponderau, eis ei concludiu da leger ora ina cumissiun, la quala pondereschi scadina damonda en la sura fatga e prendi lura in final conclus da repurtar alla vischnaunca co ins duei danovamein prender amauns la caussa ni sco ins duei ella era grad schar scher e purtar il giuv sco ins possi. – Tier quella cheu sura allegada cumissiun ein eligi ils sequents: ils treis geraus en uffeci, ils signurs, assistent Schmet, gerau Lucas Cavegn, Duri Wenzin, gerau Gion Andriu Berther, gerau Stoffel Riedi, gerau Lorenz Jagmet, statalter Gion Paul Berther, statalter Stiaffen Beer, statalter Giachen Antoni Beer, gerau Gion Battesta Monn e Christian Muggli, la quala cumissiun duei seradunar a **Camischolas** sonda ad otg, che fuss ils 24 da fevrer. Secunadriamein eis ei aunc concludiu d'annular la conclusiun stada prida ils 2 da november 1882 encunter l'ordinaziun dalla suprastonza da buca dar ils necessaris luvrers al „Wegher“, sonder che quel sappi ver quitau sez, ed ei ussa tonaton concludiu che dacheudenvi duei la vischnaunca metter ils luvrers tras lavur cumina per las lavurs sin quei toc via ch'ei a nus vegrinus sfurzaus da mantener.

2. Ei concludiu da scriver ora per in nurser sin la stad.

3. Ei concediu a frars Cavegn da schar far las preits da siu baghetg vi **Sumpulemas** da lenn.

#### 1883, ils 4 da mars

Ei la ludeivla vischnaunca stada radunada el solit liug e giu las sequentas tractandas.

1. Ei Aluis Curschellas da **Surrein** vegrinus pladius nurser per la proxima stad, cun in da ses frars gronds, per la pagaglia da 27 raps il tgau, sch'ei descarga ils emprems dis d'october. Stuess el aber star pli ditg, sche ha el 28 raps il tgau. Zuar eis ei era schau tier d'haver in bien e fidau tgaun, buca aber in che mo siglienta e catschi las nuorsas aschditg sco el po ira. Stuess ei vegrin fatg spesas e cuosts vid las nuorsas per negligentscha dil pastur, sche vegrin ei fatg quellas sin donn e cuost dil nurser.

2. Ei il pareri dallas alps, staus luvraus ora dalla cumissiun dil schaner, vegrinus approbaus per in onn, cun far entginas remaduras, las qualas ein vegrinas legidas giu avon che far si la

tscharna.

3. Ei sin supplica dils vischins da **Sedrun**, ariguard ina augmentaziun da sia pastira da casa, pigliau il pli da buca conceder.

### 1883, ils 18 da mars

Ei la ludeivla vischnaunca stada radunada el liug solit e priu ils sequents conclus.

1. Ei sin supplica dil vegl „Bundesweibel“ Berther a **Cuera** vegniu empristau ad el il desiderau e supplicau 45 frs. cun la cundiziun ch'el quels tuorni sco el ei s'offerius en sia brev a nus scretta.  
2. Ei danovamein stau da sedeliberar sur da nossa fatschenta stradala, sur dalla quala ins vegin adina a metter a protesta, ch'ei seigi a nus encunter tuts dretgs e veglias cunvenziuns vegniu sfurzau da mantener quella; concludiu d'ussa entrar en ed instradar il process encunter il cantun ed en la cheutier destinada cumissiun, che duei corrispunder e far ils necessaris pass da quellas varts ein eligi: ils geraus en uffeci, signur assistent Schmet, signur Florin Berther, signur gerau Lorenz Jagmet e statalter Stiaffen Beer.

3. Sin supplica da nossa societad da „Plehmusik“ per il subsidi da 180 frs. (tschienotgonta francs) ei concludiu da ad els pagar quella summa sin d'atun proxim, bein aber senza tscheins e cun la cundiziun ch'els s'offereschien d'ira en quellas cundiziuns, ch'ein da signur president vegnidas messas avon alla ludeivla vischnaunca.

4. Ei vegniu mess cautegias dallas alps da schetgs, nua ch'igl ei fatg l'expressiva remarca, ch'ei duei vegin marcadau la pagaglia mo en daners e lura buca aunc dau tier da schar prender en da ses tiers en l'alp, priu ora ina vacca per diever dil latg al pastur, e ch'ils pasturs stoppien pertgirar tut ils tiers che quella alp po purtar, seigi da tgei specia ch'ei vegli e quei tochen ch'ei descarga ni dat lartg.

Ils cheutier destinai cautegias ein:

per <b>Maighels</b>	Placi Jagmet
per <b>Mila</b>	Gion Antoni Beer, <b>Rueras</b>
per <b>Strem</b>	Gion Antoni Monn, <b>Sedrun</b>
per cavals	gerau Gion Andriu Berther

Ils destinai che prendan si las gliestas dallas vaccas ein:

per <b>Val Val</b>	gerau Christian Muggli e Giachen Antoni Giossi
per <b>Val Giuv</b>	Giachen Martin Beer e statalter Gion Paul Berther
per <b>Cuolm Cavorgia</b>	Tumaisch Schmet
per <b>Dadens gl'Uaul</b>	Vigeli Peder per tuttas alps

Per las vaccas duei mintgin ver priu alp sin Gliendisdis Pastgas, ch'ins sappi lura far ina proximativa ulivada.

NB. Ei era dil signur president, en num dils vischins da **Sedrun**, vegniu fatg da saver, ch'els sin il conclus staus prius ils 4 da mars, ariguard l'augmentaziun dalla pastira da casa, vegnien a prender il recuors.

### 1883, igl 1. d'avrel 1883

Ei stau radunau vischnaunca ed ei vegniu legiu avon il recuors daus en da plirs vischins da **Sedrun** al ludeivel Cussegl Pign ariguard sia pastira da casa. Suenter esser ditg sedispitau e sedeliberau ei finalmein davart dalla vischnaunca vegniu legiu ora ina cumissiun che corrispundi e fetschi era ils necessaris pass en num e davart dalla vischnaunca. Ils cheutier eligi commembers ein: signur assistent Schmet, gerau Sep Lorenz Wenzin, gerau Lorenz Jagmet, statalter Gion Paul Berther, gerau Christian Muggli e statalter Stiafen Beer.

2. Sin ina brev tarmessa tier dil Cussegl Pign ariguard il manteniment d'in cert Giachen Antoni Monn dacheu, sesents en **Baviera**, malsauns dil spert, ei concludiu da rispunder ch'ins vegni ad intercurir la caussa pli datier e mirar sch'il numnau, ni tals parents hagien aunc enzatgei facultad ni buc, avon che far spesas per manteniment dil sura.

3. Ei concediu suloms sin prau a Placi Jagmet ed a Leci Huonder per far si in nuegl da sedisch perin el vitg **Sedrun**.

4. A Hans Giachen Decurtins ei concediu da schar vegin en cun in stierl enstagl d'in vadi ch'el ha piars pagond il surpli arvè.

5. Ei dau la cumpetenza alla suprastanza da far pagar tras la forza quels che han aunc buca

pagau suenter las lavurs cuminas vedras dallas alps, las novas ch'ein aber anavos, dueien vegnir uonn luvradas suenter, quei vul dir quellas digl onn vargau.

Finalmein ei aunc concludiu da prender si la stad silla jarva 3 – 4 cavals jasters pil pagament sco ils onns vargai. In cavagl senza pulein 20 frs., in cun pulein 25 frs.

### 1883, ils 14 da matg

Ei la ludeivla vischnaunca tenor solit stada radunada el liug solit per far las elecziuns da geraus e digl entir obercheit, sco era da tuttas outras cumissiuns, avon che entrar tier las elecziuns ei aunc vegniu contractau sur da differents puncts.

1. Eis ei suenter ditg esser stau visau e la finala smanatschau cun castigt dil ludeivel Cussegl Pign, ariguard quei aschinenumnaududis da protocols da funs, quella gada concludiu da schar tarmetter in da circa 1000 paginas.

2. Ei autorisau la suprastanza da far reclamaziuns tier igl ault ludeivel Cussegl Pign ariguard la classificaziun da nossa via, nunpregiudicond nies process, che nus vein da quellas varts cul cantun.

3. Ei concludiu da surschar alla suprastanza, ariguard la plontaziun ed il sem per far in curtin da cultivaziun tarmess tier dil „Kreisförster“ e per camond dil sura, nua ch'igl ei lura era el medem temps vegniu fatg da saver, che tgi che drovi lenna da baghegiar ni per reparaturas duei dar en quella e far urentar quei ton pli spert.

4. Ei il quen da vischnaunca, menaus da signur statalter Gion Paul Berther, vegnius mess avon dil president dalla cumissiun da quens, signur assistent Schmet, il qual ha dau giu in detagliu rapport da quellas varts ed ha exprimi visavi al statalter, sco all'entira suprastanza, era en num dalla cumissiun, in grond engraziamenti per la premura e breigia demussada ed il quen ei lura davart dalla vischnaunca vegnius approbaus cun engraziamenti.

Suenter lura haver tarmess, tenor usit, ina deputaziun ellas persunas dils signurs geraus Vigeli Berther e Sep Lorens Wenzin tier ils signurs spirituals, per envidar en quels da prender part da nossas elecziuns ed essend quels arrivai, sch'ei lura igl obercheit vegnius legius e confirmaus il veder talis e qualis sco quei ch'el fuva constituius ils dus onns vargai.

Suenter ei la cumissiun da scola vegnida elegida. Sco president da quella il signur caplon Berther, commembers: il segnerfarrer, statalter Fidel Wenzin, Gion Antoni Cavegn, gerau Gion Antoni Berther, Lezi Huonder, Vigeli Deragisch e Tumaisch Schmet.

Cumissiun pauperila: il president Giachen Antoni Berther, commembers il segnerfarrer, Vigeli Peder, gerau Duri Wenzin, statalter Stiaffen Beer, Leci Balzart ed ils ugaus spenda e dil sal.

Ella cumissiun da quens ein vegni confirmai ils vegls commembers.

### 1883, ils 20 da matg

Ei la ludeivla vischnaunca stada radunada el liug solit e concludiu sco suonda.

1. Ariguard il far mundi ei concludiu da gliendisdis, ils 21 da quest, far ira las nuorsas e las cauras otg dis suenter.

2. Ein ils vischins da **Sedrun** per la secunda gada vegni en cun ina damonda per augment da sia pastira da casa. Ei in general meini da vuler saver tgei pretensiuns ch'els fetschien, han ei la finala, suenter ditg haver giu pro e contra denter ils vischins da **Sedrun**, tonaton mess avon alla vischnaunca sias pretensiuns. Suenter haver udiu las pretensiuns ha ei ditg dau da discussionar da quellas varts, nua ch'igl ei schon all'entschatta vegniu moviu davart dalla vischnaunca da leger ora ina cumissiun d'umens da vischnaunca ed ei aunc alla finala, principalmein davart dil comite, vegniu proponiu da leger ora dus umens davart dalla vischnaunca ed in davart dil vischinadi da **Sedrun** per mirar ed inspectar tuttas nossas pastiras da casa e mirar sch'ei seigi quella aschi pretendida malulivadad per cheutras far si neginas novas spesas, mo quella proposiziun ei davart dils vischins da **Sedrun** absolutamein vegnida enviada anavos e sin quei ei lura vegniu priu negins conclus da quellas varts.

3. Ei vegniu dumandau ils sequents suloms.

a) Gion Martin Peder per in nuegl da sedisch armauls a **Sut Crestas**.

b) Statalter Stiaffen Beer da far ord il chischner da treis in da quater posts el vitg da **Sedrun**.

c) Artavels Paul Schmet da brattar sulom d'in chischner el vitg **Camischolas**.

d) Gion Antoni Monn da Stiaffen da far las preits da lenn da siu baghetg a **Milez**.

4. Ei concediu ad assistent Schmet ed a frars Giossi da schar trer grad in pez classena si **Sumpraus**, pagond ina raschuneivla taxa per la pastira che vegrn cheutras fatga prau.
5. Ei danovamein fatg da saver ch'ei duei vegrn teniu meglier las cauras ord igl **Uaul s. Brida**.
6. Tgi che drovi lenna da diever, duei sin gievvia proxima ver dau en ad in commember digl obercheit.
7. Ei concediu a Gion Antoni Gieriet da schar clauder ora per far in iert quei péz prau dadens siu baghetg niev ora ils **Alis**, quei denter las vias.

### **1883, ils 24 da matg**

Conclus dils 24 da matg

1. Ei concludiu da marcadar via da far il chis che la vischnaunca drova sin siu toc via per igl onn present.
  - 2 Ariguard il schar vegrn en cun tiers jasters, ei refretg ad interim, concludiu da mirar con gronds il diember da tiers en vischnaunca seigi.
  3. Concediu ils sequents suloms:
    - a) Ad artavels Duri Berther, **Dieni**, concediu da schar vegrn plidengiu cun il baghetg si **Plaun Sutè** e da far ord dus nuegls da dudisch, dus da sedisch armauls.
    - b) A gerau Christian Muggli per ceder in ton dil sura baghetg concediu da schar far si in faner sin siu prau.
    - c) A Sep Antoni Lorez da puder brattar giu sulom d'in chischner giu **Rueras**.
    - d) A Gion Battesta Giger da puder far si ina talina da lenna sper sia casa dil maun dadens.
- Tuts suloms vegrnan concedi senza donn e pregiudezi d'in tierz.

### **1883, ils 9 da zercladur**

Ei la ludeivla vischnaunca stada radunada el liug solit e concludiu sco suonda.

1. Ariguard las lennas da fiug ei concludiu da star vid igl uorden ch'era satbilis dils „Försters“ cun lura trer la sort vischinadi per vischinadi ed entscheiver cun nr. 1 en **Pardatsch** sper il prau da fargliuns Berther e da leu anora ed alla finala ora il **Plaun dallas Cavorgias**.
2. Ei concludiu da schar sidretg las sorts marcadas per **Bugnei** ed era dar a quels da quella ch'ei derschida sillia **Val Bugnei** tras lavinas.
3. Ei concediu da schar ira in um per fiug dus dis per onn a schubergiar ora lennas sederschidas els uauls cumins a gratis.
4. Ei concludiu da schar vegrn en cun 30 – 35 stiarls per quels metter enta **Maighels**, pagond il surpli sco igl onn vargau, ch'ei 3 frs. il tgau, vide protocol dils 1882, ils 30 d'avrel.
5. Concediu da schar vegrn en cun tiers sur dretgs, pagond il menziunau surpli ils sequents: Plazi Jagmet cun ina vacca, Battesta Valier cun ina genetscha e Gion Antoni Paly cun duas genetschas.
6. Ei concludiu da gievvia descagar la caltschina.
7. Ei schenghegiau miez igl arvè d'ina vacca a Giachen Antoni Curschellas da **Surrein**.
8. Ei vegrni mess ugaus sur nos curtins da cultivaziun da nos uauls. Per quel giu gl'**Uaul Surrein** statalter Gion Paul Berther, per quel sigl **Uaul Camischolas** Gion Battesta Giossi, per quel si **Scanziala** Alfons Jagmet. Sur il baghetg dalla sprezza ei Vigeli Wenzin, muliner, legius sco survigilader, il qual duei era el medem temps esser survigilader e gidonter vid la sprezza cun signur gerau Lorenz Jagmet.
9. Ei concludiu da dumengia proxima d'ulivar las alps.
10. Ei concediu a Baseli Huonder da **Mumpe** da schar metter in s.v. tier casa en **Pardatsch** la stad s'offerend el da pagar tgei che la vischnaunca garegi.
11. Havend il comite stradal elegiu signur Conradin Planta sco advocat da nies recuors encunter il cantun, sche ei concludiu da tarmetter ils signurs president Soliva ed assistent Schmet per schar dar sclariment e da dar enta maun las necessarias scartiras, supponend ch'il sura suprendi la fatschenta, seigi lura che signur Planta vegness cheu, ni sch'el garegiass da vegrn pli lunsch.
12. Ei concludiu da damaun, che fuss ils 11, da schar entscheiver a pinar las lennas els uauls cumins.
13. Ei concludiu da baghegiar ina tegia a **Nual**.

14. Ei concediu a Luis Hendri da schar ira in tschut cun las vaccas.
15. Finalmein ei aunc concediu als artavels statalter Giachen Wenzin, da schar far ord in nuegl ed ina zona da dudisch dus nuegls da sedisch armauls si **Milez**.

### 1883, ils 26 da zercladur

Ei stau radunau vischnaunca e suenter esser stau legiu avon ed approbau il protocol, ei vegniu legiu ora ina cumissiun consistenta ord ils treis signurs geraus cun aunc trer tier dus umens per vischinadi per mirar da saver s'entelgir giu ariguard la questiuneivla dispeta dallas pastiras da casa, nunvegnend quella cumissiun perina, sche duei la medema cumissiun lura ira ed inspectar tuttas pastiras da casa dalla vischnaunca.

2. Ei schenghegiau igl arvè d'ina vacca a Lisebeth Lorez ed a Lezi Lorez igl arvè da duas cauras.
3. Ei concludiu da far dar ina rugalada la via da **Pardatsch da Stiarls** tars lavur cumina.
4. Ei aunc concediu a Gion Fidel Berther da schar ir ina nuorsa cun las vaccas.

### 1883, ils 8 da fenadur

Ei la ludeivla vischnaunca stada radunada el liug solit e priu ils sequents conclus.

1. Ariguard il cargar ei concludiu da gliendisdis stavlar ed il mardis cargar las nuorsas, nua che quellas da **Valtgeva** dueien veginir zavradas e zuar a l'ina, ils auters tiers schetgs sco vaccas dueien veginir cargai la gievgia. Sur dil quantum vadials che pon veginir els **Pardatschs** ei mess dus cautegias per **Pardatsch da Vaccas** Vigeli Cavegn e per **Pardatsch da Stiarls** Giachen Antoni Monn, quels vadials dueien aunc veginir dai en il di dad oz e sch'ei vegin en sur il stagiau, sche duei ei veginir ulivau cun la sort.
2. Sin igl avis tarmess tier digl ault ludeivel Cussegl Pign ariguard il „Förster“ ei surschau al signur president da corrispunder aschi favoreivlamein sco pusseivel ei.
3. Ei concludiu da schar vender las calderas dalla vischnaunca aschi bein sco ins sappi.
4. Sin lubientscha digl ault ludeivel Cussegl Pign da puder enviar ord vischnaunca il Pieder Stoffel, muort siu secuntener ed il secuntener da sia famiglia ei surschau e dau alla suprastanza la cumpetenza d'aschigleiti sco el fetschi in excess aparti ni era sche ses affons fagessen enzatgei ch'ins savess buca tolerar, da ad el immediat dir giu il domicil.
5. Ariguard il rugalar la via da **Sudada** ei refretg entochen d'atun.
6. Ei concediu a Plazi Fluri da **Segnas** da schar metter in s.v. tier casa sturpiau en **Pardatsch**, pagond tgei che la vischnaunca garegi.
7. Sin repetidas lamentaschuns dil secuntener dil Sempione Carlo Toretha cun sias nuorsas visavi nossas alps cunfinontas e siu ir e veginir ed aunc auter ei concludiu da tgisar el agl ault ludeivel Cussegl Pign.

### 1883, ils 22 da fenadur

Ei a **Zarcuns** vegniu fatg da saver ch'igl ault ludeivel cussegl Pign hagi numnau il signur president circuital Anton Tuor sco nies expert tier la dispeta denter ils vischins da **Sedrun** e la vischnaunca pervia dallas pastiras da casa e ch'il numnau signur expert vegni gliendisdis ad otg, ils 30 da quest, per entscheiver cun quella lavur, nua che mintga vischinadi duei tarmetter in um ni dus per mussar il territori da sia pastira, ils quals sappien lura sch'ei plaigi era ira sin outras pastiras cugl expert.

Secundariamein ei aunc vegniu legiu avon la risposta a nus tarmessa tier dil signur Conradin Planta ariguard nies process cun il cantun, il qual ei sedeclarau da surprender la fatschenta e sin la damonda sch'in ni l'auter dils signurs vischins hagien enzatgei encounter dils conclus stai pri dalla vischnaunca pli baul da quellas varts, sche seigien ei supplicai da far enconuschen. Nunflessegiond lura da quellas varts otras ideas, vegn ins ussa a surdar totalmein la caussa al sura numnau Planta.

### 1883, ils 29 da fenadur

Ei stau radunau vischnaunca ed ei igl emprem vegniu concediu da schar rischlar il di dad oz. Secundariamein ei vegniu fatg enconuschen ch'ei smanatschi grond prighel dalla malsogna dalla zoppina, nua ch'igl ei vegniu fatg obligar da duvrar tuttas pusseivlas precauziuns. Ariguard la colera che regia zuar en tiaras dalunsch, eis ei a nus vegniu tarmess tier da nies

docter districtual Pl. Berther, in avis cun il camond da mirar en mintga vitg per ina casa vita da caveglier talas persunas che fussen attaccadas da quellas malsognas, sch'ei vess il discletg da vegrir tier nus tala. Las cheutier destinadas habitaziuns ein:

per <b>Selva e Tschamut</b>	il vitg da <b>Sut Crestas</b>
per <b>Rueras</b> ,	casa da scola e casa sut da Gion Antoni Wenzin
per <b>Sedrun</b> ,	casa Sontget da frars Cavegn
per <b>Surrein</b>	casa d'artavels Muggli
per <b>Cavorgia</b> ,	casa da scola.

Il cheutier elegiu persunal che mira tier e fleghegia ils malsauns ei elegiu: signur Sep Antoni Gamboni.

Finalmein ei aunc concludiu da scumandar il cavar ragischs da vinars si da **Maun Sura** en ed ora en sorts pastiras che vegrir segadas.

### 1883, ils 5 d'uost

Ei a **Camischolas** stau da sedeliberar co secuntener ariguard dalla malsogna dalla zoppina che regia a **Rueras** e sin la pastira da casa da quei vischinadi. Concludiu che tut ils tiers ch'ein a casa sin la numnada pastira, dueien per questa jamna vegrir engiu ed astgar pascular mo vi **Plaun Miez**, nua ch'ins duei leu era bein mirar da buca schar ira sur ses cunfins ora, seigi lura anen ni anora ni si encunter il **Tgom**, las cauras aber dueien ins schar ir ensi e tener quellas ella **Val Mila**, cun, sch'il cavrer damogna buc, aunc dar in gidonter. Las stiarlas da **Caschlè** duein, sch'ei vess da vegrir ruh, ch'ellas stuessen giu, vegrir da **Foppa Verda** giu e sch'ellas stuessen star pli ditg, lura ira tuttas ensemella **Val Strem**.

Secundariamein ei dil signur president vegniu fatg enconuschent ch'igl ault ludeivel Cussegl Pign hagi retratg il signur expert ch'el veva destinau per urentar ed ulivar las pastiras da casa, mo cun l'ordinaziun che sin gl'emprem settember, duei la vischnaunca ver rugalau la caussa, cass cuntrari vegrinen els a tarmetter la numnada expertise.

Sefundont la pli baul stada elegida cumissiun dalla vischnaunca per inspectar las pastiras da casa, che tras l'ordinaziun dil Cussegl pign, seigi ad ella priu l'incumbensa stada ad ella dada dalla ludeivla vischnaunca, aschi ch'ils eligi personals sedeclaran ch'ei vegrinen buca a supreder pli quella fatschenta.

Finalmein ei aunc concediu a Martin Schmet da schar clauder ora siu ualer sper casa ed a frars Riedi da cavar ora in puoz vi **Surrein**, tut senza donn e pregiudezi d'in tierz.

### 1883, ils 19 d'uost

Ei la ludeivla vischnaunca stada radunada el liug solit e concludiu sco suonda.

1. Ei vegniu legiu avon la risposta ch'igl ault ludeivel Cussegl Pign ha tarmess ariguard il „Revierförster“.
2. Ariguard las pastiras da casa ei concludiu da far communabel, bein aber reservau co far communabel.
3. Ei concediu als da **Val Giuv** che han ils tiers che han la malsogna d'astgar ira ella **Val Val** a segar el **Cuolm Ault** per diever dallas vaccas che han la malsogna.
4. Ei aunc concludiu d'oz suenter viasprats vender ils **Cuolms Aults** cheu a **Sedrun** e dumengia proxima las pastiras el liug solit.

### 1883, ils 26 d'uost

Ei stau radunau vischnaunca ed ei dil signur president vegniu fatg da saver che entgins vischins hagien garegiau che la vischnaunca fetschi las lennas da scola, mo dumandond el expressivamein, sch'in ni l'auter dils vischins veglien constrenscher cheutier. Sepassond negin si sin sia damonda, sche ha il signur president declarau ch'ins vegni pia buca a far quellas lennas, essend che mintgin seigi cuntents da far quella sco entochen da cheu.

Secundariamein ei vegniu fatg da saver ch'ei seigi scret ora in cuors da „Hebamas“, tgi che vegli aspirar per quella plazza, seigien supplicai da far da saver.

Finalmein ei aunc concediu als da **Cavorgia** da saver ira cun ses tiers da malsogna igl emprem en **Pardatsch**, nua ch'ils tiers da **Pardatsch** han lura era ils dretgs da seretrer encunter **Cuolm Cavorgia**.

### **1883, ils 2 da settember**

Ei dil signur president vegniu mess avon las ordinaziuns dil Cussegl da sanadad ariguard co secuntener pervia dalla malsogna e lura concludiu da buca schar serrar nossa vischnaunca ad interim, sonder per cura ch'ins stoppi.

Secundariamein ei concludiu da metter si dus „Vahs“, in ell'aua **Nual** e l'auter sil **Tgom**, cun en ils auters loghens ver tut pusseivel risguard. Sch'in ni l'auter vess aber da surfar las ordinaziuns e conclusiuns, sche vegr ins tal a tgisar el dretg liug.

### **1883, ils 16 da settember**

Ei concludiu da tarmetter a **Trun** tier ina radunanza, ariguard ils aschinumnai cudaschs da protocols da funs, dus umens ellas persunas dils signurs geraus, president Soliva e Vigeli Berther.

Secundariamein ei aunc concludiu da schar marcadar da trer il chis sil cuolm cun quels dils cavals.

### **1883, ils 23 da settember**

Teniu vischnaunca el liug solit e tractau.

1. Mess avon alla radunanza che **Sedrun** hagi dau en al Cussegl Pign danovamein in recuors encunter la vischnaunca pervia dallas pastiras da casa, il qual recuors ei lura vegnius legius avon publicamein.

Suenter ina seriusa discussiun da quellas varts ei vegniu tratg ora ina speciala cumissiun che consista ord commembers da tuti vischinadis, la quala duei tschentar si in pareri en senn d'ina pacifica cunvenziun denter **Sedrun** e la vischnaunca e rapportar lura il resultat all'emprema vischnaunca. Quella cumissiun ei lura vegnida eligida ord ils sequents signurs: segnerfarrer Beer, statalter Fidel Wenzin, statalter Gion Antoni Beer, statalter Stoffel Riedi, gerau Duri Wenzin, Felici Monn, gerau Gion Andriu Berther, statalter Giachen Antoni Beer, Gion Battesta Monn, Giachen Antoni Soliva, Gion Antoni Curschellas, Giachen Antoni Monn e Giachen Antoni Schmet.

### **1883, ils 30 da settember**

Ei stau radunau vischnaunca el liug solit ed ei lura vegniu legiu avon il pareri staus luvraus ora dalla elegida cumissiun ariguard la questiuneivla dispeta pervia dallas pastiras da casa, il qual pareri ei lura dalla vischnaunca vegnius approbaus talis e qualis sco el ei staus concepius dalla numnada cumissiun.

Secundariamein ei aunc concludiu che tuttas spesas, ton d'ina vart, sco da l'autra, dueien esser dadas en sin Numnasontga, ils 1 da november onn current 1883 als revendissims signurs spirituals dalla vischnaunca, ils quals ein tenor pareri era autorisai da decider co e tgi duei pagar las spesas fatgas si tras quella dispeta.

Finalmein ei aunc surschau alla suprastanza da schar vegnir e zavrar las nuorsas questa jamna en cass fa schliata aura.

### **1883, ils 7 d'october**

Ei stau radunau vischnaunca e concludiu sco suonda.

1. Ei concludiu d'entscheiver a far la curontina cun ils tiers dadens **Sedrun** e **Gonda** cun schar vegnir il veterinari patentau da **Glion**.

2. Ei sin la brev dil Cussegl d'educaziun tarmessa tier ariguard la casa da scola da **Sedrun**, concludiu e legiu ora ina cumissiun, la quala entscheivi a far giu in plan co e nua bagheggiar la numnada casa. Ils cheu eligi personals ein: Vigeli Deragisch, Giachen Antoni Soliva, gerau Bruno Soliva, statalter Gion Paul Berther, gerau Giachen Antoni Wenzin, Vigeli Wenzin, Sep Antoni Hendri e Luis Hendri cun il cussegl da scola.

3. Ei Gion Antoni Schmet danovamein vegnius confirmaus per treis onns „Sechsionschef“ per nossa vischnaunca.

### **1883, ils 14 d'october**

Ei stau radunau vischnaunca a **Rueras**, nua ch'igl ei stau da votar sur da dus pugns da

recapitulaziun e suenter ver giu elegiu ils signurs geraus Sep Lorenz Wenzin e statalter Gion Paul Berther sco dumbravuschs, eis ei passau tier las votaziuns.

Igl emprem pugn sur l'obligatorica da tschentar si scolas da lavur per mattatschas, pro negin, contra 148.

Il secund pugn per las patentas dils „Hausierers“, pro 57 e contra 56.

2. Ariguard il dar lartg ils tiers ei concludiu da gliendisdis schar lartg ils tiers gronds cun frietar la squadra da **Camischolas** per buca schar communicar ils tiers pervia dalla malsogna, ils tiers casa dueien vegnir dai lartg la mesjamna.

3. Ha il „Wegher“ fatg da saver ch'el lessi far trer il chis tochen en **Sumsassi**, il qual ei surschau als da **Selva** e **Tschamut**.

4. Essend la vischnaunca ussa senza „Camifegher“ sche eis ei surschau alla suprastanza da mirar per in auter.

### 1883, ils 21 d'october

Ei a **Sedrun** concludiu da schar ir ussa mintgin cun ses tiers nua ch'ei veglien.

### 1883, ils 18 da november

Ei stau radunau vischnaunca e priu ils sequents conclus.

1. Ei tenor solit stau da concluder sur dils arvès, il qual ei concludiu da star talis e qualis vid igl uorden, sco quei ch'el fuva ils onns vargai, quei ei quater tiers per fiug, buca in per l'auter ed era per las medemas taxas e d'entscheiver ils arvès cun il di dad oz. Era eis ei puspei schau tier da puder brattar giu ina gada cun ina dallas numnadas specias da tiers ed era observond las medemas cundiziuns sco fuvan stadas fatgas avon dus onns (vide protocol dils 13 da november 1881).

2. Ei vegniu legiu avon las ordinaziuns tarmessas tier dil „Kreisförster“ ariguard co secuntener e co senezegiar cun nos uauls, sur dalla quala caussa ei concludiu ch'igl entir obercheit duei seradunar ina gada, ir atras quella caussa ed aunc far las beinmanegiontas remaduras avon che tarmetter en agl ault ludeivel Cussegl Pign.

3. Ei concludiu da baghegiar la nova casa da scola a **Sontget**, mo l'antieriura cumissiun duei aunc seradunar ina gada e mirar co baghegiar e sch'ins vegli era unir la habitaziun dil signur caplon cun quella nova casa da scola ni buc.

4. Ei vegniu legiu avon la decisiun co e tgi pagar las spesas dalla dispeta pervia dallas pastiras da casa ed era ils quens da quellas varts.

5. Ei aunc surschau alla suprastanza, sin cussegiar dil dr. Berther, da mirar sch'ins savessi contractar cun la „Hebama“ Rudolf da **Mustér**.

### 1883, ils 16 da december

Ei la ludeivla vischnaunca stada radunada el liug solit e concludiu sco suonda.

1. Ei stau da contractar sur dalla „Hebama“, il qual ei schau sura al signur president da far fin e marcadar cun la Rudolf da **Mustér**, nunresolvond sillla vischnaunca sch'ella desisti d'entginas pretensiuns ed in ton dil „Wahrgeld“.

2. Ariguard la nova casa da scola ei concludiu da star totalmein vid il pareri luvraus ora dalla cumissiun, aschia che la vedra casa da scola resta cheu sco proprietad e diever dalla vischnaunca e tier la nova duei ei vegnir baghegiar mo quei ch'il basegns damonda.

3. Ei vegniu legiu ora ina cumissiun da treis commembers, che hagien il necessari quitau, mirien e diregien sur lavurs e tut quei che fa da basegns tier e per baghegiar la nova casa da scola. Ils cheutier eligi commembers ein: sur caplon Berther, gerau Gion Andriu Berther e Duri Battesta Berther.

### Igl onn 1884

#### 1884, ils 2 da mars

Ei stau radunau vischnaunca el liug solit e priu ils sequents conclus.

1. Ei stau da votar giu e leger ora ils dus cussegliers dil stan, ils quals han giu sil sequent resultat:

signur cusseglier dil stan R. Peterelli      219

signur cusseglier dil stan P. Romedi 218

signur cusseglier Bazzola 1

2. Ei stau da renovar igl uorden dallas alps, il qual ei concludiu da star vid igl uorden staus luvraus ora igl onn vargau cun far entginas remaduras, numnadamein, da schar tener dus tiers per fiug a casa, plinavon dueien las alps da **Val Val** e **Val Giuv** vegnir stagiadas tuttina e quei uorden duei cuzzar per dus onns.

3. Ei concludiu da far trer si ina collecta casa per casa per ils disgraziai tras il barschament da **Brusio**.

4. Ei danovamein stau da contractar sur dalla „hebama“ e sco tala ei vegni priu si ina certa Chatrina Curtins da **Siat** e zuar sut las medemas cundiziuns e grevezias sco il signur president haveva giu contractau cun la sura vocalmein e zuar mo per il temps d'in onn e cun la clara cundizion che mintgin che vegn el cass da duvrar ella, seigi obligaus da pagar ella, sch'igl ei ad ella pusseivel da survir, seigi lura ch'ella vegni clamada ni buc.

5. Ha la ludeivla vischnaunca autorisau igl ugau da s. Vigeli da turnar a segirar la baselgia per diesch onns sco tochen dacheu.

6. Ei concediu a Giachen Giusep Jagmet da schar brattar giu quater tiers manedels senza arvè, ed a Gion Antoni Monn da **Surrein** schenghegiau igl arvè d'ina vacca.

7. Ei concediu suloms a Hans Giachen Monn per far si ina tegia si **Malamusa**, ad Anselm Muggli sulom d'in faner giun **Runs**.

Finalmein ein aunc ils sequents vegni mess cautegias ellas alps da schetgs:

per **Strem** Rest Antoni Gieriet

per **Mila** Gion Christian Berther

per **Maighels** Duri Deflorin

### 1884, ils 30 da mars

Ei stau radunau vischnaunca e priu ils sequents conclus.

1. Ei dil signur president vegni fatg da saver, ch'ei seigi dil cussegli da sanadad vegni obligau che tuts nuegls che han giu en tiers dalla zoppina, dueien vegnir schubergiai.

2. Ei concludiu da far star mintgin cun sias vaccas en l'alp ch'el veva giu priu igl onn vargau.

3. Ei concludiu da trer ora ina cumissiun per sedeliberar e s'entelgir sch'ins savessi buca metter si ina certa taxa a quels che cavan mineralias sin nies territori, la cheutier eligida cumissiun ein ils treis signurs geraus en uffeci cun ils signurs, gerau Gion Battesta Monn, statalter Gion Paul Berther e gerau Christian Muggli.

4. Ei Aluis Curschellas da **Surrein** vegnius pladius nurser dalla stad per la pagaglia da 29 raps il tgau senza il sal, sco era concediu da puder duvrar in bein mussau tgaun da nuorsas.

5. Ei concediu ils sequents suloms: a statalter Gion Antoni Monn da puder ruchegiar empau anora siu baghetg el vitg **Sedrun** senza donn da viadis ni da particulars cun schar ira sut quella zona dadora; a statalter Giachen Antoni Beer, concediu sulom d'in faner sin prau oragiu **Mulinets** ed a Martin Peder da **Cavorgia** da puder far ord in chischner da dus posts in da treis posts.

6. Ei a Plazi Jagmet schenghegiau igl arvè d'in vadi vegl en consideraziun ch'el veva piars in giuven.

### 1884, ils 27 d'avrel

Ei stau radunau vischnaunca e priu ils sequents conclus.

1. Ei stau da votar giu sur da duas leschas cantunalas e suenter haver numnau ils signurs Lorenz Wenzin e statalter Gion Paul Berther sco dumbravuschs, eis ei passau tier las votaziuns, las qualas han giu il sequent resultat:

a) per la lescha da pescaria 26 pro e 108 na

b) per la lescha da s.v. taurs 1 pro e 151 na

2. Ei il giuven Rest Valentin Beer vegnius elegius sco „Förster“ dalla vischnaunca per ir a **Ragaz** sin il cuors federal che vegn leu tenius.

3. Ei concludiu da far mundi ils tiers casa venderdis proxim, ils 2 da matg.

Finalmein ei aunc vegniu concediu ils sequents suloms: Vigeli Berther sulom d'in nuegl da vegn armauls a **S. Leci** cun schar ira sut sia part dil baghetg veder. A Vigeli Schmet da Madalena,

sulom per ina talina da lenna sper sia casa. A Sep Antoni Huonder sulom per faner a **Rueras**. A Stiaffen Beer sulom per in faner a **Cavorgia Sura**. A Christian Muggli per in sulom per in faner a **Malamusa** - tuts sin prau. A Luis Schmet, fravi, sulom per far ina fravia cun tschaler e suren habitaziun el **Run** da **Sedrun**.

#### 1884, ils 4 da matg

Ei concludiu.

1. Da far mundi las nuorsas mardis, ils 6 da quest e las cauras otg dis suenter.
2. Ei stau la damonda sch'ins vegli schar veginir en cun entgins tiers sur dretgs, ei concludiu d'uonn schar veginir en negins tiers sur dretgs.

#### 1884, ils 11 da matg

Ei stau radunau vischnaunca el liug solit, nua ch'igl ei stau da votar sur da quater leschas federalas, las qualas han giu il sequent resultat.

Lescha a	1 gie	e	208 na
Lescha b			209 na
Lescha c			209 na
Lescha d			209 na

Secundariamein ei concediu a quels che fan chis da puder prender sil **Cuolm** 2 – 3 cauras e leu schar pascular nunbonificond.

Finalmein ei aunc concediu ils sequents suloms: Carl Cavegn per far si ina remisa a **Tschamut**, a Gion Antoni Schmet, **Tschamut**, sulom d'in chischner cun dus posts, a Friberg, **Segnas**, a S. Leci da far sil sulom veder in nuegl e zona da dudisch armauls, a frars Jagmet, **Cavorgia**, sulom da far ina tegia si mises, tuts sin prau.

#### 1884, ils 25 da matg

Ei stau radunau vischnaunca a **S. Antoni** e concludiu sco suonda.

1. Ein ils signurs commembers digl obercheit vegni destinai d'ir a **Trun** sin ils 2 da zercladur per leu leger ora ils commembers digl appellaz e sco suppleants ein vegni destinai ils signurs Duri Deflorin, Gion Antoni Paly, Lorenz Jagmet e Thomas Huonder.
  2. Ei danovamein concludiu da baghegiar la casa da scola a **Sedrun** da lenn tenor igl emprem plan, nua ch'igl ei al a sias uras elegiu comite dau la cumpetenza da sez ni da surdar ad in auter qualificau um da mirar sura e direger las lavurs cuminas che ston veginir fatgas da quellas varts.
  3. Ei vegniu fatg enconuschenet che nus stueien dar ina risposta sigl emprem da zercladur agl ault ludeivel Cussegl Pign, co ed en tgei senn nuslein interpretar il §40 dils decrets da cumin. Eis ei concludiu da leger ora ina cumissiun en las persunas dils treis signurs geraus cun gerau Lorenz Jagmet ed assistent Schmet, che mondien atras, pondereschien la caussa madiramein e lura sin dumengia proxima dettien in rapport alla vischnaunca per quella aunc schar far sias ponderaziuns avon che tarmetter en.
  4. Ei concludiu d'in del per fiug in di schar ir a schubergiar ils uauls ellas schetgas, sco igl **Uaul Bugnei** ed igl **Uaul Surrein**, bein aber sut survigilonza, medemamein ei era concludiu da schar resgiar ora in di per fiug in um ragadas els uauls cumins, cura vegn fixau pli tard.
- Finalmein ei aunc concediu ils sequents suloms: a Sep Antoni Schnoz, **Tschamut**, ina remisa sper siu baghetg, a Gion Antoni Gieriet da far ord in nuegl da quitordisch in da sedisch a **Mila**, a Hans Giachen Monn a **Flurin** ord nuegl e zona da dudisch dus nuegls da sedisch, a Placi Jagmet sulom d'in nueglet e talina davos sia casa, a Sep Flurin Huonder da far dus nuegls da sedisch cun zonas davos a **Sedrun** ed a Gion Michel Monn da far in faner si **Nurschai**.

#### 1884, ils 1 da zercladur

Ei dalla vischnaunca vegnius approbau talis e qualis il pareri staus luvraus ora dalla cumissiun ariguard ils decrets da cumin, che ston veginir tarmess en agl ault ludeivel Cussegl Pign. Secundariamein ei vegniu fatg da saver sch'ei fusi da quels che lessien buca la sort da fiug, ch'ei duessien far da saver avon che schar marcar ella.

Finalmein ei aunc vegniu fatg enconuschenet che nus stueien turnar a reparar la via en **Val Stgira** ch'ei ida giu e concludiu da schar intercurir in miradur e sch'igl ei pusseivel turnar a far

si il mir.

### 1884, ils 8 da zercladur

Ei la ludeivla vischnaunca stada radunada el liug solit e priu ils sequents conclus.

1. Ei da signur assistent Schmet vegniu dau giu il rapport sur dils quens da vischnaunca menai igl onn 1883 sin 1884. Il resultat e specificau quen ei concludiu da leger avon in di che l'aura seigi pli favoreivla.

2. Ha il signur caplon vuliu prender la demissiun sco president dalla cumissiun da scola e dil comite che ha da direger sur dil baghegier la casa da scola, mo quella demissiun ei davart dalla vischnaunca buca vegrda acceptada, aschia ch'il signur caplon resta sin sia plazza anteriura.

3. Ei concludiu da gliendisdis, ils 16 da quest, schar schubergiar lennas ellas schetgas cun dar l'entschatta allas 8, e la mesjamna, ils 18, schar resgiar ora riada *ragada* els uauls cumins.

4. Ei concludiu che da mardis, mesjamna e la sonda, sch'ei fa da basegns, vender lennas sederschidas ed enqual cavriu giud pei sco auters onns ellas schetgas.

5. Ei concludiu che dad oz naven schar entscheiver a pinar las lennas els uauls cumins.

6. Ei concludiu da trer la sort dalla lenna da fiug vischinadi per vischinadi e fixau d'entscheiver cun nr. 1 igl emprem el vischinadi da **Sedrun** e lura vinavon cun **Surrein, Gonda, Camischolas e Rueras**.

7. Ei sin supplica dil meister mustregia d'aunc ruchegiar 5 frs. „Wahrgeld“, concludiu da ruchegiar nuot dapli.

Finalmein ei aunc sin dumandar da Gion Antoni Paly, da schar vegrda en cun entgins tiers sur dretgs, concludiu da schar vegrda en cun dus tiers per fiug, dumandond la vischnaunca e pagond in surpli da 3 frs. il tgau. Quei han lura ils sequents dumandau da vegrda en cun tiers e far diever dil sura numnau cumentiment: Gion Antoni Paly, Tumaisch Huonder, Christian Muggli, Giachen Antoni Schmet, Battesta Valier e Hans Giachen Decurtins.

Finalmein, denter outras discussiuns, ha Gion Andriu Berther dau giu sia carriera sco commember dalla cumissiun casa da scola.

### 1884, ils 22 da zercladur

Ei stau radunau vischnaunca e priu ils sequents conclus.

1. Ei vegniu legiu avon ils quens da vischnaunca menai igl onn 1883, ils quals ein lura dalla vischnaunca vegni approbai cun engraziament.

2. Ei signur Gion Paul Berther danovamein vegnius elegius per igl onn futur sco statalter.

3. Ei concludiu d'ulivar las alps S. Vigeli suentermiezdi.

4. Ei statalter Gion Paul Berther vegnius legius el comite da baghegier la casa da scola, enstagl da Gion Andriu Berther.

5. Ei concludiu da schar accumpignar il signur president il monsignur uestg tochen **Stagias**.

6. Ei concediu a Carli Fluri da **Segnas** da schar metter in s.v. tier casa en **Pardatsch**, pagond.

7. Ei schenghegial miez igl arvè d'ina vacca a Giachen Antoni Curschellas.

### 1884, ils 6 da fenadur

Ei stau radunau vischnaunca e concludiu.

1. Da gliendisdis stavlar e mardis cargar las nuorsas, mesjamna ils schetgs e gievvia las vaccas.

2. Ei sin ina petizion da plirs vischins da **Sedrun**, ariguard ina pli gesta ulivaziun dallas lavurs cuminas, ei concludiu che mintga vischinadi duei tarmetter in per umens da mintga classa tier ina cumissiun per leu sedeliberar sur da quella caussa e sch'igl ei pusseivel vegrda tier ina entelgentscha e far fin cun quella caussa.

3. Ei schenghegial igl arvè d'ina vacca per in als suandonts: Emanuel Deragisch, Gion Paul Peder, Lisabeth Lorez e Gion Clau Berther.

4. Ei aunc concediu a Lucas Cavegn da **Rueras** da puder metter ina vacca giun **Cavorgia** e quella schar leu permanentamein.

### 1884, ils 10 d'uost

Ei concludiu a **Rueras** da questa jamna stagiar ora e dumengia, ils 17 da quest, vender las pastiras ed oz aunc suenter viaspräs vender ils **Cuolms Aults**.

Secundariamein ei vegniu formau in niev comite ariguard la survigilonza ed il quita da bagheggiar la nova casa da scola; ils eligi commembers ein: signur assistant Schmet, Duri Wenzin e Duri Battesta Berther. Era ei vegniu fatg enconuschen che la cumissiun che ha da s'entelgir ariguard las lavurs cuminas duei seradunar ils 23 d'uost suenter quei che la solita processiun dallas sondas ei vargada.

Finalmein ei aunc concludiu che d'oz naven duei esser scumandau da vender ni metter ora stans sin publicas pazzas da tuttas sorts pumas ni raubas da pasta ni d'autras qualitads e quei tuttas dumengias, firaus e fiastas, la quala scumandada duei vegnir fatga publica el Fegl official.

#### 1884, ils 21 da settember

Ei concludiu da marcadar via da trer il chis sil cuolm.

Secudariamein ei danovamein vegniu legiu ora ina nova cumissiun che miri e diregi co e sur il bagheggiar la nova casa da scola a **Sedrun**, ils cheutier eligi personals ein ils signurs Duri Battesta Berther, statalter Gion Paul Berther e statalter Stiaffen Beer.

#### 1884, ils 28 da settember

Ei a **Bugnei** stau radunau vischnaunca e concludiu.

1. Da venderdis proxim descargar ils tiers gronds e gliendisdis suenter ils tiers casa e las nuorsas.
2. Essend vegniu fatg enconuschen ch'ei seigi entginas nuorsas, manegiond dallas nossas, ora il **Ried**, cantun **Uri**, ei concludiu che la suprastonza duei corrispunder cun la suprastonza dil sura numnau liug, per saver vegnir el clar sch'ei seigi da nossas nuorsas ni buc.
3. Ei concludiu da luvrar vid la **Punt Baselgia** ed ad interim turnar a tschenttar ella el liug veder.
4. Ei concludiu da bagheggiar la casa da scola sco quella da **Mustér** e far ella da lenn tenor vegls conclus ed il destinau comite duei mirar che la lavur mondi vinavon.

#### 1884, ils 5 d'october

Ei stau radunau vischnaunca ed ei stau da votar giu sur da duas leschas cantunalas, las qualas han giu il sequent resultat:

la lescha da stampa	99 pro e 18 na
la lescha dils protocls da funs	0 pro 177 na

E sco dumbravuschs ein eligi ils signurs gerau Lorenz Wenzin e statalter Gion Paul Berther.

2. Ei vegniu schenghegiau igl arvè da quater cauras a Leci Lorez.
3. Ei concludiu da trer il rest dil chis entras lavur cumina.

#### 1884, ils 12 d'october

Ei vegniu il rapport dil comite dalla casa da scola che la casa da scola da **Mustér** hagi negina cuschina e habitaziun per il scolast; ei oz concludiu a **Rueras** che la casa da scola duei vegnir fatga da lenn, las stivas tschentadas ina sur l'autra ed ils necessaris cumahs per habitaziun da scolasts cun cuschina etc. duei il comite metter tier tenor commoditat e basegns.

#### 1884, ils 26 d'october

Ei stau da leger ora ils cussegliers naziunals, ils quals han giu il sequent resultat:

signur cusseglier naziunal dr. Casper Decurtins	219
signur cusseglier naziunal dr. Johann Schmit	219

Secundariamein ei concludiu che la lenna dalla **Punt Pardatsch**, sco outras lennas derschidas da negin diever, schar per ils signurs spirituals.

#### 1884, ils 16 da november

Ei stau radunau vischnaunca e concludiu sco suonda.

1. Ei concludiu ariguard ils arvès da star vid igl uorden veder, ariguard taxas, diember da tiers, cun brattar giu e cun entscheiver il temps, bein aber dueien tuts tiers che vegnan brattai giu vegnir fatg da saver a dretg temps.

2. Ei aunc concludiu da schar vender enzatgei lenna derschida si la **Val Bugnei** sur il mises da Hans Giachen Decurtins.

### **1884, ils 7 da decembre**

Ei Aluis Curschellas danovamein vegnius pladius sco nurser dalla stad e zuar per la pagaglia e cundiziuns digl onn vargau.

Secundariamein ei vegniu schenghegiau igl arvè da duas cauras a Sep Antoni Balzart.

Finalmein ei aunc concludiu che la lenna dalla casa da scola duei vegnir partiu giu e schau trer en rots ella.

### **Igl onn 1885**

#### **1885, ils 15 da fevrier**

Ei stau radunau vischnaunca e concludiu.

1. Ha la vischnaunca concludiu da star garanzia per il patrimonium al signur theolog Gion Antoni Wenzin da **Selva**, stend ses fargliuns garanzia alla vischnaunca.

2. Ei concludiu da schar restaurar nossa baselgia parochiala S. Vigeli a **Sedrun**, cun conceder da schar trer si ina collecta casa per casa ed il muncament prender ord cassa da vischnaunca. La cheutier destinada cumissiun che diregi la caussa e tila si la numnada collecta ein ils sequents signurs: ils revendissims signur spirituals cun igl ugau baselgia, signur assistent Schmet e gerau Stoffel Riedi.

3. Ei per las alps da schetgs vegniu numnau ils sequents cautegias:

per **Strem** Gion Andriu Berther

per **Mila** Duri Vigeli Schmet

per **Maighels** artavels Gion Antoni Berther

4. Ei dalla vischnaunca vegniu approbau la segironza che la ludeivla suprastanza haveva dau en num dalla vischnaunca per il malsaun dil spért G. Decrusch egl institut da **Walduna Waldhaus**.

5. Ei concludiu dalla vischnaunca da prender ils daners dil sura Decrusch e lura sin d'atun aunc auters da raubas pias e lura cun quels daners d'atun totalmein pagar giu il deivet dalla banca.

6. Ei definitivamein concludiu da baghegiar la casa da scola da lenn e star vid ils conclus schon vidavon pri.

#### **1885, ils 15 da mars**

Ei stau radunau vischnaunca ed ei dil signur president vegniu fatg da saver ch'ei seigi vegniu l'ordra digl Uffeci da cumin, che tuttas massas da concuors dueien vegnir finidas e rugaladas giu el termin da quater meins, fuss ei aunc talas pendentas dueien ellas immediat vegnir finidas giu.

Secundariamein ei vegniu legiu avon il recuors daus en da plirs vischins ariguard las lavurs cuminas ed utilitads da vischnaunca, nua ch'igl ei concludiu che la cumissiun ch'era pli baul stada elegida duei turnar a seradunar e sch'igl ei pusseivel serugalar giu cun la part plonschenta conform la lescha, cass contrari duei quella cumissiun dar la beinmanegionta risposta sin il sura recuors.

Finalmein ei aunc concediu in sulom per ina talina a Sep Antoni Huonder sper sia casa.

#### **1885, ils 6 d'avrel**

Ei stau radunau vischnaunca ed ei vegniu legiu avon il regualtiv che la pliditg stada elegida cumissiun ha luvrau ora ariguard il recuors staus daus en ariguard las lavurs cuminas, il qual ei lura dalla ludeivla vischnaunca vegnius approbaus cun far entginas paucas remaduras e cun better giu la mesedad dalla taxa per ils mineralogs dalla vischnaunca.

Secundariamein eis ei aunc surschau al signur president Soliva ed a signur assistent Schmet, da procurar ch'ei vegni dau la risposta e dretg temps sin il sura dau en recuors.

#### **1885, ils 26 d'avrel**

Ei concludiu da far mundi cun il tiers casa mesjamna proxima.

Secundariamein ei concediu a Luis Hendri ed a Giachen Antoni Schmet da schar bagheggiar siu mulin cumpraus a **Rueras** giu **Cavorgia** sin pastira a gratis cun schar ira en il sulom a **Rueras**.

### 1885, ils 3 da matg

Ei concludiu da far mundi cun las nuorsas la mesjamna, ils 6 da matg e las cauras otg dis suenter.

Secundariamein ei concludiu da schar metter quei cert Deplaz malsauns dil spert che vegn transportaus ord la **Baviera** giu a **Realta** e zuar schon ira da **Cuera** anora el liug destinau.

### 1885, ils 25 da matg

Ei la ludeivla vischnaunca stada seradunada el liug solit per tenor usit far sias elecziuns dalla suprastonza, sco da tuttas autras cumissiuns.

1. Ei da signur assistent Schmet, sco president dalla cumissiun da quens, vegniu purtau avon e declarau il resultat dils quens da vischnaunca, menai da statalter Gion Paul Berther, il qual ei lura davart dalla vischnaunca vegnius approbaus cun engraziament.

2. Ei vegniu da passar tier las elecziuns, las qualas han giu il sequent resultat:

sco president ei eligiu signur gerau Christian Muggli

sco secund gerau ei eligiu Vigeli Berther, vegnius confirmaus

sco tierz gerau ei eligiu Vigeli Berther da **Sedrun**

Ils cussegliers:

Tumaisch Berther, era elegius sco statalter

Alfons Jagmet, era elegius sco salter

Rest Valentin Beer

Giachen Antoni Monn

statalter Fidel Wenzin

Giachen Fidel Cavegn

La cumissiun pauperila ei vegnida confirmada talis e qualis sco ella fuva constituida ils onns vargai.

La cumissiun da scola formeschan ils sequents signurs: ils revendissims spirituals, farrer e caplon cun statalter Gion Antoni Peder, Gion Antoni Cavegn, Gion Paly, Hans Giachen Decurtins, Leci Huonder e Tumaisch Schmet.

Cumissiun dallas alps:

Rest Valentin Beer

Giachen Fidel Cavegn

Gion Antoni Monn da Stiaffen

Cumissiun da quen:

Ils signurs geraus Johann Soliva, Sep Lorenz Wenzin, Lorenz Jagmet, statalter Fidel Wenzin e Luis Hendri.

Finalmein ei aunc concediu a Gion Paul Berther ed a Gion Bistgaun Beer da far ord nuegl e zona da dudisch ina tegia e dus nuegls da sedisch armauls.

Conclusivamein eis ei aunc da nies obercheit vegniu fatg da saver, che tgi che drovi lennas da diever ni da bagheggiar, duei far da saver ed urentar e sin dumengia proxima ver dau en ad in dils commembres digl obercheit.

### 1885, ils 31 da matg

Ei la ludeivla vischnaunca stada radunada el liug solit e priu ils sequents conclus.

1. Ei dil signur president vegniu dau in clar sclariment e rapport sur dalla entelgentscha fatga denter el e signur assistent Schmet cun nies eligiu farrer sur Muoth, nua ch'igl ei lura davart dalla vischnaunca concludiu che sin il di ch'el vegni, dueien igl emprem ils signurs geraus ira entochen a **Mustér** per retscheiver el e da leu naven accumpignar el entochen ella farria e zuar dueien ins mirar ch'enzagti meini cun ina crotscha, secundariamein duei sin il di dall'installaziun vegnir dau sin quen da vischnaunca il gentar a tut ils signurs spirituals dalla vischnaunca, sco era quel che vegn tarmess tier l'installaziun ed era ils treis signurs geraus, dueien en num dalla vischnaunca prender part da quei gentar.

2. Ei concludiu da schar ir il giuven Rest Valentin Beer cun nies "Revierförster" Deplazes.

3. Ei concludiu che per spargn dils uauls buca conceder il schinumnau lenn d'aissas che curdava mintg'auter onn els uauls cumins, sco era ils lenns da punt.
4. Ei concediu da schar vegnir en cun tschun tiers per fiug sur dretgs pagond in surpli da treis francs il tgau, bein aber dueien tgi che vul far diever da quei dretg, salidar la vischnaunca.
5. Ein ils signurs geraus danovamein vegni incumbensai dalla ludeivla vischnaunca da mirar sch'igl ei pusseivel da saver vegnir perina e s'entelgir cun ils recurrents dallas lavurs cuminas ed auter.
6. Ei a Vigeli Cavegn concediu da far ord in nuegl e duas zonas dus nuegls da sedisch armauls e schar far las preits da lenn.
7. Ei schenghegai a Leci Lorez gl'arver da duas cauras.
8. Ei concediu da dar al "Caminpfegehr" Aluis Hass ina pagaglia da 45 frs.

### **1885, ils 7 da zercladur**

Ei stau radunau vischnaunca a **Rueras** e priu ils sequents conclus.

1. Ei concludiu d'uonn puspei schar vender enzatgi lennas ord las schetgas, principalmein lennas da pign diever tenor beinmanegiar.
2. Ei stau en discussiun davart igl archiv da vischnaunca e concoludiu che quel duei restar ella capitala *Sedrun*, mo las clavs duei mintgagada il president da vischnaunca haver e zuar senza negina responsabilitad.
3. Ei vegniu mess avon alla ludeivla vischnaunca l'entelgentscha fatga giu denter ils signurs geraus ed ils recurrents davart il pendent recuors e concludiu da prender si ed approbar las entelgentschas fatgas.

### **1885, ils 21 da zercladur**

Ei concludiu sco suonda.

1. Dueien las alps tenor usit vegnir ulivadas da S. Gion, ils 24 da zercladur.
2. Concludiu da schar entscheiver a pinar las lennas els uauls cumins, gliendisdis, ils 22 da quest.
3. Ei fatg enconuschent che sonda vegn ei dau l'entschatta da vender lennas e zuar sco il solit.
4. Ei concediu da schar remplazzar arvès per tiers piars sco suonda:  
Leci Huonder piars in stierl e remplazza cun in vadi.  
Gion Antoni Paly piars ina genetscha e remplazza cun in vacca.  
Sep Berther piars ina stiarla e remplazza cun in vadi.
5. Schenghegai sin supplica arvès a sequents:  
Gion Antoni Schmet, **Rueras**, arvè da duas cauras  
Gion Clau Berther, arvè d'ina caura e d'ina vacca  
Gion Antoni Monn, **Surrein**, arvè d'ina vacca  
Giachen Antoni Curschellas, arvè d'ina vacca
6. Concediu a sequents particulars da **Mustér** da vegnir en cun s.v. tiers casa, pagond en **Pardatsch**, numnadamein Carli Fluri cun treis, Sigisbert Monn in, Giachen Bigliel in, Battesta Huonder in, sur Paul Genelin in, Rosa Monn dus, dapli a Battesta Jagmet in nunpagond, prendend el quel cun el a **Mila**.
7. Concediu a Genoveva Hendri da schar tener treis vaccas a casa.
8. Ei concediu a Tumaisch Schmet ed a Giachen Antoni Schmet da schar far ord in nuegl e zona dus nuegls da sedisch e zuar separau in da l'auter.

### **1885, ils 28 da zercladur**

Ei stau radunanza da vischnaunca, nua ch'igl ei vegniu fatg enconuschent che la zoppina regi sill' **Alpsu** el cantun **Uri**; igl ei lura priu las beinmanegiontas mesiras cun pertgirar aschi bein sco pusseivel giud ils cunfins e cun aunc metter si in "Waht", ultra da quel ch'il cantun ha giu mess si.

Secundariamein ei concediu a Vigeli Beart da schar far ord ses nuegls davos casa in nuegl da sedisch armauls.

## **1885, ils 5 da fenadur**

Ei radunau vischnaunca e concludiu.

1. Ei concludiu da per questa jamna metter si aunc in "Waht" sils cunfins tier quel ch'ei schon si.
2. Ei concludiu da cargar mardis las nuorsas, mesjamna ils schetgs e gievgia las vaccas.
3. Ei concediu a Vigeli Werth da **Gonda** da schar metter ina vacca la stad enta **Selva**.
4. Ei schenghegiall igl arver d'ina vacca a Sep Antoni Beer.
5. Ei concludiu da turnar a renovar ils tiarms ella **Val Gierm** cun ils da **Medel**.

## **1885, ils 26 da fenadur**

Ha la ludeivla vischnaunca concediu a Carli Russi d'**Andermatt** da schar guder las **Puzzas dil Lai** cun ses tiers, per cheutras pli tgunsch saver seriscuder dalla zoppina.

Secundariamein ei vegniu fatg da saver che dumengia proxima vegr ei vendiu ils **Cuolms Aults**.

## **1885, ils 2 d'uost**

Ei concludiu dalla vischnaunca da far il di suenter ils 3 d'uost fira per implorar da Diu ina favoreivla plievgia.

Secundariamein eis ei vegniu retratg a Carli Russi la concessiun stada dada da guder las **Puzzas dil Lai** a motiv che la zoppina vegr pli e pli datier da nos cunfins. Plinavon ei fatg enconuschen che d'atun vegr ei barschau caltschina e tgi che vegli duei dar en ad in commember digl obercheit.

Finalmein ei concediu da schar metter entgins cavals en **Pardatsch**.

## **1885, ils 9 d'uost**

Ei turnau a conceder a Carli Russi da saver turnar a guder las **Puzzas** cun ses tiers.

## **1885, ils 23 d'uost**

1. Ei concludiu d'acceptar il regulativ forestal da nossa vischnaunca e ch'il signur president seigi incumbensaus da suittascriver quel.
2. Ei concludiu da schar far las lavurs cuminas suenter gudida da beins generals ed ei duei vegnir tschentau si in niev regulativ davart las taxaziuns da gudiment ed auter. Ella cheutier destinada cumissiun che stabilisescha tal regulativ ein numnai: ils signurs geraus en uffeci cun il statalter ed assistent Schmet.
3. Ei concludiu da retrer ussa il "Waht" sils cunfins dall'**Alpsu**.

## **1885, ils 6 da settember**

Ei stau radunau vischnaunca e concludiu.

1. Ei il niev regualtiv, luvraus ora dalla cumissiun, vegnius dalla vischnaunca approbaus senza neginas remaduras.
2. Essend secret ora in cuors per "Hebamas" romontschas, sch'eis ei surschau alla suprastanza da tarmetter ina qualificada persuna sin quei cuors.

## **1885, ils 13 da settember**

Ei concludiu da prender si la statistica tarmessa tier digl uffeci da cumin per in susteniment da pavel cantunal.

## **1885, ils 20 da settember**

Ei concludiu da marcadar cun ils vischins da cavals da schar trer il chis sil cuolm.

Secundariamein ei concludiu da schar zavrora il Russi sias nuorsas ord la muntanera en preschientscha d'in commember digl obercheit, il qual il sura Russi ha da bonificar.

## **1885, ils 4 d'october**

Ei concludiu che da sonda proxima dar lartg ils tiers gronds, sche negin fetschi reclamaziuns tier la suprastanza tochen venderdis sera.

Secundariamein ei concludiu da schar vender enzatgei lenna sederschida en vias ni loghens che ston vegnir slargai.

### 1885, ils 11 d'october

Ei stau radunau vischnaunca a **Rueras** e concludiu.

1. Da gliendisdis schar lartg las nuorsas e mesjamna ils s.v. tiers casa.

Secundariamein ei concludiu dalla vischnaunca star segironza per il matrimonium da signur Duri Biart da **Tujetsch** dapresent teolog el seminari a **Cuera**, bein aber che ses augs Decrusch cun siu frar e sia mumma stettien segironza alla vischnaunca en emprema lingia ed en secunda lingia era signur Cristian Schmet.

### 1885, ils 25 d'october

Ei stau da votar giu sur dall'aschinumnada lescha digl alcohol, la quala votaziun ha giu il sequent resultat: 101 gie ed 81 na.

### 1885, ils 15 da november

Ei stau radunau vischnaunca e stau da concluder sur dils arvès e priu la conclusiun da per igl onn present turnar a star vid igl uorden veder, ton las taxas, sco il diember da tiers. Plinavon ei Stiaffen Beer destinaus da prender si e tener quen sur dils tiers che stuessen vegnir brattai giu tenor vegl conclus.

Secundariamein ei concludiu da cun lubientscha dil "Kreisförster" da schar ira sis dis per fiug in del a far barba; il temps vegn fixaus suenter la lubientscha.

### 1885, ils 29 da november

Ei stau radunau vischnaunca e concludiu.

1. Ei concludiu che tochen miez december schar far sis dis per fiug barba.
2. Ei concediu a Gion Antoni Monn da Stiaffen da schar far da lenn las preits da siu nueglet.
3. Ei autorisau la suprastanza da far in rabat cun nos "hinderses" davart las taxaziuns dils beins generals.

## Igl onn 1886

### 1886, ils 14 da fevrer

1. Ei concediu in sulom per ina talina ad Augustin Riedi a **Tschamut**.

2. Ei Lucas Beer vegnius pladius nurser dalla stad per 29 cts. il tgau senza il sal e zuar senza duvrar tgaun.

3. Ei concludiu da prender giu las spesas che sur Alig ha giu da menar siu resti naven da **Sursaissa** entochen **Glion**.

4. Ei legiu ora ina cumissiun che corrispundi e pondereschi la damonda fatga digl expert digl ault ludeivel Cussegl Pign, concernent ils decrets da cumin, la cheutier destinada cumissiun consista ord ils signurs assistent Schmet, gerau Soliva, gerau Lorenz Jagmet ed ils geraus en uffeci.

5. Ei vegniu legiu giu il resultat dallas lavurs cuminas, nua ch'igl ei lura era, tenor cuntegn dil niev regualtiv, vegniu elegiu in persunal, il qual survigileschi, regi e camondi sur da quellas sco ei stat prescret el regulativ. Quella carriera ei unanimamein vegnida surdada mintgamai al tierz gerau en uffeci sco per obligaziun da clamada. Vagnend aber quella obligaziun si per suenter las usitadas elecziuns, sche declaran era ils auters geraus cun il statalter d'esser gideivels per il cuoz dil present bienni al tierz gerau.

Plinavon ei aunc fatg da saver, sch'enzatgi hagi da far reclamaziuns davart ils dis da lavur cumina, sche duei quei daventar el termin d'in meins.

### 1886, ils 21 da mars

Ei stau radunau vischnaunca e priu ils suandonts conclus.

1. Ei vegniu fatg da saver ch'ei duei ad interim vegnir calau da far barba.
2. Ei concediu a Luis Schmet da schar brattar giu il sulom da sia casa cun transportar quella dadens **Sontget**, cun aunc schar baghegiar ina talina cun nuegl vitier.

3. Ei concludiu da far trer la caltschina dalla casa da scola entras lavour cumina, nua ch'ei duei veginir quintau  $\frac{1}{2}$  buot per ina schurnada, sco era il sulom duei veginir cavaus ora da lavour cumina.

4. Ei concludiu da schar dir giu a Catrina Decurtins la piazza da "Hebama".

5. Essend igl uorden veder dallas alps e pastiras da casa ius alla fin, sche per evitar malemperneivladads, ha la suprastanza, cun cunsentiment dalla vischnaunca mess avon a quella dus pareris, nua ch'igl emprem pareri ei lura dalla ludeivla vischnaunca unitamein veginius approbaus cun aunc dar e schar tier il sequent:

La vischnaunca conceda a mintg' alp d'era puder cargar cauras e zuar a mintgina suenter palscher e cunvegnientscha, tonaton dueien quellas cauras che veginan cargadas era stuer purtar las ordinarias spesas dils vischinadis. Era a quels che han buca vaccas duei veginir dau enzanua plaz da schar far ina caschada mo da cauras. A raschun ch'ei vegin schau cargar cauras, sche dueien tuttas stiarlas stuer star ellas vals sco ils onns vargai.

Quei uorden ei stabilius per diesch onns.

Suenter che tut ei stau finiu, sch'ei veginiu legiu ora ils sequents cautegias.

per **Maighels** Battesta Wallier

per **Mila** Gion Antoni Cavegn

per **Strem** Gion Battesta Monn

**Val Giuv** Hans Giachen Decurtins e Giachen Antoni Venzin

**Val Val** Lorenz Jagmet e Giachen Fidel Cavegn

**Cuolm Cavorgia** Tumaisch Schmet

Per las vaccas duei mintgin ver priu alp entochen miez avrel.

### 1886, ils 26 d'avrel

Ei stau radunau vischnaunca e priu ils sequents conclus.

1. Ei concludiu da far mundi cun ils s.v. tiers casa mesjamna.

2. Ei Gion Stoffel veginius prius si sco nies "Caminfegher" e zuar mo onn per onn per il pagament da 50 frs. per gada che duei veginir pagau ord cassa da vischnaunca, bein aber duei el schubergiar ils tgamins tuts en uorden quei che fa da basegns sco raschas ed auter etc.

3. Ei nies vegl "Revierförster" Deplazes danovamein veginius prius si per quater onns sut las medemas cundiziuns sco ils onns vargai, remarcau aber che sche nies "förster" Rest Valentin Beer survegness l'admissiun avon che quels onns fussen spirai, sche stoppi Deplazes l'ura ceder e schar remplazzar cun Rest Valentin Beer.

4. Ei veginiu concediu ils sequents suloms:

A frars Cavegn da **Sedrun** da far si in faner giu la **Resgia**. A frars Berther da **Camischolas** da puder ruchegiar sia casa sura per circa  $1\frac{1}{2}$  anora tut senza donn d'in tierz.

5. Ei fatg da saver che la cumissiun hagi destinau da schar far ils vischins che possedan mo cauras ina caschada da cauras e metter quella avon mesa stad en **Nual** e suenter mesa stad ir ol **Tgom**. Vess il diember da vargar 100, sche stuessen ei metter mesas per liug.

6. Ei concediu a Placi Jagmet da puder schar ora in stierl ch'el ha schon en surpli.

7. Ei aunc veginiu fatg da saver che tgi che drovi caltschina duei ver dau en sin dumengia al statalter.

### 1886, ils 2 da matg

1. Ei concediu a Gion Battesta Schmet da puder veginir en cun duas cauras e schar ora senza arvè.

2. Ei concludiu da far mundi gievgia proxima las nuorsas ed otg dis suenter las cauras.

### 1886, ils 23 da matg

Ei stau radunau vischnaunca e priu ils sequents conclus.

1. Ei danovamein concediu da turnar a dar il lenn d'aissas ni slondas da mintg'auter onn, laschond pagar 5 frs. il lenn.

2. Ei concludiu da reveder igl uorden dils suloms, sco era dalla lenna da bagheggiar e la cheutier destinada cumissiun ein: ils treis signurs geraus en uffeci, assistant Schmet e gerau Soliva.

3. Ei concludiu da schar marcar ora la lenna sederschida en schetgas per lenna da baghegiar e da diever, pagond persuenter in surpli tenor schazegiada dils "Försters", e lura il rest da quella lenna, sco marscha ni autra ch'ins sa buca stagiar ora, duei vegin vendida.
4. Ei Maria Cristgina Schmet da **Gonda** veginida prida si per "Hebama" dalla vischnaunca per la pagaglia da 80 frs. (otgonta) "varthgeld", la sort da fiug culs paupers numpagond e 7 frs. per pigliola, bein aber che cura ch'ella declara da stuer ni ver il docter, sche duei ella ver mo la mesa taxa.
5. Ei concludiu da rugalar la via da **Salins** entochen si tier la casa.
6. Ei concediu a Luis Schmet da far si ina hetta vil **Run** per ina mola, senza conceder lenna e da ceder aschigleiti sco la vischnaunca garegi.

### **1886, ils 30 da matg**

Ei stau radunau vischnaunca e concludiu.

1. Da far firau igl otgavel da Sontgilcrest, per quei di celebrar las solemnitads a **Rueras** che crodan en sin la benedicziun baselgia.
2. Ei il regulativ, staus luvraus ora dalla cumissiun ariguard suloms novs e lenna da baghegiar, vegnius approbaus dalla vischnaunca cun aunc dar tier che pagond duei ei era sch'il basegns damonda veginir dau suloms per puozs e chischners sin pastiras, ils destinai umens che urentan ils suloms ein ils sequents: dador il **Dutg Grond** gerau Bruno Soliva e Plazi Jagmet, dadens gerau Giachen Antoni Wenzin e Gion Antoni Berther.
3. Ei aunc concediu a gerau Vigeli Berther da schar veginir en cun duas vaccas ed a Plazi Jagmet cun ina sur dretgs, pagond in surpli da treis francs il tgau.

### **1886, ils 6 da zercladur**

Ei radunau vischnaunca e concludiu.

1. Ei concediu ils sequents suloms:
 

ad artavels Lucas Cavegn per in nuegl da sedisch armauls si la **Val**,  
a Luis Jagmet per in nuegl da dudisch armauls el vitg **Sedrun**,  
ad Onna Maria Beer per ina talina sper sia casa,  
a Giachen Antoni Deflorin in chischner da treis posts a **Tschamut**.
2. Ei concediu a Gion Mihel Monn da far da lenn las preits da siu nueglet sper casa.
3. Ei concludiu d'oz naven schar entscheiver a pinar las lennas els uauls cumins.
4. Ei concludiu da vischnar las sorts da fiug, zuar quellas digl **Uaul Surrein** cun quellas giun **Cavorgia** e zuar vischinadi per vischinadi.
5. Ei aunc concediu a "Hebama" Schmet quei toc lenn ellas schetgas sco ella veva schon all'entschatta giu moviu.

### **1886, ils 14 da zercladur**

1. Ei concediu a meister Schmet da puder metter sin la pastira pagond ina vacca enstagl dallas cauras pli baul stadas concedidas ad el.
  2. Duei ina persuna persula cun survients veginir risguardada per in fiug entir, ton en interess, sco era en purtar grevezias da vischnaunca.
  3. Ei vegniu fatg da saver che tgi che hagi aunc dabien dalla vischnaunca lennas empristadas, duei en otg dis far da saver als geraus.
  4. Ei concludiu da dumengia proxima ulivar las alps.
  5. Ein ils quens dalla ludeivla vischnaunca, vegni menai da signur statalter Tumaisch Berther, vegni mess avon alla ludeivla vischnaunca entras signur president Soliva en num dalla cumissiun da quens. Els ein lura, suenter ver udiu il resultat dalla vischnaunca, vegni approbai cun engraziament.
- Finalmein ei lura Tumaisch Berther danovamein vegnius confirmaus sco statalter per igl onn futur.

### **1886, ils 4 da fenadur**

Ei stau radunau vischnaunca e concludiu.

- Ei concediu a Vigeli Monn ed a Gion Antoni Monn da puder metter ina stiarla per in en **Pardatsch** cun ils vadials.
- Ei a Duri Riedi concediu da saver prender cun el ina stiarla sil **Tgom** cun las genetschas.
- Ei concediu a Genoveva Hendri da saver tener treis tiers a casa.
- Ei concludiu che tuts begls da piertg ellas alps dueien cura che las caschadas van naven vegnir mess en las tegias sch'ei pon ir per la lunghezia, las respectivas caschadas che fussen negligentas vegnan castigiadas 2 frs. per begl.
- Ei sin garegiar da fetg bia paupers concludiu che las pastiras che vegnan dadas a quels da segar, dueien puspei vegnir repartidas entras la cumissiun pauperila e la suprastonza. Sch'ins ni l'auters fussen da quei conclus buca cuntents, sche dueien els el termin dad otg dis far da saver alla suprastonza.
- Ei concludiu che da gliendisdis stavlar e mardis cargar las nuorsas, venderdis cargar ils schetgs e sonda las vaccas.
- Ei finalmein aunc concludiu che dad oz suenter viaspas vender las **Vals Curnera** en public ingant per segar ni paschentar.

### **1886, ils 25 da fenadur**

Ei a **Zarcuns** concludiu il suandont.

- Ei dalla suprastonza vegniu fatg da saver che Hans Giachen Decurtins garegi che la vischnaunca fetschi si il tetg da sia tegia a **Milez**, suenter ver legiu avon l'entelgiantscha stada fatga a sias uras denter la vischnaunca e Muggli per miert e suenter ver udiu ils differents meinis eis ei lura unitamein concludiu da buca mantener il tetg dalla sura tegia e sche Decurtins seigi buca cuntents, sche ha la vischnaunca incumbensau ils signurs geraus da schar decider la caussa avon dretg.
- Ei vegniu fatg da saver che tgi che garegi da segar culs paupers duei entochen dumengia proxima far da saver alla suprastonza ni ad in commember dalla cumissiun pauperila.
- Ei concludiu da sonda avon la fiasta dil cor da Maria suenter messa vender ils **Cuolms Aults** cun aunc enqual toc pastira pli allontanada e zuar quei el liug solit a **Camischolas**.

### **1886, igl 1. d'uost**

Ei la ludeivla vischnaunca vegnida clamada ensem a **Camischolas** ed ei cheu sin damonda dils representants e marcadonts da stiarls da vuler midar giu cautegia per l'alp da **Maighels** e sin publica declaronza da Battesta Vallier, da quellas uras cautegia, ch'el seigi bein cuntents da dar giu siu uffeci sco tal, ei vegniu legiu ora sco niev cautegia Vigeli Cavegn da **Sedrun** cun dasperas dar giu la declaronza che la vischnaunca stetti avon per neginas consequenzas, che pudessen nescher ord quella midada entras reclamaziuns da pasturs etc. etc.

### **1886, ils 12 da settember**

Ei Gion Antoni Schmet danovamein vegnius confirmaus per treis onns sco nies "Sechzionschef".

Secundariamein ei vegniu schenghegiau igl arvè d'ina caura a Leci Lorez.

Finalmein ei aunc fatg da saver che tgi che manegi da duvrar caltschina sin primavera duei dar en el termin da questa jamna.

### **1886, ils 26 da settember**

Ei stau radunau vischnaunca e concludiu da fagend bialaura schar lartg sonda ils tiers gronds, mardis ils s.v. tiers casa e mesjamna las nuorsas.

Secundariamein ei fatg da saver ch'ei vegni igl october cheu in battagliun schuldada ed ins duei mirar da metter quels commensurau sut tetg en ils vitgs.

Finalmein ei aunc concludiu ch'ils signurs geraus dueien assister alla cumissiun da taglia en num dalla vischnaunca.

## 1886, ils 31 d'octobre

Ei concludiu da tarmetter a **Mustér** tier ina radunanza pervia da rugalar giu il liber domicil dil §40 dil decret da cumin la suprastanza cun signur assistent Schmet, gerau Soliva e gerau Lorenz Jagmet.

## 1886, ils 14 da novembre

Ei concludiu da serrar giu cun ils arvès il di da Daniev, las taxas ed il diember da tiers d'arvès ei stau tier il veder.

## Igl onn 1887

### 1887, ils 9 da schaner

Ei stau radunau vischnaunca ed ei vegniu mess ils sequents cautegias ellas alps da schetgs:

per **Strem** Plazi Jagmet

per **Mila** Sep Antoni Hetz

per **Maighels** Sep Antoni Schnoz

Secundariamein ei concludiu da trer si ina collecta en baselgia per translocar il vitg da **Zignau** e da quei che maunca da 30 frs. metter ord cassa da vischnaunca.

Finalmein ei aunc vegniu legiu giu las lavurs cuminas e schau en termin da quendisch dis per reclamaziuns.

### 1887, ils 6 da fevrier

Ei stau radunau vischnaunca, nua ch'igl ei stau da contractar giu co far culs cavals ch'ein entras las autoritads militaras cumandai sin il pichet, nua ch'igl ei lura concludiu da schar vegnir il veterinari Maissen da **Mustér** e schar inspectar tut ils cavals dalla vischnaunca e lura quels che vegnien dil sura renconuschi per sufficients trer la sort a quals ei tucca.

Secundariamein ei concediu a Stiaffen Schmet in sulom per ina cuschina sper sia casa ed a Gion Battesta Beer sulom per ina fravia, ils sura suloms ein concedi senza donn e pregiudezi d'in tierz e ch'ei duei tenor lescha vegnir mess si ils profils che mintgin vesi co quels baghetgs vegnan construi.

### 1887, ils 6 da mars

Ei stau radunau vischnaunca e concludiu.

1. Ei Lucas Beer vegnius pladius nurser dalla stad per 28 cts il tgau, cundiziunau aber ch'ei duei vegnir duvrau negins tgauns ni stad ni primavera.

2. Ei concediu in sulom per ina senaria als da **Rueras**.

3. Ei stau da leger ora ils dus cussegliers dil stan, ils quals han giu il sequent resultat:

signur cusseglier dils stans Remigi Peterelli 228

signur cusseglier dils stans Peter Romedi 226

signur cusseglier naziunal Toggenburg 1

signur cusseglier naziunal Steinhauser 1

### 1887, ils 17 d'avrel

Ei stau radunau vischnaunca e concludiu.

1. Ei surschau als treis geraus en uffeci cun trer tier signur gerau, sco "Zivilbeamter", da trer ora ils vischins jasters dil "Bürgherreghister", sco era da turnar a purtar en sch'ei vegn tarmess tier dils nos e rugalar en il "Bürgherreghister" tenor ordinaziun digl obercheit da cumin.

2. Ei concludiu da dar in subsidi da 5 frs. a Clau Hosang per il siu donn pitius entras in barschament.

3. Sin la brev tarmessa dar signur "Inschanier" Peterelli da rugalar la via olla **Val da Nislas**, ei concludiu da spitgar entochen ch'el vegn sez e lura s'entelgir cun el co e tgei fussi il meglier.

4. Ei concediu a Sep Flurin Huonder da schengheggiar igl arvè d'in stierl en consideraziun d'ina vacca ch'el ha vendiu.

5. Ei concludiu da dar alla societat da musicants in annual subsidi da 20 frs. per manteniment dils instruments sco era per procurar per musicalias etc., il qual duei aber tut restar alla societat.

### **1887, ils 15 da matg.**

Ei stau radunau vischnaunca e concludiu.

1. Ei concediu a Hans Giachen Decurtins da schar guder la jarva in s.v. stierl ch'el ha schon en sur dretgs, pagond il surpli da 3 frs.
2. Ei tratg ora ina cumissiun per schar ponderar nua tschentar la punt da **Rueras, Plaun Miez**. Ils cheu eligi ein gerau Vigeli Berther da **Sedrun**, Sep Antoni Hez e Gion Antoni Berther, giuven.
3. Ei concludiu da far mundi ils s.v. tiers casa gliendisdis, ils 16 da quest.
4. Ei stau da passar tier la votaziun dalla lescha federala digl alcohol, la quala ha giu il sequent resultat: 118 gie e 68 na.

### **1887, ils 22 da matg**

Ei stau radunau vischnaunca a **S. Antoni** e concludiu.

1. Ei concediu a Gion Antoni Berther, giuven, da **Rueras** in sulom per in nueglet da dudisch sut sia casa ed a Gion Bistgaun Hez in sulom per in tschaler si **Davet**.
2. Davart il far mundi ei concludiu da surschar alla suprastonza cun mirar sin l'aura favoreivla.

### **1887, ils 30 da matg**

Ei stau radunau vischnaunca e priu ils sequents conclus.

1. Ei vegniu legiu ora ils commembers dil niev obercheit per ir a **Trun** e leger ora ils commembers digl appellaz.
2. Ei concludiu da schar far Giachen Antoni Schmet da **Camischolas** il chis che la vischnaunca drova per 3.75 frs. il meter, tgi che vul far concurrenza duei en 24 uras ver annunziau ad in digl obercheit.
3. Ei concediu a Vigeli Deragisch da far ord in uegl e zona da sedisch dus nuegls da sedisch, il medem ei concediu ad Alfons Jagmet cun in baghetg el vitg **Sedrun**.
4. Ei vegniu dalla cumissiun da quens dau giu in clar rapport sur dils quens da vischnaunca e suenter ch'il dau ora ei staus legius avon alla vischnaunca, ein ei cun engraziament da quels vegni approbai.
5. Ei vegniu tarmess ina deputaziun ellas persunas da signur gerau Vigeli Berther e statalter regent per envidar en nos signurs spirituals tier las elecziuns dil di dad oz.
6. Ei suenter veglia moda stau da passar tier las elecziuns da nies obercheit, sco era da tuttas autras cumissiuns. Suenter che scadin ha giu dau giu siu uffeci e remess anavos sia plazza els mauns d'ina ludeivla vischnaunca, ei lura puspei igl entir obercheit, sco quei ch'el fuva constituius ils onns vargai, vegnius confirmaus, medemamein era la cumissiun dils paupers e da quens ein vegnidias confirmadas. Ella cumissiun da scola ein eligi Augustin Riedi, Giachen Martin Beer, Gion Fidel Riedi, ils commembers da **Sedrun** e **Cavorgia** ein confirmai ils veders.
7. Ei lura dil puspei eligiu obercheit fatg da saver che tgi che drovi lennas da baghegiar e da diever duei dar en ad in commember el termin da questa jamna.

Finalmein ei aunc concediu a gerau Sep Lorenz Wenzin sulom per in puoz viagiui **Rueras** sin pastira.

### **1887, ils 24 da zercladur**

Ei stau radunau vischnaunca e concludiu sco suonda.

1. Ei concediu a Giachen Antoni Soliva in sulom per in uegl da dudisch giu **Runs** sut siu faner en.
2. Ei schenghegiau a Vigeli Deragisch igl arvè d'ina vacca per igl importo d'ina stiarla piarsa.
3. Ei schenghegiau a Luis Brugger igl arvè da tschun cauras, a Gion Rest Caduff a Sigisbert Monn ed a Nescha Gieriet igl arvè d'ina caura per in.
4. Ei concludiu da vender lenna gliendisdis giun **Cavorgia** e suenter cuntinuar.
5. Ei concludiu d'ussa immediat ulivar las alps.

### **1887, ils 10 da fenadur**

Ei stau radunau vischnaunca e concludiu.

1. Ei concediu a Paul Soliva da metter ina vacca malsauna en **Pardatsch da Vaccas**.

- Ei concludiu da cargar mardis las nuorsas, mesjamna ils schetgs e gievgia las vaccas.
- Ei stau da votar sur dalla lescha dallas invenziuns, la quala ha giu il sequent resultat: 118 na e 4 gie.

### **1887, ils 25 da settember**

Ei a **Bugnei** concludiu da schar trer quels dils cavals il chis sil cuolm en schurnada.

### **1887, ils 2 d'october**

Ei stau radunau vischnaunca e muort la schliata aura eis ei surschau alla suprastonza cura schar dar lartg.

### **1887, ils 9 d'october**

Ei stau radunau vischnaunca a **Rueras** e concludiu.

- Ei concediu da schar far scola tudestga a **Sedrun** en ina dallas casas da scola e zuar quei gratis aschiditg sco igl ei plaz sufficient.
- Ei surschau alla suprastonza da marcadar cun in pigurer talian da pertgirar las nuorsas la stad.
- Ei concludiu da dar 20 frs. per il donn dil baghetg barschaus a **Sumvitg**.
- Ei concludiu da dar gratis la lenna per ils baghetgs barschai a **Cavorgia**.
- Ei concludiu da trer si ina collecta casa per casa per ils da **Cavorgia** che han pitiu donn entras il barschament ed ils signurs geraus cun Giachen Antoni Monn da **Surrein** ein destinai sco comite che retscheivien e partien giu tuts susteniments che vegnan tarmess tier.

### **1887, ils 30 d'october**

Ei stau radunau vischnaunca e concludiu.

- Ei concludiu da baghegiar in fuorn da caltschina e zuar quel da **Pardatsch**.
- Ei concludiu d'accordar via il sura fuorn da baghegiar.
- Ein ils sis geraus federals vegni legi ora, ils quals ein ils sequents: gerau scolast Soliva da **Tujetsch**, professer Condrau da **Mustér**, Martin Paly da **Medel**, president Tuor da **Sumvitg**, president Franz da **Trun** e gerau Cathomas da **Breil**.
- Ei stau da passar tier la votaziun dils cussegliers naziunals, la quala ha giu il sequent resultat:  

cusseglier naziunal dr. Casper Decurtins	223
cusseglier naziunal Johann Schmid	224

### **1887, ils 20 da november**

Ei stau radunau vischnaunca e concludiu.

- Ei accordau cun Luis Curschellas e Sigisbert Monn da barschar la caltschina e quei per tschun onns sut las cundiziuns sco ils onns vargai.
- Essend la caplania da **Sedrun** vacanta, eis ei surschau al segnerfarrer cun la suprastonza da mirar per in signur caplon.
- Ei stau da concluder sur dils arvès ed ei concludiu, ariguard il diember e pagament, da star vid igl uorden veder e l'entschatta dils arvès duei uonn vegnir dau cun calonda december.
- Finalmein ei aunc concludiu da trer ora ina cumissiun che metti avon in pareri co e sin quala moda ins savess il pli maneivel ed il pli favoreivel menar en asil u tetg per nos paupers ch'ein en munglamments; la cheutier destinada cumissiun ein: la cumissiun pauperila cun ils geraus, dapli statalter Fidel Wenzin, Gion Antoni Berther, Sep Lorenz Wenzin, Felici Monn, Lorenz Jagmet, assistent Schmet, gerau Soliva e Giachen Antoni Monn, Surrein.

### **1887, ils 27 da november**

Ei stau radunau vischnaunca e concludiu.

- Ei vegniu mess ils sequents cautegias ellas alps da schetgs.  

per <b>Maighels</b>	statalter Fidel Wenzin
per <b>Mila</b>	Sep Berther
per <b>Strem</b>	Gion Mihel Monn

2. Ei stau da passar tier la votaziun da treis pugns da recapitulaziun, ils quals han giu il sequent resultat:  
pro negin, contra 110

### Igl onn 1888

#### 1888, ils 5 da fevrer

Ei stau radunau vischnaunca e concludiu.

1. Ei concediu a Hans Giachen Caduff in sulom per in faner enasi **Craps** ed a Gion Bistgaun Beer sulom per ina tegia si **Valtgeva**.
2. Ei concludiu da turnar a contractar cun il "Revierförster" Deplazes per dus onns e sco "förster" en vischnaunca e sco commember digl obercheit ei Paul Berther da **Rueras** numnaus. Finalmein ei lura aunc legiu giu il resultat dallas lavurs cuminas.

#### 1888, ils 4 da mars

Ei stau radunau vischnaunca e concludiu.

Ei davart dils vischins da **Sedrun** vegniu garegiau vischnaunca pervia dalla fiera dil zercladur ch'era vivon a **Sedrun** ed ei ussa fixada a **Rueras**. Suenter lura ver udiu ils differents meinis, eis ei cun grond pli concludiu da turnar a petiziunar che la fiera dil zercladur vegni fixada a **Sedrun** e ch'ins duessi danovamein era petiziunar per ina fiera a **Rueras** sigl atun.

#### 1888, ils 2 d'avrel

Ei stau radunau vischnaunca e concludiu.

1. Ei concediu a scolast Soliva da schar ruchegiar empau siu nuegl sper casa senza donn e pregiudezi d'in tierz.
2. Ei concludiu da schar far barba e zuar entochen che la suprastanza manegia ch'ei seigi buca pli necessari e basegns, bein aber capiu mo barba e buca dapli.
3. Ei concludiu da dar ils garegiai 100 frs. a gerau Lorenz Jagmet e cunproprietaris per la bonificaziun dalla punt clavau da siu baghetg el vitg **Camischolas**, la quala il stradun ha a sias uras giu priu naven, nua ch'ei fuva era da lezzas uras stau fatg ina entelgentscha ariguard la sura numnada punt, aschia che quella caussa ei ussa totalmein rugalada giu.

#### 1888, ils 21 da matg

Ei stau radunau vischnaunca e concludiu.

1. Ei concediu a Lezi Antoni Brugger da pinar dus schiembers ellas **Vals**.
2. Ei concludiu d'esser gideivels e sustener la cassa pauperila, aschilunsch sco il pli necessari basegns damonda.
3. Ei concludiu d'entrar en neginas convenziuns pervia dalla fabrica da ziaghels a **Tavanasa**.
4. Ei concludiu da far mundi mardis, ils s.v. tiers casa e sonda las nuorsas e las cauras otg dis suenter.
5. Ei dil president dalla cumissiun da quens vegniu dau giu in clar rapport sur dils quens dalla vischnaunca menai igl onn vargau; suenter ei lura il dau ora vegniu legiu avon e quels lura dalla vischnaunca vegni approbai cun engraziament.
6. Ei Tumaisch Berther danovamein vegnius confirmaus sco statalter per igl onn futur. Finalmein ei aunc concludiu ch'ils geraus cun il statalter dueien ira atras ils quens dall'administraziun dalla casa da scola e lura rapportar il resultat alla vischnaunca.

#### 1888, ils 17 da zercladur

Ei radunau vischnaunca e concludiu.

1. Ei schenghegiau miez igl arvè da vaccas als sequents: Luis Hendri per duas, Duri Riedi, ina, Vigeli Monn, giuven, ina, a vieua Paul Pign, a C. Schmet per ina ed Aluis Brugger ina.
2. Ei concludiu da segirar la nova casa da scola a **Sedrun** sco era da turnar a renovar la segirada dallas outras casas da scola.
3. Ei concediu a Giachen Giusep Deflorin sulom per ina zona a **Scharinas** ed als affons fravi Caduff sulom per ina fravia a **Rueras**.

4. Ei concludiu da schar ira Gion Bistgaun Hez cun il nurser per a quel mussar il territori, loghens e dretgs dallas nuorsas.
5. Ei concludiu da puspei vender empaui lennas en differents loghens.
6. Ei concediu a Plazi Jagmet ed a Hans Giachen Decurtins da puder ira cun enzacons s.v. stiarls jasters si **Sutseivs** enzacons dis entochen ch'ei san ir a **Nalps**, quei aber pagond.

### **1888, ils 8 da fenadur**

Ei radunau vischnaunca e concludiu.

1. Ei concediu a statalter Gion Antoni Peder da **Selva** da puder tener treis tiers a casa.
2. Ei concludiu dad instanziar tier il Cussegli Grond da reveder la lescha dils tetgs dirs per veginr libers da quels.
3. Ei concludiu da cargar las nuorsas sonda ed ils auters tiers ei refretg, las nuorsas dueien veginr zavradas las dudisch a **Surrein** e las duas a **Valtgeva**.
4. Ei aunc mess si in "schussgeld" da 5 frs. per tgi che sieta giu quella uolp ch'ei aschi mulestusa.

### **1888, ils 15 da fenadur**

Ei radunau vischnaunca e concludiu.

1. Ei concediu a Mudest Berther da **Rabius** da schar metter in stierl en noss'alp, pagond.
  2. Ei concediu a Paul Soliva da schar metter ina stiarla mendusa cun ils vadials.
  3. Ei concludiu da cargar ils schetgs venderdis e sonda las vaccas.
- Finalmein han ils particulars da **Rusas** fatg responsabels per praus e baghetgs tgi che fetschi sablun el dutg

### **1888, ils 30 da settember**

Ei radunau vischnaunca e concludiu.

1. Ei concludiu da schar trer il chis sil cuolm quels dils cavals per pagamento.
2. Ei Luis Curschellas vegnius schaus liber digl accord da barschar la caltschina, pervia dalla mort da siu sir Giachen Martin Giger.
3. Ei concludiu da translocar la hetta dalla sprezza en in auter qualificau liug sper via, sco era quella da **Rueras** duessen ins mirar da saver tschenttar sper via.

### **1888, ils 21 d'october**

Ei concludiu

1. Che tuttas nuorsas dueien purtar ulivamein las spesas idas per encuir quellas che muncavan.
2. Ei concludiu da schar lartg sonda sch'ei vegn en neginas reclamaziuns sin venderdis sera tier la suprastonza.

### **1888, ils 18 da november**

Ei stau radunau vischnaunca e concludiu.

1. Davart ils arvès ei concludiu d'entscheiver igl arvè cun il di da Daniev 1899, il diember e la taxa sco ils onns vargai ed era il brattar giu ei stau tier igl uorden veder, il qual declara era claramein ch'ins duei buca vegni en cun tiers in per l'auter.
2. Ei concludiu da petiziunar per in "postberau" a **Sedrun**.

### **1888, ils 23 da december**

Ei stau radunau vischnaunca e concludiu.

1. Ei stau da leger ora inspecturs da tiers, urentader da tiers ed urentader da carn; sco inspectur da tiers ei signur president Christian Muggli elegius, sco urentader da tiers ei Gion Battesta Peder numnaus e sco urentader da carn Sep Antoni Hez.
2. Ei stau da pladir nurser dalla stad, nua ch'igl ei igl emprem concludiu che tut las spesas che van si per encuir nuorsas suenter la zavrada, stoppi il nurser prender giu la mesadad, priu ora en in cass fetg nunprovedius e che deriva per negina culpa dil pastur; sco nurser per la proxima stad ei Hans Giachen Monn pladius per la pagaglia da 27 raps il tgau senza il sal.
3. Ei vegniu legiu ora ils sequents cautegias per alps da schetgs:

per Maighels  
per Mila  
per Strem

Giachen Fidel Cavegn  
frars Berther, Rueras  
Duri Deflorin

### Igl onn 1889

#### 1889, ils 17 da fevrer

Ei radunau vischnaunca e concludiu.

1. Ei legiu ora ina cumissiun consistenta ord signur president Christian Muggli, gerau Soliva ed assistent Schmet, ils quals dueien reveder il necessari da nos uordens da vischnaunca, quels lura metter avon alla vischnaunca avon che tarmetter en agl ault ludeivel Cussegli Pign tenor ordinaziun da quel.

2. Ei concediu sulom per in nuegl a Sep Berther sin **Scharinas**.

3. Ei stau da votar sur la lescha da taurs da razza e dil plugl dalla vit cun il sequent resultat:

a) per la lescha da taurs 15 gies e 100 nas

b) per la lescha dil plugl dalla vit negins gies e 102 nas

Finalmein ei aunc concludiu da trer en censura quels che han surfatg cun pinar badugna en **Pardatsch**.

#### 1889, ils 3 da mars

Ei stau radunau vischnaunca e concludiu.

1. Ei concludiu da turnar a serrar la badugna en **Pardatsch** e zuar per in temps nundeterminau, bein aber eis ei lubiu da pinar tortas da scuas.

2. Ei concludiu da luvrar ora in cert uorden da fiug e mintga vischinadi duei tarmetter in per umens tier quella cumissiun sin la davosa sonda da mars.

3. Ha la vischnaunca anflau per bien d'empruar da far in uorden ariguard il tener s.v. taurs da razza, nua che mintga vischinadi duei tarmetter in per umens per sedeliberar sur da quella caussa per saver metter avon in pareri alla vischnaunca.

Finalmein eis ei aunc surschau alla suprastanza da contractar giu cun Plazi Jagmet per las **Vals Curnera**.

Lura ei ei aunc vegniu legiu giu il resultat dallas lavurs cuminas.

#### 1889, ils 24 da mars

Ei stau radunau vischnaunca e priu ils sequents conclus.

1. Ei concediu ils supplicai 10 frs. per l'uniun da paupers mistergners.

2. Ei concludiu ch'il survigilader da lavurs cuminas, cun aunc trer tier in per auters umens, dueien ira giu ed intercurir la via da **Gieppia**, sch'ins savessi buca far ella duvreibla per igl unviern.

3. Ei vegniu legiu avon il project ed uorden luvraus ora per tener ils s.v. taurs da razza, il qual uorden ei lura dalla vischnaunca vegnius approbaus talis e qualis sco el fuva fatgs, il qual uorden ei adina d'anflar tier l'administraziun da vischnaunca.

Suenter ei lura aunc vegniu legiu ora la cumissiun cun ses suppleants che han d'inspectar tuts s.v. taurs da vischnaunca e quels lura declarar per admissibels ni buc. Ils cheutier eligi ein ils sequents.

Commembers della cumissiun: gerau Bruno Soliva, Gion Antoni Paly e Sep Berther, **Dieni**.

Suppleants: Plazi Jagmet, Giachen Martin Berther e Hans Giachen Decurtins.

#### 1889, ils 7 d'avrel

Ei stau radunau vischnaunca e concludiu.

1. Ei concediu a Martin Schmet da far in nuegl sut ina talina dador sia casa, ruchegiar enzatgei il sulom, quei senza donn e pregiudezi d'in tierz.

2. Ei signur president Christian Muggli incumbensaus d'ir a **Trun** tier la radunanza pervia dall'iniziativa encunter ils tetgs dirs.

3. Ei stau da votar per il supplement da 430'000 frs. per bagheggiar in niev institut cantunal per malsauns dil spért, la quala votaziun ha giu il sequent resultat: 116 han votau cun gie e na negins.

## 1889, ils 22 d'avrel

Ei stau radunau vischnaunca e concludiu.

1. Ei concediu a Luis Curschellas da brattar giu sulom d'in nuegl da dudisch enta **Nacla** sin prau, plinavon concediu a gerau Vigeli Berther sulom per in nuegl da sedisch armauls si **Milez** sin pastira.
2. Ei concludiu da per uonn buca segirar las casas da scola.
3. Ariguard il veterinari patentau sin la fiera, ei concludiu da mirar da s'entelgir cun ils da **Mustér**, sch'ei vegness buca concediu da schar funcziunar Sep Berther da **Mumpe** sco tal ad interim.
4. Nunvegnend nies "Caminfegher" Stoffel neunavon, ei concludiu d'immediat scriver ora e procurar per in auter.
5. Ei stau da contractar cun il "Revierförster" e sco tal ei Stiaffen Schmet elegius sut las sequentas cundiziuns: Igl ei dau ad el ina schurnada da 4 frs. (quater) a di e 40 frs. (curonta) francs "Warthgeld". En consideraziun dil "Warthgeld", ei Schmet obligaus da far tuttas lavurs internas e correspondenzas che quella clamada damonda, plinavon ei aunc da schar prender in qualificau um cun el en cass da basegns.
6. Ei dil signur president vegniu dau in clar rapport co igl ei passau a **Trun** tier la radunanza ariguard ils tetgs dirs e danovamein concludiu da turnar a tarmetter a **Glion** tier ina secunda radunanza il signur president cun aunc trer tier in auter um.
7. Ei igl uorden da fiug da cumin ed igl uorden da fiug luvraus ora dalla cumissiun vegni legi avon ed ein lura dalla vischnaunca vegni approbai.
8. Ei concludiu da schar la sprezza pintga vinavon a **Surrein**.
9. Ei vegniu cuntuau da leger vinavon ils uordens da vischnaunca, ils quals ein lura finalmein dalla vischnaunca vegni approbai.

## 1889, ils 12 da matg


Ei stau radunau vischnaunca e concludiu.

1. Ei concludiu da prender si 10 – 15 cavals jasters silla jarva per il pagament da 20 frs. in e cun pulein 25 frs. e sco cautegias ein destinai statalter Tumaisch Berther e gerau Gion Andriu Berther.
2. En risposta sin ina brev d'in delegau federal, ariguard concessiun da sulom e material per far fortificaziuns si **Tiarms** e **Calmut** ei concludiu da rispunder ch'ins vegni buca a dar concessiuns entochen ch'ei vegnien buca sil plaz e declarien pli definitivamein co quei duei vegnir construiu e tgei material ei vegni duvrau.
3. Ei concludiu da far mundi gliendisdis, ils s.v. tiers casa, sonda las nuorsas ed otg dis suenter las cauras.

## 1889, ils 10 da zercladur

Ei stau vischnaunca en casa da scola e concludiu sco suonda.

1. Ei surschau ed incumbensau la nova suprastanza cun aunc trer tier in per auters umens d'ira ils 17 da quest sil cuolm **Calmut** per mirar co e nua las fortificaziuns vegnan fatgas, lura s'entelgir ton sco pusseivel cun ils delegai federals.
2. Ei concludiu da schar vegnir en cun ils cavals jasters da miez zercladur.
3. Ei concludiu da schar vegnir en cun tiers sur dretgs ed jasters ils sequents:  
Battesta Valier dus stiarls e tschun vadials  
Plazi Jagmet quater stiarls  
Plazi Fluri quater stiarls  
e quei pagond il surpli da 3 frs. il tgau, ultra digl ordinari arvè ni taglia.



4. Ei il quen e total importo per bagheggiar la nova casa da scola vegnius legius e mess avon alla ludeivla vischnaunca, il qual ei lura era vegnius approbaus da quella.
  5. Ei dil president dalla cumissiun da quens vegniu dau giu in clar rapport sur dil tratg en, sco dau ora, sco era sur dallas finanzas dalla vischnaunca e quei quen ei lura cun engraziament vegnius approbaus dalla vischnaunca.
  6. Suenter che la suprastanza, sco tuttas outras cumissiuns han giu remess anavos ses uffecis en mauns d'ina ludeivla vischnaunca, eis ei stau da passar tier las novas elecziuns, las qualas ein vegnidas fatgas sco suonda:
- sco emprem gerau e president ei scolast Soliva elegius  
 sco secund gerau ei Thomas Berther elegius  
 sco tierz gerau ei Gion Antoni Berther elegius  
 Sco cussegliers ein elegi:  
 Josef Florin Huonder sco salter  
 Giachen Fidel Caveng che ha surpriu la stathaltaria  
 Felici Monn  
 Sep Antoni Schnoz  
 Lezi Jagmet  
 Gion Andriu Berther, giuven  
 La cumissiun pauperila ei confirmada la medema cun excepziun da Duri Wenzin, enstagl dil qual siu frar Giachen Antoni Wenzin ei elegius.  
 La cumissiun da scola ei confirmada la vedra.  
 La cumissiun da quens ei remplazzada cun ils treis geraus cass, statalter Fidel Wenzin e Luis Hendrich *Hendry*.  
 Finalmein eis ei aunc dalla nova suprastanza vegniu fatg da saver che tgi che drovi lennas da diever, seigi da bagheggiar ni reparaturas, duei duront questa jamna dar en ad in dils commembers digl obercheit.

### **1889, ils 23 da zercladur**

Ha la radunada vischnaunca priu il sequent conclus a **Rueras**.

1. Ei concludiu d'ulivar las alps damaun, ils 24 da quest las duas suentermiezd e duei perquei esser dau en ils tiers als respectivs cautegias.
2. Ei concludiu da pagar l'entira taxa per la sort da fiug, vegn ei priu la draussa ni mo la lenna da best.
3. Ei vegniu dau liber da pinar la lenna d'aissas els uauls cumins, mardis proxim, ils 25 da quest.
4. Ei vegniu fatg da saver che tetgs e classenas vegnien urentai ils 28 da quest.
5. Ei unanimamein vegniu acceptau igl accord fatgs dalla ludeivla suprastanza cun ils delegai dalla Confederaziun en tuttas damondas da vendita da suloms, ils quals van en total possess dalla Confederaziun. Las vias ein concedidas per tut diever dil militar ni dalla Confederaziun, sco era per nez dalla vischnaunca da **Tujetsch**. Ultra da quei resta il terren dallas vias en possess dalla vischnaunca che resalva il dretg da puder scumandar a scadin privat igl ira sin quellas vias cun menadiras da scadina natira, sche la pasculaziun libra vegness entras quei frequentar, en in grau ni l'auter disturbaus.
6. Ei Lezi Huonder vegnius numnaus ugau dalla casa da scola a **Sedrun**.

### **1889, ils 30 da zercladur**

Ei concludiu:

1. Da cargar las nuorsas sonda proxima, ils 6 da fenadur cun zavrar quellas il venderdis las diesch a **Plaun Miez** avonmiezdi ed a **Valtgeva** a l'ina suentermiezd.
2. Ei concludiu da vender enzatgei lenna derschida ni senza carschientscha.
3. Ei concediu a suandonts jasters da vegnir en cun tiers: a Mattias Paly cun 20 – 24 mutgs, pagond 7.50 frs. il tgau; a Giger marcadont cun sis genetschas, pagond 11.50 frs. il toc.

### **1889, ils 7 da fenadur**

Ha la radunada vischnaunca concludiu el liug solit il suandont.

1. Da cargar ad alp ils schetgs ils 9 e las vaccas ils 10 da quest.
2. Concediu a Martin Paly da **Medel** da vegnir en cun duas genetschas sin nossa jarva, pagond 11.50 frs. il toc.
3. Concediu a Gieri Alig da **Trun** da metter in cavagl en **Pardatsch**, pagond 18 frs. per la jarva ed il pustretsch.
4. A Gion Bistgaun Deragisch concediu da metter a **Strem** ina vadiala.
5. Ei fatg enconuschen ch'ei seigi dil ludeivel Cussegl Pign vegniu fatg attents che la mesira metrica seigi en vigur e duei vegnir praticada.

### **1889, ils 18 d'uost**

Conclidiu dalla radunada vischnaunca il suandont.

1. Da vender las pastiras otg dis suenter el liug solit.
2. Ei concediu a Gion Antoni Schmet da **Cavorgia** la damonda da segironza al cantun, cun regress visavi ad el, da far ina segironza alla vischnaunca.
3. Ariguard il "caminfegher" ei concludiu da refusar il Maissen ed incumbensar la suprastonza da mirar per in auter.
4. Conclusiv ei fatg da saver che tgi che hagi pinau lenna els uauls cumins, duei haver nudau tala, schar saver il "förster" nua e tgei noda.

### **1889, ils 22 da settember**

Ei stau radunau vischnaunca e concludiu il suandont.

1. Gion Andriu Berther, giuven, ei vegnius "Sectionschef" per ils treis proxims onns cun l'obligaziun d'haver quitau ch'ils obligai da sittar noda, sappien far quei cheu e da sez rugalar en las tabellas.
2. Priu si per "Caminfegher" Stoffel Pieder, ni siu quinau Hass per la pagaglia veglia da 17 cts. per tgamin ed ils gronds 23 cts.
3. Ei concediu a Gurdin Flepp la damonda dalla gruoba da scalegia egl **Uaul Nual**, cun schar luvrar treis onns suenter plascher. Da schar marcadar la suprastonza cun il sura mo per in ton il pei e puspei schar approbar la vischnaunca.
4. Concludiu da marcadar via il trer chis cun quels dils cavals, quei sur **Tschamut**, ed intercurir suenter, schebein la vischnaunca ha l'obligaziun da cargar il chis ni buc.

### **1889, ils 29 da settember**

Ei dalla radunada vischnaunca concludiu.

1. Da schar a scadin "sectionsscheff" la mesadad dalla laver cumina.
2. Da schar lartg ils tiers gronds igl 1. d'october, nuorsas e pors ils 4 d'october, dend neiv quels dis, ei schau sura alla suprastonza da vegnir avon cun las nuorsas.
3. Ei a Sep Antoni Deplazes, **Surrein**, schenghegiau igl arvè da duas cauras en consideraziun da duas piarsas.
4. Ei mess si per la scalegia digl **Uaul Nual** 15 raps il pei. Ad in vischin da vischnaunca, che vul far ora per siu diever, ei concediu per nuot.

### **1889, ils 17 da november**

Ha la radunada vischnaunca concludiu.

1. Da cun Daniev serrar il vegnir en cun tiers senza arvè, il qual ei schau sco igl onn vargau.
2. Nunvulend gerau Vigeli Berther entrar sco commember dalla cumissiun pauperila, ei Giachen Martin Berther vegnius elegius en quella.
3. Ei concediu a Gion Bistgaun Beer, fravi, sulom per sia mola sur mulin grond e zuar per pagament. Il sulom sut mulin, ch'era a sias uras daus mo provisiamein dalla ludeivla vischnaunca, duei vegnir naven e quei plaz resta libers.
4. Da trer si ina collecta da casa per casa en favur dils donnegiai vischins da **Tschamut** entras la tempiasta.
5. Resultat dalla votaziun federala sur la lescha da stumadira e concuors, ei stau 209 vuschs cun na e negin cun gie, tenor register fuss ei stau 211 votants.

## 1889, ils 24 da november

Ei radunau vischnaunca el liug solit e sedeliberau il suandont.

1. Han ins votau giu per la dumandada subvenziun cantunala en favur dalla viafier centrala, la quala ha giu il sequent resultat: 171 vuschs han concediu la subvenziun e 17 vuschs han snegau.
2. La lescha sur casegiliar han 90 vuschs votau pro e 49 contra.
3. Encunter la malsogna dalla zoppina che regia a **Reinsut** ei concludiu d'intercurir, schebein ins hagi il dretg da serrar encunter la malsogna; secundariamein tener enasi da **Nislas** las nuorsas.
4. Ei Josef Anton Lorez da **Selva** vegnius pladius nurser dalla stad per 26 cts. il tgau senza sal.
5. Ei Sep Florin Huonder numnaus "Fleischschauer" enstagl dil defunct Gion Battesta Peder.

## 1889, ils 3 da decembre

Ei concludiu il sequent:

1. Da tener en nuegl ils tiers manedels otg dis pervia dalla malsogna ch'ei rutta ora a **Mumpe** e quels che savessen esser stai en coneziun cun da quels.
2. Ei fatg da saver che mintga tier che vegn en nossa vischnaunca duei esser provedius cun bulletta e far ina curontina da diesch dis ora la **Tscheppa** en nuegl sur via, dumandaus per quei intent ed avon che vegnir denter auters tiers, dueien quels vegnir urentai. Scadin che cunterfa la sura ordinaziun duei tenor lescha vegnir castigiaus.
3. Ei fatg da saver ch'ils s.v. bos dueien vegnir urentai.

## 1889, ils 22 da decembre

Ei dalla radunada vischnaunca vegniu concludiu.

1. Da dar alla venerabla claustra entginas aissas, duas tochen treis per in, e mintga vischinadi metter ensemene quellas sper via.

2. Sco cautegias ellas alps da schetgs ein numnai:

Duri Deflorin per **Maighels**

Chrisost Berther per **Val Mila**

Rest Antoni Gieriet per **Val Strem**

Gion Andriu Berther per ils cavals.

## Igl onn 1890

### 1890, ils 8 da fevrier

1. Ei vegniu fatg da saver als radunai vischins il dumandau subsidi per ils donnegiai entras il barschament a **Cavardiras**, il qual ei concludiu da dar in subsidi da 50 frs. cun schar trer si gl'emprem en baselgia ed il muncond dar ord cassa da vischnaunca, bein aber remarcau, ch'ins duei far da saver al president da cumin, che tal subsidi vegni daus mo lura, sche nos vischins da **Tschamut** e Biarths vegnan era subsidiai ord autras vischnauncas dil cumin per era saver obtener enzatgei ord cassa d'agid.

2. Ei lu vegniu legiu avon l'ordinaziun da signur docter districtual ariguard la malsogna contagiusa scarlata cotschna dils affons e la serrada da quels.

### 1890, ils 2 da mars

Ei stau radunau vischnaunca en casa da scola nova e concludiu il suandont.

1. Ei vegniu votau per ils cussegliers dils cantuns cun il sequent resultat:

vegl cusseglier dils cantuns Peterelli 213 vuschs

vegl cusseglier dils cantuns Romedi 212 vuschs

cusseglier naziunal Raschein 1 vusch

2. A Giachen Antoni Berther, sesents a **Regensburg**, ei vegniu dau la garegiada demissiun sco burgheis da **Tujetsch**.

3. Ei vegniu concediu a Palys da **Medel** da vegnir en cun 25 mutgs sin noss'alp duront il temps da stad pagond sco gl'onn vargau.

4. Ei schau sura alla suprastonza da far in accord per schar barschar caltschina cun schar approbar la ludeivla vischnaunca.

5. Ei concludiu da schar vegnir sin nossa jarva cun entgins cavals, circa 20 cun ils nos, pagond

ils jasters, ultra da tuttas spesas; per puleins envernai in onn 15 frs., per quels sur in onn 20 frs. e cun pulein 25 frs.

6. Sin damonda da statalter regent per in schenghetg a siu client Gion Antoni Beer da quater dis lavur cumina ei concludiu da trer suenter quellas.

Conclusivamein ei legiu avon il resultat dallas lavurs cuminas cun fixar in termin da quendisch dis, da schar far quen mintgin e "cantelisar", sch'ei fuss enzatgi dil quen buca cuntents.

### 1890, ils 16 da mars

Ei stau radunau in mument ils vischins sin **Cadruvi** e concludiu.

Sin invitaziun da signur president da cumin da vuler tarmetter sin ils 20 da quest ina representanza da nossa vischnaunca a **Mustér** tier ina radunonza da delegai da tuttas vischnauncas da nies cumin per schar luvrar ora in petitum encunter ils tetgs dirs e libra pasculaziun, dar en in tal per far modificar las numnadas leschas, ei vegniu concludiu da tarmetter signur president Soliva.

### 1890, ils 27 d'avrel

Ei stau radunau vischnaunca el liug solit e concludiu.

1. Da refierer il far mundi cun ils tiers per questa jamna.

2. Ei concediu a marcadont Modest Berther da **Rabius** da schar vegnir en cun 10 - 15 mutgs sin noss'alp la stad, pagond sco ils Palys, sto aber reparter empau per mises quels tiers sch'el vegn avon cargar e sez procurar per els.

3. Ei vegniu fatg da saver che tgi che drovi lenna da classena duei sin ils 15 da matg haver dau en quella al "förster", la lenna da baghegiar duei esser dada en sin ils 20 da matg ad in ni l'auter commember digl obercheit cun haver fatg urentar las necessarias reparaturas. Suenter quels termins vegn ei dau lenna mo en in nunprovediu cass, ni sin donn e cuost da negligents particulars.

4. Ei fatg da saver ch'ei vegni sin ils 2 da matg, ni venderdis proxim da questa jamna, priu giu quen dallas raubas pias.

### 1890, ils 4 da matg

Radunau vischnaunca el liug solit e concludiu.

1. Da far mundi damaun cun ils s.v. tiers casa.

2. Ils auters tiers ei refretg entochen dumengia da fixar.

3. A Gheorg Luz da **Medel** ei concediu la dumandada almosna en consideraziun dil barschament da sia casa a **Gossau** egl importo da 15 frs.

4. Ei vegniu legiu giu in avisada da "Creisförster" Giesch.

1. Ariguard ina plontaziun sin igl **Uaul Niregl**.

2. Il tener ora ils tiers, principalmein las cauras ord igl uaul **S. Brida**. En cass da negligentscha stuessi el castigar.

En igl emprem cass ei rispondiu da vegnir suenter aschibein sco ins sappi. En il secund ei vegniu fatg da saver, che sche la vischnaunca vegni castigiada, vegni quella a sepigliar vid ils negligents vischinadis, ils quals hagien medemamein regress vid ils culpeivels particulars.

### 1890, ils 11 da matg

Ei dalla radunada vischnaunca el liug solit concludiu il sequent.

1. Da far mundi damaun, ils 12 da matg, cun las nuorsas e venderdis proxim, ils 16 da quest, cun las cauras.

2. Ariguard la fiera da **Sedrun** che croda uonn sin dumengia ei vegniu concludiu da dumandar igl ault ludeivel Cussegl Pign da schar tener sin ils 10 da zercladur, secundariamein da dumandar il sura, schebein ei vegnessi buca concediu a nus sco survigilader da nossa fiera, respectiv da nos tiers, nies vischin Josef Berther da **Mompe**.

3. Ei concediu ils sequents suloms:

1. A Stiaffen Schmed per in nuegl da sedisch armauls sper sia casa si **Salins** sin prau.

2. A possessurs da clavau nausch sisum il vitg **Sedrun** da ruchiar in tec las talina sin pastira, pagond.

Quels suloms ein concedi senza donn e pregiudezi d'in tierz.

### 1890, ils 26 da matg

Ei dalla radunada vischnaunca el liug solit concludiu.

1. Tuts tgamins ch'ein dil „caminfâgher“ vegni declarai per schliats e sin vischnaunca fatg enconuschent, dueien quest onn vegni rugalai.
2. Ei dil president dalla cumissiun da quens vegniu dau giu in clar ed exact rapport sur dils quens menai igl onn vargau. Silsuenter ei vegniu legiu giu il dau ora ed alla finala ein quels cun engraziament vegni approbabai.
3. Ei statalter Fidel Caveng danovamein vegnius confirmaus in onn sco statalter.
4. Ei fatg da saver che tuttas lavurs da „förster“, che quel sappi buca far sez persuls, duei vegniu dau luvrers da lavur cumina. Per consequenza vegn ei ord cassa da vischnaunca pagau neginas schurnadas.
5. Ariguard la zoppina che regia dapresent a **Segnas** ei concludiu da schar las nuorsas nua ch'ellas ein e metter si in „vacht“ ni dus sco ei fetschi basegns.
6. Muort la zoppina ei concludiu da per uonn buca tener nossa fiera.
7. Per leger ora la dertgira digl appellaz ei destinau che otg commembers della suprastonza dueien ira dumengia proxima a **Trun**. Sco suppleants ein fixai il novavel commember digl obercheit
  2. Paly Gion Antoni
  3. Jagmet Plazi
  4. Hans Giachen Decurtins
8. Sin damonda dil „standescassier“ ariguard il reveder nos cudasch da hipoteca, ei concludiu da schar reveder ils dus cudasch vegls. Quels dus ch'ein revedi 1864 entras docter Berther dueien restar il medem.
9. Per ils donnegiai da **Surcasti** entras il barschament dils 11 da matg ei concludiu da trer si ina collecta da casa per casa.
10. Ei concediu suloms a sequents particulars:
  1. Lezi Huonder e Gion Fidel Riedi per brattar giu sulom d'ina tegia a **Milez**.
  2. Frars Curschellas per far si ina baracca sil **Cuolm d'Ursera** mo provisoric.
  3. Lucas Caveng, **Rueras**, sulom per in puoz sin pastira giu **Suloms**.
  4. Paul Soliva da far inuegl ed ina zona da dudisch ord in uegl da schotg armauls.
11. Ei concediu a Plazi Jagmet da puder pascular cun siu stierl ch'el ha schon en, pagond il surpli da 3 frs.
12. A Modest Berther ei concediu da schar ora in mutg en combi d'in vadi piars, pagond per quel il surpli digl arvè dil vadi.
13. Ei concediu als vischins da **Tschamut** per igl onn d'uonn da tagliar si tschespets oragiu la **Paliu Darvun**.
14. Ei finalmein concludiu da schar a mintga scola obligatoria ina sort lenna da fiug cun ils paupers.

### 1890, ils 8 da zercladur

Ei a **Rueras** dalla radunada vischnaunca vegniu concludiu da retrer il „vacht“ ch'era tschentaus si si **Cuolm da Vi** encunter ils da **Segnas**, ch'eran pervia dalla zoppina serrai.

### 1890, ils 15 da zercladur

Ein ils vischins stai radunai in mument sin **Cadruvi** e concludiu.

1. Ei fatg da saver ch'ei vegni sonda proxima urentau tetgs e classenas.
2. Ei concludiu da schar vegni cun ils tiers jasters stai dumandai sin ils 20 da quest.
3. Ei schau sura alla ludeivla suprastonza da marcadar il tagliar ora las petgas ruttas suenter la via, sco era aunc outras, aschi bienmarcau sco pusseivel.

### 1890, ils 22 da zercladur

Ei el solit liug stau radunau vischnaunca e concludiu.

1. Duei vegni ulivau las alps s.Gions, ed a l'ina da miezdi duei esser dau en ils tiers als

respectivs cautegias.

2. Ei fatg da saver ch'ei vegni era uonn, sco auters onns, vendiu lennas derschidas ni mortas per ils uauls entuorn ed entschiet ils 30 da quest ora igl **Uaul Bugnei** e da leu vinavon.
3. Ei l'offerta da Duri Schmed e consorts da barschar caltschina per 6 frs. il salmè veginida refusada.
4. Ei concludiu da baghegiar ni reparar in fuorn ni l'auter da caltschina per in'autra gada saver barschar quella. La reparatura, ni il baghegiar il fuorn, va sin quen da vischnaunca. La crappa e lenna per ina caltgera duei era veginir pinada tier, aber sin quen dalla caltschina.
5. Ord raschun che meister mustregia Welingher ha guca vuliu veginir pli per il „vahrgheld“ da 5 frs. per ga e dumandau 10 frs. per cuorsa, ei quei veginiu concediu ad el ord cassa da vischnaunca cun las medemas obligaziuns sco avon.
6. Ei concediu a Vigeli Caveng da schar metter ina vacca che fa vadi la stad en **Pardatsch**.
7. A Gion Bistgaun Hez ei concediu a **Milez** per far ina zona encunter siu baghetg sin pastira pagond.
8. Ei finalmein dalla ludeivla suprastanza mess avon il petitum da Stiaffen Schmed e Hans Giachen Decurtins ariguard il puder pascular cun ses cavals primavera ed atun nua ch'ei plai. Suenter haver discussionau sur dalla caussa ei finalmein concludiu da star vid igl uorden ed en eventualas difficultads schar rispunder la suprastanza, seigi nua ch'ei vegli, cun dar tier a quella il necessari agid.

### **1890, ils 6 da fenadur**

Ha la radunada vischnaunca el solit liug concludiu.

1. Da refierer il cargar ad alp entochen dumengia proxima, ord raschun che la zoppina ei rutta ora a **Scharinas**.
2. Ei fixau che la ludeivla suprastanza cun tut ils cautegias dueien veginir ensemen sonda proxima per tschenttar si in modus co cargar ad alp per igl onn d'uonn.

### **1890, ils 13 da fenadur**

Radunau vischins el solit liug e concludiu.

1. D'acceptar il pareri da cargar ad alp ils tiers igl onn d'uonn sco la cumissiun ha quel luvrau e mess avon.
2. Cautegias ein numnai per **Tgom** Vigeli Caveng, per **Culmatsch** Gion Giger.
3. Ei concludiu da cargar ils tiers gronds sauns gievgia proxima.
4. Las nuorsas dueien veginir cargadas aschigleiti sco ellas ein sufficientamein stavladas e zavradas e zuar en las **Vals Curnera** u cun **Mut Sura** vitier.
5. Finalmein ei concludiu da far dar en oz ils tiers sauns per danovamein ulivar las alps.

### **1890, ils 3 d'uost**

Ei radunau vischnaunca a **Camischolas** e concludiu.

1. Ei ariguard la malsogna mess avon in telegram da veterinari cantunal, il qual vegin oz a far ina viseta a nus per mirar co fixar per ils tiers dalla malsogna. Cun quel duei la ludeivla suprastanza seconferir e s'entelgir ord raschun che per oz saveien nus far en quei nuot.
2. Ei schau il dretg als possessurs dallas stiarlas malsaunas a **Caschlè** da per oz veginir cun quellas giu **Tschuppina** en nuegl, damaun vegin il veterinari cantunal a fixar nua far ira cun quellas.
3. Sin petizion d'entgins pursanavels da **Val Giuv**, da puder segar leu empau fein el **Cuolm Ault**, per dar a ses tiers malsauns, ei quei ad els buca veginiu snegau.

### **1890, ils 10 d'uost**

Ha la ludeivla suprastanza radunau ils signurs vischins in mument a **Rueras** e mess avon.

1. L'ordinaziun da veterinari cantunal ariguard la zoppina.
2. Ei finalmein concludiu d'ira cun las nuorsas sin la **Puzza** cun lubientscha dil signur docter.

### **1890, ils 17 d'uost**

Ei la ludeivla vischnaunca stada radunada sin **Cadruvi** e mess avon.

1. Danovamein in'ordinaziun da „Weterinärseczion“ che scamonda rigurus scadin ira vi e neu cun tiers infectai ni prigulus dalla zoppina.
2. Ei concludiu da dar si negin gidonter per pertgirar las nuorsas, sche quellas sesanflan aunc saunas, suenter esser urentadas da Giusep Berther da **Mompe**.

### **1890, ils 25 d'uost**

Ei dalla radunada vischnaunca en casa da scola vegniu concludiu:

1. Da tarmetter in signur gerau a **Mustér** tier docter Berther per entras quel, supplicar e garegiar in veterinari sil plaz. Cun quel duei in signur gerau cun in ni dus umens da **Val Val** ed ual tons da **Val Giuv** ir e mussar nossa situaziun e lura dumandar da schar serasar nos tiers per saver segidar e sevientar cun adina haver en egl da suprimer la malsogna.
2. Ei concludiu da scumandar il cavar ragischs d'ansauna a **Maighels** per aschiditg sco ils s.v. mutgs ein leu, per buca runar la malsogna.

### **1890, ils 31 d'uost**

Ei radunau in mument la vischnaunca el liug solit e mess avon:

1. L'ordinaziun da signur veterinari cantunal Iseponi, aschibein sur ils tiers ch'ins ha saviu entscheiver la curontina, sco era sur quels ch'ein danovamein infectai.
2. Ei concediu a Giachen Antoni Paly ed a Gion Antoni Deragisch la damonda da garanzia visavi il cantun per saver far lur studis a **Cuera** el seminari scolastic, cun la cundiziun che quels giuvens dettien neu alla vischnaunca ina sufficienta segironza.

### **1890, ils 28 da settember**

Ei el solit liug dalla radunada vischnaunca vegniu concludiu da schar lartg ils tiers gronds venderdis proxim, ils 3 d'october, ils s.v. tiers casa, ils 6 da quest. Las nuorsas aber otg dis suenter fagend l'aura, cass cuntrari schar sura alla suprastanza, era da schar vegnir avon ellas.

### **1890, ils 26 d'october**

Ei el solit liug radunau vischnaunca e concludiu.

1. Ein ils cussegliers naziunals vegni legi ora cun il sequent resultat:  

cusseglier naziunal Anton Schmed cun	219 vuschs
cusseglier naziunal dr. Casper Decurtins	212 vuschs
cusseglier naziunal Steinhäuser	2 vuschs
cusseglier naziunal Toggenburg	1 vusch
2. Per la lescha d'assicuranza encunter disgrazias e malsognas ha giu: 34 vuschs acceptontas e 183 vuschs han refusau.
3. Ei concediu a Vigeli Biarth la necessaria lenna per baghegiar sia casa e clavau barschau giu e zuar gratis.
4. Conclusiv ei schenghegiau igl arvè da treis cauras a Gion Antoni Monn, **Surrein**.

### **1890, ils 9 da november**

1. Ei stau radunau vischnaunca el liug solit e vegniu votau giu sur treis pugns da recapitulaziun cun il sequent resultat:
  1. Pugn ariguard il regulativ dallas vischnauncas politicas visavi las fracziuns ha giu pro negins, contra 141 vusch.
  2. Pugn ariguard la procedura penala denter ils cerchels ed il cantun, quella ha giu pro negin, contra 128 vuschs.
  3. Pugn ariguard il menar ils registers sur dils beins schischents, pro negin, contra 126 vuschs.
2. Ariguard ils arvès ei concludiu d'entscheiver cun quels il marcau november dils 16 e dil reminent star digl uorden dils davos onns vargai. Quel conceda da vegnir en cun quater tiers per fiug, pagond la stipulada taxa e brattar giu in tier inagada dalla medema specia en termin d'in meins senza arvè.
3. Ei concediu a president Soliva sulom per ina tegia si **Cungieri** sin pastira.
4. Conclusiv ei concludiu da far dar en la caltschina el termin da quendisch dis a statalter regent ed a Josef Florin Huonder per mirar co ins savess vegnir tier in intent.

## 1890, ils 26 da december

Ei el solit liug vegniu radunau vischnaunca e concludiu:

1. Ei Emanuel Deragisch vegnius pladius nurser per la stad per 26 cts il tgau senza sal.
2. Ei vegniu numnau sequents cautegias:

<b>Maighels</b>	Plazi Jagmet
<b>Mila</b>	Giachen Antoni Wenzin
<b>Strem</b>	Gion Andriu Monn
cavals	Gion Andriu Berther

3. Sin damonda da Giachen Jos. Jagmet per in subsidi per emigrar cun sia famiglia da tschun affons pigns en l'**America** ei a quel vegniu concediu 100 frs. en consideraziun ch'ins stuessi cheu sustener quella famiglia entras la cumissiun pauperila ni la beneficenza aunc biars onns.
4. Ei igl accord cun „Caminfâgher“ Hass vegnius acceptaus cun la remarca che tgamins da pli gronda breigia ch'igl ordinari, dueien ensemes pagar il surpli dil „vartgeld“ che la vischnaunca sto dar ad el las empremas treis cuorsas.

Igl accord ei: l'emprema gada 10 frs. „vartgeld“, duas outras gadas 7 frs. per ga, suenter mintga ga 4 frs. per ga; dapli 20 cts. per scadin tgamin pign ed ils gronds 30 cts.

5. Ariguard la caltschina ei schau sura a signur Gion Paul Berther ed a Vigeli Biarth (essend quels ch'han en la biara) da cun ils auters particulars che drovan tala, haver quitau ni serugalar sco ei anflan per bien. La lenna vegn la vischnaunca a dar perquei intent sco auters onns, la reparatura dil fuorn paga la vischnaunca sco concludiu.

## Igl onn 1891

### 1891, ils 15 da mars,

Ei la ludeivla vischnaunca stada radunada el liug ordinari ed igl ei vegniu tractau:

1. Vegniu votau giu sur dalla lescha da pensiun cun il sequent resultat:

pro: negin, refusau han 208 vuschs

2. Ei il plan per la plontaziun digl uaul sur **Selva**, da signur president, vegnius mess avon alla ludeivla vischnaunca. Quella ha suenter haver ponderau la caussa, enviau quella tier ina cumissiun speciala, per aunc ina gada dar giu in pareri da quellas varts alla vischnaunca, ed era contractar enqual caussa en interess da quella, seigi per pertgirar ora ils tiers ni per l'expropriaziun dil prau, che seigi vegnius cumpraus ora.

En quella cumissiun ein elegi ils signurs geraus en uffeci: statalter Peder e statalter Fidel Wenzin a **Selva**, signur gerau Cristian Muggli e signur Josef Lorenz Wenzin a **Rueras**, gerau Wigeli Berther e statalter Gion Paul Berther a **Camischolas**, "Forster" Schmed e Stiafen Beer cun gerau Gion Battesta Monn.

3. Ei concludiu da prender si tiers sin nossas alps la stad e zuar cavals sco il davos onn, partenent igl arvè, diember 10 - 12 tocs, dapli genetschas e stiarlas. Igl arvè ei schau sura alla suprastanza da quintar sco ils davos onns ni era dapli. Il diember duei vegnir prius si 10 - 15 tocs per val ni caschada. Per buca surcargar las alps, duei vegnir priu quen mo tiers en vischnaunca che vegnan cargai approximativ, sinaquei ch'ei vegni buca priu si dapli che stagiau. Ils cauvitgs dueien prender si ils tiers da lur vischinadis e dar en quei sin ils 20 da quest alla suprastanza.

4. Conclusiv ei concediu a Giachen Antoni Wenzin a **Rueras** da brattar giu sulom d'in faner sin **Giuv** sin prau.

### 1891, ils 10 da matg

Ei stau radunau vischnaunca a **S. Antoni** e concludiu:

1. Da far mundi ils s.v. tiers casa mesjamna proxima, che fuss ils 15 da quest, las nuorsas sonda e las cauras otg dis suenter.
2. Arisguard la plontaziun digl uaul en sur **Selva**, ei il plan vegnius approbaus en quei senn, che la suprastanza duei encuir da far midar giu il plan, cun desister da far plantar igl uaul miez e perencunter sch'ei stoppi esser, ruchegiar anen, ch'ei seigi pli avantagius per schierm dil vitg **Selva**.
3. Ei concludiu da far las lavurs preparativas per ils mirs entras lavour cumina, ils mirs sezs denton entras ils miradurs u en schurnada ni accord.

4. Arisguard ils suloms novs sin pastira, il far pagar per quels, ei concludiu da star vid igl uorden staus stabilius da quellas varts, e far pagar quels ch'ein ils davos onns dai sperasgiu.
5. Sin damonda d'entgins vischins da **Sedrun** da far metter neu leu in secund scolast ei quella tscharna restada en minoritad, manegiond ch'ei seschassi levgiar quella scola cun entgina buna veglia sin in'autra moda.
6. Ei concediu suloms:  
a Duri Berther a **Zarcuns** per ina talina da lenna sin prau,  
a Gion Bistgaun Hetz da far in faner sin prau, perencunter ceder il sulom dil baghetg, staus da Venzinas a **Milez**.
7. Conclusivamein ei concludiu da dar 10 francs a quel che porta tgisa encunter quel che ha derschii ord il mir ils paricarrs ora **Camischolas** la sera da cumin.

### **1891, ils 18 da matg**

Ei el solit liug vegniu radunau vischnaunca e tractau il suandont:

1. Ei dalla cumissiun da quens vegniu dau in clar rapport sur dils quens da vischnaunca menai da statalter Giachen Fidel Caveng, e quels ein, suenter esser vegni legiu giu il dau ora, cun engraziamenti vegni approbai.
2. Ei igl uorden da lavour cumina vegnius midaus giu en quei senn, ch'il tierz gerau duei adina cumandar, controllar e menar ils quens da quellas varts sco entochen ussa. Quel retila dalla vischnaunca ina paga fixa da 60 francs per onn enstagl da sia schurnada da 3 francs. Lavurs da buca memia gronda muntada, duei el haver il dretg e l'obligaziun da metter, cura ch'el camonda quellas, in survigilader al qual tuts luvrers ch'ein sin la lavour han d'obedir e suandar sco ad el. Quei survigilader ha la schurnada sco ils auters, ha denton l'obligaziun da survigilar e dar enta maun la lavour, controllar e dar rapport al tierz gerau.
3. Suenter che la ludeivla suprastonza, sco era tuttas outras cumissiuns, han giu admess lur uffecis els mauns d'ina ludeivla vischnaunca, ha quella turnau a confirmar danovamein per dus onns, ton la suprastonza sco las cumissiuns, priu ora cusseglier Felici Monn, il qual nunvulend far pli, ei mess enstagl da quel Duri Berther.
4. Ei dalla suprastonza vegniu fatg da saver che tgi che drovi lennas da baghegiar, duei far suenter e dar en sin il Sontgilcrest, ni ils 28 da quest
5. Ei schenghegiau ad Emanuel Deragisch la mesadad dil fein jester.
6. Vesend la ludeivla suprastonza che cun il present tener casa vegni quella anavos en sias finanzas, ha ella proponiu ina cumissiun per schar intercurir nua ei seschassi spargnar ni sin tgei moda ins vegli taxar la gudida dils beins communals, e lura metter avon alla ludeivla vischnaunca in pareri da quellas varts. En quella cumissiun ein elegi: ils treis signurs geraus en uffeci, signur gerau Cristian Muggli, omisdus, gerau Vigeli Berther, signur Stiafen Beer, gerau Gion Battesta Monn, signur Gion Paul Berther, signur Luis Hendrich *Hendry* e signur statalter Fidel Venzin.

### **1891, ils 7 da zercladur**

Ei la ludeivla vischnaunca stada radunada in mument a **Zarcuns** ed igl ei vegniu fatg da saver:

1. Che uonn duei tutta lenna da diever vegnir miserada tenor ordinaziun dil bostger circuital e duei vegnir quintau suenter mesira e buca suenter plonta. In lenn d'aissas els uauls cumins ei quintau mesira normala 50'. Ei la taxa da quei lenn 2 francs sche vegn ei quintau 4 cts. il pei, ei la taxa 5 francs porta ei 10 cts. il pei.
  2. Nunvulend spazzatgamin Hass finir sia lavour, essend el uss malsauns, ei schau sura a signur president da mirar per in auter che fineschi quella, ed era sin igl avegnir.
  3. Ei fatg da saver che tgi che hagi da ver lenna sin la vischnaunca dueigi en otg dis far da saver quei al tierz gerau.
  4. Conclusivamein ei concediu a Fluri da **Segnas** da schar vegnir en la stad cun ina genetscha, dus stiarls e duas stiarlas sin nossa jarva.  
Legiu giu ed approbau ils 5 da fenadur.
- Remarca: Nunvulend Augustin Riedi funcziunar pli sco cusseglier da scola ei enstagl da quel vegniu mess Vigeli Venzin.

## 1891, ils 5 da fenadur

Ei stau radunau vischnaunca el liug ordinari ed igl ei:

1. Vegniu votau giu sur la lescha d'iniziativa cun 209 vuschs gie e neginas na.
2. Ei vegniu fatg da saver che la lenna da fiug ora si la **Val Crest la Metga** duei uss vegnir resgiada ora e mess ensemens.
3. Ei concludiu da cargar las nuorsas ils 9 da quest cun zavrare quellas il di avon e metter si 2 francs castitg per tgi che zavri buc elllas, las diesch avonmiezdi a **Plaun Miez** e las duas suentermiezdzi a **Valtgeva**.
4. Ei concludiu da tarmetter president Soliva sin il **Cuolm d'Ursera** per schar verificar ils tiarms denter nies cantun e vischnaunca e quella d'**Ursera**.
5. Ei concludiu da vender enzatgei lenna derschida ni morta per ils uauls entuorn.
6. Finalmein ei concediu ad Adolf Cavegn da tener treis vaccas a casa la stad ed a Vigeli Caveng da tener ina vacca a **Pardatsch** cun ils vadials.

## 1891, ils 12 fenadur

Ha la radunada vischnaunca el liug ordinari concludiu:

1. Da cargar ad alp ils tiers gronds, mardis, ils 14 da quest, ils schetgs e mesjamna las vaccas.
2. Ei concludiu da dar alla Confederaziun il terren per construir in toc via ora sil crest sut ils trutgs dallas **Puzzas dil Lag**.

## 1891, ils 20 da settember

Ei la ludeivla vischnaunca stada radunada el liug solit e concludiu:

1. Sin damonda dil starler da **Mila** da puder ira cun las stiarlas a **Surpalits** ei quei ad el vegniu concediu.
2. Essend che croda uonn puspei igl inventari per dar en il cadaster per il cantun eis ei concludiu da far nos funs en treis classas e taxar sco suonda:

Praus grass buns	I.cl.	1.60 frs.
	II.cl.	1.10 frs.
	III.cl.	-.60 frs.
Praus maghers	I.cl.	15 frs. il blah
	II.cl.	10 frs. il blah
	III.cl.	5 frs. il blah

3. Conclusiv ei schau sura alla suprastanza da contrahar cun quels dils cavals da schar trer il chis sil cuolm.

## 1891, ils 4 d'october

En il liug ordinari ei concludiu il suandont:

1. Ei concediu per la casa barschada a **Breil** 10 francs subsidi ord cassa da vischnaunca.
2. Ei concludiu da descargar ils tiers gronds mesjamna proxima sche l'aura ei stada favoreivla ch'ins ha saviu rischlar si las stublas, ils s.v. tiers casa sonda proxima cun la medema condiziun sin l'aura, las nuorsas gliendisdis ils 12 da quest. Smanatschass ei neiv, ei schau sura alla ludeivla suprastanza da schar vegnir cun elllas avon.
3. Ei fatg attents ch'ei seigi scumandau da pascular cun bos per ils praus entuorn il temps d'atun sco ei vegn presentamein surfatg.
4. Conclusiv ei schau sura alla suprastanza da schenghegiar enzatgei digl arvè d'in cavagl a Josef Antoni Balzart.

## 1891, ils 11 october

Ei la ludeivla vischnaunca stada radunada in mument a **Rueras** e concludiu:

1. Da far ina curontina d'otg dis cun ils tiers ch'ein vegni la fiera si da **Trun**, seigien stai sin fiera ni buc.
2. Arisguard il recuors da Gion Antoni Schmed e consorts ei schau sura alla ludeivla suprastanza da rispunder.

## 1891, ils 18 d'october

Ha la radunada vischnaunca el liug ordinari

1. danovamein approbau il project per la plontaziun digl uaul en sur **Selva**.
2. Ei concludiu d'oz ni damaun trer si ina collecta da casa per casa per ils donnegiai entras il barschament a **Ladir**.
3. Ei il niev pareri luvraus ora dalla numnada cumissiun dils 18 da matg onn current, ariguard spargnar en nies tenercasa communal ni in'augmentaziun per la gudida dils beins generals, vegnius approbaus, priu ora en dus puncts. Il respectiv uorden ni pareri ei da ver en igl archiv da vischnaunca.
4. Ei concludiu da serrar tuttas lennas giudem il **Run** encunter ils plauns **Sedrun**, per temps nondeterminau, priu ora tortas da nuar si glin.
5. La votaziun per il monopol da notasbanca ha giu sequent resultat: gie 24 vuschs e na 179 vuschs. La lescha da dazi ha giu pro 186 vuschs e refusau han 12 vuschs.

## 1891, ils 25 d'october

Ei la vischnaunca vegnida radunada el liug solit e concludiu:

1. Da schar exister la scola da **Camischolas** leu vinavon per adina sco entochen uss, sut la cundiziun ch'ils affons da quella, che gaudan negina almosna, paghien en cassa da vischnaunca annualmein 5 francs, aschiditg sco quella scola vegn buca frequentada da 14 affons. Da leu naven han els gratis la scola. Medemamein ei concediu a **Sedrun** dus scolasts.
2. Conclusiv ei concludiu da far pagar taglia da vischnaunca stiarls e stiarlas ch'ein stai en nuegl la stad avon, sco ils auters tiers dalla medema specia.

## 1891, ils 8 da november

ha la radunada vischnaunca el liug solit giu da votar giu sur dils sequents dus pugns da recapitulaziun:

1. La revisiun dalla lescha criminala che ha giu 138 vuschs pro e contra negin.
2. La lescha per gl'alzament dalla paga da scolasts ha giu pro 4 vuschs, encunter 127 vuschs.

## 1891, ils 6 da december

Ha la radunada vischnaunca el liug solit concludiu il suandont:

1. Ei vegniu votau giu sur la lescha da vuler cumprar giu entras la Confederaziun las aczias dalla viafier centrala. Quella ha giu pro negin ed encounter 212 vuschs.
2. Ei sin damonda da Thomas Schmed, satler, concediu ad el sulom per far si ina hetta per far ustria sil **Cuolm d'Ursera**, cun la cundiziun, che sch'el vegli schar si quella, sche stoppi el suenter dus onns turnar a dumandar.
3. Ha la vischnaunca unitamein concediu il patrimonium al giuven Giachen Antoni Gieriet, domiciliaus a **Schlans**, dapresent student dalla teologia el seminari a s. Leci.
4. Ei concludiu da dar a spazzatgamin Pieder Stoffel per schubergiar ils tgamins 3 francs daner da spetga, 17 cts. per schubergiar scadin tgamin pign ed ils gronds 30 cts.
5. Ei danovamein concludiu da far la crappa e cavar il sulom dils mirs dalla plontaziun sin **Rosas** entras lavur cumina. Il far ils mirs sezs ei concludiu da surdar a Giusep Prumeni per il prezi da 3.20 francs il meter cubic.
6. Ei concludiu da prender si genetschas sin nossas alps la stad e zuar per in arvè da 18 francs l'ina, da schar vegnir quellas aschigleiti sco pusseivel sin la jarva ch'ei dada ora sin las pastiras la primavera, circa ils 18 ni 20 da zercladur. Las ordinarias spesas da pasturs e mirar tier la primavera, dueigi la vischnaunca supreender. Per survegnir il necessari diember dueien ins gia ussa scriver ora en gassetas da **S. Gagl ni Appenzel**. Il diember duei vegnir setenius vid la stagiada dallas alps.
7. Conclusiv ei fatg da saver, che tgi che drovi caltschina per igl onn futur, duei dar en quella, dador il **Dutg Grond** a Josef Florin Huonder e dadens a statalter regent.

Remarca: Protocol dils 25 d'october, nua ch'ei retracta da schar exister la scola da **Camischolas**, leu ha il plaid "per adina" buca vuliu vegnir approbaus. Essend denton il cuntegn digl entir passus, che ha buca saviu vegnir snegaus, di era senza quei plaid, che la scola duei exister leu aschiditg sco igl ei affons a **Camischolas**, seigi lura biars ni paucs, sche secrei il suittascret ch'el

hagi giu il dretg da duvrar quei plaid, era ord motiv che quei vischinadi ei mai staus senza affons e vegn speronza mai a vegnir - e surlai ruasseivlamein a scadin che legia quest protocol, senza simpatia - da giudicar sur quel.

### Igl onn 1892

#### 1892, ils 21 da fevrer

La radunanza ei vegnida tenida el liug usitau ed igl ei vegniu concludiu il suandont:

Sin damonda da Stiafen Schmed, bostger, per ina paga fixa da 350 francs ad onn per sias lavurs ordinarias da bostger, ei buca vegniu concediu.

Concludiu da metter si negina taxa sin la crappa scalegl per ils vischins da vischnaunca che vulan per agen diever.

Decidiu da metter neu in iert da plontaziun d'uaul e schau sura alla suprastonza cun il bostger nua ch'igl ei il meglier.

Concludiu da schar a tscheins ina combra en casa da scola nova a feglia da Giachen Venzin e schau sura alla suprastonza da vegnir perina.

Emanuel Deragisch ei vegnius pladius nurser da stad per 26 raps il toc, senza sal, quel sco ordinari.

Ils suandonts umens ein vegni numnai cautegias per las alps da schetgs:

a Maighels: Giusep Flurin Huonder

a Strem: Giachen Giusep Deflorin

a Mila: Giusep Loretz, Rueras

alp da cavals: Crest Antoni Gieriet

Concediu sulom per in pistregn enasi il **Drun** a gerau Vigeli Berther, **Sedrun**.

Plinavon ei vegniu clamau da dar en caltschina als avon numnai.

#### 1892, ils 13 da mars

Ei la ludeivla vischnaunca stada radunada el liug ordinau e concludiu:

Margheta Cristgina Schmed ei vegnida prida si per spindrera sut las suandontas cundiziuns: curonta francs daner da spetga ad onn, 5 francs per pigliola, 2.50 francs cura ch'ella sto aunc haver agid dil miedi.

Sche las sura cundiziuns vegnan ademplidas, ha signur president era empermess, da sustener aschi lunsch sco ei stat en sia pussonza.

Sin damonda da signur Sidler *Francesg*, beneficiat a **Selva**, per il dretg da burgheis en nossa vischnaunca, ei quella vegnida refretga ed enviada ad ina cumissiun speciala, consistenta ord ils treis signurs geraus en uffeci, gerau Cristian Muggli e gerau Vigeli Berther per schar dar rapport da quellas varts.

Ei concludiu da prender si genetschas per la stad en nossas alps e fixau in arvè da 18 francs l'ina senza spesas, stiarlas per 15 francs l'ina e cavals sut in onn per 15 francs e sur in onn per 20 francs e cun pulein 25 francs, mo arvè e la spesa vegnan aunc vitier. Quei duei vegnir secret ora en la Gasetta Romontscha. Quels tiers dueien vegnir mess empau per liug la primavera. Per ils cavals duei il cautegia haver quitau e per ils auters tiers dueien statalter regent e Hans Giachen Decurtins mirar ch'enzaghi miri tier e metter empau per liug.

La votaziun per cussegliers dils stans ha giu sequent resultat:

cusseglier guvernativ Placi Plattner 211 vuschs

cusseglier naziunal Raschein 1 vusch

#### 1892, ils 10 d'avrel

Ei sin petiziun da 38 vischins dalla vischnaunca da **Tujetsch** vegniu radunau quella el liug solit e concludiu:

Ch'ils affons dalla scola da **Camischolas** stoppien vegnir a **Sedrun** e frequentar quella. Vesend Thomas Berther, ch'ei seigi per el buca pli cunvegnent da star vinavon sin sia posta sco gerau, ha el admess la plazza anavos els mauns d'ina ludeivla vischnaunca, essend ch'el sco vischin da **Camischolas** hagi l'obligaziun da sustener la scola leu e cunvegni ad in um da honur buca da survir a dus patruns.

Sura protocol concepius da signur Tumaisch Berther ei legius avon dad Anselm Capeder ils 24 da zercladur 1892 ed ei aunc buca acceptaus a raschun dalla remarca finala dend giu la declaronza ch'ei seigi vegniu mess si profils per construir in baghetg a **Milez ell'Alp Tschamut**. En cass dalla erecziun dil baghetg vegnessi la vischnaunca a far ses pass.

Ha la vischnaunca priu si sco bostger Stiafen Schmed e fixau ad el ina paga da 60 francs daner da spetga; 4 francs per di per tuttas lavurs ordinarias e per las lavurs a **Greps**, uaul da **Rosas** 4.50 francs per di.

Ei concludiu da prender si per tscheins in toc prau da Gion Antoni Curschellas ora la **Val Bugnei** per far ordlunder in iert forestal; el medem temps duei vegnir fixau il prezi da cumpria pil cass, che la vischnaunca less in di ni l'auter cumprar giu quei iert.

Ei vegniu purtau avon ina damonda dils vischins da **Selva** da far la lenna a lur caplon. Per intercurir e predelibear la vertenta questiun, ha la vischnaunca elegiu ina cumissiun ord ils signurs: Duri Venzin, Cristian Muggli, assistent Schmet ed ils geraus en uffeci. A **Selva** e **Tschamut** ei surschau da tarmetter tgi ch'ei plai.

Ei vegniu legiu giu il recuors dils vischins da **Camischolas** e **Zarcuns** encunter la vischnaunca pervia da sia scola. Per rispunder a quei recuors ei tratg ora ina cumissiun consistenta ord ils signurs geraus en uffeci, Cristian Muggli, Anselm Capeder e Stiafen Beer.

Ei concludiu da schar vegnir il meister-mustregia aunc inaga il meins d'uost. Ils particulars che drovan ston pagar sez il daner da spetga.

A Hans Giachen Caduff ei concediu da trer grad in mir a **Suloms, Rueras**.

Ei concediu da schar vegnir en Battesta Valier cun ina mugia per igl arvè ordinari en campi dil cavagl ch'el ha piars.

## 1892, ils 15 matg

Ei stau radunau vischnaunca el liug solit e priu ils suandonts conclus:

Ei fatg mundi las nuorsas mesjamna, ils 18 da quest e las cauras gliendisdis ils 23 da quest.

Sin damonda da gerau Vigeli Berther da **Sedrun** ei concediu ad el, bonifcond, da ruchegiar vi encunter il rieven il mir giu el **Drun** per far quel pli stabels.

Ei concediu ils suandonts suloms:

- a) a Gion Rest Riedi da ruchegiar circa in bratsch sia talina davos casa,
- b) a Giachen Adelgot Monn da turnar a far si in chischner da dus posts el vitg da **Rueras**, il qual era pli baul a **Mila**,
- c) a Giachen Antoni Schmed da **Cavorgia** da ruchiar per in ed in miez bratsch siu baghetg el vitg **Cavorgia**.

## 1892 ils 6 da zercladur

Ei stau radunau vischnaunca el liug solit e priu sequentas conclusiuns:

Duei la cumissiun pauperila cun ils geraus reveder igl uorden dallas pastiras dils paupers e tschentar si in regulativ per prevegnir al hanlegiar vi e neu cun pastiras dils paupers.

Per stagiar ora las pastiras tenor conclus prius pli baul ein elegi ils suandonts:

per <b>Bugnei</b> :	Tumaisch Curschellas e Vigeli Deragisch
per <b>Sedrun</b> :	Placi Jacomet e Gion Antoni Schmed
per <b>Camischolas</b> :	Gion Paul Berther e gerau Tumaisch Berther
per <b>Rueras</b> :	Cristian Muggli e gerau Gion Antoni Berther
per <b>Selva</b> :	statalter Fidel Venzin e Vigeli Peder
da <b>Maun Sut</b> :	statalter Leci Jacomet e Luis Hendry

Ei mess cautegia per l'alp da cavals Giachen Antoni Venzin.

Per mirar da vegnir perina cun ils vischin da **Selva** e **Tschamut** ei concludiu da turnar a vegnir ensemble la cumissiun veglia cun aunc trer tier gerau Vigeli Berther da **Camischolas**, Gion Paul Berther, statalter Sep Lurenz Venzin e statalter Giachen Fidel Cavegn. Fixau da vegnir ensemble dumengia proxima.

Ei concludiu da dar ora la lenna da fiug sillla **Val Bugnei**, era als paupers sin via d'uaul, priu ora als da **Selva** e da **Maun Sut**.

Arisguard las lavurs da **Greps/Rusas** ei concludiu da metter si pli bia miradurs. Dapli duei vegnir fixau in um per la survigilonza.

En plazza da demissiunont signur gerau Tumaisch Berther ei elegiu sco secund gerau Anselm Capeder.

A Battesta Valier ei concediu da vegnir en cun ina mugia ed ina vacca pagond il surpli arvè. Ha la cumissiun da quens dau giu siu rapport sur dil quen da vischnaunca, il qual ei allura vegnius approbaus unanimamein. Plinavon ei il signur statalter Giachen Fidel Cavegn vegnius confirmaus unitamein.

Ei vegniu legiu ora in avis digl ault ludeivel Cussegl Pign ariguard la tgisa dada en ch'egl uaul da **s. Brida e Rusas** vegni buca teniu ora las cauras e garegiau dalla vischnaunca ina risposta. Gerau Gion Antoni Berther propona alla vischnaunca da luvrar ora in meglier uorden da quellas varts.

### 1892, ils 16 da zercladur

Ein ils vischins stai seradunai el liug solit nua che la suprastanza fa da saver:

Che mardis proxim, ils 21 da zercladur, vegni il bostger ad entscheiver a dar ora las sorts da fiug en moda da "Durchforstung" egl uaul **Bugnei** tenor conclusiuns pridas pli baul.

Fa il presidi attents ch'ei seigi ussa treis miradurs a **Greps/Rusas** e che mintgin che vegni visaus tier quella lavur cumina hagi da vegnir. Vulend negin surprender la survigilonza da quella lavur, sch'ei quella caussa surschada alla suprastanza.

Conclusivamein fa la suprastanza aunc attents, che tgi che vegli buca prender la sort da fiug, hagi da far da saver quei ad ella tochen dumengia ils 19 da quest.

### 1892, ils 24 da zercladur

Ei stau radunau vischnaunca e priu ils suandonts conclus:

Fa il president attents, ch'ei vegni suenter viaspes ulivau las alps. Ins duei perquei tochen lu haver dau en ils tiers.

Ha la vischnaunca elegiu sco statalter signur Leci Jacomet da **Surrein**.

Ha il secund gerau legiu avon l'entelgentscha denter la vischnaunca ed ils vischinadis da **Selva** e **Tschamut**. Suenter cuorta discussiun ei sura entelgentscha vegnida acceptada dalla vischnaunca senza opposiziun e zuar talis e qualis sco ell'era scretta, sulet cun aunc metter vitier in'annexa da signur gerau Gion Battesta Monn: lenna da barschar dil caplon e buca mo lenna dil caplon. L'entelgentscha duei aunc vegnir legida avon inagada alla vischnaunca e messa egl archiv.

A Sep Antoni Gamboni ei concediu da ruchiar siu baghetg a **Sedrun** sper casa, bonificond tenor usit da vischnaunca.

### 1892, ils 3 da fenadur

Ei la vischnaunca stada radunada el liug solit e concludiu:

Da schar vegnir en il Pally da **Medel** cun duas genetschas per 28 francs e metter sil **Tgom**; spesas extraordinarias duront neivs etc. sto il proprietari dils tiers sez purtar.

Ei concludiu da cargar las nuorsas mardis proxim, ils 5 da quest, ils schetgs e las vaccas venderdis e sonda, ils 8 e 9 da fenadur.

Plinavon fa la suprastanza aunc attents, che mintga alp stetti cun ses tiers sil siu. Cunterfagends vegnan censurai. Perquei dueien era las **Bostgas** da **Val Giuv** vegnir terminadas ed ei surschau da far quei a gerau Vigeli Berther da **Sedrun** e gerau Vigeli Berther da **Camischolas**.

### 1892, ils 14 d'uost

Ei vegniu radunau vischnaunca a **Rueras** el liug solit e concludiu:

Ei il gerau militar signur Gion Andriu Berther, giuven, vegnius confirmaus per il proxim trienni sut las cundiziuns veglias.

Garegian ils pursanavels da **Culmatsch**, che la vischnaunca fetschi las canals e meini ora da lavur cumina l'aua en detga alp, essend quell'aua absolut necessaria. Ins fetschi semegliontas lavurs era en outras alps. D'autras varts eis ei vegniu pretendiu, che quella aua seigi buca absolut necessaria, ins vegni maneivel atras cull'aua dil pulstaun. Era eis ei vegniu selamentau, ch'ins vegli metter a dies alla vischnaunca tuttas pusseivlas grevezias. Sin quei suonda viva

discussiun. Cun considereivel pli ha allura la vischnaunca tschunca giu la damonda dils pursanavels da **Culmatsch**.

Cun la medema tscharna ha la vischnaunca snegau da far piogns aunc buca existents en las differentas vals.

### 1892, ils 28 d'uost

Ei la vischnaunca vegnida radunada el liug solit ed ha concludiu il sequent:

Ha il signur president en in liung votum encuretg da mussar si, ch'il conclus prius sut ils 14 d'uost a **Rueras** pervia dallas canals da **Culmatsch**, seigi staus anticipaus e buca bein ponderaus ed el cussegli da midar, era per evitare dispetas e malemerneivladads. Suenter haver tedlau ils differents meinis, ha la vischnaunca concludiu sco suonda:

- a) La vischnaunca tegn sidretg il conclus prius a **Rueras** arisguard il principi e pervia dallas consequenzas che pudessan nescher ordlunder.
- b) Enconuschent aber la vischnaunca, che las canals seigien uonn stadas necessarias, sche ha ella concludiu als pursanavels da **Culmatsch** lavour cumina da vischnaunca per ils dis ch'els han impundiu uonn vid quellas canals.

Conclusivamein ha il tierz gerau, signur Gion Antoni Berther, remess siu uffeci en mauns d'ina ludeivla vischnaunca.

### 1892, ils 2 d'october

Ei la vischnaunca vegnida radunada el liug solit.

Suenter entginas remarcas generalas ha signur president legiu avon ina publicaziun ord il fegl ufficial concernent ina revisiun totala dils protocols da hipoteca en nies cumin, che ha da daventar entochen ils 31 da december 1892 sut smanatscha dallas consequenzas tschentamentalas e nua che tuttas midadas dils crediturs e debiturs hipotecaris han da vegnir deponidas. Negligents vegnan censurai conform paragraf 15 dall'ordinaziun guvernativa dils 17 da zercladur 1887 cun 5 francs.

Ein ins passai tier la votaziun davart la revisiun dalla constituziun cantunala respectiv:

- a) sminuazion dil diember dils votants da 5 - 3000 vuschs,
- b) elecziun dalla regenza entras il pievel,
- c) augmentaziun dil guvern da treis commembers sin tschun ed introducziun dil sistem departemental enstagl collegial cun schar ir en: cussegli da sanadad, cussegli d'educaziun, cumissiun cantunala etc..

Suenter ina caudla recumondaziun da vart da nies signur president ein ins passai tier la votaziun, la quala ha giu:

acceptonts: 151

refusonts: 0

Ei concludiu da schar lartg ils tiers armentivs aschigleiti sco ei seigi stau dus dis bialaura. Cura schar lartg ils pors e las nuorsas ei schau sura alla suprastanza.

A Vigeli Beart ei schenghegjau arvè d'ina vacca.

Arisguard igl arvè ein ins stai tiegl uorden vegl.

Ei signur gerau Gion Antoni Berther vegnius danovamein confirmaus sco gerau. En cass ch'el duessi buca puspei entrar en sia pliazza, ei vegniu concludiu da prender in dils cussegliers per survigilar las lavurs cuminas. La vischnaunca ha allura dessignau quel ella persuna da signur Duri Berther, **Zarcuns**.

Ei il talper vegnius prius si dalla vischnaunca anora per igl onn 1893, bein aber cun l'expressiva remarca, che buca la vischnaunca seigi direct pagadura, mobein ils possessurs dils funs

### 1892, ils 9 d'october

Radunau vischnaunca a **Rueras**.

Concludiu da schar lartg ils tiers casa gliendisdis ils 10 d'october e las nuorsas gievgia proxima, ils 13 d'october. Entscheiver a zavrar allas otg avonmiezdi.

Finalmein ei Duri Berther da **Zarcuns** definitivamein vegnius elegius sco survigilader dallas lavurs cuminas.

## 1892, ils 18 da decembre

Ei vegniu radunau vischnaunca el liug solit.

Suenter prelecziun ed approbaziun dils protocols antecedents ei ins passai tier sequentas tractandas:

Porta il president avon alla radunanza da vischnaunca in avis da signur inschignier Peterelli d'immediat procurar per "Bahnschlitten". En cass d'opposiziun ei smanatschau da prender naven la posta. Sinquei suonda liunga deliberaziun, nua che tuts occurri meinis han constatau la necessitat d'in tal indrez e la nunpusseivladad da metter quel en ovra.

La suprastonza vegn incaricada da rispunder energicamein ad ina tala insinuaziun, seigi quei sin via amicabla cun signur Peterelli, ni seigi quei avon nossas autoritads cantunalas, era sin prighel da piarder la posta. Da l'autra vart eis ei vegniu fatg attents che la vischnaunca duei mussar empau megliera premura per tener aviert la via en cass da basegns.

Ha la suprastonza selamentau, ch'il cantun adossechi stagn bia dil quen dil vier alla vischnaunca. Sinquei ei concludiu che la suprastonza duei era da quellas varts far ils pass necessaris. Duessi quei gidar nuot, sche vegni la vischnaunca a leger ora per siu toc via in agen vier, allura sappi mintgin, tgei el hagi da pagar.

Garegian entgins vischins che pagan fein jester, ch'era ils proprietaris da praus a **Cavorgia Sura** vegnien tschentai adual als auters, respectiv, els garegian, ch'ei vegni intercuretg co quei stetti cun quella caussa che quels seigien libers da quella grevezia e zuar cun l'expressiva smanatscha, ch'els vegnien a pagar dacheudenvi negin fein jester en cass che la vischnaunca envias anavos la caussa senza ponderaziun. Essend la caussa empau stgira, ei suenter viva debatta tratg ora ina cumissiun ord las parts, che dueien intercurir, predelibarar e rapportar alla vischnaunca. En quella cumissiun ein elegi ils signurs: Stiafen Beer, Cristian Muggli, Duri Berther, Luis Hendry, assistent Schmed Giachen Antoni e Tumaisch Schmed.

Agl emigrant Sep Antoni Balzart ei concediu in susteniment da viadi da 50 francs e zuar senza speciala recumandaziun.

Nurser per la stad 1893 ei Sep Antoni Giossi da **Rueras** vegnius pladius sut las cundiziuns veglias.

Cautegias per las alps da schetgs ein numnai ils sequents:

per **Mila**: Giachen Martin Berther

per **Strem**: gerau Vigeli Berther, **Sedrun**

per **Maighels**: statalter Fidel Venzin

alp da cavals: Battesta Valier

Il survigilader dallas lavurs cuminas ed il bostger ein dessignai d'haver quitau en caussa da pals da **Rusas**.

## Igl onn 1893

### 1893, ils 5 da mars

Ei stau radunau vischnaunca en baselgia e suenter el liug solit.

En baselgia ein ils calusters Sep Antoni e Lucas Beer vegni confirmai senz'opposiziun e quei ton pli che nies segnerfarrer ei da quels staus cuntents.

Sin vischnaunca ei gl'emprem vegniu legiu avon ed approbau il protocol dalla vischnaunca antecedenta. Ins ei allura passai tier l'elecziun dils dus cussegliers dils stans, che han giu sequent resultat:

Romedi	190
Raschein	49
Plattner	30
Dedual	1
Casparis	1
Peterelli	1

Ei Gion Antoni Hetz da **Rueras** prius si unitamein sco bostger per in onn sut sequentas cundiziuns: 40 francs daner da spetga e 3 francs per di schurnadas per tuttas lavurs, era per quellas da **Rusas**.

Per dar ora las bullettas da nossa vischnaunca per ils quater proxims onns ei signur Sep Flurin Huonder elegius.

Sco urentaders da carn ein dessignai: gerau Vigeli Berther, **Sedrun** e Gion Antoni Cavegn, **Rueras**.

Ha la vischnaunca concludiu da buca quintar laver cumina per ils dis impundi duront gl'unviern present per rumper via.

### 1893, ils 16 d'avrel

Stau radunau vischnaunca el liug solit, nua che sequentas tractandas ein vegnidas predeliberadas:

Suenter in per pintgas tractandas ein ins passai tiella votaziun dils treis pugns da recapitulaziun:

- a) Alzament dalla paga da scolasts primars da 340 francs sin 400 francs
- b) Imposiziun da taglia sin iertas lateralas, legats e donaziuns en cass da mort
- c) Obligaziun da far bullar cambialas e pupials da semeglionta natira, era hartas da giug.

Il resultat final ei staus il sequent:

punct a) 0 acceptants	140 refusants
punct b) 0 acceptants	134 refusants
punct c) 0 acceptants	129 refusants

Ha la suprastanza mess avon alla vischnaunca ina damonda dils pursanavels da **Nalps/Mustér** arisguard conceder il necessari terren per realisar igl intendiu project dalla construcziun d'ina via carrabla en detga alp. Havend quella damonda zun greva muntada per la vischnaunca, sche ha quella elegiu ina cumissiun, che duei ponderar e predelibear la caussa ed allura dar rapport alla vischnaunca. En quella cumissiun ein elegi ils signurs: gerau Vigeli Berther, **Camischolas**, gerau Vigeli Berther, **Sedrun**, gerau Gion Antoni Berther, **Rueras**, statalter Leci Jacomet ed ils geraus en uffeci.

Ha la vischnaunca concludiu da prender si genetschas e stiarls en sias alps duront la stad 1893 e fixau:

per genetschas 15 frs.; extra expensas paga il possessur,

per stiarls 9 frs. alla vischnaunca; pustretschs ed extra expensas crodan al proprietari.

Ei vegniu concediu ils sequents suloms: a Gion Fidel Riedi in faner giusum ils **Rovens**; a Leci Huonder ina zona a **Plaun d'Eras**; a Vigeli Venzin, **Gonda**, ei concediu in chischner a **Nislas** cun la cundizion da schar ir en in auter, ch'el ha leu.

### 1893, ils 30 d'avrel

Ei la vischnaunca stada radunada el liug solit e priu sequents conclus arisguard far mundi:

Ei concludiu da far mundi ils s.h. tiers casa mardis proxim ils 2 da matg, las nuorsas il venderdis, ils 5 da matg e las cauras otg dis suenter las nuorsas.

Fa il president attents ch'ins dueigi sepertgirar dil fiug en quei temps da schitgira e principalmein els uauls. Geniturs e patrunz dueien haver quitau da quellas varts.

Ei sin dumengia proxima ils 7 da matg clamau cumin.

Ei vegniu legiu avon il resultat dallas lavurs cuminas digl onn 1892. Eventualas reclamaziuns han da vegnir fatgas immediat, pli tard vegnissen quellas buca risguardadas.

### 1893, ils 22 da matg

Ei la vischnaunca vegnida radunada tenor vegl usit el liug solit per far diever da siu dretg democratic d'eleger lur suprastanza e diversas cumissiuns, sco era per definar outras pendentes tractandas.

Introductiv ha il signur president legiu giu il tgamins ch'ein da rugalar tenor indicaziuns da spazzatgamin Stoffel. Renitenzas stuessen dalla suprastanza vegnir censuradas.

Ei vegniu concediu a Lucas Cavegn da **Rueras** da carschentar siu baghetg a **Rueras** sut casa da Luis Cavegn sco era a Valier Battesta da carschentar siu baghetg a **Mari Ros**, **Camischolas**, quei tut senza pregiudezis.

Ha il president dalla cumissiun da quens dau giu in clar ed entelgeivel rapport recapitulativ dils quens da vischnaunca digl onn 1892, il qual ha, buca quintond in d'haver da francs 750 sin Vigeli Beer meister, ch'ei vegnius neu en natura e sa buca vegnir valetaus ussa precisamein, giu in surpli digl activ da circa 500 francs. El recamonda in per pigns spargns, renconuscha la

premura dil signur statalter etc. e propona alla vischnaunca d'acceptar il quen cun engraziament, il qual ei era deventau.

Suenter che la suprastonza actuala ha giu remess igl uffeci en mauns dalla ludeivla vischnaunca, ein ins passai tiella nomina dalla nova suprastonza, che duei vegni dessignada ord ils dus geraus veders e sco tierz gerau ei signur Duri Berther, **Zarcuns**, vegnius elegius. Sco cussegliers ein vegni elegi ils signurs: Gion Andriu Berther, giuven, Sep Flurin Huonder, statalter Leci Jacomet, Paul Berther, Gion Antoni Hetz, bostger e Gion Antoni Peder.

Nunvulend il statalter veder acceptar, ei signur Gion Andriu Berther, giuven, sco tal e Sep Flurin Huonder ei confirmaus sco salter.

La cumissiun da quens e la cumissiun pauperila ein vegnidas confirmadas en corpore.

Ella cumissiun da scola ein elegi ils signurs: Leci Huonder, Gion Antoni Monn, Stiafen Monn, gerau Vigeli Berther, **Camischolas**, gerau Gion Antoni Berther, **Rueras**, Tumaisch Schmet, **Cavorgia**, Vigeli Venzin, **Selva**.

Suenter ch'ils umens electorals, che han da serender dumengia, ils 4 da zercladur a **Trun** per eleger la dertgira districtuala ein stai dessignai ord la suprastonza, cun aunc trer tier Giachen Antoni Berther e Hans Giachen Decurtins sco suppleant, ei la vischnaunca sesligiada si.

### 1893, ils 11 da zercladur

Ei la vischnaunca seradunada el liug solit e vegniu tractau il suandont:

Concessiuns: a Tumaisch Schmet, **Cavorgia** ei concediu da carschentar siu baghetg da dudisch silla **Paliu Crap** en in da sedisch, sco era da brattar giu sulom per sia tegia a **Mises Grond**. A Leci Peder, **Cavorgia**, ei concediu da far ord in existent camon sur sia casa in nuegl da dudisch. A Bruno Soliva concediu da carschentar il sulom da siu faner a **Rueras**. Plinavon ei lubiu a meister Venzin da **Mustér** da metter in vadi silla jarva ed ad Albin, **Mompe**, dus s.h. purschals a **Pardatsch**, bonifcond.

Ei per orientazion dils vischins vegni legiu giu las elecziuns da nossa vischnaunca fatgas ella dertgira circuitala.

Fa la suprastonza attents, ch'ei vegni ils 20 da quest urentau tetgs e classenas, nua che mintga fallonza vegni dils urentaders immediat castigiada, sco era ei vegniu fatg da saver ch'ils 21 e 22 da quest vegni vendiu las differentas lennas derschidas.

Ei vegniu legiu avon il pareri e cundiziuns tschentaus si dalla cumissiun dalla via da **Pardatsch**, ch'ei dalla vischnaunca vegnius approbaus.

Petiziunescha il signur caplon Venzin da **Rueras** da segirar sia entrada dalla vischnaunca anora sin 1150 francs, sco era miez in tscheins spiars igl onn vargau. Suenter haver udiu ils differents meinis ei concludiu da surdar la deliberaziun da quella caussa alla suprastonza.

Suenter ch'igl ei aunc vegniu clamau, ch'ei vegni ulivau las alps s. Gions ei la vischnaunca sesligiada si.

### 1893, ils 25 da zercladur

Ei la vischnaunca vegnida radunada el liug solit:

Ei vegniu legiu giu nies uorden da fiug a fatg attents ch'ins vegni ad empruar las differentas sprezzas oz a quendisch, ils 9 da fenadur. Ils umens ch'ein dessignai tier las diversas manipulaziuns vegnien dalla suprastonza dessignai.

Passan ins per l'emprema ga tier l'elecziun da nossa regenza, la quala daventa tenor lescha tras scrutini. Il resultat final ei staus il sequent:

Peterelli	186 vuschs
Schmidt	185 vuschs
Bühler	186
Calonder	47
Vital	174
Camenisch	125
Marugg	22

### **1893, ils 2 da fenadur**

La radunada vischnaunca ha suenter prelecziun ed approbaziun dils dus protocols antecedents definiu sequentas tractaziuns:

Ei concludiu da cargar las nuorsas mardis, ils 4 da quest ed ils tiers armentivs venderdis e sonda, ils 7 ed 8 da quest.

Ei concludiu da dar l'aurum cumina da vischnaunca als da **Cuolm Cavorgia** per menar neutier l'aua, il qual ha da daventar sut survigilonza e senza ulteriurs pregiudezis.

Ha la vischnaunca concludiu da star tiegl anterius conclus arisguard la via **Pardatsch-Nalps**. La cumissiun veglia ei incaricada da rispunder en quei senn amicabel, ni sin via da recuors, sco era smanatschar.

### **1893, ils 16 da fenadur**

Ei la vischnaunca vegnida radunada el liug solit per definir las duas sequentas tractaziuns:

Ei Catrina Decurtins vegnida prida si dalla vischnaunca sco spindrera per in onn e sut sequentas cundiziuns:

- a) 50 francs ad onn daner da spetga,
- b) ina buccada lenn da barschar,
- c) ina sort fein a pastg da 5 - 6 blahs ad onn.

Ei ins passai tier l'elecziun dil tschunavel muncond commember dalla regenza che ha giu sequent resultat:

Camenisch 139 vuschs

Calonder 21

Marrugg 21

### **1893, ils 6 d'uost**

Ei a **Camischolas** vegniu fatg da saver, ch'ei vegni vendiu il **Cuolm Ault** ils 15 ed il **Cuolm Bass** ils 20 da quest.

L'ulteriura votaziun sul 5avel commember da nossa regenza ha giu il sequent resultat:

Camenisch 143

Marugg 29

Calonder 2

### **1893, ils 20 d'uost**

Ei la vischnaunca stada radunada per votar sur il "Schächten", vul dir quella moda rituala hebreica ch'ils Gedius han per mazzar lur tiers e nua ch'ei vegn era a tuts Svizzers scumandau da mazzar senza avon sturnir els.

Resultat 173 nas, 2 gies

### **1893, igl 1. d'october**

Silla radunanza da vischnaunca fa il presidium da saver:

Tuttas midadas da rauba da taglia dueien vegnir dadas en ad el immediat.

Duei ins en 14 dis dar en ils tiers da taglia als cauvitgs.

Duei ins sco oz dar en tgi che vul trer chis sil cuolm.

Ariguard schar lartg tiers armentivs e cauras ei concludiu da spitgar giu aunc ina raschlada, la suprastanza duei igl ulteriur sezza fixar.

Per prender si ina collecta per ils donnegai tras il barschament da **Glion** ei concludiu da prender si ina collecta en baselgia, e sche quella duess curdar ora memia magra, supplir quella ord cassa da vischnaunca.

Carl Cavegn damonda d'astgar bagheggiar ina senda a pei sin **Tuma** senza neginas cundiziuns; medemamein damonda el la lubientscha da metter en peschs en detg lag, sut la cundiziun ch'el hagi persuls per diesch onns il dretg da pescar ord quel. Suenter quels onns crodi quel puspei ensemblamein culs peschs lien anavos alla vischnaunca; quella astgi quel buca fittar ad jasters, sche vischins lessan quel affittar. Quei tut ei vegniu concediu ed il signur president da vischnaunca dueigi da quellas varts tschenttar si ina scartira e metter quella ad archiv.

## 1893, ils 8 d'october

Ha la radunada vischnaunca concludiu da schar lartg ils s.h. tiers casa, gliendisdis, ils 9 da quest e da zavrar las nuorsas il medem di.

Ei il talper puspei unitamein vegnius prius si per 1894. Suprastonza e cumissiun ein vegnidas incarcidas da contractar cun quel aschi favoreivel sco pusseivel. Persunas grondas ni pintgas, che duessen surfar vid latschs etc. dil talper, duei la suprastonza, ultra dil resarciment al talper, aunc punir scharfamein.

Ei vegniu fatg da saver, che tgi che vegli trer chis sil cuolm per 7 francs a di ni quater dis lavur cumina, duei dar en tochen suenter viaspas.

Ei dau al tierz gerau l'autoritat da metter en siu stagl, en cass da basegns, in auter survigilader e da bonificar quel ultra cun in quart di lavur cumina dapli.

## 1893, ils 29 d'october

La radunada vischnaunca ei passada tiella votaziun dils cussegliers naziunals che ha giu sequent resultat:

Decurtins:	203
Planta:	6
Casparis:	160
Conrad:	1

Ei concludiu da serrar igl arvè cugl emprem marcau da **Glion**.

Concluda la vischnaunca da far pals per **Greps** culla lenna derschida els uauls **Flurin** e **Camischolas**, il rest duei vegnir dau als signurs spirituals.

Arisguard igl arver la via temps d'unviern ei concludiu da star tiegl uorden vegl, respectiv mintga vischinadi arva siu toc fixau senza lavur cumina.

## 1893, ils 26 da decembre

Ei la vischnaunca vegnida radunada el liug solit:

Ei vegniu dessignau sco cautegias:

per Mila:	Cavegn Giachen Fidel
Strem:	Huonder Sep Flurin
Maighels:	Giacumet Placi
Alp da cavals:	Venzin, frars da <b>Sedrun</b>

Sco nurser dalla stad ei Deragisch Emanuel pladius per 27 cts. il toc.

Miradur Candinas da **Surrein-Sumvitg** damonda lubientscha la vischnaunca da far ora crappa scalegl egl uaul da **Nual**. La vischnaunca concluda quasi unitamein d'accordar via quella crappa al sura Candinas e surlai alla suprastonza da vegnir perina ariguard cundiziuns e prezi.

## Igl onn 1894

### 1894, ils 11 da fevrer

Sin la radunada vischnaunca ha la radunanza suenter prelecziun ed approbaziun dil protocol antecedent concludiu:

1. Las lavurs vid ils pals ella plontaziun da **Rosas** ein da far suenter nies existent uorden da lavurs cuminas.
2. A Gion Bistgaun Beer fravi concediu da baghegiar ina fravia dadens sia casa stada da Sep Antoni Huonder e quei sut las solitas cundiziuns.

### 1894, ils 4 da mars

La radunada vischnaunca ha tractau il suandont:

1. Ei ins passaus tiella votaziun federala sulla damonda: Vul ins tschentar si determinaziuns unitaras en fatgs d'arts e mistregns, nua che la ligia havess da quellas varts il dretg da scaffir leschas ni buc.

La vischnaunca ha snegau quella damonda cun 200 refusonts e negins acceptonts.

2. Porta il president avon alla radunada vischnaunca la controversa naschida denter quella contra Tumaisch Schmet e statalter Leci Giacumet pervia dil dretg da possess d'ina grava a **Claus**.

La vischnaunca incarichescha ina cumissiu cumponida ord ils signurs Gion Battesta Monn, Lurenz Giacumet, Gion Paul Berther, Cristian Muggli e la suprastanza da predeliberar e rapportar ad ella da quellas varts.

3. Ei concediu a Vigeli Werth, **Gonda**, da carschentar siu fanel a **Rueras** per circa in bratsch.

#### 1894, ils 22 d'avrel

Suenter che la vischnaunca ha sut datum concludiu da far cadeina per transportar sil plaz destinau ils pals dalla plontaziun da **Rosas** e refretg il far mundi, eis ella puspei seradunada

#### 1894, ils 29 d'avrel e definiu il sequent:

1. Ei concludiu da far mundi ils s.h. pors mardis per igl emprem da matg. Cura far ira las nuorsas ei surschau alla suprastanza.
2. Ei concediu a Placi Tuor da **Sumvitg** da vegnir en cun tschun genetschas pagond alla vischnaunca 12 francs ina per l'alp, ulteriuras spesas paga il proprietari sez.
3. Ei concediu a Gion Antoni Hetz da carschentar in siu nuegl a **Rueras** sper casa da 12 sin 16 armauls, sco era a Monn Gion Mathias da far in iert niev a **Rueras** sut casa da frars Hetz e quei sut las solitas cundiziuns.

#### 1894, ils 6 da matg

Silla radunanza da vischnaunca ein sequentas tractandas vegnididas predeliberadas:

1. Concluda la vischnaunca da far mundi las nuorsas ils 7 da matg e las cauras ils 15.
2. Il marcadar via las lavurs garegiadas dil signur inschignier sin la via ei surschau alla suprastanza.
3. La vischnaunca concluda da dar la lenna e far il mir necessari per il "Schiesplatz". Igl emplenir ora e pinar tier il material ston quels che sietan far.
4. A Giachen Antoni Curschellas ei concediu da carschentar sia talina da lenna sper casa sco era schenghegiau a Giachen Antoni Deflorin igl arvè d'ina mugia en consideraziun ch'el ha piars ina vacca.

#### 1894, ils 14 da matg

La radunanza da vischnaunca ha definiu sequentas tractandas:

1. Fa il president attents, ch'ins duei tochen sils 18 da quest dar en alla suprastanza ni al bostger tutta classena che vegr garegiada sco era els proxims dis tutta lenna da bagheggiar.
2. A Placi Giacumet e Battesta Valier ei concediu da vegnir en cun in stierl per in da surpli, pagond en quei cass il solit.
3. A statalter Gion Paul Berther da **Camischolas** ei concediu da far si a **Mulinatsch** sper siu baghetg in clavau e nuegl niev da 12 ni 16 armauls.
4. Sco registratur e hipotecar ei signur gerau Vigeli Berther da **Camischolas** elegius cun dar tier signur gerau Tumaisch Berther sco suppleant.
5. Sin quei vegnan tenor vegl usit ils quens da vischnaunca puttameess all'approbaziun dalla radunanza. Il signur president dalla cumissiu da quens ha sufficientamein dilucidau ils quens da vischnaunca ed en special il resultat da quels. Suenter ch'il dau ora ei staus legius avon alla radunanza ein quels vegni approbai unanimamein.
6. Sco statalter ei il veder, signur Gion Andriu Berther, giuven, confirmaus.
7. Per s'orientar ella controversa naschida denter la vischnaunca ed ils possessurs dils praus a **Cavorgia Sura** pervia dil fein jester ei legiu ora ina cumissiu e surschau la caussa a quella. Quella cumissiu consista ord ils signurs: Vigeli Berther, **Camischolas**, Giachen Antoni Venzin, Gion Battesta Monn e la suprastanza. Quella ha da seradunar ils 31 da matg.
8. Ei excepziunalmein vegni concediu da schar vender caltschina uonn en cass ch'ei restass, ord vischnaunca, sch'ella sa buca vegnir vendida en vischnaunca.
9. La damonda pervia dil fondo da scola da **Camischolas** ei refretga sillla proxima vischnaunca.
10. Conclusivamein declara signur Vigeli Berther da **Camischolas** per mauns dil presidi, ch'el accepteschi igl uffeci da registratur sut la cundiziun, ch'ins concedi ad el il dretg d'ira en casa da scola a **Camischolas**; al qual igl ei vegni fatg negin'opposiziun.

## 1894, ils 3 da zercladur

Ei la vischnaunca stada radunada a **Zarcuns** e concludiu il sequent:

1. Ei stau da votar sulla lescha federala: "Dretg da lavur" che ha giu 1 gie e 177 nas.
2. Fa la suprastonza attents, che buobanaglia dueien buca ir a fagend fiug sper uauls, sco ei seigi gia repetidamein daventau. A geniturs vegn ei da quellas varts fatg endamen lur obligaziuns.
3. Il schema dallas cundiziuns tschentaus si dalla cumissiun dalla via da **Nalps** ei dalla vischnaunca vegnius approbaus cun l'annexa, che la corporaziun da **Nalps** cedi alla vischnaunca **Tujetsch** il dretg da menar ora l'aua en sia alp **Cavorgia**. Il prezi ei vegnius fixaus sin 100 francs.
4. Unanimamein concluda la vischnaunca da far ils necessaris pass da dretg en la dispeta cun signur Leci Giacumet e Tumaisch Schmet pervia dalla grava a **Claus**.
5. A Vigeli Monn giuven ei schenghegiau igl arvè d'ina vacca, havend vendiu ina e comprau in'autra.
6. Tgi che vul buca sort duei dar en alla suprastonza.

## 1894, ils 24 da zercladur

Ei la vischnaunca stada radunada el liug solit e deliberau il sequent:

1. Vegg ei dil presidi fatg da saver, che la jamna proxima vegni vendiu lennas sco era urentau tetgs e classenas. La suprastonza adverta tier quella caschun da buca far otras tegias d'alp, cuntrafagents vegnissen scharfamein censurai.
2. La cunvegnentscha fatga en la dispeta da **Claus** denter l'elegida cumissiun cun Tumaisch Schmet e Leci Giacumet ei dalla vischnaunca vegnida approbada.
3. Ei fixau dad accomplir tuttas determinaziuns da vischnaunca, nua che quei era buca daventau avon. Tier quei intent ein elegi ils signurs: Deplaz Sep Antoni, Monn Gion Antoni e Hendry Alois.
4. Ei concediu a Berther **Rabius** da schar vegnir cun 15 - 20 mutgs sco era a Victor Pally ed in auter da **Medel** cun quater genetschas, las davosas pagond alla vischnaunca 12 francs il tgau. Cun quella caschun ha la vischnaunca fixau, che quels arvès da tiers jasters hagien da vegnir pagai avon ch'ira cun quels naven.
5. Concediu suloms a Gion Fidel Riedi per in nuegl a **Milez**, a Sep Lorenz Caduff per ina mola encunter fallun da Giossi a **Rueras**, sco era a Gion Antoni Schmet da **Cavorgia** per far si in nueglet sper casa.

## 1894, ils 30 da zercladur

La radunada vischnaunca ha concludiu:

Da zavrar las nuorsas mesjamna proxima ils 4 da fenadur e cargar quellas gievgia e refretg il cargar la biestga.

Plinavon conceda la vischnaunca enzatgei lavur cumina da vischnaunca als pursanavels dall'alp **Cavorgia** per la lavur, ch'els ha giu da menar ora l'aua en detga alp, bein aber ei cheu fixau, ch'ils medems pursanavels hagien l'obligaziun da metter giu quella mintg'atun. Per donns che vegnissen caschunai en quei grau per negligentschas, han ils negligents da rispunder.

## 1894, ils 8 da fenadur

La radunada vischnaunca ha suenter prelecziun ed approbaziun dils dus protocls antecedents concludiu da cargar ils schetgs gliendisdis proxim, ils 9 e las vaccas mardis, ils 10 da quest.

## 1894, ils 30 da settember

La radunanza da vischnaunca ha definiu sequentas tractandas:

1. Il schar lartg ils tiers armentivs ei per questa jamna refretg; en cass cunvegnent surschau alla suprastonza.
2. Fa il presidi attents, ch'ins dueigi sepertgirar da schar ira tiers per ils praus.
3. Fa il medem da saver la radunanza, ch' ins sappi suenter vischnaunca suittascriver las gliestas dall'iniziativa federala dallas ambassaduras, sco era dall'iniziativa burgheisa cantunala.
4. Arisguard il fuorn da caltschina ei oz vegniu definiu nuot, sulettamein concludiu, che tgi che vegli caltschina primavera proxima, hagi da dar en quei enteifer otg dis.

5. La petiziun da **Nalps/Mustér**, da schenghegier in ton digl importo, staus fixaus per l'erecziun dalla via da **Nalps** ei dalla vischnaunca veginida rengida.
6. A Vigeli Monn **Surrein** schenghegiau miez igl arvè d'ina vacca.

#### **1894, ils 4 da november**

La radunada vischnaunca ha concediu

1. A Luis Curschellas, **Surrein**, da far in viadi sin pastira tochen sin siu prau a **Nacla**.
2. Ei fatg attents, ch'ins dueigi metter neginas lennas sin **Cadruvi** sur casa da scola e sur igl iert dil plevon.
3. Concediu a monsignur avat da **Mustér** en favur dalla baselgia da Nossadunna 15 - 20 palauncas u areisens.
4. Confirmau ils experts dils taurs.
5. La votaziun per far extrader la Confederaziun als cantuns in ton dils dazis, ha giu 220 acceptonts e negins refusonts.

#### **1894, ils 8 da decembre**

Ha la radunada vischnaunca

1. elegiu ses cautegias ellas alps da schetgs:

**Mila:** Berther Gion Fidel, giuven, **Rueras**

**Strem:** Monn Gion Mihel

**Maighels:** Jagmet Placi

2. Fixau igl arvè per tiers che vegnan en vischnaunca cul secund marcau november 1894 cun aunc reducir il prezi dils tiers che vegnan importai avon Daniev sin miez prezi; sut la cundiziun, ch'ins fetschi da saver immediat ad in commember dalla suprastanza, cura ch'il tier ei cheu.
3. Conclidiu da schar brattar giu inagada avon ina vacca ni mugia, denton quei mo d'in marcau a l'auter.
4. Publicau igl avis dil Cussegl Pign, arisguard il pusseivel semussar d'ina malsogna da schlatteina tier vaccas ni bos da maz.

#### **Igl onn 1895**

##### **1895, ils 3 da fevrer**

La radunada vischnaunca ha suenter prelecziun ed approbaziun dils protocols antecedents definiu sequentas tractaziuns:

1. Fa la suprastanza attents ch'il pigurè da **Nalps** verteschi buca pli da schar magliar sia alp las nuorsas da **Rueras**. Ils vischins da **Rueras** vegnan en quei fatgs responsabels.
2. Giavischa il presidi, ch'ei vegni dau en ussa tgi che vegli schar scriver per la lubientscha da tetgs loms.
3. Al student teolog Giusep Brugger ei da vischnaunca anno concediu il patrimonium.
4. Ariguard prender si tiers la stad 1895 en las differentas alps ei schau sura alla suprastanza e quei ton ariguard il prezi sco era dil commensurau diember.
5. La votaziun federala dallas ambassaduras ha giu 209 refusonts e negins acceptonts.
6. A Vigeli Cavegn ei concediu da baghegier in nuegl a **Milez Sut**, tonpli, che quei baghetg ei reducius da dus da sedisch sin in da sedisch e che Battesta Monn ceda.

##### **1895 ils 5 da matg**

Vegnan ils vischins radunai sin **Cadruvi** avon che serender a cumin e concludan da far mundi cun ils animals da casa mardis proxim, ils 7 da matg.

##### **1895, ils 12 da matg**

La radunada vischnaunca ha suenter prelecziun ed approbaziun dil protocol antecedent concludiu.

1. Da far mundi las nuorsas ils 13 e las cauras ils 18 da matg.
2. Vegnan ils vischins visai da buc ir cun sliusas sil stradun.
3. Ariguard il nurser ei concludiu da scriver ora, igl ulteriur surschar alla suprastanza.

4. A Luis Pajarola da **Trun** concediu da vegrin en cun treis stiarls sut las condiziuns stabilidas dalla suprastanza.

5. Il contractar vi la crappa scalegl a **Nual** e **Calmut** ei surschau alla suprastanza.

6. La damonda da Sep Maria Giger da **Medel** d'astgar vegrin en da s. Placi circa cun 10 - 12 cauras mo per miez igl arvè ei dalla vischernaunca vegrina negada.

7. Ei concediu ils sequents suloms:

a) A Rest Monn in sulom niev da dus nuegls da sedisch cun tegia speras a **Plaun d'Eras**, cedend dus baghetgs ed ina tegia giudem **Plaun d'Eras**.

b) A Rest Giusep Giacumet, **Cavorgia**, concediu da far in nuegl sin sulom niev sill a **Paliu Crap**.

c) A Sep Antoni Beer da **Gonda** da far ina talina sper siu nuegl a **Gonda**.

d) A Giachen Giusep Deflorin da far si ina talina sper siu baghetg a **Camischolas** sper casa da scola.

e) Encunter conclus dalla suprastanza concediu suspensiun a Giachen Antoni Schmet da **Cavorgia** per baghegiar siu baghetg a (*buca indicau*) per in onn, sco era lubiu da brattar giu sulo m.

8. Concediu a Giachen Antoni Venzin da **Rueras** da schar trer grad la seiv da siu mises a **Milez**, staus da Lorenz Giacumet, aschia ch'il sura havess da bonificar alla vischernaunca per in péz pastira.

### 1895, ils 3 ed ils 9 da zercladur

Sut ils sura datum ei la ludeivla vischernaunca vegrina radunada el liug solit per far diever da lur dretg democratic d'eleger la suprastanza e diversas cumissiuns sco era per definir outras pendentas tractandas.

1. Ei vegniu legiu giu las elecziuns da nossa vischernaunca fatgas dalla dertgira circuitala da cumin.

2. Approbaziun dil protocol dils 12 da matg concepius dad Anselm Capeder, gerau.

3. Ha il signur president dalla cumissiun da quens dau giu in clar ed entelgeivel rapport recapitulativ dils quens da vischernaunca digl onn 1894 menai da statalter Gion Andriu Berther concernent il total d'intradas ed expensas e dil resultat dalla bilanza annuala. El renconuscha la premura dils signurs geraus e statalter recumandond alla ludeivla vischernaunca l'acceptaziun dil rapportau quen, il qual ei era daventau.

4. Suenter che la suprastanza actuala ha giu admess lur uffeci en mauns dalla ludeivla vischernaunca ein ins passai tier la nomina dalla nova suprastanza, ch'ei vegrina elegida per part sut datum dils 3 da zercladur ed ord motiv dalla nunacceptada plazza dil secund gerau, era sut datum dils 9 da zercladur, suenter esser visau vischernaunca sin las duas suentermiezdì ed ei pia dessignada sco suonda per il bienni da 1895 - 1897:

sco emprem gerau Gion Antoni Soliva, **Sedrun**

sco secund gerau Gion Andriu Berther, **Camischolas**

sco tierz gerau Duri Berther, **Zarcuns**

sco cussegliers Gion Antoni Hitz sco statalter per in onn, Sep Flurin Huonder, confirmaus salter; plinavon: Leci Jacomet, Paul Berther, **Rueras**, Sep Berther e Gion Antoni Peder, **Selva**.

5. Ella cumissiun da scola ein elegi:

per **Sedrun** ei confirmau ils veders

per **Rueras** Giachen Martin Beer

per **Camischolas** Felici Monn

per **Cavorgia** Luis Hendry

per **Selva** Vigeli Venzin

6. La cumissiun pauperila ei dessignada la vedra cun excepziun da per **Rueras** ei Sep Lurenz Venzin.

7. Ella cumissiun da quens ein elegi ils signurs: gerau Vigeli Berther, **Camischolas**, statalter Fidel Venzin, gerau Gion Battesta Monn, statalter Giachen Fidel Cavegn e Luis Hendry.

8. Ei la spindrera vegrina prida si sut las veglias condiziuns.

9. Ei vegniu concediu ils sequents suloms:

a Gieriet Cristian Antoni ei concediu da carschentar il sulom d'in nuegl enta **Mila**, ord in da dudisch sin in da sedisch armauls

a Gada Decurtins concediu da far ina talina da lenna sper casa  
a Stiafen Beer in sulom niev per in nuegl da sedisch sin **Gonda**  
a Jacomet Placi da midar sulom cun siu faner sur **Plaun Flurin** plazzond quel sin siu prau  
a Giachen Lurenn Caduff ei concediu da carschentiar il sulom d'in nuegl da dudisch ed ina zona  
sin in nuegl da sedisch, laschond ora sut la zona e quei a **Caspausa**.  
10. Ein ils vischins vegni visai da dar en tuttas lennas da diever enteifer otg dis sco era tuttas  
sorts da fiug che vegnan buca pridas e quei ad in u l'auter commember ni cusseglier dalla  
suprastanza da vischnaunca.

### 1895, ils 23 da zercladur

Ei a **Rueras** vegniu clamaud dar en ils animals als respectivs cautegias e ch'ei vegni ulivau  
damaun a l'ina suentermiezdi las alps.  
Plinavon fa la suprastanza attents ch'ei vegni ils 28 da quest urentau tetgs e classenas, nua che  
mintga negligentscha concernent schliet uorden da tetgs u classenas vegni dils urentaders  
immediat castigiada.  
Suenter esser mess en aucziun in lenn sederschius sils **Fops Milez** ei la radunanza stada  
sligiada si.

### 1895 ils 7 da fenadur

Stau radunau vischnaunca e definiu il suandont:

1. Approbaziun dils protocols antecedents
2. Publicaziun ord il fegl ufficial concernent diversas scumandadas garegiadas d'entgins  
particulars.
3. Deliberaziun da cargar: primo concludiu da zavrar las nuorsas gliendisdis e cargar il mardis,  
ils 9 da quest; la biestga schetga venderdis, ils 12 da quest e las vaccas, ils 15 da quest.
4. Concediu a signur scolast Bigliel da veginr cun dus pors en **Pardatsch**.

### 1895 ils 11 d'uost

Ei als radunai vischins dalla vischnaunca enta **Rueras** davart dil signur president vegni dau  
giu rapport ariguard la collaudiziun da signur bostger cantunal Coaz concernent la plontaziun  
da **Rusas** ed era publicau las remarcas fatgas da signur bostger, e quei tonpli detagliau  
s'extendend sur la nuncuntentientscha dil sura expert.  
2. Envidau en e dau caschun als vischins da suttascriver las tabellas dils quens per la plontaziun  
da **Rusas** per quels completeris tenor ordinaziun dils experts forestals.  
3. Plinavon schau saver ch'ei vegni vendiu oz a mesa las sis la sera **Cuolm Ault** a **Sedrun**,  
sch'enatzgi garegi.

### 1895, ils 21 da settember

Stau radunau vischnaunca el liug solit e definiu il sequent:

1. Fa il president attents, che tuttas midadas da facultad, seigi en augmentaziun ni buca, dueien  
tals e quals far da saver ton pli gleiti ad el per mauns dalla cumissiun da taglia cantunala.
2. Fa la suprastanza attents per buca periclitlar fiugs e barschaments, dueien umens d'uaul etc.  
haver tutta precauziun cun lur zulprins e pipas mond pils uauls vid lennas etc.
3. Concludiu da schar lartg sonda proxima ils 28 da settember tuts animals cun excepcziun dils  
s.h. pors e las nuorsas. Ils pasturs dueigien aber s'entardar da veginr culs animals pervia dil  
firaу dalla sonda.
4. Vegin ei fatg da saver ch'ei vegni pigl onn proxim barschau caltschina e dils pretendents per  
tala dueigien metter ensem la roma restada anavos dalla lenna consumada ils onns vargai per  
barschar caltschina.
5. Publichescha il presidi ina vischnaunca sin dumengia proxima, ils 29 da settember, el liug  
solit.

### 1895, ils 29 da settember

La radunada vischnaunca ha definiu il suandont:

1. La votaziun sur la nova lescha dil monopol dils zulprins che ha giu 203 refusonts e negins acceptonts.
2. Concludiu da schar liber ils s.v. pors, damaun, ils 30 da settember.
3. Confirmau Gion Andriu Berther sco gerau militar.
4. Priu si il talper Vital sut las veglias cundiziuns e remarcau ch'ins duessi scursanir, sche pusseivel il temps dil talper, cun forsa schar vegnir anzi pli tard el temps la primavera. Tuttas midadas ariguard il pagar il talper dueigen vegnir admessas ad in digl obercheit.
5. Fa il presidi endamen igl uorden da fiug existent en nossa vischnaunca che scamonda denter auter tut spatlar e tscherschar da cazzola e mintga surpassament vegnan ins a trer en censura.
6. Vegnan visai ils sis cauvitgs da prender si las gliestas dils animals per la taglia da vischnaunca tochen ils 15 d'october.
7. Fa il presidi attents ch'ei vegni vendiu lenna sederschida els uauls ils proxims dis.
8. Fa il presidi enconuschent la nova mesira da nos uauls calculada da nos signurs bostgers; sco era la calculaziun da quels en capital. Essend generala malcontentientscha encunter tala calculaziun eis ei vegniu priu conclus dad unitamein cun las proximas vischnauncas empruar da far reducir tala schazegiada da nos uauls.
9. Concludiu e schau sura a quels dils cavals cura trer il chis sil cuolm.

### **1895, ils 3 da november**

La radunada vischnaunca ha predeliberau il suandont:

1. Votaziun concernent la centralisaziun etc. dil militar cun il resultat da 216 refusonts e negins acceptonts.
  2. Votum ariguard la nova lescha dallas viasfier che ha giu il resultat da 3 acceptonts e 134 refusonts.
  3. Ariguard il pladir nurser dalla stad ei vegniu refretg.
  4. Per predeliberal la questiun dils uordens dallas alps ei concludiu che mintga vischinadi dueigi tarmetter in tochen dus cumissiunai tier ina radunanza, la quala ha liug a **Sedrun** ils 16 da november la sera.
  5. Vegn ei davart dil president fatg attents e visau che gievgia proxima, ils 7 da november, las 10 uras avonomiezdi, vegnien dus commembers dalla suprastanza a serender a **Cavorgia Sura** per prender en egl e fixar il pagament dil fein jester per aschilunsch sco quel s'estenda e crescha sin territori ord vischnaunca appartenent als respectivs possessurs dalla sura numnada acla, ils quals ein medemamein visai da cumparer sil plac questiuneivel, cass cuntrari vegnien ins a predeliberal tenor perschuasiun ed intervegnientscha ed insister sissu.
  6. Concediu a Valier Battesta in sulom per ina tegia en **Pardatsch da Vaccas**.
  7. Schenghegiau a Monn Gion Antoni in miez digl arvè d'ina vacca.
  8. Fixau Deragisch Gion Bistgaun sco survigilader dil curtin dadens la **Val Custeri**.
- Suenter esser mess en ingant entginas lennas, ei la vischnaunca stada serrada.

### **1895, ils 24 da november**

Ei stau radunau vischnaunca el liug solit e predeliberau sco suonda:

1. Legiu avon plirs protocols dallas anteriuras vischnauncas ed approbaziun da quels.
2. Fixau igl arvè per animals che vegnan en vischnaunca cul secund marcau november 1895, cun star tier igl uorden, denton concernent igl arvè, il qual plaida:
  - a) animals che vegnan importai avon Daniev ei reduciu igl arvè sin in miez arvè, sut la cundizion ch'il respectiv cumpramer fetschi immediat da saver ad in commember dalla suprastanza, cura ch'igl animal ei cheu;
  - b) concediu da schar brattar giu inaga ad onn ina vacca ni mugia; denton quei mo dad in marcau a l'auter.
3. Elegiu Giachen Martin Schmid da **Gonda** sco controllader da carn.
4. Legiu avon il pareri pil niev uorden dallas alps, il qual ei cun il surpli vegnius refusaus e la moziun da luvrar ora in auter uorden, ha pigliau il pli. Plinavon ei la cumissiun pigl arranschament dil niev pareri envidada da cumparer sonda sera proxima, ils 30 da november, el liug solit.

## 1895, ils 15 da decembre

Ei stau radunau vischnaunca e definiu il suandont:

1. Legiu avon il protocol antecedent ed approbaziun da quel.
2. Legiu avon il pareri pigl uorden dallas alps ed acceptaziun da quel.
3. Fixau ils suandonts als quals mintgin sa dar en da prender alp, e quei sto vegrir dau en entochen Daniev.

Per l'alp da **Val Val**:

Thomas Berther, Gion Andriu dil Stiafen e Flurin Venzin

per **Val Giuv**:

Gion Paul Berther, Sep Flurin Huonder e Gion Antoni Peder

Cuolm **Cavorgia**:

Gion Antoni Schmed

4. Fixau cautegias:

per **Maighels**:

Placi Jacomet

per **Strem**:

Gion Fidel Riedi, **Zarcuns**

per **Val Mila**:

Duri Vigeli Schmed

5. Concediu a signur president Gion Antoni Soliva in sulom per in nuegl da sedisch si **Valtgeva**. Suenter esser mess entginas lennas en aucziun ei la radunanza stada sligliada si.

## 1895, ils 29 da decembre

Protocol dalla radunada vischnaunca

1. Prelecziun dil protocol antecedent ed approbaziun da quel.
2. Fa il president attents ch'il prezi dil sac sal seigi reducius sin 11 francs il sac.
3. Publicaziun ord il Fegl ufficial.
4. Pladiu sco nurser dalla stad il veder per la pagaglia da 25 raps per nuorsa senza sal.
5. Concludiu e schau sura alla suprastanza nua applicar ils daners retschevi sco subsidi per la plontaziun sur **Selva**, per tenor meins pregiudezi e commensuraziun sminuir il deivet da vischnaunca.
6. Concludiu da schar dumandar la direcziun dil telegraf per in biro da telegraf en vischnaunca cun tgei cundiziuns.

Conclusivamenin ei mess entgina lenna en aucziun e la radunanza ei stada sligliada si.

## Igl onn 1896

### 1896, calonda mars

La vischnaunca ei stada radunada el liug usitau sin **plaz Cadruvi**.

1. Publicaziun dil presidi sin insinuaziun dil Cussegl Pign da prender si ina statistica da tutt animals i sutsura ni piars, denton mo sin s.v. tiers d'armaul. Per tal motiv duei mintgin dar en al president ni per mauns da quel al cauvitg, cons tiers e dapli da tgei malsogna ni co el hagi piars.
2. Votaziun per l'elecziun dil niev cussegl dils stans cun sequent resultat:

Romedi 198

Raschein 188

Peterelli 5

Marugg 1

3. Publicaziun ufficiala tenor ordinaziun dil Cussegl Pign sereferend sin la respectiva lescha federala semussond malsognas contagiusas las qualas constrenschian:

- a) obligaziun da rapport immediat al president da vischnaunca
- b) oblighescha da remetter tuttas bullettas da tiers importai sco era da quellas ch'ein messas ora dil respectiv controllader per tiers che duessen vegrir vendi, vegrnan aber buc, al controllader.
- c) tutta carn che vegr vendida sto vegrir urentada digl urentader da carn
- d) tutta carn nuscheivla sto vegrir satrada, aschia era tutts tiers che van d'ina u l'autra malsogna, dueien vegrir satrai cun pial e tut e daventa quei sin l'alp, sche duei tal armaul vegrir satraus leu.

4. Damondas per tetgs dueigen immediat vegrir insinuadas al presidi.

5. Concessiun dil suandont sulom da baghegiar senza pregiudezi a Cavegn Adolf per dus nuegls da sedisch dadens casa da Hans Giachen Decurtins. A Deragisch frars per carschentar lur baghetg dadens la fontauna encunter il begl, mo senza pregiudezi.

## 1896, ils 15 da mars

Ein ils vischins vegni radunai in mument sin **Cadruvi** sin insinuaziun davart dil presidi da prender ina pintga contribuziun ord cassa da vischnaunca pil cass che la respectiva collecta en baselgia en favur dil disgraziau G. Lutz, fussi fetg pintga, ei stau negins opponents.

2. Dueien las respectivas controllas pridas si per tiers ventschi ed i alla malura vegnidias admessas al presidi tochen mardis proxim.

## 1896, ils 12 d'avrel

Ei stau vischnaunca el liug solit cun sequentas tractandas:

1. Approbaziun dils dus anteriurs protocols.

2. Ein ins passai tier la votaziun per l'elecziun dils cussegliers dil stan guovernativ cun sequent resultat:

Bühler	173	Schmid	177	Planta	15
Marugg	175	Vital	53	Camenisch	17
Peterelli	179	Sprecher	25	Conrad	3
Dedual	2	Calonder	1	Stiffler	1
Blumenthal	1				

3. Ei sin l'insinuaziun davart dil presidi, sch'ins vegli era prender si genetschas e stiarls per la proxima stad sin la jarva, surschau alla suprastanza d'intervegnir tier ils cautegias e cooperar leusuenter sco igl onn vargau.

4. Ei concediu a Luis Curschellas in sulom per ina tegia da mises a **Pardatsch**.

5. Ei concediu a Caduff Luis da trer grad la seiv vin **Suloms** e quei encunter pagament e senza pregiudezi als vischins da **Rueras**.

Suenter ei la radunanza sedividida.

Legiu avon ed approbau cun la remarca che la concessiun a Caduff Luis seigi snegada, ils 3 da matg 1896

## 1896, ils 3 da matg

Ha la radunada vischnaunca el solit liug definiu il suandont:

1. Prelecziun dil protocol ed approbaziun da quel.

2. Ei davart dil presidi vegniu mess avon ina moziun alla ludeivla vischnaunca concernent la survigilonza sur la plontaziun d'uaul sur **Selva**, il qual pareri ei unanimamein vegnius acceptaus e plaida sco suonda:

a) Ha la suprastanza da pladir in fidau pastur, il qual ha da pertgirar igl uaul la primavera da miez avrel tochen far mundi; igl atun cun dar lartg tochen s. Andriu. Pigl onn current ei surdau a Sep Antoni Loretz da **Selva** per otgonta raps per di pagaglia e schar spelar fein en la plontaziun.

b) Plinavon ha per tut igl auter temps mintgin sez da corrispunder per lur tiers e fixau il castitg sco tochen da cheu da 4 francs il tgau a tgi che lai donnegiar ses tiers la plontaziun.

c) Duei veginr fixau ina guardia per survigilader sur l'execuziun concernent il pastur e per igl auter temps ei a mintga pindrada fatga en la plontaziun in tierz dil castitg bonificaziun.

3. Vegin ei concludiu da prender si sco mustregia Casanova da **Vrin**, cun l'obligaziun da veginr duas gadas la primavera, ed inaga igl atun, sch'ei seigi diesch liufas d'operar, sur la taxa ei surschau al president da corrispunder cun il respectiv meister.

## 1896, ils 17 da matg

Eis ei stau radunau vischnaunca a **S. Antoni** per las suandontas predeliberaziuns:

1. Concludiu da far mundi ils s.v. tiers casa gievgia, ils 21 da matg; il far mundi las nuorsas ei refretg.

2. Ei vegniu davart dalla suprastanza scumandau ad in e scadin da far diever da lennas derschidas en nos uauls vischnaunca.

3. Dueien tuts petents per lenna da clauder s'annunziar tier signur bostger Hitz enteifer otg dis.

4. Concediu a Gion Michel Monn ed a Gion Bistgaun Deragisch in carschament da lur baghetg dador casa da Gion Antoni dil Stiafen, ensi ed anora per la ladezia dils mirs.

### 1896, ils 25 da matg

La vischnaunca ha definiu sequenteas tractandas:

1. Approbaziun dil protocol
2. Vegr ei ufficialmein scumandau da metter crappa mundada etc. en via che meina en **Pardatsch**. Tgi che ha sin tala maniera surfatg, duei prender la peina e turnar a metter lur material ord via nua ch'ei s'audi.
4. Eligiul ils suandonts signurs per ir a **Trun** tier l'elecziun dalla dertgira digl appellaz: gerau Duri Berther, statalter Hitz, Gion Andriu Monn, Sep Antoni Decurtins, Gion Antoni Peder, Sep Berther, Paul Berther e statalter Gion Paul Berther.
5. Ein tenor vegl usit ils quens da vischnaunca vegni suittamess alla approbaziun dalla radunanza. Suenter che signur president dalla cumissiun da quens ha sufficientamein giu dilucidau, ton concernent las entradas sco expensas da vischnaunca, ed en special il resultat final dil quen, ei quel dalla ludeivla vischnaunca unanimamein vegnius approbaus.
6. Ei signur statalter Gion Antoni Hitz vegnius confirmaus vinavon sin sia posta anteriura.

### 1896, ils 31 da matg

Ha la radunada da vischnaunca giu liug a **Zarcuns** e predeliberau il sequent:

1. Avisescha il presidi che tuttas lennas da diever per reparaturas vid baghetgs ed auter dueien enteifer otg dis vegnir dadas en tier ils commembers dil ludeivel obercheit da vischnaunca. Plinavon dueien tuts presents far urentar lur reparaturas in u l'auter dils commembers.
2. Vegr ei surdau als umens che vegnan tarmess a **Trun** per eleger la dertgira digl appellaz la cumpetenza d'entrar en tier la predeliberaziun ariguard il mantener il dretg, sco local da sesiun, la respectiva sala dil hof a **Trun**.

### 1896, ils 24 da zercladur

Ei stau radunau vischnaunca e definiu sco suonda:

1. Prelecziun d'entgins protocols ed approbaziun da quels.
2. Avis da signur president ch'ins duei exequir allas prescripziuns dalla nova lescha, pil cass da malsognas da tiers armentivs etc.
3. Concludiu da zavrar las nuorsas gievgia, ils 2 da fenadur; circa allas 8 suentermiezdi cargar elllas.
4. Vegr ei dau part che da l'ina vegnan las alps tenor usit ulivadas.

### 1896, ils 12 da fenadur

La radunada vischnaunca en liug solit ha definiu il sequent:

1. Prelecziun dil protocol ed approbaziun.
2. Ei vegniu ingantau entgina lenna.
3. Concludiu da cargar las nuorsas ils 14 da quest, biestga ils 15 e las vaccas ils 16 da quest.
4. Ei fixau sco terminaturs denter las alps **Cuolm Val** e **Val Giuv** statalter Gion Paul Berther e Leci Huonder.
5. Advertescha il presidi tuts pasturs, ch'ei seigi scumandau da magliar ordeifer ils cunfins da lur respectivas alps, sco era il dar fiug bruis e bostgas e quei sut peina.

### 1896, ils 13 da settember

Ei stau radunau vischnaunca el liug solit e predeliberau il sequent:

1. Vegr ei davart dil presidi insinuau che tgi che garegi bonificaziun per donn pitius sin praus da **Sudada** enasi tochen **Milez** fatgs d'entgins particulars entrais viagiar cun vaccas ord las alps e puspei tarmess en las alps **Val Val** e **Val Giuv** duront las davosas bischas, dueien annunziar ad el.
2. Vegr ei als stimai vischins dau caschun da suittascriver las gliestas pil referendum encunter la statisaziun dallas viasfier.

3. Concernent la damonda pil biro da telegraf a **Sedrun**, ei suenter esser mess avon il contract e las pretensiuns davart dil departement da telegraf visavi la vischnaunca cun entginas interessenzas, vegniu refretg sin dumengia proxima, cura che quels vischins dueien seradunar el liug solit.

### 1896, ils 20 da settember

La radunada vischnaunca ha giu las sequentas tractandas:

1. Prelecziun dils dus anteriurs protocols cun approbaziun da quels.
2. Ei vegniu votau per in biro da telegraf a **Sedrun**, il qual ha peggiau il pli da prender si tal tenor contract fatgs cul departement da telegraf per diesch onns.
3. Dilucidescha il signur president ariguard la taglia cantunala, conformaziun dils respectivs cedels, che mintgin ha da restigiar e completar sigl emprem d'october. Essend curdai differents meinis e proposiziuns, vegn ei passau tier in suandont conclus, il qual dueigi vegnir tarmess tier al ludeivel Cussegl Pign. Seresentend ils vischins dalla vischnaunca da **Tujetsch** d'esser constrensch ed engraviai zun fetg cun pagar taglia cantunala, approximativ ad auters conburgheis cantunals, giavischan els ina sminuaziun dallas taxas enten capitalisar nos funs per la taglia cantunala e quei sco suonda:

Ei vegniu fixau treis classas da funs ni praus:

- |                        |                                                                    |
|------------------------|--------------------------------------------------------------------|
| a) emprema classa:     | fetg buns praus 1.20 francs il fest; ni 29 fests = ara = 34 francs |
| b) secunda classa:     | meins buns praus 80 raps il fest; la ara 23 francs                 |
| c) tiarza classa:      | buns praus maghers 40 raps il fest; la ara 11.60 francs            |
| schliats praus maghers | 11 francs per blah ni 13 francs il m <sup>3</sup>                  |

4. Conclusivamein fa il presidi attents, che tgi che garegi il mustregia aunc ina ga, duei s'annunziar tier el, essend che tenor cunvenziun fatga, sto ei dar silmeins 10 s.v. pors d'operar.

### 1896, ils 4 d'october

La vischnaunca ha predeliberau il suandont:

1. Acceptaziun dil protocol.
2. Ha giu liug la votaziun sur las treis leschas federalas concernent
  - a) garanzia tier cumpra e vendita da biestga
  - b) contabilitad dils quens dallas viasfier
  - c) castitg da disciplina per l'armada federala

Ils resultats ein stai per a e b: 206 refusonts e 0 acceptonts

c 205 refusonts ed 1 acceptont

3. Arisguard il trer chis sil cuolm ei refretg.

4. Ei vegniu concediu a Bistgaun Beer fravi da midar plaz cun sia mola situada sur il mulin da frars Venzin.

### 1896, ils 11 d'october

Ha la vischnaunca giu liug a **Rueras**, nua ch'ins ha concludiu:

1. Da dar lartg ils tiers gronds e cauras ils 14 d'october, sche l'aura seigi favoreivla 1 - 2 dis; las nuorsas dueien vegnir descargadas ils 17 d'october; semussond auras ruhas ei surschau alla suprastanza.
2. Advertescha il president che tuts cedels da taglia dueien vegnir admess tier el e quei aunc oz. Conclusivamein ei fatg attents che tals che veglien trer chis sil cuolm, dueien s'annunziar tier signur gerau Duri Berther.

### 1896, ils 25 d'october

Ei stau radunau vischnaunca el liug solit e predeliberau il suandont:

1. Prelecziun dils anteriurs protocols ed approbaziun.
2. Dat il president rapport sur la retschevida risposta dil Cussegl Pign, sin la fatga moziun davart dalla vischnaunca concernent il capitalisar nos funs ni la respectiva basa ariguard il pagar taglia per nos funs.
3. Vegnan tuts cauvitgs, ex officio, visai da prender si en lur vischinadis las gliestas per la taglia da vischnaunca, sco era duei ei danovamein vegnir priu si las mesiras dils praus per ton pli bein saver ruglar si il quen dil talper.

4. Vegg ei visau da duvrar empau precauziun da far giu lennas tras praus.
5. Ei vegniu pladiu sco nurser il veder per 1897 per la pagaglia da 26 raps il tgau.
6. Ei vegniu serrau arvè cun il secund marcau d'october; las taxas tenor uorden vegl. Plinavon dueien negins tiers saver veggir brattai cun vender e cumprar, mo el scompi dad in armaul piars, po quella specia veggir remplazzada en termin d'in meins. Il diember d'entradas per tiers d'arvè tenor uorden vegl, quater tiers per fiug; vide 1881.

### **1896, ils 15 da november**

La radunada vischnaunca a **Sedrun** ha deliberau il sequent:

1. Prelecziun dil protocol ed approbaziun da quel.
2. Avis dil signur president dad haver precauziun encunter il fiug entras secantar etc.
3. Vegg ei davart dil president dau rapport sur dil quen concernent la zona da nuorsas baghegiada a **Valtgeva**, sco era las pretensiuns dils respectivs vischins visavi la vischnaunca. Suenter haver udiu entgins meinis e proposiziuns ei concludiu che la vischnaunca dueigi pagar ils miradurs, la caltschina e la ferradira ch'ins ha stuiu duvrar vid tal baghetg. Tuttas lavurs cuminas vid la zona veggan pagadas dils vischins che han tochen dacheu tenor usit gudiu alp da nuorsas. Plinavon ei dau a l'alp da **Plaun Miez** il medem regress visavi la vischnaunca pil cass ch'ei semuossi il basegns d'ina zona da nuorsas.

### **1896, ils 6 da december**

Ei la vischnaunca stada radunada el liug solit e deliberau il suandont:

1. Prelecziun ed approbaziun dil protocol.
2. Ei vegniu priu conclus da recuorer encunter la memia aulta taxaziun da nos uauls per la taglia cantunala e per tala caussa eligiu ina cumissiun consistenta ord ils signurs geraus en uffeci, lu gerau Anselm Capeder, statalter Gion Paul Berther e statalter Gion Antoni Hitz.
3. Ei signur Sep Flurin Huonder confirmaus sco controllader da tiers ed agli surdau la distribuziun dallas bullettas pagond ord cassa pauperila francs 30 annualmein. Sco urentaders da carn ein confirmai ils veders: signur Giachen Martin Schmid, Gion Antoni Cavegn e Placi Jacomet.
4. Prelegia il signur president la sentenzia dada per il local ni liug dalla fiera da **Tujetsch** dalla primavera.
5. Ein eligi cautegias per las alps ils suandonts:  
 per **Maighels**: Placi Jacomet  
 Val Mila: Alois Caduff  
 Strem: Leci Jacomet

### **Igl onn 1897**

#### **1897, ils 28 da fevrier**

La radunada vischnaunca ha tractau il sequent:

Prelecziun dil sura protocol ed approbaziun da quel.

Ha giu liug la votaziun sur la lescha per ina banca federala cun in resultat da 223 nas e negins pros.

Sin damonda fatga dil ludeivel obercheit da vischnaunca, schebein ils surpassaments encunter igl uorden d'alps dueien veggir tratgs en censura ni buc, ei vegniu cun il pli definiu da schenghegiar per uonn, essend stau ina schliata stad; dapli duei aber il respectiv uorden dacheudenvi veggir exactamein observaus, cass contrari seigi ei da castigiar.

#### **1897, ils 2 da matg**

La radunada vischnaunca el solit liug ha concludiu da far mundi cun il s.v. pors mesjamna ils 5 da quest.

#### **1897, ils 9 da matg**

La radunada vischnaunca el liug solit ha suenter l'approbaziun digl anterius protocol concludiu da far mundi cun las nuorsas ils 17 da matg.

Ei vegniu concediu ils suandonts suloms:

Adolf Cavegn per ina casa; cun remarca sereferend sin la concessiun da lenna per casas da negozi.

Beer Sep Antoni per ina tegia a **Valtgeva** davos siu baghetg sper **Gassa**.

Deragisch Vigilius si la **Val Bugnei** per ina tegia.

Huonder Leci per ina talina sur siu baghetg sper casa da Placi Jacomet sin siu prau.

Cavegn Luis per in nuegl da sedisch encunter sia casa.

Beart Vigeli per ina tegia a **Valtgeva** sper siu baghetg.

Deflorin Giachen Giusep per ina tegia davos siu baghetg a **Tschappina**.

Giger Sep Maria per in nuegl dadens casa en curtain sin siu prau.

Caduff Giachen Lurenz per engrondir il sulom dalla fravia cun la casa vitier in nuegl da sedisch.

### 1897, ils 16 da matg

La radunanza da vischnaunca ha concludiu, essend stau disfavoreivla aura, da buca far mundi cun las nuorsas tenor conclus dils 9 da matg e surschau quella caussa alla suprastonza.

### 1897, ils 7 da zercladur

Protocol dalla radunada vischnaunca

Prelecziun da treis anteriurs protocols cun approbaziun da quels.

Rapportescha il signur president che la fiera hagi liug ils 10 da quest cun concessiun dil ludeivel Cussegl Pign.

Concessiuns dils sequents suloms: a Giachen Antoni Schmid da **Cavorgia** da far in nuegl el vidavon plaz da sia casa vedra encunter casa da Gion Antoni Schmid. A Peder Leci per far ina talina da lenna sper sia casa sin siu prau.

Rapportescha il president davart la tgisa dada en da signur „Kreisförster“ per in donn fatgs en la plontaziun d'uaul sur **Selva**.

Ha il signur president dalla cumissiun da quens, suenter haver fatg entginas remarcas specialas, dau giu in clar ed entelgeivel rapport dils quens da vischnaunca occurri 1896 - 97 e menai da signur statalter Gion Antoni Hetz concernent il total d'entradas ed expensas ed il resultat dalla bilanza annuala. El recamonda la premura dil signur statalter e dalla suprastonza cun engraziament e recamonda alla ludeivla vischnaunca l'approbaziun dil rapportau quen, il qual ei suenter haver legiu avon tuttas expensas, era daventau.

Suenter che la suprastonza actuala ha giu admess lur uffecis en mauns dalla ludeivla vischnaunca, ein ins passai tier las nominas d'ina suprastonza e commembers da quella per il bienni 1897 - 1899, la quala ei vegnida eligida e dessignada en ils suandonts:

sco president signur Anselm Capeder, **Zarcuns**

sco secund gerau Gion Andriu Berther, **Camischolas**

sco tierz gerau Duri Berther, **Zarcuns**

Sco cussegliers ein eligi: Thomas Schmid da **Cavorgia** sco statalter statalter Gion Antoni Hetz ei numnaus salter

Hans Giachen Decurtins, **Sedrun**

Gion Antoni Deragisch, scolast, **Bugnei**

Giachen Antoni Pally, **Camischolas**

Gion Antoni Peder, **Selva**

La cumissiun pauperila ei vegnida eligida cun confirmaziun dils veders persunals.

Sco cussegliers da scola ein dessignai ils ulteriurs signurs da vidavon.

Ei vegniu dessignai ina cumissiun da quens cun ils suandonts signurs: signur president Soliva, gerau Vigeli Berther, gerau Gion Battesta Monn, statalter Gion Fidel Cavegn e Flurin Venzin.

Ei vegniu priu giu ils saraments als signurs geraus e statalter sco era als vischins.

Ei vegniu visau che tgi che drovi caltschina per in auter onn dueigi dar en alla suprastonza.

Plinavon vegn ei visau d'annunziar alla suprastonza u als commembers da quella tuttas lennas da diever per baghetgs etc. enteifer otg dis. Pli tard vegn ins buca a saver risguardar pretensiuns da quellas varts.

## 1897, ils 20 da zercladur

Ei stau radunau vischnaunca a **Rueras** e predeliberau il suandont:

Prelecziun digl anterius protocol ed approbaziun.

Vegn ei visau che venderdis proxim mondien ins ad urentar tetgs e classenas ed insinuau che tochen lura dueigi mintgin haver mess en uorden semegliontas lavurs.

Fa il president attents nua che las sorts da fiug vegnien pinadas uonn e dueien tals e quals, che vulan negina sort da fiug s'annunziar tochen mardis proxim ad in u l'auter commember digl obercheit da vischnaunca.

Priu conclus d'ulivar las alps S. Gions suentermiezdi las duas a **Sedrun**.

Avisescha il president sin lamentaschuns da signur Placi Berther, ch'ins duei buca far en tocca e rumper bauns e plaz da seser restigiai en uauls etc.

Ei vegniu concediu ils suandonts suloms senza pregiudezis: a Battesta Peder, **Selva**, per ruchiar siu clavau sin siu prau. A Deplaz Giachen Giusep per ruchiar siu nuegl sper casa ensi encunter il stradun.

Rapportescha il signur president davart las elecziuns fatgas dalla dertgira circuitala per il ludeivel cumin dalla **Cadi** ed en special ils eligi personals enteifer nossa vischnaunca.

Sin la nunacceptada plazza da salter da vischnaunca ei signur statalter Gion Antoni Hetz vegnius eligius, il qual ei plinavon era puspei confirmaus sco bostger da vischnaunca.

Ein ins suenter haver udiu entgins sclariments sur dalla muntada d'ina viafier en **Surselva**, passai tier la votaziun partenet l'acceptaziun dalla respectiva lescha ni buc, il qual ha giu il suandont resultat: per la lescha han votau 93; encunter 32.

Suenter esser vendiu enzatgei tratsch da vias ei la vischnaunca vegnida serrada.

## 1897, ils 20 da zercladur

Ein ils vischins vegni radunai in mument sin **Cadruvi** nua ch'il signur president ha giu da proclamar entginas caussas:

Dueien las nuorsas vegnir zavradas gliendisdis ils 28 da zercladur a **Plaun Miez** allas diesch avonmiezdi ed a **Valtgeva** a l'ina suentermiezdi.

Vegn ei annunziau che mesjamna e gievgia e venderdis vegn ei vendiu lennas derschidas, entschavend dador **Bugnei**.

Conclusivamein ei vegniu fatg da saver che dumengia, ils 4 da fenadur, seigi vischnaunca.

## 1897, ils 4 da fenadur

Ha la radunada vischnaunca predeliberau il cargar las alps sco suonda:

1. a) las nuorsas ils 7 da quest sco era la biestga schetga,
- b) las vaccas ils 8 da quest.

Plinavon ei sin damonda da Placi Jacomet vegniu schenghegiau igl arvè d'ina vacca, essend ida sutsura.

Ultimamein ei aunc vegniu fatg da saver ch'ils cedels per la votaziun da dumengia, ils 11 da quest, dueien vegnir admess en stiva civil ni en mintga vischinadi tier in commember dil ludeivel obercheit.

## 1897, ils 2 d'october

La radunada vischnaunca el liug solit ha predeliberau il sequent:

Prelecziun dils dus anterius protocols ed approbaziun da quels.

Ha la ludeivla vischnaunca conclusivamein schenghegiau alla venerabla claustra da **Mustér** la taxa da vischnaunca per 75 - 80 crappa scalegl che dueien vegnir applicada vid ils altars dalla nova baselgia da Nossadunna.

Rapportescha e legia il signur president avon alla ludeivla vischnaunca la sentenzia dada dil ludeivel Cussegl Pign per il surfatg donn en la plontaziun da **Rusas**. Plinavon surdat la vischnaunca alla suprastanza la cumpetenza da survigilar e mirar sur la plontaziun da **Rusas** e da prender leu suenter ils adequats, necessarias e commensurai mettels per prevegnir a scadin donn en il respectiv uaul da **Rusas**.

Plinavon vegn ei rapportau dil president ina remarca stada fixada dalla cumissiun da taglia igl onn vargau ariguard in alzament da taglia sin nos funs. En quella caussa ei surdau alla

suprastanza da schar alzar mo stuend tier pli aulta taxaziun nos funs. Plinavon dueigien tals e quals che han buca giu tochen da cheu pli u meins exactas mesiras da funs dar en quei ton pli gleiti al president.

Ariguard il dar lartg ei concludiu pils tiers gronds gievgia, ils 6 d'october e pils s.v. sonda proxima essend bialaura tochen lura che mintgin ha saviu prender si siu fretg.

Essend esser visau, che tgi che vegli trer chis sil cuolm, duei schar saver il tierz gerau tochen suentermiezdzi.

### 1897, ils 10 d'october

Ei stau radunau vischnaunca a **Rueras** e predeliberau il suandont:

Ei vegniu visau che tgi che hagi bos e vegli trer chis duei s'annuziar tier in dils signurs geraus.

Fa il president attents che Hans Giachen Decurtins verteschi buca il far giu lennas da terrein tras siu prau ora sil la **Val Bugnei**.

Ariguard il dar lartg ei concludiu da schar ira tuti tiers pils praus schi gleiti sco ei seigi terrein, las nuorsas ein da zavrar damaun ils 11 da quest.

Vegnan ils signurs cauvitgs visai da prender si las gliestas dils tiers pils quens da vischnaunca tochen emprem november

### 1897, ils 7 da november

La radunada vischnaunca ha giu suandontas tractandas:

Prelecziun ed approbaziun dils dus anteriurs protocols.

Fa il president attents ch'in e scadin duei haver precauziun cun zulprins en uauls etc. Plinavon era buca donnegiar uauls e sin moda nunlubida far lennas etc.

Ei Josef Maria Albin da **Rabius** prius sco nurser dalla stad per 1898 per 26 raps per nuorsa senza il sal.

Ei vegniu serrau arvè cun il 28 da november; taxas tenor uorden vegl ed onn vargau.

Supplicescha il president in memorandum dalla banca cantunala arisguard brevs da hipoteca.

Vegn in niev uorden da lavur cumina mess avon alla ludeivla vischnaunca ed acceptaus cun l'annexa, che da far lenna per casas pervenda stoppien mintga fiug luvrar dus dis gratuitamein.

Ein vegni numnai sco delegai tier ina radunanza a **Glion**, concerment ina damonda dalla viafier, ils dus emprems geraus en uffeci.

### 1897, ils 28 da november

La radunada vischnaunca ha tractau il suandont:

Prelecziun digl anterius protocol ed approbaziun.

Prelegia il president ina brev ex officio dalla titulara canzlia digl uestgiu da Cuera, per giustificaziun alla ludeivla suprastanza etc.etc da **Tujetsch** en la vertenta demissiun cun sur Muoth etc. e per cheutras calmar tala caussa denter vischins e convischins.

Ei suenter pliras discussiuns ed essend occurriu divers meinis vegniu votau per ina viafier suenter il **Rein**, respectiv lingia **Bonaduz - Glion** 5000 francs en aczias (ditgel tschunmelli frs.) e surschau alla suprastanza d'en cass d'urgentas necessitads schar augmentar tala summa sin 6000 francs (ditgel sismelli frs.) aber mo stuend sut eventualas circumstanzias.

Ei vegniu votau giu sur las suandontas leschas cantunalas e fixau sco dumbravuschs il secund e tierz gerau en uffeci.

Lescha poliziala cun il sequent resultat: pro 122 e cunter negin

Lescha d'assicuranza da biestga: pro 84 encunter 49

Ein vegni fixai ils cautegias per las alps da schetgs per 1898:

**Val Strem:** Sep Antoni Venzin

**Val Mila:** Gion Antoni Hetz, bostger

**Maighels:** Placi Jacomet

Ei vegniu moviu davart dalla suprastanza la pendenta questiun per megliurar la via da **Sudada** e per tal intent ei eligiu ina cumissiun consistenta ord la suprastanza, signur Gion Paul Berther, Hans Giachen Decurtins, Gion Antoni Berther e Sep Berther.

Metta il president avon alla ludeivla vischnaunca in niev project da **Rusas**, il qual ei vegnius acceptaus „nollents vollents“.

## Igl onn 1898

### 1898, ils 8 da matg

La radunada vischnaunca ha tractau il sequent:

Prelecziun dils dus anteriurs protocols ed approbaziun.

Ei vegniu concludiu da far mundi ils s.v. tiers gievgia proxima.

Ei vegniu concediu sulom per in nuegl da sedisch sut clavau stalla da Battesta Valier ed in sulom per in iert sut casa da vieua Beer ad Ignazi Beer a **Camischolas**.

Ei sin vertenta opiniu da vart dalla suprastanza, respectiv la cumissiun pauperila, vegniu indicau ch'ins vegli far diever da paragraf 24 dalla nova lescha poliziala e quei ha giu negins opponents.

Ei vegniu rapportau dil presidi ils statuts cantunals concernent la lescha d'assicuranza da biestga e proponiu dumengia proxima ina discussiun per tala caussa en casa da scola **Sedrun**.

### 1898, ils 15 da matg

Radunada vischnaunca ha tractau il suandont:

Concludiu da far mundi cun las nuorsas venderdis ils 20 da quest. En cass che l'aura fuss disfavoreivla ei aunc schau sura alla suprastanza.

Fa il presidi attents che tuttas lennas per classenas dueien vegrin dadas en enteifer otg dis al signur bostger Hetz.

### 1898, ils 30 da matg

La radunada vischnaunca ha definiu las suandontas tractandas:

Prelecziun dils anteriurs protocols ed approbaziun da quels.

Avisescha il presidi che tuts possessurs da tgauns dueien s'annunziar enteifer questa jamna ed attribuir la taxa canina, cass cuntrari vegrin ins a schar cassar il "landjäger".

Vegrin ils substituts d'assicuranza visai da cumparer suenter vischnaunca en stiva dil civil.

Per ils vischins da **Tschamut** ei annunziau che la schazegiada dalla biestga vegrin fatga damaun ils 31 da quest.

Concessiun da suloms: a Deragisch Vigeli da brattar sulom cun siu baghetg sill a **Val Bugnei**; a Gion Antoni Monn da Stiafen per baghegiar in nuegl ed ina zona da sedisch giun **Druns**.

Ein tenor vegli usit ils quens dalla administraziun da vischnaunca vegrin suffamess alla approbaziun dalla ludeivla vischnaunca. Suenter che signur president dalla cumissiun da quens ha sufficientamein giu dilucidau, ton concernent las entradas sco expensas da vischnaunca ed en special era il resultat final dil quen da vischnaunca, ei quel unanimamein vegrinus approbaus.

Ei signur statalter Thomas Schmid vegrinus confirmaus sin sia piazza posteriura vinavon per 1898/99.

Fa il presidi attents che tuttas lennas per reparaturas e diever dueigien vegrin annunziadas tochen venderdis proxim.

Ei sin moziun da signur Felici Monn vegniu concludiu da reveder igl uorden da lennas.

### 1898, ils 5 da zercladur

La vischnaunca radunada ha giu liug a **Zarcuns** e predeliberau il sequent:

Ei vegrin votau per la viafier suenter il **Rein**, respectiv da **Bonaduz** a **Glion** ed aunc 1000 frs. tier ils ulteriurs 5000 frs., e quei en acczias.

Ei concediu alp a marcadont Pally Martin da **Medel** per 7 - 8 stiarls.

Ei concediu a Soliva president sulom per ina zona si **Cungieri** ed a Sigisbert Monn ei concediu da ruchegiar sia casa encunter il **Run** encunter pagament. A Gion Antoni Monn, **Surrein**, ei concediu da baghegiar ord in nuegl da dudisch in da sedisch e tegia en **Pardatsch**.

### 1898, ils 12 da zercladur

Ein ils vischins stai radunai a **Rueras** e definiu il suandont:

Vegrin ei visau da dar en tochen ils 19 da quest tgi che prendi buca la sort da fiug.

Ei il meister mustregia Casanova vegrinus relaschaus cun il pli.

Ei vegniu vendiu tratsch dallas chinettas a president Soliva e schau vi il prau silla **Val Caltgera** a Luis Jacomet per dus onns à 3 frs. tscheins.

### 1898, ils 24 da zercladur

La vischnaunca ha definiu il sequent:

Prelecziun dils anteriurs treis protocols cun approbaziun da quels.

Vegn ei visau ch'ils tetgs e classenas dueigien tochen gliendisdis e mardis proxim esser mess en uorden ed ins vegni talas lavurs ad urentar enteifer questa jamna.

Ei fatg suandontas concessiuns: a Gion Giger sulom per ina zona a **Mulinatsch**; a signur gerau Duri Berther da midar sulom cun sia tegia si mises da **Sumpraus**; a Sep Antoni Loretz ei schenghegiau igl arvè d'ina vacca.

Vegn ei fatg da saver che gievgia vegn ei vendiu lennas derschidas entschavend en uaul dador **Bugnei**.

Presenta il signur president in niev uorden da lennas, il qual ei suenter esser legius avon alla ludeivla vischnaunca vegnius approbaus e dueigi entrar en vigur cun il di dad oz.

Vegn ei annunziau ch'ei seigi tenor uorden d'ulivar las alps oz suentermiezdi.

### 1898, ils 31 da fenadur

La vischnaunca ha giu da tractar il sequent:

Ei vegniu fatg enconuschent ch'ei vegni vendiu **Cuolm Ault** oz e dumengia proxima ils **Cuolms Bass**.

Rapportescha il presidi entgins factums arisesguard la situaziun cun la zoppina che grassescha en vischnaunca, sco era las necessarias precauziuns, las qualas vischinadis e particulars ein obligai da prender per prevegnir al serasar dalla malsogna.

Sin moziun da signur president ei plinavon concludiu da far bien per intent d'ina ameglieraziun entras il Tutpussent en tala miseria d'épidemia.

### 1898, ils 2 d' october

Ei stau radunau vischnaunca a **Sedrun** e predeliberau il sequent:

Prelecziun dils dus anteriurs protocols ed approbaziun.

Vegn ei dil presidi annunziau che tuttas midadas da taglia dueien ins notificar ad el.

Vegn ei visau ch'il far giu lennas tras prau da signur president Soliva o l'**Acla** seigi scumandau.

Ei vegniu eligiu sco gerau militar Gion Andriu Berther.

Ei suenter entgina ponderaziun vegniu concludiu da buca dar lartg questa jamna e lubiu ad entginas alps da biestga schetga da midar e translocar ils tiers sil meglier saver senza rescarr novs cass da malsogna. Per tal intent ha la suprastanza mess avon in pareri ed ei duei ira suenter quel, tuttas excepcziuns mo sut controlla e cun lubientscha. Il president avisescha ch'ins duei vegnir suenter a scadina prescripziun ch'ins hagi stuiu far, cass cuntrari stuess el annunziar al Cussegli Pign ch'il contumaz *curontina* sappi buca vegnir finius ad interim.

Plinavon duei il desinfectar ils nuegls vegnir fatg vinavon en ils vischinadis **Gonda, Rueras, Surrein e Selva**.

### 1898, ils 9 d' october

Ha la radunada vischnaunca definiu il suandont.

Prelecziun dil protocol ed approbaziun da quel.

Ei concludiu da dar lartg ils 10 d'october. Tiers serrai han da finir il contumaz *curontina* da diesch dis.

Ei vegniu visau che Gion Antoni Monn da Stiafen scamondi tutta pasculaziun a **Caschatschas**, essend plantau uaul.

### 1898, ils 6 da november

Ha la vischnaunca definiu:

1. Da serrar arvè ils 28 da november e schar brattar tiers tochen Daniev.

2. Ei vegniu votau sur la lescha da pesca cun 88 pro e negin encunter.

3. Ei concludiu da turnar a reparar la via da **Gieppa** e surschau quella lavur al tierz gerau da direger e drizzar ora.

### 1898, ils 12 da november

Ha la vischnaunca suenter esser prelegiu ils anteriurs protocols ed approbaziun da quels tractau il suandont:

Ei Giusep Maria Albin pigl onn 1899 prius si sco nurser per la stad per la pagaglia da 26 raps per nuorsa.

Ein fixai sco cautegias

per **Strem**: Martin Pally;

per **Val Mila**: Paul Berther;

per **Maighels**: Sep Berther, substitut: Placi Jacomet.

Ei vegniu votau sur las suandontas leschas:

a) per la lescha d'unificaziun dil dretg civil cun 204 na e 0 pro

b) per la lescha d'unificaziun dil dretg penal cun 211 na ed 1 pro

### Igl onn 1899

#### 1899, ils 8 da schaner

Ei stau radunau vischnaunca e definiu il sequent:

1. Ei vegniu concediu patrimonium als signurs teologs Jacob Fidel Venzin e Jacob Joseph Beer.
2. Ei surschau alla suprastanza da schar via las **Vals Cavradi** a Plazi Jacomet.
3. Ei da vart dil president vegniu rapportau alla vischnaunca la damonda da metter neu in'orgla nova en la baselgia parochiala, la quala caussa ei stipulada sin circa 5000 frs. e surschau l'impostazion a segnerfarrer ed agl ugau baselgia, gerau Gion Battesta Monn.

Cun quei ei stau finiu.

Approbau cun la remarca che la cassa da vischnaunca vegni buca pregiudicada per endrizzar en in'orgla nova, havend il collectar purtau en per total cuost e spesa, ils 5 da mars 1899.

A. Berther, protocollist

#### 1899, ils 5 da mars

Ha definiu il sequent:

1. Prelecziun dils anteriurs protocols ed approbaziun da quels.
2. Prelegia il signur president ina brev dil ludeivel uffeci da cumin tenor la quala ei duei vegnir priu si ina collecta pil disgraziau Clau Muoth a **Segnas**. Sin quei ei concludiu da collectar dumengia proxima en baselgia.
3. Vegn ei visau d'annunziar tuttas lennas per baghetgs etc. enteifer venderdis ed otg dis.
4. Vegn ei visau d'annunziar tuts quens da Sep Antoni Zanetti al gerau. Plinavon vegn ei fatg da saver che venderdis proxim vegni mess en ingant enzatgei resti etc. da Zanetti, sco era prau grass e maghers da G. Fidel Beer.
5. Metta il president avon alla ludeivla vischnaunca il pareri tschentaus si dall'elegida cumissiun per la via da **Sudada**. Suenter esser flussiau divers meinis ei vegniu decidiu da baghegiar la via da **Sudada** e fixau l'ulteriura cumissiun tier ina nova radunanza e ponderaziun da tala interpresa.
6. Vegn ei dil president fatg attents che uonn mondi igl uorden per s.v. taurs ord vigur.
7. Ei vegniu votau pils cussegliers dils stans cun sequents resultats:

Peterelli 201

Raschein 125

Decurtins 1

Marugg 1

Cun quei ei la vischnaunca vegnida relaschada.

#### 1899, ils 12 da mars

Ha la vischnaunca tractau il sequent:

1. Metta signur president avon tuttas prescripziuns, las qualas il niev uorden da lennas camonda d'observar e che tuttas lubentschas, las qualas respectiv uorden lai tier, stoppien

succeder sut controlla d'observaziun dil secund gerau. Plinavon vegn ei fatg attents che scadin surpassament encunter respectiv uorden vegni dacheudenvi censuraus sil pli pauc cun in minimum da 100 frs.

2. Sin damonda da Hans Giachen Caduff e frars Jacomet e cumpagnia, **Cavorgia**, d'astgar baghegiar da lenn, ils emprems per **Scharinas**, ils auters a **Cavorgia Sura**, ei sut il pli e meins concludiu da lubir.

3. Ei vegniu legiu avon alla ludeivla vischnaunca il pareri per la via da **Sudada** e concludiu da tenor quel baghegiar la via e fixau la suprastanza en uffeci per direger e menar vinavon tala interpresa. Ariguard il garegiar subsidi ei preferiu ad interim per megliera intervegnientscha tier tala caussa.

### 1899, ils 20 d'avrel

Ha la radunda vischnaunca predeliberau il sequent.

1. Ei secunvegniu da schar vegnir mustregia Derungs da **Danis** la jamna proxima.

2. Ariguard il far mundi ils s.v. ei vegniu refretg.

3. Ei vegniu concediu sulom per in stebli a statalter Fidel Venzin sper sia casa a **Selva**.

4. Ei concediu a Thomas Berther cumparts da far la spartida miez e denter eschs da baghetg staus da Lorenz Jacomet da lenna, essend per baghegiar buca sufficient plaz.

5. Fa il president endamen che las lavurs dil niev project da **Rusas** segien aunc da finir ed ins duessi quei rugalar giu ton pli gleiti, sco era mirar da haver sil plaz in'autoritat cumpetenta che diregi talas lavurs.

6. Metta il president avon alla ludeivla vischnaunca il petitium da vischins da **Bugnei**, ils quals garegian ina via da bara da **Curtins** si. Suenter esser flussiau ils meinis da signurs geraus ei entras tscharna concludiu da reparar la via veglia.

7. Ei sin moziun da vart dalla suprastanza vegniu mess en discussiun alla ludeivla vischnaunca la damonda schebein ins vulessi turnar a far in uorden per s.v. taurs e quei suenter haver udui entgins rapports fatgs dils vischinadis en lur radunonzas. Tala damonda ei vegnida disolvida cun tscharna encunter tscharna e zuar cun il pli da far negin uorden da vischnaunca per tal intent.

### 1899, ils 12 da matg

Ein ils vischins stai radunai a **Zarcuns** per suandontas predeliberaziuns.

1. Fa il president attents che las gliestas per l'iniziativa sappien vegnir suatascrettas a **Rueras** e **Sedrun** oz suenter messa e suenter viaspras.

2. Ei vegniu concediu a Sep Antoni Beer da trer grad sia seiv a **Valtgeva** encunter bonificaziun.

3. Sin damonda da frars Deragisch, schebein els stoppien mirar per in s.v. taur en campi da quel che seigi piars, ha la vischnaunca concludu in remplazzament sin ina moda ni l'autra.

4. Fa il president attents per cumissiun da signur "Ingenieur" che las petgas dalla via dueien esser derschidas agradsi - 1. zercladur.

5. Ei concludiu da far mundi ils s.v. pors ils 13 da matg e las nuorsas mesjamna, ils 17 da quest.

### 1899, ils 21 da matg

Ei stau radunau vischnaunca e predeliberau il suandon:

1. Prelecziun d'entgins protocols cun approbaziun da quels.

2. Concludiu che cun las cauras duei vegnir fatg mundi ils 23 da matg.

3. Dat il signur president eventual rapport concernent la via da **Sudada**, havend correspondiu cun las regenzas cantunalas per intervegnientscha tier tala lavur, sereferend sin conclus prius pli baul ei en quella caussa vegniu concludiu auter nuot.

4. Ha il signur president dalla cumissiun da quens dau giu in clar ed entelgeivel rapport recapitulativ dils quens da vischnaunca digl onn 1899 menai da signur statalter Thomas Schmid concernent il total entradas ed expensas ed il resultat dalla bilanza annuala. El renconuscha la premura dils signurs geraus e statalter e recamonda alla vischnaunca l'acceptaziun dils quens sco ei era daventau.

5. Suenter che la suprastanza actuala ha giu admess lur uffeci en mauns dalla ludeivla vischnaunca ei quella

a) danovamein vegnida confirmada per in bienni, sco era signur statalter Thomas Schmid per 1899 - 1900 e sco salter signur "Förster" Hetz; sco cussegliers ils veders Hans Giachen Decurtins, scolast J. Deragisch, G. Antoni Paly e G. Antoni Peder.

b) Ella cumissiun pauperila ei dessignau ils medems personals dil bienni vargau.

c) Sco cussegliers da scola ein elegi: signur farrer sur Venzin, president, Lezi Huonder, Gion Antoni Monn, Felici Monn, G. Martin Beer, Thomas Schmed, **Cavorgia** e Vigeli Venzin, **Selva**.

d) Cumissiun da quens ei dessignada la medema da vidavon.

6. Ariguard las remarcas dalla stimada cumissiun da quens:

1. Che tuttas postas che seigien tochen Tschuncheismas buca pagadas per nuncantlis dueien vegnir fatgas cantli dalla cumissiun da quens.

2. Ch'il "förster" sappi prender in adattau um tenor siu giavisch per agid tier la concessiun da lennas, mo duei tal vegnir giustificaus cun quintar laver cumina.

Omisduas remarcas ein vegnidas approbadas dalla vischnaunca ed ins duei a norma da statut proceder dacheudenvi leu suenter.

## 1899, ils 4 da zercladur

La radunada vischnaunca ha definiu il sequent:

1. Avisescha il president ch'ils "Tierschauers" hagien da prender giu las bullettas il di dalla fiera da **Sedrun**.

2. Rapportescha il signur president las elecziuns cumponidas dalla ludeivla dertgira da cumin.

3. Ein vegni fixai ils umens electorals per la dertgira districtuala, numnadamein consistents ord la suprastonza cun ils commembers da vischnaunca ed ils dus suppliants signur Christian Muggli e G. Martin Berther.

4. Fa il presidi attents che la suprastonza vegni fatga responsabla tenor publicaziun dil Fegl Ufficial per tuts cass da zoppina che savessen nescher entras haver negligiu il desinfectar nuegls, tegias ed auters baghetgs etc. sin alps e mises ed "überhaup" nua ch'ein stai tiers malsauns dalla zoppina e perquei insinuescha il presidi in e scadin da far da saver tuttas localitads che seigien u pudessien aunc esser da desinfectar.

5. Vegn ei dil signur president rapportau che tenor ordinaziun dil Cussegl Pign dueien tuttas servituts da vischnaunca en onn current vegnidas cumpradas libras ed ein vegni fixai per predeliberal quella caussa ils signurs geraus en uffeci.

6. Ei vegniu visau da dar en las sorts da fiug ch'ins vul buc, plinavon ein mardis proxim visai a laver cumina sin **Rosas** tuts da **Selva** e **Tschamut**.

## 1899, 24 da zercladur

Ha la radunada vischnaunca tractau il sequent.

1. Prelecziun dils dus anteriurs protocols ed approbaziun da quels.

2. Ei vegniu concediu a gerau Gion Paul Berther d'engrondir ina zona pils mirs sper siu baghetg a **Mulinatsch**.

3. Ei vegniu visau ch'igl **Uaul s. Brida** seigi aunc adina serraus e buca libers per pasculaziun etc.

4. Vegn ei fatg da saver che venderdis e sonda vegn ei vendiu lennas e zuar entschiet en **Uaul Cavorgia**.

5. Ei vegniu fixau d'ulivar las alps allas dus suentermiezdi.

6. Dueien las nuorsas vegnir zavradas ils 28 da quest a **Plaun Miez** allas diesch avonomiezdi e suenter a **Valtgeva**.

7. Ei sin damonda da G. Martin Curschellas concediu ad el da tagliar si in carr turba sil **Cuolm** per siu basegns da barschar, essend el secasaus ad **Ursera**, denton sut survigilonza d'in ufficial dalla suprastonza.

8. Fa il presidi attents ch'en il decuors da questa jamna duein tuttas lavurs da **Rusas** vegnir vidimadas.

9. Ei vegniu vendiu enzatgei tratsch da chinettas.

## 1899, ils 2 da fenadur

La radunada vischnaunca ha tractau il suandont.

1. Prelecziun ed approbaziun dil sura protocol.

2. Ei concludiu da refierer il cargar las nuorsas sin la **Puzza**.

3. Presenta il signur president alla vischnaunca in petitum dils vischins da **Bugnei** concernent la pretensiun d'ina via carrabla per transit tras la **Val Bugnei** giu sin il stradun. Sin quei ha la vischnaunca fixau la suprastonza sco cumissiun da luvrar e ponderar per tala caussa e dar rapport alla vischnaunca.

### 1899, ils 9 da fenadur

La radunada vischnaunca ha giu sequentas tractandas:

1. Ei concludiu da cargar las nuorsas ils 10, ils schetgs ils 13 e las vaccas ils 14 da fenadur.

Plinavon ein tuts pasturs visai da buca magliar ordeifer ils cunfins dalla respectiva alp, sco era dueien tuts tiers en in'alp vegrir pertgirai ensemens e buca vegrir fatg partischontadat.

2. Fa il presidi attents che tuttas sorts da fiug en via da **Mises Pign** dueien vegrir resgiadas ora, cass contrari vegrins a vender quellas lennas.

3. Fa il presidi enconuschenet che tals che hagien fatg donn sin prau da Vigeli Deragisch ora l'**Acla** dueien s'annunziar tier Vigeli Beer, essend tal veginus fatgs responsabels d'haver fatg donn.

4. Ariguard il reparar la tegia da **Maighels** ei veginu surschau al tierz gerau da reparar tenor siu manegiar.

### 1899, ils 20 d'uost

Ei stau radunau vischnaunca e predeliberau il suandont:

1. Legiu avon ils sura protocols ed approbau quels.

2. Ei dil signur president veginu mess en discussiun la vertenta questiun pervia dall'untgida da **Nalps**. Suenter esser flussiau ils differents meinis ei concludiu da dar ad interim negina untgida en **Plaun Schlaus**, sonder da restar sin il vegl dretg ed usit en **Plaun las Cavorgias** conform alla lescha visavi in revers, d'aschigleiti sco ei vegini plantau uaul en **Plaun las Cavorgias** e per quei temps da plontaziun ceder in'untgida en quei stagl. Plinavon ha la vischnaunca concludiu da cumprar liber il dretg da lenna.

### 1899, ils 10 da settember

Ei stau radunau vischnaunca en liug solit e predeliberau il sequent:

1. Dat il signur president rapport alla vischnaunca ch'ils pursanavels dall'alp **Nalps** hagien segirau project da pasch pervia dalla vertenta questiun ariguard l'untgida e dretg da lenna che nossa vischnaunca debitescha ad els, sco era la fatga cunvegnientscha tier tala mediaziun, la quala ei aber dils pursanavels **Nalps** veginida annulada e vegini a succeder in pogn tier in process sin via da dretg. Per tala questiun ei veginu dumandau entuorn ils meinis e concludiu da schar ira vinavon ils pursanavels da **Nalps** e fixau sco cumissiun che rispundi tala damonda ils signurs geraus en uffeci.

2. Ei veginu mess en discussiun la pretensiun dils vischins da **Bugnei** per ina via ed ei concludiu da far tala via da sum **Curtin** si per ira cun menadiras, sco era casualmein cun in tier ni l'auter.

### 1899, igl 1. d'october

Ei stau radunau vischnaunca e predeliberau il sequent:

1. Prelecziun dils sura protocols ed approbaziun da quels.

2. Ei veginu concludiu da dar lartg ils tiers mardis, ils 3 da quest ed ils s.v. pors gievgia, ils 6 da quest, il descargar las nuorsas ei surschau alla suprastonza.

3. Fa il presidi attents che tuttas midadas da taglia dueien vegrir annunziadas enteifer otg dis.

4. Ei concediu a Luis Curschellas sulom per ina zona a **Pardatsch** encunter pagament.

5. Avisescha il presidi d'haver schanetg ed esser precauts da far giu lennas e sorts da fiug dador **Bugnei** per buca caschunat donnas ed evitar discleatgs.

6. Ei veginu fatg da saver che tgi che vulessi trer chis sco era tgi che garegi da schar vegrir il mustergia duei s'annunziar.

## 1899, ils 8 d'october

La radunada vischnaunca ha tractau il suandont:

1. Veggan tuts cauvitgs visai da prender las gliestas dils tiers per la taglia da vischnaunca – 1. da november 1899.
2. Ei vegniu concludiu da zavrar las nuorsas mesjamna ils 11 da quest.
3. Dat il presidi in cuort rapport sur dil passau secund project da pasch en vertenta questiun per las servituts da **Nalps** concernent da schar decider tala caussa in cumpromiss e cheu mett'il signur president era avon las pretensiuns dils pursanavels **Nalps**, sco era las cundiziuns sut las qualas els ein cuntents da schar decider in cumpromis. Suenter cuorta dilucidaziun ei vegniu concludiu da schar tier igl instradau process.

## 1899, ils 28 d'october

La radunada vischnaunca ha tractau:

1. Votaziun dils "Ständeraths" cun il sequent resultat:

Planta	222 vuschs
Decurtins	202 vuschs
Condrau	6 vuschs
Risch	8 vuschs
Bühler	3 vuschs
Conrad	1 vusch

2. Nominaziun d'in gerau federal

Condrau	151 vusch
---------	-----------

3. Fa il president attents che tuttas lennas da sort concedidas ni cumpradas dueien vegnir nudadas, cass contrari veggan ins tenor uorden da vischnaunca a disponer sur tala lenna buca marcada.

4. Proclamescha il presidi las visadas da Gieriet Chrest Antoni e da Vigeli Beart che scamondan d'ir cun lur romas ni lennas emplunadas d'auters egl uaul.

5. Ein ils possessurs da biestga vegni supplicai da serender en casa da scola per ina discussiun en fatg d'assicuranza da biestga.

## 1899, ils 19 da november

1. Ha la radunada vischnaunca votau sur ils suandonts pugns da recapitulaziun:

I.	Project da lescha partenent il caseglier:	3 acceptants e 96 refusants.
II.	Project da lescha per la polizia da fiug:	0 acceptants e 120 refusants
III.	Project da lescha per igl uclaun da <b>Giova</b> :	95 acceptants e 0 refusants
IV.	Project da lescha per in niev baghetg da convict a <b>Cuera</b> :	0 acceptants e 105 refusants.
V.	Project da lescha per iniziativa burgheisa:	136 acceptants e 0 refusants.

2. Ein vegni fixai sco cautegias per 1900:

per **Strem** statalter Gion Paul Berther

per **Mila** Gion Antoni Berther

per **Maighels** Hans Giachen Decurtins

3. Ei concludiu da serrar arvè cun ils 28 da november per tuts tiers che veggan importai en vischnaunca ed ei excludus tut brattar tiers.

4. Ei vegniu visau d'annunziar e dar en tuts quens da l'assicuranza tochen otg dis.

5. Fa il president entginas remarcas concernent la plontaziun da **Russas e S. Brida**.

6. Ei concediu a Lezi Antoni Brugger da baghegiar sin sulom da Berther G. Martin a **Mulinatsch** dus nuegls da dudisch e schar far la spartida da lenn.

## 1899, ils 26 da november

La radunada vischnaunca ha tractau il suandont:

1. Ei vegniu dau giu ils cedels per l'elecziun dil niev "Ständerat" cantunal.
2. Ei vegniu legiu avon ils treis anteriurs protocols ed approbaziun da quels.
3. Publichescha il signur president ina circulara dil ludeivel Uffeci da cumin concernent il prender si ina collecta pils donnegai da **Medel** entra succediu barschament a **Casura**, sin quei ei concludiu da collectar casa per casa.

4. Ei vegniu schenghegiau a Sep Atoni Beer igl arvè per duas cauras.

### Igl onn 1900

#### 1900, ils 13 da matg

Ei stau radunau vischnaunca e concludiu il sequent.

1. Preleciun d'entgins protocols ed approbaziun da quels.
2. Ei concludiu da far mundi ils s.v. ils 14 da quest e las nuorsas ils 17, las cauras 8 dis suenter.
3. Ei concediu sequents suloms: Riedi G. Flurin per ina casa a **Zarcuns**, a Carl Caveng per ina remisa a **Tschamut**, a Caveng Gion Antoni per ina casa a **Rueras**, a Gion Andriu Berther da far si in faner a **Giuv** e da baghegiar ina talina encunter siu baghetg sper casa, a Monn Gion Mathias da baghegiar in stebli encunter sia casa.
4. Fa il president la remarca ch'il chis duei buca veginir fatgs tut en in liug sco ils onns vargai, aschiglioc veginien ins a schar leu in ton. Plinavon tgi che vul buca sort da fiug, duei dar en al bostger tochen dumengia, sco era lennas da clauder.

#### 1900, ils 20 da matg

La radunada vischnaunca dils 20 da matg 1900 ha

1. votau giu sur la lescha d'assicuranzas da malsauns cun il resultat da 230 refusonts e negins acceptonts.
2. Fa il president attents ch'ins stoppi reparar la casa da scola a **Rueras** ed ins duessi dar in'entschatta tier quella laver.
3. Plinavon fa il president attents ch'ins sappi prender si la stad 8 – 12 genetschas. Encunter ei stau negina opposiziun.
4. Fa il president da saver lamentaschuns dils proprietaris da prau a **Putnengia**, ch'ei vegini fatg donn dad ir si e giu; plinavon damonda il president per entruidament nua il material dallas chinettas hagi dretgs da veginir dismiss dador **Bugnei**.

NB. La concessiun a Fry e comp., essend pli tard negada, ei buca veginida scetta en cudisch da protocol.

#### 1900, ils 4 da zercladur

La radunada vischnaunca ha definiu il sequent.

1. Fa il signur president la remarca concernent igl existent uorden da baghegiar e sin quei ei la damonda da Fry e comp. veginida negada cun in contraconclus visavi la concessiun stada fatga a Fry e comp. sut datum dils 20 da matg.
2. Vegin ei visau ch'ei vegini urentau tetgs e classenas el termin da 15 dis.
3. Ei concludiu da baghegiar il baghetg **Dulezi** da fundament ensi niev.
4. Ei vegniu schenghegiau 25 frs. spesas occurridas entras decisiun e sentenzia en damonda da pagar fein jester als participai e respectiv process.
5. Ei concediu a Giachen Martin Curschellas da tagliar si in carr turba si **Cuolm**.
6. Fa il presidi attents ch'ei seigi vegniu mess crappa mundada en trutgs e passaschs e tals e quals dueien metter lur material en in auter liug lubiu, cass contrari veginien ins a schar far quei sin lur quen.
7. Ei sco tenor usit vegniu dau giu quen da vischnaunca, il qual ei vegnius approbaus cun engraziament e signur statalter Thomas Schmid ei vegnius confirmaus sco statalter pro 1900 – 1901.

#### 1900, ils 24 da zercladur

Ha la vischnaunca giu liug a **Rueras** e predeliberau il sequent.

1. Proclamescha il signur president duas publicaziuns da benefecis d'inventari ord il fegl ufficial.
2. Fa el attents
  - a) che tenor uorden hagien las nuorsas da veginir zavradas ils 28 d.q.,
  - b) ch'ei vegni vendiu lennas sonda, entschiet a **Cavorgia** e mesjamna damaun lenna derschida a **Rusas**.

3. Vegr'ins a schar vegrir il meister mustregia sin giavisch da plirs vischins e dueien tals s'annunziar.

Il trutg dalla **Rieda** duei vegrir aviarts e pil cass da discletgs vegnies l'assicuranza a pretender per bonificazion ils possessurs da raspar lenna derschida.

4. Vegr ei visau che tgi che hagi aunc la sort da fiug dador **Bugnei** sin prau da scolast Soliva, duei metter naven, cass contrari vegr la vischnaunca a disponer dalla lenna e tgi che va cun tala lenna ha da pagar alla vischnaunca 5 frs.

5. Ei concludiu d'ulivar las alps allas duas suentermiezdi en liug solit.

### 1900, igl 1. da fenadur

La radunada vischnaunca ha definiu il sequent.

1. Prelecziun dils anteriurs protocols ed approbaziun da quels.

2. Ei concludiu da cargar las nuorsas sonda proxima.

3. Fa il president attents che Vigieli Caveng selamenti ch'ei vegni transitau la via da **Pulemas** temps da fretg cun menadiras e sch'ins vegni quei buca a calar, sche vegr el a stuer far autres fuormas per quei impedir.

### 1900, ils 8 da fenadur

La vischnaunca ha concludiu:

1. da cargar la biestga gievgia e venderdis, essend favoreivla aura.

2. Fa president attents

a) ch'ei vegni vendiu lennas damaun e surdamaun ed entschiet en **Uaul Bugnei**.

b) Remarchescha il president ch'ei seigi vegniu fatg giu cuscha en **Uaul Surrein** da sum tochen dem ed el resalvi da purtar tgisa alla direcziun forestala a **Cuera**.

3. Plinavon ein tuts pasturs visai da pascular sin lur territori dad alp, quei per la vischnaunca e concernent l'assicuranza vegness quella a snegar la bonificazion sin armauls che mondien sutsura oreifer ils cunfins dalla respectiva alp alla quala tals tiers appartegnien.

4. Ei signur scolast Paly vegnius elegius sco statalter per 1900 – 1901.

5. Ei da part dil president pauperil vegniu visau d'annunziar tuttas expensas da daners extribui per l'alimentaziun dils paupers da nossa vischnaunca interns ed externs e quei per mauns dil signur president da cumin.

### 1900, ils 12 d'uost

La radunada vischnaunca ha definiu il suandont.

1. Ei vegniu notificau ch'ei vegni vendiu **Cuolm Ault** oz e **Cuolm Bass** dumengia proxima en liug solit.

2. Ei vegniu fixau d'empruar las sprezzas e numnau quater survigiladers tier quella manevra.

3. Ei concludiu da collectar pils donnegiai da **Tersnaus** casa per casa.

4. Dat il signur president rapport en vertenta questiun da **Nalps** dil curriu e passau entochen oz e sin quei ha la vischnaunca concludiu che la suprastonza en uffeci dueigi rispunder sin tala damonda e dar en la replica en tala caussa.

5. Ei signur scolast Paly vegnius saramentaus sco statalter da vischnaunca.

### 1900, ils 23 da settember

La radunada vischnaunca ha tractau il sequent.

1. Fa il president attents che tuttas midadas da taglias dueien vegrir notificadas ad el tonpli gleiti. Plinavon vegr ei visau vischnaunca sin dumengia proxima.

2. Ei vegniu ordinau e concludiu da separicipar alla radunanza da **Glion** cun ina representanza da 40 umens e fixai ord mintga vischinadi, ultra ei surschau a tgi che vegli, era voluntariamein. La suprastonza e cussegliers da scola ein cumandai ed obligai dalla vischnaunca anora.

### 1900, ils 30 da settember

La radunada vischnaunca ha definiu da dar lartg ils 5 ed ils 6 d'october, sche l'aura seigi favoreivla ch'il fretg sappi vegrir prius si.

## 1900, ils 14 d'october

La radunada vischnaunca ha definiu il suandont.

1. Prelecziun da quater anteriurs protocols ed approbaziun da quels.

2. Ei vegniu votau sur las suandontas leschas:

a) per la lescha concernent la paga dils scolasts cun 143 pro, 0 contra

b) per la lescha d'ustrias, 118 pro, 0 contra

3. Ei concludiu da zavrar las nuorsas ils 16 d'october allas 8 ½.

Cun ina remarca pils quens dil pustretsch dil talper ei la vischnaunca vegnida serrada.

## 1900, ils 4 da november

Sut datum ha la vischnaunca definiu il sequent.

1. Ei vegniu votau giu sur las suandontas leschas:

a) Per la lescha da proporz tier l'elecziun dil Cussegli Naziunal cun 216 gie, negins contra.

b) Per la lescha d'elecziun dil Cussegli Federal entras il pievel cun 213 pro, 0 contra.

2. Ei vegniu legiu avon ils anteriurs protocols.

3. Fa il president attents ch'ei seigi scumandau da prender sablun giu **Rueras** sin prau d'Anselm Muggli.

4. Presenta il signur president in avis dil Cussegli Pign concernent la devastaziun dil "Borkenkäfer" en ils uauls ed ei signur "Förster" cun in dessignau leutier incaricaus d'inspectar nos uauls, schebein quels seigien era infectai da tals baus, per cass saver vegnir suenter allas ordinaziuns dil Cussegli Pign.

5. Concernent la via da **Gieppia** ei concludiu da refierer e schar intercurir suenter schebein ins sappi e co ei cunvegni da baghegiar tala via.

## 1900, ils 25 da november

Sut datum ei stau radunau vischnaunca e concludiu

1. da serrar arvè ils 2, marcau november, tut brattar tiers ei exclus.

2. Ei vegniu fixau ils ufficials per la dumbraziun dils habitants sin ils 30 da november 1900.

3. Ei vegniu fixau sco cautegias.

Per Maighels: Florin Venzin, giufen, da **Selva**.

Val Mila: Duri Vigieli Schmid.

Strem: statalter Falici Monn.

4. Ei sin general giavisch vegniu concludiu d'ameglierar la situaziun da nossas nuorsas concernent la tratga da quellas, sco era la pasculaziun e per tal intent elegiu ina cumissiun che duei elaborar ora in pareri per quei motiv e sin ils 9 da december duei quel vegnir suttamess alla approbaziun dalla vischnaunca.

5. Fa il president da saver che la vischnaunca stoppi uonn pagar il votau capital da 6000 frs. per la viafier sursilvana e declara la vischnaunca per serrada.

## 1900, ils 9 da decembre

Sut datum ein ils vischnins seradunai a **Sedrun** ed ei vegniu presentau il pareri concernent in uorden en nies raz ed ariguard la pasculaziun da nossas nuorsas, il qual ei vegnius approbaus e fixau da mettar si 50 raps per nuorsa per cuvierer las spesas u respectivs tscheins e pastur per l'**Alp Curnera** prida si per scadin diever da vischnaunca d'Emanuel Deragisch da **Bugnei**.

Duess ei ultra da quei fix prezi da 50 raps per nuorsa aunc esser in manco dil tscheins etc., sche paga la cassa da vischnaunca.

## 1900, ils 30 da decembre

Sut datum ei stau radunau vischnaunca per deliberaziun dil suandont.

En absenza da signur president ha la vischnaunca concludiu da

1. conceder al comite della Viafier Retica la cumpetenza d'instradar la vertenta questiun contra la vischnaunca da **Schluein** sin via da dretg sut las cundiziuns ch'ella vegni engraviada cun neginas spesas da process.

2. Ei vegniu mess avon in uorden per l'administraziun da nuorsas e suenter approbaziun da quel ein vegni eligi sco cautegias da nuorsas signur Gion Antoni Monn da **Sedrun** e gerau Gion Antoni Berther da **Rueras**.
3. Ei vegniu priu si sco nurser dalla stad per 1901 Albin Joseph Maria per la paga da 26 raps per nuorsa.



Tschun umens tuatschins naschi entuorn 1900. Da seniester Gion Battesta Berther-Peder (1897-1980), Baseli Huonder-Monn (1900-1977), Stiafen Fidel Hitz-Berther (1903-1981), Giachen Giusep Gamboni-Valier (1904-1971), Stiafen Cavegn-Berther (1898-1976)